

ମାର୍କ ଲିଖିତ ସୁସମାଚାର ମାର୍କ ଗୁଆରୁକ୍ତେ ନିମାଣ୍ଡା ସାମୁଆଁ ମାର୍କ ବଇ ବିସୟରେ ଉଠଡ଼ିକ୍ତିଗ୍ ସାମୁଆଁ

ଜିସୁ କ୍ରିଷ୍ଟୁନେ ଜିବନ୍ଦକେ ବର୍ଣ୍ଣନା ତିଙ୍ଗ୍ନେସା ମି ନିୟମ୍ ଅରିଆ ଅଁ କ୍ଲିଗ୍ ପୁସ୍ତକ୍ ବାନ୍ ମାର୍କ ଗୁଆରୁକ୍ତେ ନିମାଣ୍ଡା ସାମୁଆଁ ତିଙ୍ଗ୍ ତିଙ୍ଗ୍କେ ମୁଇଙ୍ଗ୍ । ମେଁ ସାପାରେକେ ନିମାଣ୍ଡା ସାମୁଆଁ ବାଲିର୍ ମ୍ୟାକେ ଜାନେ ଅର୍ତ୍ତ “ନିମାଣ୍ଡା କବର୍ ।” ଆଡେନ୍ଦ୍ ଜିସୁନେ ଗୁଏକ୍ତେ ବାନ୍ ମାଡିଉ, ମାର୍କ, ଲୁକ୍ ଆରି ଜହନ୍ନେ ବାନ୍ ଗୁଆର୍ ତିଂଲେଃକେ । ଅଁ କ୍ଲିଗ୍ ନିମାଣ୍ଡା ସାମୁଆଁବାନ୍ ମାର୍କ ଗୁଆରୁକ୍ତେ ନିମାଣ୍ଡା ସାମୁଆଁ ତିଙ୍ଗ୍ ତିଙ୍ଗ୍କେ ସାପାବାନ୍ ତାଆଁ । ଆକେନ୍ ତିଗ୍ ବିସ୍ବାସ୍ ତିଙ୍ଗ୍ଆର୍ଏ ଜେ ଆକେନ୍ ନିମାଣ୍ଡା ସାମୁଆଁବାନ୍ ସାପାବାନ୍ ପଏଲ୍ କିସ୍ଟାବ୍ଦ ଞ୍ଜିକ୍ତୁଡ଼ି ମାଲ୍ ଗୁଆ ବିଡ୍ରେ ଗୁଆର୍ ବକେ । ଜବର୍ ଗିଆନ୍‌ଣ୍ଡେ ବିସ୍ବାସ୍ ତିଙ୍ଗ୍ଆର୍ଏ ଜେ ରୋମ୍ ଅରିଆ ଲେଃକ୍ତେ କିସ୍ଟିୟାନ୍‌କେ ସାର୍ଦା ଆଡ଼ିଙ୍ଗ୍‌ସା ରୋମ୍‌ଅରିଆ ଆକେନ୍ ଗୁଆର୍ ବଆର୍କେ । ମାର୍କ ଜାଣ୍ଡେ କି ଜହନ୍ ମାର୍କ ମ୍ନିରେ ମ୍ୟାଲେଃଆକେ ମେଁ ପାଉଲ୍ ଆରି ବର୍ଣ୍ଣବାନେ ସାଙ୍ଗ୍‌ଡେ ଲେଃଗେ ମାଡର୍ ଉଡ଼ିବେଲା ମେଁ ଆମେଇଂକେ ମିସ୍ନାରି କାମ୍‌କେ ଆନ୍ତାର୍ତେ ପାଙ୍ଗ୍‌କେ ଆଡେନ୍‌ବେଲା ମେଁନେ ଜିବନ୍ ନ୍ନିଆ ଦୁକ୍ କସ୍ ପିଙ୍ଗ୍‌ଟାକେ ପ୍ରେରିଡ୍ ୧୩:୧୩ । ଇଡ଼ିଂଡେ ବେଲା ମାର୍କ ଆରି ମୁଇଙ୍ଗ୍ ତର୍ ବର୍ଣ୍ଣବାନେ ଏଡେ କାମ୍ ତିଙ୍ଗ୍ଆର୍କେ ପ୍ରେରିଡ୍ ୧୫:୩୭-୩୯ । ମାର୍କ ତିଗ୍ ପିତର୍‌ନେ ମୁଇଙ୍ଗ୍ ଅସେନେ ମିଡ୍‌ମାସ୍ଦ୍ ସୁଗୁଆ ସ୍ନାମୁଆଁ ଲେଃଗେ ୧ ପିତର୍ ୫:୧୩ । ଜଦି ତିଙ୍ଗ୍ ମାର୍କ ମୁଇଙ୍ଗ୍ ଜିସୁନେ ଜିବନ୍‌ନେ ସାପା ସାକି ଆଲେଃଲା ତିଲାଡ଼ିଗ୍ ଖାନ୍‌ଇଙ୍ଗ୍ ବିସ୍ବାସ୍ ତିଙ୍ଗ୍‌ମ୍ୟାକେ ଜେ ମେଁ ପିତର୍‌ନେ ସାକି ଆଡାଡା ଆସାତେ ନିଜେନେ ନିମାଣ୍ଡାସାମୁଆଁ ଗୁଆର୍ ବକେ ।

ନିମାଣ୍ଡା ସାମୁଆଁ ଅରିଆ ମାର୍ଚ୍ଚକ ସିସ୍ତେ^୧ ଆରି ଜିବନ୍ ତାନେ ବେଲା ବିସୟରେ ଜିସୁକେ ସିକ୍ୟା ଆଡ଼ାଡ଼ା ଇକଟା ଡିଙ୍ଗିତେ ବେକେ । ମାର୍ଚ୍ଚକ ଆକେନ୍ ପୁସ୍ତକ ଅରିଆ ଜିସୁ କ୍ରିଷ୍ଟକେ ମୁଇଙ୍ଗ ଦରମ୍ ଦାସ୍ ଆରି ପରମେସରନେ ଇକଟାକେ ପୁରନ୍ ଆଡିଙ୍ଗ ନ୍‌ସା ସାପାବେଲେ ତିଆର୍ ଡିଙ୍ଗିଲେଃନେ ପ୍ରିଅ ଉଙ୍ଗତେ ସୁଗା ସାମାଦାନ୍ ଆଡିଙ୍ଗବକେ ଆଡେନ୍‌ସା ମେଁ ସାମୁଆଁରେ ଜିସୁନେ ଇରିଆଡୁଗ୍ ମ୍ଲେ ସାମୁଆଁରେ ଗୁଆର୍ ମ୍ୟାକେ । ସାରାସାରି ମେଁ ସାପା ମଞ୍ଚପୁର୍ ଅରିଆ ନିମାଣ୍ଡା ସାମୁଆଁ ଡିଙ୍ଗିନେ ମ୍ଲା ଆଦେସ୍ ଏଡେ ଆକେନ୍ ନିମାଣ୍ଡା ସାମୁଆଁ ଗୁଆର୍କ୍ଲେ ବନ୍ ଆଡିଙ୍ଗକେ ।

ସାସ୍ତର ବିତ୍ରେ ଲେଃକେ ସାମୁଆଁକ^୧

୧. ଦିକ୍ୟାଣ୍ଡେ ଜହନ୍ ଆରି ଜିସୁନେ ତୁବନ୍ । ୧:୧-୧୩
୨. ଗାଲିଲୀନ୍ନିଆ ଜିସୁନେ ସେବା କାମ୍ । ୧:୧୪; ୯:୫୦
୩. ଯିରୁସାଲମ୍ ଅରିଆ ଜିସୁନେ ଖେନେ ଆରି ମନ୍ଦିର୍ ନ୍ନିଆ ଗିଃଗାଃନେ । ୧୦:୧-୫୨
୪. ଜିସୁନେ ସାମୁଆଁ । ୧୩:୧-୩୭
୫. ଜିସୁ ଗୁଏଃନେ ତଃଡିଆନେ ଆରି ମ୍ଲା ଆଦେସ୍ । ୧୪:୧-୧୦; ୧୬:୯-୨୦

ଦିକ୍ୟାଣ୍ଡେ ଜହନ୍‌ନେ ପରଚାର୍ /

(ମାଡିଉ ୩:୧-୧୨; ଲୁକ୍ ୩:୧-୧୮; ଜହନ୍ ୧:୧୯-୨୮)

^୧ ଆକେନ୍ ଇସପରନେ ଉଙ୍ଗତେ ଜିସୁ କିସ୍ତନେ ନିମାଣ୍ଡା ସାମୁଆଁ ଆରାମ୍ ତି^୧କେ । ^୨ ବାବବାଦି ଯିଶାଇୟନେ ସାସ୍ତରନ୍ନିଆ ଗୁଆର୍ ବକେ ।

ଇସପର ବାସଙ୍ଗକେ,

“ପେ ଆଡୁଲା ଗାଲି ତିଆର୍ ଡିଙ୍ଗିନ୍‌ସା ନେଙ୍ଗନେ ଦୁଡକେ ସେନୁଗ୍ ମ୍ଲେଏ ।

୩ ବାଲିଲନ୍ନିଆ ମୁଇଙ୍ଗା କିରତେ ବାସଙ୍ଗତି^୧କେ;

ମାପୁ ନ୍‌ସା ଗାଲି ତିଆର୍ ଡିଙ୍ଗିପା;

ମେଁ ପାଙ୍ଗନେ ଗାଲି ସିଦା ଆଡିଙ୍ଗପା ।”

^୪ ଆଡେନ୍ ଅନୁସାରେ ତୁବନ୍ ବିଃଣ୍ଡେ ଜହନ୍ ଲଣ୍ଡିଆଃପାକା ପାଙ୍ଗତେ ପରଚାର୍ ତି^୧କେ ବାରି ତୁବନ୍ ବିଃନେ ମୁଲେକେ । ମେଁ

ରେମୁଆଁଙ୍କେ ବାସଙ୍ଗତିଂଗେ, “ନିଜର୍ ନିଜର୍ ପାପ୍‌ବାନ୍ ଆଣ୍ଡେପା ବାରି ତୁବନ୍ ତୁଂତଲାପା । ତେଲା ଇସପର୍ ପେନେ ପାପ୍ କେମା ତିଂଏ ।”^୫ ଜିଉଦା ପ୍ରଦେସ ଆରି ଯିରୁଶାଲମ୍ ସହର୍‌ବାନ୍ ଜାବର୍ ରେମୁଆଁ ଜହନ୍ ବାସଙ୍ଗଙ୍ଗେ ସାମୁଆଁ ଅନ୍‌ସା ପାଙ୍ଗ୍‌ଆରକେ । ମେଇଂ ନିଜର୍ ନିଜର୍ ପାପ୍ ସିକାର୍ ତିଙ୍ଗ୍‌ରେ ବାରି ଜହନ୍ ଆମେଇଂକେ ଜର୍ଦନ୍ କେଣ୍ଡିଆନ୍ନିଆ ତୁବନ୍ ତୁଂତ ଆରକେ ।

^୬ ଜହନ୍ ଉର୍ ଉକ୍‌ସାନେ ସକା ସଃତିଂଗେ ଆରି ନସାନ୍ନିଆ ଉକ୍‌ସାନେ ଗ୍ଲେଗ୍‌ସାଃ ଗାଗ୍ ତିଙ୍ଗେ । କ୍ୟାରବ ସ୍ଲାଃନେ ତୁତୁ ଆରି କଣ୍ଡା ଝୁଙ୍ଗ୍ ମେଁନେ କାଦି ଲେଃଃଗେ ।^୭ ଜହନ୍ ଖାସାର୍‌ରେ ବାସଙ୍ଗକେ, “ନେଙ୍ଗ୍‌ବାନ୍ ଜାଣ୍ଡେ ଜାବର୍ ବପୁ ରେମୁଆଁ ପାଙ୍ଗ୍‌ତିଂକେ, ନେଙ୍ଗ୍ ମେଁନେ ଜୁତା ତୁତଃନେ ଆନେଙ୍ଗ୍ ଯଗ୍ୟ ଶୁୁ” ।^୮ ନେଙ୍ଗ୍ ଆପେକେ ଶ୍ରିଆନ୍ନିଆ ଦିକ୍ୟା ବିଃତିଂକେ ମାତର୍ ମେଁ ଆପେକେ ପବିତ୍ର ଆମ୍‌ ବାନ୍ ଦିକ୍ୟା ବିଏ ।

ଜିସୁନେ ଦିକ୍ୟା ଆରି ପରିକ୍ୟା /

(ମାତିଉ ୩:୧୩; ୪:୧୧; ଲୁକ୍ ୩:୨୧-୨୨; ୪:୧-୧୩)

^୯ ଆତେନ୍ ବେଲା ଜିସୁ ଗାଲିଲୀନେ ନାଜରିତବାନ୍ ପାଙ୍ଗ୍‌ରେ ଜର୍ଦନ୍ ଲଣ୍ଡିଆଃନିଆ ଜହନ୍‌ବାନ୍ ତୁବନ୍ ତିଙ୍ଗ୍‌କେ ।^{୧୦} ଜିସୁ ଲଣ୍ଡିଆଃବାନ୍ ତାର୍‌କେ ବେଲା କିତଙ୍ଗ୍‌ଇନି ମେଲା ତିଂକେ । ମେଁ କେକେ ଜେ ପବିତ୍ର ଆମ୍‌ ମେଁନେ ଆଡାଡା କୁକୁର୍‌ୟାଃ ରକମ୍ ଜାରକେ କେକେ ।^{୧୧} କିତଙ୍ଗ୍‌ ଇନି ବାନ୍ ଆକେନ୍ ସାମୁଆଁ ନାଙ୍ଗ୍‌କେ “ନା ନେଙ୍ଗ୍‌ନେ ନିଜର୍ ଗଡେଅ ନା ଅରିଆ ନେଙ୍ଗ୍‌ନେ ଜବର୍ ସାଦା ।”

^{୧୨} ଆଡବାନ୍ ପବିତ୍ର ଆମ୍‌ ଜିସୁକେ କଣ୍ଡାନ୍ନିଆ ତୁଂଖେକେ ।^{୧୩} ଜିସୁ ଆଡଅରିଆ ମ୍ପାରକ୍‌କୃତି ସ୍ଥି ଜାକ କଣ୍ଡାନେ ପସୁ ଏଃଡେ ଲେଃଃଗେ । ଆଡଅରିଆ ମେଁ ସଏତାନ୍‌ବାନ୍ ପରିକିତ ତିଙ୍ଗ୍‌କେ । ଇଡିଙ୍ଗ୍ କିତଂଇନିନେ ଦୁଡ଼ଇଂ ପାଙ୍ଗ୍‌ରେ ଜିସୁନେ ଜତନ୍ ତିଙ୍ଗ୍‌ଆରକେ ।

ଜିସୁ ଅଣ୍ଡୁଆ ଆଃଡ ସାଃଣ୍ଡେକେ ଖାକେ /

(ମାତିଉ ୪:୧୨-୨୨; ଲୁକ୍ ୪:୧୪-୧୫; ୫:୧-୧୧)

☆ ୧:୧୧ ୧:୧୧ ମାତିଉ ୩:୧୭; ୧୨:୧୮; ମାର୍ଚ୍ଚକ ୯:୭; ଲୁକ୍ ୩:୨୨.

୧୪ ଏନ୍ ଇଡ଼ିଂ ଜହନ୍‌କେ କଏଦ୍ ତୁଆ ଆଃଗାନ୍‌କେ ଇଡ଼ିଂ । ଜିସୁ ଗାଲିଲୀ ଏରିୟାବାନ୍ ପାଙ୍ଗରେ ଆରି ମେଁ ଇସ୍‌ପର୍‌ନେ ନିମାଣ୍ଡା ସାମୁଆଁ ବାସଙ୍ଗନେ ଲାଗେକେ । ୧୫ ✠ଜିସୁ ବାସଙ୍ଗନେ ମୁଲେକେ “ବେଲା ତା ଡିଙ୍ଗକେ, ଇସ୍‌ପର୍‌ନେ ରାଜି ତାଗ୍ରା ପିଙ୍ଗଟାଡ଼ିଂକେ ପାପବାନ୍ ମନ୍‌କେ ଆବଦ୍‌ଲେ ବିଷପା ନିମାଣ୍ଡା ସାମୁଆଁକେ ବିସ୍‌ବାସ୍ ଡିଙ୍ଗପା ।”

୧୬ ଜିସୁ ଗାଲିଲୀନେ କେଣ୍ଡିଆଃ ଆଃଡ଼ାଃ ବିଷତେ ଝେକ୍‌କେ ବେଲା ଶିମୋନ୍ ଆରି ମେଁନେ ବୟାଣ୍ଡେ ଆନ୍ଦ୍ରିୟକେ କେଣ୍ଡିଆଃ ତାଗ୍ରା ଜାଲ୍ ତାଲାଗ୍‌ଡ଼ିଂକେ କେକେ । ତାଗ୍ରା ମେଇଂ ଆଃଡ଼ ସାଃଣ୍ଡେ ଲେଃଆରଗେ । ୧୭ ଜିସୁ ଆମେଇଂକେ ବାସଙ୍ଗକେ, “ପେ ସାପାରେ ନେଙ୍ଗ୍ ଏତେ ପାଙ୍ଗଲାପା, ନେଙ୍ଗ୍ ଆପେକେ ମାପୁନେ ଗାଲିପାକା ରେମୁଆଁଇଂକେ ତୁଂପାଙ୍ଗନେ ଶ୍ଵାସିକେଏ ।” ୧୮ ତେଲା ଶିମୋନ୍ ଆରି ଆନ୍ଦ୍ରିୟ ମେଇଂନେ ଜାଲ୍ ଆନ୍ତାର୍‌ରେ ଜିସୁନେ ପ୍ଲା ଝେଆରକେ ।

୧୯ ଆରି ମେଁ ଉଡ଼ି ସ୍ଟରକମ୍ ଝେତେ ଜେବଦୀନେ ଉଙ୍ଗଡେ ଜାକୁବ୍ ଆରି ମେଁନେ ବୟା ଜହନ୍‌କେ ତରା ଅରିଆନେ ଜାଲ୍ ପାଗ୍ରାଗ୍ରା ଡିଙ୍ଗକେ କେକେ । ୨୦ ଜିଆ ଜିଆ ମେଁ ଆମେଇଂକେ ଝାକେ । ମେଇଙ୍ଗନେ ଆବାଡେ ଜେବଦୀକେ କୁଲିରେ ଏଃତେ ତରାନ୍ନିଆ ଆନ୍ତାର୍‌ରେ ଜିସୁନେ ପ୍ଲା ଝେଆରକେ ।

ଜିସୁ ଗାଲିଆ ସାକ୍‌କେ ରେମୁଆଁକେ ନିମାଣ୍ଡା ଆଃଡ଼ିଙ୍ଗକେ (ଲୁକ୍ ୪:୩୧-୩୭)

୨୧ ଇଡ଼ିଙ୍ଗ୍ ଜିସୁ ଆରି ସିସ୍‌ଇଂ କପର୍‌ନାହୁମ୍ ଅରିଆ ଝେଆରକେ । ଜିଉଦିଇଙ୍ଗନେ ପୁଣ୍ଡେନେ ଦିନା ଜିସୁ ଜିଉଦିଇଙ୍ଗନେ ପାର୍‌ତନା ତୁଆ ଝେଆରକେ ଆଡ୍ ଅରିଆ ରେମୁଆଁଇଂକେ ସିକ୍ୟା ବିଷନେ ମୁଲେକେ । ୨୨ ଜିସୁନେ ଗିଆନ୍ ଅଁତେ ଆଡେନ୍ ରେମୁଆଁଇଂ ବକ୍ତୁଆ ଡିଙ୍ଗ୍ ଆରକେ । ଜିସୁ ଆମେଇଂକେ ଦର୍ମ୍ ଗୁରୁଇଂ ରକମ୍ ଗିଆନ୍ ମାବିତେ ମୁଇଂ ନେତା ବାଲେଃକ୍‌କେ ରେମୁଆଁ ରକମ୍ ଗିଆନ୍ ବିଃ କି ।

୨୩ ଜିସୁ ଜିଉଦିଇଙ୍ଗନେ ପାର୍‌ତନା ତୁଆ ନ୍ନିଆ ଲେଃକ୍‌କେ ବେଲା ଆଡ୍ ଅରିଆ ଦେଡ୍‌ରକମ୍ ମୁଇଙ୍ଗ୍ ରେମୁଆଁ ଲେଃଗେ । ଜାଣ୍ଡେନେ

ଗାଗଡ଼େ ଗଲିଆ ଗାଲେଃକେ । ଆତେନ୍ ରେମୁଆଁ କିରତେ ବାଲିରକେ । ^{୨୪} ଏ ନାଜରିତୀୟ ଜିସୁ “ନାଁ ଏଃତେ ନେଙ୍ଗନେ ମେଃ କାମ୍ ଲେଃକେ ? ପେ ମେଁନେ ଆନେକେ ଦଂସ ଆଡ଼ିଙ୍ଗ୍ ନସା ପାଙ୍ଗ୍ ପେଲେକେ ? ନାଁ ଜାଣ୍ଟେ ନେଙ୍ଗ୍ ଆତେନ୍ ମ୍ୟା ଲେକେ । ନାଁ ଇସ୍ପରନେ ପବିତ୍ର ରେମୁଆଁ !”

^{୨୫} ଜିସୁ ଆମେକେ ଦମ୍କେତେ ବାସଙ୍ଗ୍କେ, “ବୁଙ୍ଗ୍ ଲାଃଲା ଆକେନ୍ ରେମୁଆଁ ବିତ୍ତେବାନ୍ ତାର୍ ଝେଲା ।”

^{୨୬} ଗଲିଆ ରେମୁଆଁକେ ଲାଃଜୁର୍ ବିକେ । ଇଡ଼ିଙ୍ଗ୍ ମେଁ ମାଲେ କିରତେ ଆତେନ୍ ରେମୁଆଁ ବିତ୍ତେ ବାନ୍ ତାର୍ଡକେ । ^{୨୭} ଆକେନ୍ କେତେ ରେମୁଆଁଇଙ୍ଗ୍ ବକ୍ତୁଆ ଡିଙ୍ଗ୍ ଝେ ଆରଗେ । ମେଇଙ୍ଗ୍ କୁଡ଼େତେ ବାଲିର୍ବାତାନେ ଲାଗେକେ, “ଏନ୍ ମେଁନେ ? ଆକେନ୍ ରେମୁଆଁ ଆନେକେ ମିନେ ଗିଆନ୍ ବିଃ ଡିଙ୍ଗ୍କେ ? ମେଁ ଗଲିଆଇଂକେ ଡିଗ୍ ଆଦେସ୍ ବିଡ଼ିଙ୍ଗ୍କେ ଆରି ଗଲିଆଇଂ ମେଁନେ ସାମୁଆଁ ମାନେଃ ଡିଙ୍ଗ୍କେ !”

^{୨୮} ତେଲା ଜିସୁନେ ସାମୁଆଁ ଗାଲିଲା ଏରିଆ ସାପାପାକା ଟାପ୍ନା କବର୍ ଝେରାକେ ।

ଜିସୁ ଗୁଲୁଏ ରେମୁଆଁକେ ନିମାଣ୍ଡା ଆଃଡ଼ିଙ୍ଗ୍କେ /
(ମାଡ଼ିଡ ୮:୧୪-୧୭; ଲୁକ୍ ୪:୩୮-୪୧)

^{୨୯} ଜିସୁ ଆରି ସିସ୍ଇଙ୍ଗ୍ ପାର୍ଡନା ତୁଆବାନ୍ ତାର୍ତେ ଜାକୁବ୍ ଆରି ଜହନ୍ ଏଃତେ ଶିମୋନ୍ ଆରି ଆନ୍ଦ୍ରିୟନେ ତୁଆ ଝେଆରକେ । ^{୩୦} ଶିମୋନ୍ନେ ଆତାଡ଼େ ଆଃସାବାତେ ସିଙ୍ଗ୍ଲାନ୍ନିଆ ତୁଲେଗ୍ଲେଃଗେ । ତେଲା ଆଡ଼ ଅରିଆ ଲେଃକେ ରେମୁଆଁଇଂ ଜିସୁକେ ମେଁନେ ସାମୁଆଁରେ ବାସଙ୍ଗ୍ ଡିଙ୍ଗ୍ଗେ । ^{୩୧} ଜିସୁ ମେଁନେ ସିଙ୍ଗ୍ଲା ଅରିଆ ଝେକେ । ଆକେନ୍ ଦାପ୍ତେ ଜିସୁ ମେଁନେ ତ୍ରି ସାତେ ଆଡ଼ତ୍ୟାକେ । ଆମେକେ ସାଃବା ଆନ୍ତାରକେ ଆରି ମେଁ ନିମାଣ୍ଡା ଡିଙ୍ଗ୍ଝେଗେ । ଇଡ଼ିଙ୍ଗ୍ ମେଁ ଆମେଇଂକେ ସେବା ଡିଙ୍ଗ୍ଆରକେ ।

^{୩୨} ସ୍ତ୍ରୀ ଲଗନେ ଇଡ଼ିଙ୍ଗ୍ ରେମୁଆଁଇଙ୍ଗ୍ ଜବର୍ ଆଃସିଲେକ୍ତେ ରେମୁଆଁକେ ଆରି ଗଲିଆ ସାଃଲେକ୍ତେ ରେମୁଆଁଇଙ୍ଗ୍କେ ଜିସୁନେ ତାଗ୍ରା ତୁଂପାଙ୍ଗ୍ଆରକେ ।

୩୩ ଇନିନେ ସାପା ରେମୁଆଁ ଆତେନ୍ ତୁଆନେ ବାଜାର୍ ଡାଗ୍ରା ରିସିଙ୍ଗ୍ ଆରକେ । ୩୪ ବିନ୍‌ବିନ୍ ରକମ୍ ରଗ୍ ସାଃଲେକ୍ସେ ଗୁଲେ ରେମୁଆଁକେ ଜିସୁ ନିମାଣ୍ଡା ଆଡିଙ୍ଗକେ । ମେଁ ଗୁଲେ ଗଲିଆଇଂକେ ଆଃଡ୍ରାକେ ଆରି ମେଁ ଗଲିଆଇଂକେ ବାଲିର୍ ନ୍‌ସା ଆବିଃକେ ଶୁ ମାତର୍ ମେଇଂ ଆମେକେ ସାମୁଆଃ ଲେଃଃଗେ ।

ଗାଲିଲୀନ୍ନିଆ ଜିସୁନେ ପର୍ଚାର୍
(ଲୁକ୍ ୪:୪୨-୪୪)

୩୫ ଆରି ମୁଇଙ୍ଗ୍ ଦିନା ତାଂକିଗ୍ ଲେଃକେଲା ଜିସୁ ତଡିଆରେ ରେମୁଆଁ ଗଣ୍ଡୁ ଶୁବୁନ ଜାଗାନ୍ନିଆ ଝେକେ । ଆଡ୍ ଅରିଆ ମେଁ ପାର୍ତନା ଡିଙ୍ଗନେ ଲାଗେକେ । ୩୬ ଇଡିଙ୍ଗ୍ ଶିମନ ଆରି ମେଇଙ୍ଗ୍ ସାଙ୍ଗଡେଇଙ୍ଗ୍ ଜିସୁକେ ତୁତୁରନେ ଝେଆରକେ । ୩୭ ମେଇଙ୍ଗ୍ ଜିସୁକେ ଅବାରେ ଆରି ଆମେକେ ବାସଙ୍ଗ୍‌ଆରକେ, “ସାପାରେ ଆନାକେ ତୁତୁର୍ ଡିଙ୍ଗ୍ ଆରକେ ।”

୩୮ ଡାଗ୍‌ଲା ମେଁ ଆମେଇଂକେ ବାସଙ୍ଗ୍‌କେ, “ଏଲାପା ନେଙ୍ଗ୍ ବିନ୍ ଜାଗାନ୍ନିଆ ଲେଃକେ ଇନି ଆନେଃକେ ଝେନେ ପଡେଏ । ଆଡ୍‌ଅରିଆ ଡିଗ୍ ନେଙ୍ଗ୍ ମ୍ବାସଙ୍ଗ୍‌ଏ, ନେଙ୍ଗ୍ ଆତେନ୍ ଉଦେସ୍‌ରେ ତାର୍‌ଲେଃକେ ।”

୩୯ ଆରି ମେଁ ଗାଲିଲୀନେ ସାପା ଏରିଆ ଅଲେଙ୍ଗ୍‌ରେ ମେଇଂନେ ସାପା ପାର୍ତନା ତୁଆନ୍ନିଆ ବାସଙ୍ଗ୍‌ଆରକେ ଆରି ଗଲିଆଇଂକେ ଆଃଆଡ୍ରାଆରକେ ।

ମୁଇଂ କୁଷ୍ଟ ରଗି ନିମାଣ୍ଡା ଡିଂକେ
(ମାତିଡ ୮:୧-୪; ଲୁକ୍ ୫:୧୨-୧୬)

୪୦ ମୁଇଂ କୁଷ୍ଟରଗି ଜିସୁ ଡାଗ୍ରା ପାଙ୍ଗରେ ଛିକେ ଜଡେରେ ଆମେକେ ବିକ୍ୟା ଡିଙ୍ଗ୍‌ରେ ବାସଙ୍ଗ୍‌କେ, “ନା ଜଦି ଇକ୍‌ତା ନାଡିଙ୍ଗ୍‌ଏ” ତେଲା ଆନେଙ୍ଗ୍‌କେ ନିମାଣ୍ଡା* ନାରାଡିଙ୍ଗ୍‌ଏ ।

୪୧ ଆତେନ୍ ରେମୁଆଁ ଆଡାଡ୍ରା ଜିସୁ ଲିବିସଃ ଡିଂରେ ମେଁ ଛି ଲିଗ୍‌ରେ ବାସଙ୍ଗ୍‌କେ, “ନେଙ୍ଗ୍ ଇକ୍‌ତା ଡିଙ୍ଗ୍‌ଣିଂକେ ନାଁ ନିମାଣ୍ଡା ଡିଙ୍ଗ୍‌ଝେଲା !” ୪୨ ଏହେନ୍ ଦାପ୍ରେ ମେଁନେ କୁଷ୍ଟରଗ୍ ବ'ଝେଗେ ଆରି ମେଁ ନିମାଣ୍ଡା

* ୧:୪୦ ୧:୪୦ କୁଷ୍ଟ ରଗ୍ ନ୍‌ସା ମୁଇଙ୍ଗ୍ ଜିଉଦି ରେମୁଆଁ ଇସପରନେ ପାର୍ତନା ଡିଙ୍ଗ୍ ଆୟାକେ ଡାଗ୍ରା କୁଷ୍ଟରଗ୍‌କେ ଜିଉଦିଙ୍ଗ୍ ଆବୁଲେ ଡାଗ୍‌ରେ ମନେ ବାବେଡିଙ୍ଗ୍ ଆରକେ

ଡିଙ୍ଗ୍ ଖେଗେ । ୪୩ ଜିସୁ ରେମୁଆଁଙ୍କଠାରେ ତାଟାମ୍ ବାବରେ ଆଦେସ୍ ବିଚେ ଟାପ୍‌ନା ବେ ବିଃକେ । ୪୪ ତରକ୍ ଲାଲା, “ଆଜାଡିଗ୍ ମେଁନେ ଆବାସଙ୍ଗେ ତାଗ୍‌ଲା ଖେଲା ପୁଜାରି ତାଗ୍ରା ଖେଚେ ନିଜର୍ ଗାଗ୍‌ଡେ ଆଃସୁଏ ଆରି ମୋଶା ମେଃମେଃନେ ଆଦେସ୍ ବିଃବକେ, ଆଡେନ୍ ସାପା ନାନେ ଇକ୍‌ଟାରେ ମେଇଁନେ ତାଗ୍ରା ସାକି ବିନେସା ବେଦିନ୍ନିଆ ଦାନ୍ ବିଃ ।”

୪୫ ରେମୁଆଁ ଆଡେନ୍ ଜାଗା ଆନ୍ତାଚେ ତାର୍ ଖେଗେ ଆରି ଆଜାକେ କେକେ ଆମେକେ ବାସଙ୍ଗକେ, “ଜିସୁ ଆନେଙ୍ଗକେ ନିମାଣ୍ଡା ଆଡିଙ୍ଗ୍ ବିଃବକେ । ତେଲା ଜିସୁନେ ସାମୁଆଁ ସାପା ପାକା ବେପ୍ରେ ଖେଗେ । ମାତର୍ ରେମୁଆଁ ମାରିଆଃ କେଚେ ଲାଗ୍‌ତଆରଏ, ମାତର୍ ଜିସୁ ଆଣ୍ଡିନେ ଏରିଆ ଖେ ଆୟାକେ ଶୁ ତେନ୍‌ସା ମେଁ ରେମୁଆଁଗ୍‌ଣ୍ ଶୁବୁନେ ଗାନ୍‌ଇନ୍ନିଆ ଲେଃଗେ । ମାତର୍ ସାପା ରେମୁଆଁଙ୍କଙ୍ ଜିସୁ ତାଗ୍ରା ପାଙ୍ଗନେ ଲାଗେକେ ।

୨

ମୁଇଁ ପକ୍ଷାଗାଡ୍ ରଗି ନିମାଣ୍ଡା ତିଁକେ

(ମାତିଡ ୩:୧୩; ୪:୧୧; ଲୁକ୍ ୩:୨୧-୨୨; ୪:୧-୧୩)

୧ ଉଡିସି ଇଡିଙ୍ଗ୍ ଜିସୁ କପର୍ନାହୁମ ଅରିଆ ଆଣ୍ଡେ ଖିଗ୍‌କେ । ଜିସୁ ତୁଆ ଖିଗ୍‌ଗେ ତାଗ୍‌ଚେ ଉଡ୍ରା ଡିଙ୍ଗ୍‌ଖେଗେ । ୨ ଗୁଲେ ରେମୁଆଁ ଜିସୁନେ ସାମୁଆଁ ଦ୍ରିଗ୍‌ନ୍‌ସା ରିସିଙ୍ଗ୍ ଆରକେ । ତୁଆ ଲେଃ ବାଜାର୍ ଆଣ୍ଡିଅରିଆ ଡିଗ୍ ତୁଆନ୍‌ସା ଟାନ୍ ଆଲେଃକେ ଶୁ ଜିସୁ ରେମୁଆଁଙ୍କଙ୍‌ନେ ଅରିଆ ବାଇର୍‌ନେ ମୁଲେକେ । ୩ ଆଡେନ୍ ବେଲା ଉଡି ରେମୁଆଁ ମେଁ ତାଗ୍ରା ମୁଇଙ୍ଗ୍ ପକ୍ଷାଗାଡ୍ ଡିଙ୍ଗ୍‌ଲେଃକେ ରେମୁଆଁକେ ତୁଁପାଙ୍ଗ୍‌ଆକେ । ରଗିକେ ଅଁଣ୍ଡୁଆ ରେମୁଆଁ ତୁଁ ରାଙ୍ଗ୍‌ପାଙ୍ଗ୍‌ଆରକେ । ୪ ରେମୁଆଁ ଜାବର୍ ଗହଲି ଡିଙ୍ଗ୍‌ଖେଲେଃଲା ମେଁଇଙ୍ଗ୍ ରଗିକେ ଜିସୁନେ ତାଗ୍ରା ତୁଁପାଙ୍ଗ୍ ଆୟାଆରକେ ଶୁ । ତେସା ମେଁଇଙ୍ଗ୍ ଜିସୁ ଲେକ୍‌କେ ତୁଆନେ ରେସାଁ ଆପ୍‌ଗ୍‌ଚେ ଆରି କର୍‌ନ୍ନିଆ ତୁଲେଗ୍‌ଲେଃକେ ପକ୍ଷାପାତ ରଗିକେ ଆଡେନ୍ ପ୍‌ଗ୍ ପାକା ଜିସୁ ଲେଃକେ ଟାନ୍‌ଅରିଆ ବୁନ୍ଦେ ଆଃଜାର୍ ବିଆରକେ । ୫ ଜିସୁ କେକେ ଜେ, ଆଡେନ୍ ରେମୁଆଁଙ୍କଙ୍‌ନେ ଜାବର୍ ବିସ୍‌ବାସ୍ ଲେଃକେ । ତେଲା ଜିସୁ ପକ୍ଷାଗାଡ୍ ରେମୁଆଁକେ

ବାସଙ୍ଗକେ, “ଅ ଗଡ଼େଅ, ନାଁନେ ପାପଇଂ କେମା ଆଃଡ଼ିଙ୍ଗ ଦ୍ଵିଃଗେ
।”

୬ ଆଡ଼ଅରିଆ କଲେଃଆରକ୍ଠେ ଉଃଡ଼ିରୁଆ ଦର୍ମ ଗୁରୁ ଆକେନ୍
ଅଁରେ ମନେ ମନେ ବାଇର୍ ବାତା ଆରକେ । ୭ “ଆକେନ୍ ରେମୁଆଁ
ଦେକ୍‌ରକମ୍ ବାଲିର୍‌ବାତା ମେଃନ୍‌ସା ତିଙ୍ଗକେ ? ମେଁ ଇସ୍‌ପରନେ
ବିରଦ୍‌ରେ ଦସ୍ ତିଙ୍ଗଆକେ ! ଇସ୍‌ପରକେ ଆଡ଼ାରଲା ପାପ୍ କେମା
ତିଂନେ ବିନ୍ ଜାଡ଼ିଗ୍ ଆୟାଆର୍ ଶୁ ?”

୮ ଦର୍ମ ଗୁରୁଇଂ ମେଁନେ ସାମୁଆଁରେ ବାବେଡ଼ିଙ୍ଗକେ ଡାଗ୍‌ରେ ଜିସୁ
ଆମ୍‌ବାନ୍ ମ୍ୟା ଜଗ୍‌ଗ୍‌ଗକେ । ତେଲା ଜିସୁ ଆମେଇଂକେ ବାଲିର୍‌କେ,
“ପେ ସାପାରେ ବିଡ୍ରେ ଏନ୍ ସାପା ସାମୁଆଁ ମେଃନ୍‌ସା ବାଲିର୍‌ବାତା
ତିଂପେଡ଼ିଂକେ ।” ୯ ଏନ୍ ପକ୍ଷାଗାଡ଼ ରଗ୍‌କେ ନାନେ ପାପ୍ ସାପା କେମା
ତିଂମିଗେ ଡାଗ୍‌ରେ ବାସଙ୍ଗକେ ସଅଜ୍ ଲେଃ ଡ଼ଡ଼ିଆ ନାନେ କର୍ ସାଚେ
ଝେଲା ଡାଗ୍‌ନେ ସଅଜ୍ ? ୧୦ ଡାଗ୍‌ଲା ମଞ୍ଚପୁରନେ ପାପ୍ ଲିବିସଃ
ଡ଼ିଙ୍ଗନେସା ରେମୁଆଁ ଉଙ୍ଗଡେ ଜେ ନେଙ୍ଗ୍ ଆକେନ୍ ନେଙ୍ଗ୍‌ନେ
ଅଦିକାର୍ ଲେଃକେ । “ଆକେନ୍ ନେଙ୍ଗ୍ ପାର୍‌ମାନ୍ ତିଙ୍ଗଇଂୟାଏ ।”
ଆଡ଼ବାନ୍ ଜିସୁ ପକ୍ଷାଘାତ ରଗ୍ ରେମୁଆଁକେ ବାସଙ୍ଗକେ । ୧୧ “ନେଙ୍ଗ୍
ଆନାକେ ବାସଙ୍ଗ୍ ଶ୍ଵିଙ୍ଗକେ ଡ଼ଡ଼ିଆ ସିଙ୍ଗଲା ସାଚେ ଆରି ତୁଆ ଝିଗ୍‌ଲା
।”

୧୨ ଆଡେନ୍ ଦାପ୍ରେ ପକ୍ଷାଘାତ ରେମୁଆଁ ତୁଆଁକେ । ସିଙ୍ଗଲା ସାଚେ
ଆରି ତୁଆ ବିଡ୍ରେବାନ୍ ବାଜାର୍ ଡାଗ୍‌ରେ । ସାପା ରେମୁଆଁ ଆମେକେ
କେ ଆରକେ । ମେଁଇଙ୍ଗ୍ ଇରିଆଃଡୁଗ୍ ଝେଆରଗେ ଆରି ଇସ୍‌ପରନେ
ଅସ୍‌ମାର୍ ସାର୍‌ଆରକେ । ମେଁଇଙ୍ଗ୍ ବାଲିର୍‌ଆରକେ, “ନେ ସାପାରେ
ଦେଃକେନ୍ ଇରିଆଃଡୁଗ୍ ଗର୍‌ନା ଅଃନାଡ଼ିଗ୍ କେ ନେଲେଃଗେ ଶୁ ।”

ଲେବୀ ମିକ୍ଠେ ମୁଇଂ ରେମୁଆଁକେ ଜିସୁ ଝାକେ
(ମାଡ଼ିଉ ୯:୯-୧୩; ଲୁକ୍ ୫:୨୭-୩୨)

୧୩ ଆରି ମୁଇଙ୍ଗ୍ ତର୍ ଜିସୁ ଗାଲିଲୀ କେଶ୍ଵିଆ ପାକା ବିଚେ ଝେଗେ ।
ଗୁଲେ ରେମୁଆଁ ମେଁ ଡାଗ୍‌ ପାଙ୍ଗ୍‌ଆରକେ । ଜିସୁ ଆମେଇଂକେ ଗ୍ୟାନ୍
ବିକେ । ୧୪ ଜିସୁ ଉଇଗନେ ବେଲା ସିସ୍ତ୍ରୁ ଯାଲ୍ୟାଃନେ ଜାଗାନ୍ନିଆ କ
ଲେଃକେ ଆଲପିନେ ଉଙ୍ଗଡେ ଲେବୀକେ କେଚେ ମେଁ ବାଲିର୍‌କେ,

“ନେଇଁ ପ୍ଲା ପାଇଁଲା ।” ଇଡ଼ିଙ୍ଗ ଲେବୀ ତୁଆଁକେ ଆରି ଜିସୁନେ ପ୍ଲା ଖେଗେ ।

୧୫ ଇଡ଼ିଙ୍ଗ ଜିସୁ ଆରି ମେଁନେ ସିସ୍‌ଇଙ୍ଗ ଲେବୀନେ ତୁଆ ରୁତଙ୍ଗନେ ବେଲା ମେଁଇଙ୍ଗ ଏଃତେ ଗୁଲେ ସିସ୍ତ୍ର ସ୍ତାଲିଆଣ୍ଡେ ଆରି ବିନ୍ ପାପିଇଙ୍ଗ ଡିଗ୍ ଚଙ୍ଗ ଆରତିକେ । ଜିସୁନେ ପ୍ଲା ପାଇଁକ୍ଲେ ଗୁଲେ ରେମୁଆଁ ଡିଗ୍ ଆଡ଼ଅରିଆ ଲେଃଆରକେ । ୧୬ ଜିସୁ ସିସ୍ତ୍ର ସ୍ତାଲିଆଣ୍ଡେ ଆରି ବିନ୍ ପାପ୍ ରେମୁଆଁଇଙ୍ଗ ଏଃତେ କଚେ ଚଙ୍ଗଡ଼ିଙ୍ଗକ୍ଲେ କେକେ । ପାରୁସିଇଁନେ ଦଲ୍‌ବାନ୍ ଉଃଡ଼ିରୁଆ ସାସ୍ତିଇଁ ଜିସୁନେ ସିସ୍‌ଇଙ୍ଗକେ ସାଲ୍ୟାକୁଆରକେ, “ଜିସୁ ସିସ୍ତ୍ର ସ୍ତାଲିଆଣ୍ଡେ ଆରି ବିନ୍ ପାପିଇଁ ଏଃତେ ମେଃନସା ରୁତଙ୍ଗତିକେ ?”

୧୭ ଜିସୁ ଆକେନ୍ ଅଁଚେ ଆମେଇଁକେ ବାସଙ୍ଗକେ, “ନିମାଣ୍ଡା ରେମୁଆଁକେ ଗଦାର୍ ଦରକାର୍ ଶୁ ମାତର୍ ରଗ୍ ସାଃଲେକ୍ଲେ ରେମୁଆଁକେ ଗଦାର୍ ଦରକାର୍ । ନେଇଁ ଦରମ୍ କରମ୍ ରେମୁଆଁକେ ବାସଙ୍ଗ ନସା ପାଇଁ ନ୍ନାଲେଃକେ ଶୁ । ନେଇଁ ସରାଃ ପାପ୍ ଡିଙ୍ଗକ୍ଲେ ରେମୁଆଁକେ ବାସଙ୍ଗ ନସା ପାଇଁଲେକେ ।”

ଜିସୁ କିଡ଼େସଃ ଲେଃନେ ସାମୁଆଁ /

(ମାଡ଼ିଉ ୯:୧୪-୧୭; ଲୁକ୍ ୫:୩୩-୩୯)

୧୮ ଜହନ୍‌ନେ ସିସ୍‌ଇଁ ଆରି ଫାରୁଶୀଇଁ ଉପାସ୍ ଡିଙ୍ଗ୍‌ଆରତିନେ ବେଲା, ଉଡ଼ିରୁଆ ଜିସୁ ଡାଗ୍ଲା ପାଇଁଚେ ବାସଙ୍ଗକେ, “ଜହନ୍‌ନେ ଆରି ପାରୁସିଇଁନେ ସିସ୍‌ଇଁ ଉପାସ୍ ଡିଙ୍ଗ୍‌ଆରତିକେ, ମାତର୍ ପେନେ ସିସ୍‌ଇଁ ମେଃନସା ଉପାସ୍ ଆଡ଼ିଙ୍ଗ୍‌ଆର୍ ଶୁ ?”

୧୯ ଜିସୁ ଉତର୍ ବିକେ, “ବିଏ ଟିକା ଡିଙ୍ଗ୍‌କ୍ଲେ ବେଲା ଜିରେ ମାନ୍‌ନେ ରେମୁଆଁଇଙ୍ଗ ଉପାସ୍ ଆଲେଃଆର୍ ଶୁ ଡାଗ୍‌ଲା ଜିରେ ମେଇଙ୍ଗ୍ ଏତେ ଲେଃଏ । ତେସା ଜିରେ ଆଡ଼ ଲେଃଜାକ ମେଇଙ୍ଗ୍ କେଡ଼େସ୍ ଆଲେଃଆର୍ ।” ୨୦ ମାତର୍ ବେଲା ପାଇଁଏ, ଜିରେକେ ମେଇଁନେ ବାନ୍ ସ୍ତୁଡ଼ିଂଖେଆରଏ । ଆଡେନ୍ ବେଲା ମେଇଙ୍ଗ୍ ଉପାସ୍ ଲେଃଆରଏ ।

୨୧ “ଜାଣ୍ଡେ ବାଞ୍ଜିର୍ ପୁଆଃ ଅରିଆ ମି ପୁଆଃ ବିଚେ ଆତଗ୍‌ଆର୍ ଶୁ । ଡାଗ୍‌ଲା ମି ପୁଆଃନେ କନା କ୍ଲିଙ୍ଗ୍‌ଚେ ସକାକେ ଜାବର୍ ଆଃସ୍ୟାଃ ବିଃଏ ।” ୨୨ ଦେଡ଼ ରକମ୍ ଜାଣ୍ଡେ ଅଃନା ଡିଗ୍ ମି ଅଙ୍ଗୁର୍ ରସକେ

ବାଞ୍ଚିର ଉକ୍ତା ମୁନାଅରିଆ ଆବ ଶୁ ତେଲା ଦେଡ଼ ଡିଙ୍ଗିଏ ମି ଅଙ୍ଗୁର ରସ ବାଞ୍ଚିର ଉକ୍ତା ମୁନାକେ ଆଃତେକ୍‌ପ୍ୟା ବିଃଏ ଆରି ଉକ୍ତାନ୍‌େ ମୁନା ଏତେ ଅଙ୍ଗୁର ରସ ନାସେ ଝେଏ । ଆତେନ୍‌ସା ମି ଅଙ୍ଗୁର ରସ ମି ଉକ୍ତା ମୁନା ଅରିଆ ବ ଆର୍‌ଏ ।

ପୁଣ୍ଡେନେ ଦିନ ବିସୟରେ (ମାତିଉ ୧୨:୧-୮; ଲୁକ୍ ୬:୧-୫)

୨୩ ପୁଣ୍ଡେନେ କେଲା ଜିସୁ ଗହମ୍ ଲିଜପାକା ଝେଡ଼ିଂଗେ । ମେଁନେ ସିସ୍‌ଇଂ ଡିଗ୍ ମେଁ ଏତେ ଆତେନ୍ ଗାଲି ଝେନେ ବେଲା ଜିସୁନେ ସିସ୍‌ଇଂ ରୁଚଙ୍ଗସା ଗହମ୍ ଲିଜବାନ୍ ଗହମ୍ କେଡ଼କେ ଚିକ୍‌ଚିଆରକେ । ୨୪ ଫାରୁଶୀଇଂ ଆତେନ୍ କେତେ ଜିସୁକେ ବାଲିର ଆରକେ, “କେଲାପା ପୁଣ୍ଡେନେ ଦିନା ମେଃଡିଗ୍ ଡିଙ୍ଗିନେ ନିୟମ୍ ଶୁ କୁକପାର କେଲା ଦେଃକେନ୍ ସ୍ଲେ ଜିଉଦିନେ ନିୟମ୍‌ନ୍ନିଆ ଆରୁଲେ ଡିଙ୍ଗିଏ ।”

୨୫ ଜିସୁ ବାଲିରକେ, “ପେ ସାପାରେ ଦାଉଦ୍‌ନେ ସାମୁଆଁ ପଡ଼େ ପେଲେକେ ଜେ’ ମେଁ ଆରି ମେଁନେ ଏତେ ଲେଃକ୍‌କେ ରେମୁଆଁ କେଡ଼େସଃ ଲେଃକ୍‌କେ ବେଲା ଆରି ରୁଚଙ୍ଗନେ ଦରକାର ଲେକ୍‌କେ ବେଲା ମେଁ ମେଃ ଡିଂବଗେ, ଆତେନ୍ ସାମୁଆଁ ପେ ଅଃନାଡିଗ୍ ପେ ପଡ଼େକେ ? ୨୬ ମ୍‌ମ୍‌ପୁଜାରି ଅବିୟାଆ ଆରି ମେଁନେ ରେମୁଆଁ ଆଣ୍ଡେଇଂ କିଡ଼େସଃଲା, ଦାଉଦ୍ ଇସ୍‌ପରନେ ମନ୍ଦିର ବିଡ଼େ ଗାତେ ଇସ୍‌ପରକେ ବିଃବକ୍‌କେ ବଲେ ଚଙ୍ଗଲେଃଗେ ? ମୋଗାନେ ନିଅମ୍ ରକମ୍ ପୁଜାରିଇଂ ମାତର୍ ଆତେନ୍ ବଲେ ଆଃ ଚଙ୍ଗ୍ ଯାଆର୍‌ଏ । ଆମେଇଂକେ ଆନ୍ତାଚେ ଆରି ଆଜା ଡିଗ୍ ଆତେନ୍ ବଲେ ଚଙ୍ଗନେ ଅଦିକାର ଶୁ । ତାଗ୍‌ ଦାଉଦ୍ ଆତେନ୍ ବଲେ ବାନ୍ ଇକୁଡ଼ା ଡିଗ୍ ମେଇଙ୍ଗ୍ ଏଃତେ ଲେଃକ୍‌କେ ରେମୁଆଁଇଂକେ ଚଙ୍ଗନେ ବିଃ ବକେ ।”

୨୭ ଇଡିଙ୍ଗ୍ ଜିସୁ ଫାରୁଶୀଇଂକେ ବାଲିରକେ, “ରେମୁଆଁଇଂକେ ସାଇଜ ଡିଙ୍ଗିନେସା ପୁଣ୍ଡେନେ ଦିନା ଆଃରେ ବ ଆରକେ । ରେମୁଆଁ ପୁଣ୍ଡେନେନ୍‌ସା ଡିଆର୍ ଆଡିଙ୍ଗକେ ଶୁ ୨୮ ଡେକ୍‌ରକମ୍ କି ଇସ୍‌ପର୍ ଉଙ୍ଗ୍‌ଡେ ସାନ୍ତା କାଲାନେ ମାପୁ ଡିଂଲେଃକେ ।”

୩

ଚାକକୁଆଠି ରେମୁଆଁକେ ନିମାଣ୍ଡା
(ମାତିଉ ୧୨:୯-୧୪; ଲୁକ୍ ୬:୬-୧୧)

୧ ଆରି ମୁଇଙ୍ଗ୍ ତର ଜିସୁ ଜିଉଦିଇଙ୍ଗ୍‌ନେ ପାରତନା ତୁଆ ଝେଲେଃକେ । ଆଡ଼ଅରିଆ ମୁଇଙ୍ଗ୍ ଚାକକୁଆଠି ରେମୁଆଁ ଲେଃଗେ । ୨ ଆଡ଼ ଅରିଆ ଉଡ଼ି ରେମୁଆଁ ଉର୍ ଲେଃଆରକେ ଜେ ମାତର୍ ଜିସୁ ଆତେନ୍ ରେମୁଆଁକେ ପୁଣ୍ଡେନେ ଦିନ୍ ନିମାଣ୍ଡା ଆଠିଙ୍ଗ୍ ବିଏ ତେଲା ମେଇଙ୍ଗ୍ ଜିସୁକେ ଦସ୍ ଆଡ଼ିଙ୍ଗ୍ ନସା ନିମାନ୍ ବାଆର୍ଏ । ୩ ଜିସୁ ଆଡ଼ ଲେଃକେ ଚାକକୁଆଠି ରେମୁଆଁକେ ବେବିଃକେ “ଆକ୍‌ଅରିଆ ତୁଆଁ ଲାଃଲା ଡିରକମ୍ ଆନାକେ ସାପାରେ କେଆର୍ଏ ।” ୪ ଇଡ଼ିଙ୍ଗ୍ ଜିସୁ ଆମେଇଁକେ ବାସଙ୍ଗ୍‌କେ, “ପୁଣ୍ଡେନେ ଦିନା ଆଣ୍ଡିନେ ସାସ୍ତୁର୍‌ନେ ନିଅମ୍ ? ନିମାଣ୍ଡା ଶ୍ରୀଃତିଏ ଲେଃ ଦଦିଆ ଶ୍ରୀଃତିଏ ? ମୁଇଙ୍ଗ୍‌ଜାନେ ପାରାନ୍ ଆମ୍‌ନେ ଟିକ୍ ଲେଃ ପାରାନ୍ ଦଦ୍ୟା ଆଡ଼ିଙ୍ଗ୍‌ନେ ଟିକ୍ ?” ମାତର୍ ମେଇଙ୍ଗ୍ ବୁଙ୍ଗ୍ ଲେଃଆରକେ ।

୫ ଇଡ଼ିଙ୍ଗ୍ ଜିସୁ ରେମୁଆଁକେ ପାକା ରିସା ତିଂତେ କେକେ; ମାତର୍ ମେଇଙ୍ଗ୍‌ନେ ଗାଗ୍‌ଡେ ତାର୍ ଲେଃକେ ରକମ୍ କେତେ ଜାବର୍ ଲିବିସ ଆରକେ । ଜିସୁ ଆତେନ୍ ରେମୁଆଁକେ ବାସଙ୍ଗ୍‌କେ “ପେନେ ତ୍ରି ଆନେଙ୍ଗ୍‌କେ ଆଃସୁଏ ।” ରେମୁଆଁ ମୁଇଙ୍ଗ୍ ଜିସୁ ପାକା ତ୍ରି ଆଃରୁବିଃକେ ଆରି ମେଁନେ ତ୍ରି ନିମାନ୍ ଡିଙ୍ଗ୍‌ଝେଗେ । ୬ ଇଡ଼ିଙ୍ଗ୍ ପାରୁସିଇଙ୍ଗ୍ ଆଡ଼ବାନ୍ ଝିଗ୍ ଆରକେ ଆରି ହେରୋଦିୟଇଁ ଏତେ କୁଡେତେ ଜିସୁକେ ବାଗୁଏ ନସା କୁର୍ ତିଂଆରକେ ।

ଗୁଲେ ରେମୁଆଁ ଜିସୁନେ ପ୍ଲା ଝେଆରକେ

୭ ଜିସୁ ମେଁନେ ସିସଇଁ ଏଃତେ ଗାଲିଲୀ କେଣ୍ଡିଆ ଆଃଡ଼ା ଝେଆଗେ । ମେଇଙ୍ଗ୍‌ନେ ପ୍ଲା ଗାଲିଲୀନେ ଗୁଲେ ରେମୁଆଁକେ ତିଗ୍ ଝେଆଗେ ଆରି ଜିଉଦା ପ୍ରଦେସ୍, ିୟିରୁଶାଲୀମ୍, ଏଦୋମ୍, ଯର୍ଦ୍ଦନ୍ କେଣ୍ଡିଆ ଇନୁମେତା ସୋର ଆରି ସୀଦୋନନ୍‌ଡିଆ ଲେଃକେ ସହର୍ ତାଗ୍ରାବାନ୍ ପାଙ୍ଗ୍‌ଲେଃଆରକେ । ଆକେନ୍ ରେମୁଆଁକେ ପାଙ୍ଗ୍‌ନେ ତାଗ୍ରା ତିଂତିଂକେ ଜିସୁ ଆଣ୍ଡିନେ ସାପା ଡିଙ୍ଗ୍‌ବକେ ଆତେନ୍ ସାପା ଗର୍‌ନା

ମେଇଙ୍କୁ ଅଁ ଆଃତା ଆରଗେ । ^୯ ଜିସୁ ଗୁଲେ ରେମୁଆଁଙ୍କେ କେକେ ଗହଲି ତିଙ୍ଗଲେଃଲୀ ରେମୁଆଁଙ୍କୁ ତିରକମ୍ ମେଁଇଙ୍କ୍‌ନେ ପାକା ଟେଟା ଆପାଙ୍ଗ୍ ଆରଲେ ଆତେନ୍‌ସା ମେଁ ନିଜେ ସିସ୍‌ଙ୍କେ ମୁଇଙ୍କ୍ ତାଆଁନେ ତରା ମେଁନ୍‌ସା ତିଆର୍ ଆଡିଙ୍ଗ୍‌ନେ ବାସଙ୍ଗ୍‌କେ । ^{୧୦} ଜିସୁ ଗୁଲେ ରେମୁଆଁଙ୍କେ ନିମାଣ୍ଡା ଆଡିଙ୍ଗ୍‌କେ । ତେଲା ସାପା ରଗ୍ ରେମୁଆଁଙ୍କୁ ଆମେକେ ଲିଗ୍‌ନେ ସା ମେଁ ପାକା ଟେଟା ଟେଣ୍ଡୁର ରାଙ୍ଗ୍‌ପାଙ୍ଗ୍‌ଆରକେ । ^{୧୧} ଉଡି ରେମୁଆଁନେ ଗାଗ୍‌ଡେ ଗଲିଆଇଁ ଗା ଲେଃଆରକେ । ଉଡିବେଲା ଆତେନ୍ ଗଲିଆଇଁ ଜିସୁକେ କେଆରକ୍‌ନେ ଦାପ୍ରେ ମେଇଙ୍କୁ ମେଁନେ ବୁନ୍ଦେ ଲଃତେ ଖାସାର୍‌ତେ ବାଲିରୁଆରକେ, “ନାଁ ଇସ୍‌ପରନେ ଉଙ୍ଗ୍‌ଡେ ।”

^{୧୨} ମାତର୍ ଜିସୁ ଗଲିଆଇଁଙ୍କେ ନିମାଣ୍ଡା ବାବ୍‌ରେ ଆଦେସ୍ ବିକେ ଜେ ମେଁ ଜାଣ୍ଡେ ଆକେନ୍ ମେଇଙ୍କୁ ରେମୁଆଁଙ୍କେ ତିରକମ୍ ଆବାସଙ୍ଗ୍ ଆରଲେ ।

ଜିସୁ ଗୋମ୍ବାର୍ ସିସ୍‌ଙ୍କେ ସିକେ (ମାତିଉ ୧୦:୧-୪; ଲୁକ୍ ୬:୧୨-୧୬)

^{୧୩} ଇଡିଙ୍ଗ୍ ଜିସୁ ମୁଇଙ୍କ୍ କଣ୍ଡା ଆଡାଡା ଖେକେ । ମେଁ ଆଣ୍ଡିନେ ରେମୁଆଁଙ୍କେ ଚାଏଁକେ ଆମେଇଁଙ୍କେ ମେଁନେ ତାଗ୍ରା ପାଙ୍ଗ୍‌ଲାପା ତାଗ୍‌ରେ ବାସଙ୍ଗ୍‌କେ । ମେଇଙ୍କୁ ଜିସୁନେ ତାଗ୍ରା ଖେଆରକେ । ^{୧୪} ଜିସୁ ମେଇଙ୍କୁନେ ବିଡ୍ରେ ଗମ୍ବାର୍‌କ୍ଲିଗ୍ ସିସ୍‌କେ ବାରେତେ ପ୍ରେରିଡ୍ ତାଗ୍‌ରେ ମ୍ଲି ବିଃକେ । ଜିସୁ ଚାଏଁଲେଃରେ ଜେ “ମେଇଙ୍କୁ ମେଁନେ ଏଃଡେ ଲେଃଏ ।” ମେଁ ଆମେଇଁଙ୍କେ ବାସଙ୍ଗ୍ ନ୍‌ସା ବିନ୍ ଜାଗାଅରିଆ ବେବିଃଆରଗେ । ^{୧୫} ରେମୁଆଁଙ୍କୁନେ ଗାଗ୍‌ଡେ ବାନ୍ ଗଲିଆଇଁଙ୍କେ ନୁଆଁନ୍‌ସା ଆମେଇଁଙ୍କେ ଅଦିକାର୍ ପେବାଏ ।

^{୧୬} ଜିସୁ ସିବକ୍‌ନେ ଗମ୍ବାର୍‌କ୍ଲିଗ୍‌ନେ ମ୍ଲି ଦେକ୍‌ରକମ୍; ଶିମୋନ୍ ଆଜାକେ ମେଁ ପିତର୍ ତାଗ୍‌ରେ ମ୍ଲି ବିଃକେ । ^{୧୭} ଜେବଦୀ ଉଙ୍ଗ୍‌ଡେ ଜାକୁବ୍ ଆରି ମେଁନେ ବୟାଣ୍ଡେ ଜହନ୍ ଜାଣ୍ଡେକେ ମେଁ ବିନେରିଗୋଷ ତାଗ୍‌ଲା “ମେଘନାଦନେ ଉଙ୍ଗ୍‌ଡେ” ତାଗ୍‌ରେ ମ୍ଲି ବିକେ; ^{୧୮} ଆନ୍ଦ୍ରିୟ ଫିଲିପ୍‌ସ ବାର୍ଥଲମି ମାତିଉ ଥୋମା ଆଲଫିନେ ଉଙ୍ଗ୍‌ଡେ ଜାକୁବ୍

☆ ୩:୯ ମାର୍ଚ୍ଚ ୪:୧; ଲୁକ୍ ୫:୧-୩.

ଅନ୍ୟାନ୍ୟ କିଣାନୀୟ ଶିମୋନ୍ ଜାଣେ ଇଶ୍ରାୟେଲକେ ଆନ୍ତର ନ୍ୟା
ଚାଏଁତିଂକ୍ଳେ ମେଁଇଙ୍ଗନେ ବାନ୍ ମୁଇଂଜା ଲେଃରେ । ୧୯ ଆରି
ଇଷ୍ଟାରିୟଥ୍ ଜିଉଦା । ଆକେନ୍ ଜିଉଦା ଇଡ଼ିଙ୍ଗ୍ ଜିସୁକେ ସତୁନେ
ଡ଼ିନ୍ନିଆ ଅପେଃ ବିଃକେ ।

ଜିସୁ ଆରି ବାଆଲ୍‌ଜିବୁଲ୍

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩; ୧୨:୧୦)

୨୦ ଇଡ଼ିଙ୍ଗ୍ ଜିସୁ ତୁଆ ଓଁଗ୍‌କେ । ଆଡ଼ ଅରିଆ ତିଗ୍ ଗୁଲେ ରେମୁଆଁ
ରିସିଙ୍ଗ୍ ଆରକେ । ଆଡ଼ ଅରିଆ ଅଃକେନ୍ ରେମୁଆଁ ଲେଃଆରକେ ଜେ
ଜିସୁ ଆରି ମେଁନେ ସିସିଙ୍ଗ୍ ଚଙ୍ଗ୍‌ଉଗ୍ ଆୟା ଆରକେ ଶୁ । ୨୧ ଜିସୁନେ
ତୁଆଣ୍ଟେଇଂ ଆକେନ୍ ସାପା ଅଁଆରକେ । ମେଇଙ୍ଗ୍ ଜିସୁକେ ଖାଉଙ୍ଗ୍
ଝେଆରକେ । ମେଇଂ ବାସଙ୍ଗ୍‌କେ ଜେ “ଜିସୁକେ ବାଆଲ୍‌ଜିବୁଲ୍
ସାଃଲେଃକେ ।”

୨୨ ☆ ଯିରୁଶାଲମବାନ୍ ପାଙ୍ଗ୍‌ଲେଃକ୍ଳେ ଦରମ୍ କରମ୍ ଶ୍ଟେଇଂ
ବାସଙ୍ଗ୍‌କେ, “ଜିସୁନେ ଗାଗ୍‌ଡେ ବାଆଲ୍‌ଜିବୁଲ୍ ଗାଲେଃକେ
। ଆଡେନ୍‌ସା ଜିସୁ ଗଲିଆଇଂକେ ବାଆଲ୍‌ଜିବୁଲ୍ ସାଇଜରେ
ଗଲିଆକେ ଆଃଆନ୍ତାଡ଼ିଂକେ ।”

୨୩ ତେସା ଜିସୁ ମେଇଂ ତାଗ୍ରା ଝେରେ ଆରି ଆଦେସ୍ ରକମ୍
ଆମେଇଂକେ ଆଃବୁଜେରେ ବାସଙ୍ଗ୍‌କେ, “ଗଲିଆ ତିରକମ୍
ଗଲିଆକେ ନୁଆଁ ଜଗ୍‌ଲ୍‌ଗାଏ ? ୨୪ ତାଗ୍‌ଲା ଆଣ୍ଟିନେ ଦେସ୍ ନିଜର୍
ବିଡେ ଜୁଜ୍ ତିଙ୍ଗ୍‌ଏ, ତେଲା ଆଡେନ୍ ଆରି ନିମାଣ୍ଟା ଆଲେଃ ଶୁ ।
୨୫ ବାରି, ଜଦି ମୁଡ଼ି ତୁଆ ବାଗ୍ ବାଗ୍ ତିଂରେ ମେଇଂନେ ବିରୁଦ୍‌ରେ
ତଃଡ଼୍ୟାଏ, ତେଲା ଆଡେନ୍ ତୁଆ ବୁଂ ଆଲେଃ ଶୁ । ୨୬ ଦେଡ଼ରକମ୍
ମୁଇଙ୍ଗ୍ ସୟତାନନେ ରାଜି ବିଗ୍‌ଡେ ଝେରେ ନିଜର୍ ବିଡେ ରିଙ୍ଗ୍‌ଆଃ
ପାଙ୍ଗ୍‌ଏ, ତେଲା ମେଁ ତିଗ୍ ନିମାଣ୍ଟା ଆଲେଃ ଶୁ । ଆରି ମେଁନେ ଦଂସ
ତିଂଝେଏ ।”

୨୭ “ଜଦି ମୁଇଙ୍ଗ୍ ରେମୁଆଁ ମୁଇଙ୍ଗ୍ ବପୁ ଲେଃକ୍ଳେ ରେମୁଆଁ ତୁଆ
ଗାରେ ମେଁନେ ଦନ୍‌ସମ୍‌ତି ଡଙ୍ଗା ତୁଂଓଁଗ୍‌ନେ ଚେସ୍‌ଟା ତିଙ୍ଗ୍‌ଏ, ତେଲା
ସେନୁଗ୍ ମେଁ ବପୁ ଲେଃକ୍ଳେ ରେମୁଆଁକେ ଗାଗ୍‌ଏ; ଇଡ଼ିଙ୍ଗ୍ ମେଁ ବପୁ

☆ ୩:୨୨ ୩:୨୨ ମାତିଉ ୯:୩୪; ୧୦:୨୫.

ଲେଖକ୍ଷେ ରେମୁଆଁନେ ତୁଆ ଡଙ୍ଗାରେ ସାପା ମେଁ ମେଁନେ ତୁଂଝିଗ୍ ଯାଏ ।”

୨୮ “ନେଙ୍ଗ୍ ଆପେକେ ସତ୍ ବାସଙ୍ଗ୍ ଶ୍ରିଙ୍ଗ୍ । ରେମୁଆଁ ତିଡିରକମ୍ ପାପ୍ ତିଙ୍ଗ୍ ଆରୁଡିଂକେ, ଆଡେନ୍ ସାପା ଲିବିସଃ ତିଙ୍ଗ୍ ବିଃଆରୁଏ । ରେମୁଆଁ ପର୍ମେସରନେ ବିରଦ୍ରେ ଉଡି ସାପା ଦଦ୍ୟା ସାମୁଆଁଇଙ୍ଗ୍ ବାସଂଡିଙ୍ଗ୍ ଆରୁକେ, ଆଡେନ୍ ସାପା ତିଗ୍ କେମା ତିଙ୍ଗ୍ ବିଃଆରୁଏ । ୨୯ ମାତର୍ ପବିତ୍ର ଆମ୍ବା ବିରଦ୍ରେ ଆଣିନେ ରେମୁଆଁ ମେଃଡିଗ୍ ବାସଙ୍ଗ୍, ଆମେକେ ଅଃନା ତିଗ୍ କେମା ଆମିଲେ ଶୁ । ମେଁ ମାତାନେ କାଲ୍ କାଲ୍ ଜାକ ପାପ୍ ନେ ଦସ୍ ତିଙ୍ଗ୍ଏ ।” ୩୦ ଦରମ୍ କରମ୍ ତିଣ୍ଡେଇଂ ଜିସୁ ତାଗ୍ଲା ଗଲିଆ ଲେଖକେ ତାଗ୍ରେ ବାସଙ୍ଗ୍ ବଲା ଜିସୁ ଆକେନ୍ ସାପା ଆମେଇଂକେ ବାସଙ୍ଗ୍ କେ ।

ଜିସୁନେ ଇୟାଂଡେ ଆରି ବୟାଁଣ୍ଡେଇଂ
(ମାତିଉ ୧୨:୪୬-୫୦; ଲୁକ୍ ୮:୧୯-୨୧)

୩୧ ଇଡିଙ୍ଗ୍ ଜିସୁନେ ଇୟାଙ୍ଗ୍ଡେ ଆରି ବୟାଁଣ୍ଡେଇଂ ଆଡ୍ ଅରିଆ ପାଙ୍ଗ୍ ଆରୁକେ । ମେଇଙ୍ଗ୍ ବାଜାର୍ ତୁଆଁ ଆରୁକେ ଆରି ମୁଇଙ୍ଗ୍ ରେମୁଆଁକେ ଜିସୁକେ ବାଜାର୍ ପାଙ୍ଗ୍ ନସା ୱା ତୁଙ୍ଗ୍ ପାଙ୍ଗ୍ ନସା ବେକେ । ୩୨ ଆଡେନ୍ ବେଲା ଜିସୁନେ ପିତୁର୍ ପାକା ରେମୁଆଁଇଂ ଗେରେତେଃ କ ଲେଃଆରୁଗେ । ମେଇଙ୍ଗ୍ ଆମେକେ ବାସଙ୍ଗ୍ ଆରୁକେ, “କେଲା ପିୟାଙ୍ଗ୍ ଆରି ବୟାଁଇଂ ଆରି ତନାଇଂ ଆନାକେ ବାଜାର୍ ଉର୍ ଲେଃଆରୁକେ ।”

୩୩ ଜିସୁ ବାସଙ୍ଗ୍ କେ, “ଜାଣ୍ଡେ ନେଙ୍ଗ୍ ଇୟାଙ୍ଗ୍ ? ଜାଣ୍ଡେଃଇଂ ନେଙ୍ଗ୍ ନେ ବୟାଁ ?” ୩୪ ଇଡିଙ୍ଗ୍ ଜିସୁ ମେଁନେ ପିତୁର୍ କ ଲେଃକ୍ଷେ ରେମୁଆଁଇଂ ପାକା କେକେ । ମେଁ ବାସଙ୍ଗ୍ କେ, “ଆକେନ୍ ରେମୁଆଁଇଂ ନେଙ୍ଗ୍ ନେ ଇୟାଙ୍ଗ୍ ଆରି ବୟାଁ । ୩୫ ଜାଣ୍ଡେଇଂ ଇସ୍ପର୍ ନେ ଇକ୍ତାକେ ପୁରନ୍ ତିଂଆରୁଏ, ମେଇଙ୍ଗ୍ ଆଃ ନେଙ୍ଗ୍ ନେ ବୟାଁ ତନା ଆରି ଇୟାଙ୍ଗ୍ ।”



କିଆ ବିଗ୍ଣେନେ ଉଃସ୍ତା
(ମାତିଉ ୧୩:୧-୯; ଲୁକ୍ ୮:୪-୮)

^୧ ଜିସୁ ଆରି ଗାଲିଲୀ କେଣ୍ଡିଆ ଆଃଡ଼ାପାକା ଆଃଡ଼ିଗ୍ ନସା ମୁଲେକେ । ଆଡ଼ଅରିଆ ମେଁନେ ପିତୁର୍ ପାକା ଗୁଲୁଏ ରେମୁଆଁ ରିସିଂ ଆରକେ । ତେସା ମେଁ କେଣ୍ଡିଆ ଅରିଆ ଲେଃକେ ମୁଇଂ ତରାନ୍ନିଆ ଝେତେ କକେ । ବିନ୍ ସାପା ରେମଆଁଇଂ କେଣ୍ଡିଆନେ ଆଃଡ଼ା ତୁଆଁଲେ ଆରକେ । ^୨ ଜିସୁ ଆମେଇଂକେ ଉଃସ୍ତା ଆଃଡ଼ିଗ୍ରେ ଗୁଲୁଏ ସାମୁଆଁ ବାଲିରକେ । ମେଁ ବାସଙ୍ଗକେ ।

^୩ “ଅଁପା; ମୁଇଂ ରେମୁଆଁ ବିଗ୍ଜା ତାରକେ । ^୪ ଉଡ଼ିବେଲା ଲିଜ ସ୍ଲେଣ୍ଡେ କିଆ ବିଗ୍ ତିଙ୍ଗକେ ଆଡ଼ ବାନ୍ ମେଁ ଲିଜନ୍ନିଆ ତୁମ୍ଜା ବିଗ୍ନେ ବେଲା ଉଡ଼ି କିଆ ଗାଲି ଲଃଲୀ ପ୍ଲିଗ୍ ଘାଙ୍ଗେ ଆତେନ୍ ସାପା ଚଙ୍ଗବିଗେ । ^୫ ଆରି ଉଡ଼ିକ୍ଲିଗ୍ ମଞ୍ଜି ଇକୁଡ଼ା ତୁବଃ ଲେଃନେ କିଡ଼ିଲ ତୁବଃନ୍ନିଆ ଲଃକେ । ଆତେନ୍ ତୁବଃ କୁବାଂ ଆଲେଃଲୀ ମୁଞ୍ଜି ଜିଆ ଜିଆ ପଃଡ଼୍ୟାକେ । ^୬ ମାତର୍ ମେଁନେ ଚେର୍ ଆଲେଃରେସା ନ୍ନାଃସେଙ୍ଗଲୀ ନ୍ସୁଆର୍ ଝେଗେ । ^୭ ଆରି ଉଡ଼ିକ୍ଲିଗ୍ ଗ୍ରେଃ ସ୍ଲାଃଇଂନେ ମଜେ ଲଃକେ ବାରି, ଗ୍ରେଃ ସ୍ଲାଃଇଂ ତଃଡ଼୍ୟାତେ ମ୍ନା ତିଂରେ ଆତେନ୍ଇଂକେ ଚାପେ ବିଃକେ । ବାରି ମେଃଡ଼ିଗ୍ ରୁ ଆରୁକେ ଶୁ । ^୮ ବାରି ଉଡ଼ି ତୁମ୍ଜା ନିମାଣ୍ଡା ଲିଜନ୍ନିଆ ଲଃତେ । ଆତେନ୍ ସ୍ଲା ତିଙ୍ଗକେ । ସ୍ଲା ନିମାଣ୍ଡା ତଡ଼ିଆକେ ଆରି କିଆ ଗ୍ଲିକେ । ଉଡ଼ି ସ୍ଲାନ୍ନିଆ ତିରିସ୍ ଗୁନ୍ ବା ଞ୍ଜିକୁଡ଼ି ଗୁନ୍ ବା ଦେକ୍‌ରକମ୍ ଉଡ଼ି ସ୍ଲା ନ୍ନିଆ ମାଲ୍‌କୁଡ଼ି ଜାକ ମୁଞ୍ଜି ସାକେ ।”

^୯ ଇଡ଼ିଙ୍ଗ୍ ଜିସୁ ବାସଙ୍ଗକେ, “ପେ ସାପାରେନେ ବିତ୍ରେ ଜାନେ ଦ୍ରିଗ୍ ନ୍ସା ନ୍ଲୁଗ୍ ଲେଃକେ, ମେଁ ଦ୍ରିଗ୍‌ଲେଃ ।”

ଉଃସ୍ତାନେ ଉଦେସ୍

(ମାଡ଼ିଉ ୧୩:୧୦-୧୭; ଲୁକ୍ ୮:୯-୧୦)

^{୧୦} ଇଡ଼ିଙ୍ଗ୍ ଉଡ଼ିବେଲା ଜିସୁ ମୁଇଙ୍ଗ୍‌ଜା ଲେଃଗେ, ଆତେନ୍ ବେଲା ମେଇଂନେ ମ୍ନାକ୍ଲିଗ୍ ଜାକ ପ୍ରେରିଡ଼ ଆରି ମେଁ ଏତେ ଲେଃକେ ସିସଙ୍ଗ୍ ଆମେକେ ଉଃସ୍ତା ବିସୟରେ ସାଲ୍ୟାଃକୁଆରକେ ? ^{୧୧} ଜିସୁ ବାସଙ୍ଗକେ, “ଇସ୍‌ପର୍‌ନେ ରାଜିନେ ଗୁନ୍ ରୁଜେନ୍‌ସା ଆପେକେ ବପୁ ବିଃବକେ, ମାତର୍ ବିନ୍‌ଶ୍ଟେନ୍‌ସା ଏନ୍ ସାପା ଉଃସ୍ତା ବାସଙ୍ଗବକେ । ^{୧୨} ମେଇଂ କିକେ ଲେଃଆରଏ, ମାତର୍ ମେଃଡ଼ିଗ୍ ରୁଜେ ଆୟା ଆର୍ ଶୁ:

ସାପା ସାମୁଆଁ ଅଁ ଲେଖିଆରୁଏ,
ମାତରୁ ମେଃଡ଼ିଗ୍ ବୁଜେ ଆୟାଆରୁ ଶୁ
ମେଇଂ ଜଦି ସଡ଼ରେ ପାକେଆରୁ ଆରି ପାରୁଜେଆରୁ, ମେଇଂ
ଇସପରନେ ଡାଗ୍ରା ଆଣ୍ଡେ ପାପାଙ୍ଗଆରୁ ବାରି ଇସପର
ଆମେଇଂକେ କେମା ପାବିଃ ।”

କିଆ ବିଗ୍‌ଣ୍ଡେନେ ଉଃସ୍ତାନେ ଅର୍ଡ
(ମାଡ଼ିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଇଡ଼ିଙ୍ଗ୍ ଜିସୁ ଆମେଇଂକେ ବାସଙ୍ଗକେ, “ପେ ସାପାରେ
ଆକେନ୍ ବୁଜେନେ ସାମୁଆଁ ମ୍ୟା ପେଡ଼ିଙ୍ଗକେ ଲେଃ ଶୁ? ତେଲା
ବିନ୍ ସାମୁଆଁଇଙ୍ଗ୍ ଡିରକମ୍ ପେବୁଜେଏ ? ୧୪ ସ୍ଲେନେ ରେମୁଆଁଇଂ
ମନ୍ ବିଡ଼ରେ ପରମେସରନେ ସାମୁଆଁ ବିଗ୍‌କ୍ଲେ ରେମୁଆଁ ରକମ୍ ।
୧୫ ଜାଣ୍ଡେଇଂ ଅଁଆରୁଏ ଉଡ଼ି ରେମୁଆଁ ଆକେନ୍ ଗାଲି ରକମ୍ ଆତେନ୍
ରେମୁଆଁଇଂ ପରମେସରନେ ସାମୁଆଁ ଅଁ ଆରୁଏ, ମାତରୁ ସୟତାନ୍
ଟାପ୍‌ନା ପାଙ୍ଗ୍‌ଟେ ମେଇଙ୍ଗ୍‌ନେ ବିଡ୍ରେ ବାସଙ୍ଗକ୍ଲେ ସାମୁଆଁକେ ଡୁଂଡଏ
। ୧୬ ଆରି ଉଡ଼ି ରେମୁଆଁ ବାଟା ଟିକ୍ତା ବିଗ୍‌କ୍ଲେ କିଆ ରକମ୍
ମେଇଙ୍ଗ୍ ସାମୁଆଁ ଦ୍ରିଗ୍‌ଆରୁଏ ଆରି ଦାପରେ ସାଦାରେ ଆତେନ୍
ସାଟେ ଡୁଂଝିଗ୍‌ଏ । ୧୭ ତେଲା ମେଁନେ ଚେର୍ ମେଇଂନେ ଜିବନ୍ ବିଡ୍ରେ
ଆଃଗା ଆୟାଆରୁ ଶୁ । ମାତରୁ ପ୍ରେଗ୍‌ନ୍‌ସା ମେଇଙ୍ଗ୍ ସାମୁଆଁକେ
ସାଃ ମ୍ୟାଃଆରୁକେ । ଇଡ଼ିଙ୍ଗ୍ ଉଡ଼ିବେଲା ଦୁକ୍ କସ୍ ଆରି ତାଡ଼ନା
ପାଙ୍ଗ୍‌ଏ, ମେଇଙ୍ଗ୍ ପ୍ଲାଃ ଗୁଟେ ଝେଆରୁଏ, ଆତେନ୍ ବେଲା ମେଇଂ
ଟାପ୍‌ନା ବିସ୍‌ବାସ୍ ଆନ୍ତାରୁ ବିଃ ଆରୁଏ । ଆରି ମେଇଙ୍ଗ୍ ବିଗ୍‌କ୍ଲେ ଟିକ୍ତା
ଲିଜ ଏଃଡେ ସମାନ୍ । ୧୮ ଆରି ଉଡ଼ି ରେମୁଆଁ ଗ୍ରେଃ ଲାଟା ଅରିଆ
ଲଃଲେକ୍ଲେ କିଆ ରକମ୍ । ମେଇଙ୍ଗ୍ ସାମୁଆଁ ଦ୍ରିଗ୍‌ଏ । ୧୯ ମାତରୁ
ମେଁଇଙ୍ଗ୍ ସଂସାରନେ ଚିନ୍ତା ଆରି ଦନ୍‌ନେ ଲବ୍ ଆରି ବିନ୍ ଜିନିସ୍
ଲାବ୍ ଆଡ଼ିଙ୍ଗ୍‌ନେ ଲାଲ୍‌ସା ପାଙ୍ଗ୍‌ଏ ଆରି ଆତେନ୍‌ଇଂ ସାମୁଆଁକେ ମିଗ୍
ଜଗ୍‌କ୍ଲିଗ୍‌ଏ । ଇଡ଼ିଙ୍ଗ୍ ଆତେନ୍ ପାରାନ୍‌ନିଆ ରୁଚୁ ଆରୁ ଶୁ । ୨୦ ଉଡ଼ି
ରେମୁଆଁ ନିମାଣ୍ଡା ବୁବଃଅରିଆ ବିଗ୍‌କ୍ଲେ କିଆ ରକମ୍ ମେଇଙ୍ଗ୍ ସାମୁଆଁ
ଆଣ୍ଡେଙ୍ଗ୍ ଅଁ ଆରୁଏ ଆରି ଆତେନ୍ ସାଃଆରୁଏ । ଇଡ଼ିଙ୍ଗ୍ ମେଇଙ୍ଗ୍ ମ୍ଲାଃ

ଡିଙ୍ଗରେ ସାକାର ଡିଙ୍ଗିଆରଏ । ଆତେନ୍ ଉଡ଼ି ଉଡ଼ିବେଲା ତିରିସ୍ ଗୁନ୍
ଞ୍ଜିକୁଡ଼ି ଗୁନ୍ ବା ମାଲ୍‌କୁଡ଼ି ଗୁନ୍ ଜାକ ମୁଞ୍ଜି ବିଃଏ ।”

ବଃଡ଼େ ଆଲ କୁପିସ /
(ଲୁକ୍ ୮:୧୭-୧୮)

୨୧ ଇଡ଼ିଙ୍ଗ ଜିସୁ ଆମେଇଂକେ ବାଲିରକେ “ଜାଣ୍ଡେ ଅଃନା ମେଁନେ
ଞ୍ଜୁଇ ବୁନ୍ଦେ ଲେଃ କର୍ ଆଲ କୁପିସ ବ ପେମ୍ୟାଃକ୍ଲେ ? ପେ କୁପିସ
ବ ପେମ୍ୟାକ୍ଲେ ଆଡ଼ାଡ଼ା କୁପିସ ବନ୍‌ସା ତୁଂପେପାଙ୍ଗକେ । ୨୨ ✧
ମେଃନେ ସାପା ବୁଃଡ଼ି ଲେଃକେ, ଆତେନ୍ ନାଏ, ମେଃନେ ସାପା
ଡ଼ିଡ଼ାରେ ଲେଃକେ, ଆତେନ୍ ଆଡ଼ା ଶୁ । ୨୩ ଜଦି ଜାଣ୍ଡେନେ ଅଁନେ
ଲୁଗ୍ ଲେଃକେ ମେଁ ଅଁପା ।”

୨୪ ✧ଜିସୁ ଆମେଇଂକେ ବାସଙ୍ଗକେ, “ମେଃନେ ଦ୍ରିଗ୍‌ପେଡ଼ିଙ୍ଗକେ,
ଆତେନ୍ ଆଡ଼ାଡ଼ା ମନ୍‌ଦ୍ୟାନ୍ ବିଃପା । ତିରକମ୍ ବାବ୍‌ରେ ପେ
ବିନ୍ ରେମୁଆଁକେ ବିଚାର ପେଡ଼ିଙ୍ଗଏ ଦେଡ଼୍‌ରକମ୍ ମାଲେ ଡାଗାମ୍
ବାବ୍‌ରେ ଇସ୍‌ପର୍ ପେନେ ବିଚାର ଡିଙ୍ଗଏ । ୨୫ ✧ଜାନେ ଲେଃକେ,
ଆମେକେ ଜବର୍ ବିଃଏ । ମାତର ଜାନେ ଡାଗା ଶୁ ମେଁ ଡାଗା ମେଃନେ
ସାପା ଲେଃକେ, ଆତେନ୍ ସାପା ତୁଂଡ଼ଏ ।”

ମୁଞ୍ଜି ଗାଜା ଡିଙ୍ଗରେ ମ୍ଲା ତିଂନେ ସାମୁଆଁ

୨୬ ଜିସୁ ଆରି ବାସଙ୍ଗକେ, “ପର୍‌ମେସର୍‌ନେ ରାଜି ଲିଜ ଅରିଆ
କିଆ ବିଗ୍‌କ୍ଲେ ରେମୁଆଁ ରକମ୍ । ୨୭ ମିଡ଼ିଗ୍‌ବଃ ତୁଲେଗ୍‌ଏ ଆରି ସ୍ତ୍ରି
ଉରଏ, ମାତର ଚୁଜା ପଃଡ଼୍ୟାରେ ତିରକମ୍ ମ୍ଲାଃଏ, ଆତେନ୍ ମେଁ
ଆମ୍ୟାଃ ଶୁ । ୨୮ ସ୍ଲା ମ୍ଲାରେ ରୁଚୁ ସାଃନ୍‌ସା ତୁବଃ ଆଃ ସାପା କିଚି
ଡିଙ୍ଗଏ । ସେନୁଗ୍ ଉଲିଆ, ଇଡ଼ିଙ୍ଗ କେଡ଼, ଇଡ଼ିଙ୍ଗ ସ୍ଲା ବାନ୍ ବରଡ଼ି
କିଆ ଡିଙ୍ଗଏ; ୨୯ ଉଡ଼ିବେଲା କିଆ ଲେଏ, ଆତେନ୍‌ବେଲା ଆତେନ୍
ରେମୁଆଁ ନ୍‌ସଗ୍ ତୁଂଝେରେ ଆମେକେ ଝେଃଏ । ଡାଗ୍ଲା ଆକେନ୍ ଆଃ
ଝେଃନେ ସମାନ୍ ବେଲା ।”

ପର୍‌ମେସର୍‌ନେ ରାଇଜ୍ ମୁଇଙ୍ଗ୍ ସୋରିଷ ମୁଞ୍ଜି ସୁଗୁଆ /
(ମାତିଉ ୧୩:୩୧-୩୨, ୩୫; ଲୁକ୍ ୧୩:୧୮-୧୯)

✧ ୪:୨୨ ୪:୨୨ ମାତିଉ ୧୦:୨୨; ଲୁକ୍ ୧୨:୨. ✧ ୪:୨୪ ୪:୨୪ ମାତିଉ ୭:୨; ଲୁକ୍ ୭:୩୮.

✧ ୪:୨୫ ୪:୨୫ ମାତିଉ ୧୩:୧୨; ୨୫:୨୯; ଲୁକ୍ ୧୯:୨୭.

୩୦ ଜିସୁ ଆରି ବାସଙ୍ଗକେ, “ପରମେସର ରାଜି ଜା ଏତେ ତୁଲେଚେ ନେଙ୍ଗ୍ ଆପେକେ ମୁଜୁକଏ ? ନେଙ୍ଗ୍ ଆଣ୍ଟିନେ ସାମୁଆଁ ରକମ୍ ଆକେନ୍ ମୁଜେଏ ? ୩୧ ପରମେସରନେ ରାଜି ମୁଇଙ୍ଗ୍ ସୋରିଷ ମୁଞ୍ଜି ସୁଗୁଆ । ଆକେନ୍ ସୋରିଷ ମୁଞ୍ଜି ପେ ଲିଜ ନ୍ନିଆ ବିଗ୍ଡିଙ୍ଗ୍ କ୍ଲେ ବୁନୁଜା ବିତ୍ରେ ସାପାବାନ୍ ତାଆଁ । ୩୨ ମାତର୍ ପେ ବିଗ୍ନେ ତାଲା ଆତେନ୍ ମୁଞ୍ଜି ତଡ଼ିଆଚେ ପେ ଲିଜନେ ବିନ୍ ସ୍ଲା ବିତ୍ରେ ସାପା ବାନ୍ ମ୍ଲା ଡିଙ୍ଗ୍ କ୍ଲେଏ । ମେଁନେ କେନ୍ଦା ଆଣ୍ଟେଙ୍ଗ୍ ମ୍ଲା ଡିଙ୍ଗ୍ କ୍ଲେଏ । ସ୍ଲିଗ୍ ଡ଼ ପାଙ୍ଗ୍ ଚେ ମେଁନେ ନ୍ଲୁଡ଼ିଆଃ ଅରିଆ ଉଙ୍ଗ୍ ଚ୍ୟା ଗାଗ୍ ଚେ ଲେଃଆର୍ଏ ।

୩୩ ଦେକ୍ ରକମ୍ ଗୁଲୁଏ ଉଃସ୍ତା ରକମ୍ ବାସଙ୍ଗ୍ ଚେ ସାମୁଆଁ ବାସଙ୍ଗ୍ ଡିଙ୍ଗ୍ କ୍ଲେ; ମେଇଁ ଉଡ଼ି ବୁଜେ ଯାଆର୍ଏ ମେଁ ଅଃତେନ୍ ବାସଙ୍ଗ୍ ଡିଙ୍ଗ୍ କ୍ଲେ ।” ୩୪ ଜିସୁ ରେମ୍ ଆଁକ୍ କେ ସାମୁଆଁ ବାସଙ୍ଗ୍ କେଲା କାଲାଆଃ ଆଃବୁଜେଚେ ବାଲିର୍ମ୍ୟାକେ । ମାତର୍ ଜିସୁ ଏତେ ମେଁନେ ସିସ୍ ଡ଼ ମୁଇଙ୍ଗ୍ ଲେଃକ୍ଲେ ବେଲା ଆତେନ୍ ବେଲା ଜିସୁ ଆମେଇଁକ୍ ସାପା ନିମାଣ୍ଡା ବାବ୍ରେ ଆଃବୁଜେ ବିଃମ୍ୟାକେ ।

ଜିସୁ ଖେଡ଼ିଆଃ ଗୁର୍ଯ୍ୟାଃ ଆଃବୁ ବିଃକେ (ମାତିଉ ୮:୨୩-୨୭; ଲୁକ୍ ୮:୨୨-୨୫)

୩୫ ଆତେନ୍ ସ୍ଲି ଲମ୍ ଡିଗ୍ ବେଲା ଜିସୁ ମେଁନେ ସିସ୍ ଡ଼ କେ ବାସଙ୍ଗ୍ କେ, “ଏଲାପା କେଣ୍ଟିଆ ଇନୁମେତା ନେଖେପା ।” ୩୬ ତେସା ମେଇଙ୍ଗ୍ ସାପା ରେମ୍ ଆଁକେ ଆଡ଼ ଅରିଆ ଆନ୍ତାବିକେ । ଆଣ୍ଟିନେ ତରା ଅରିଆ ଜିସୁ ସିସେନୁଗ୍ କଲେଃଗେ । ସିସ୍ ଡ଼ ଡିଗ୍ ଖେଚେ ଆଡ଼ ଅରିଆ କଆରକେ । ଆଡ଼ ଅରିଆ ବିନ୍ ତରା ଡିଗ୍ ଲେଃଗେ । ୩୭ ଇଡ଼ିଙ୍ଗ୍ କେଣ୍ଟିଆ ଅରିଆ ମୁଇଙ୍ଗ୍ ମ୍ଲାଃନେ ଖେଡ଼ିଆ ତାରକେ । ତରା ପାକା ଲଡ଼ି ତା ଡୁଁପାଙ୍ଗ୍ କେ; ତରାନ୍ନିଆ ଣ୍ଟିଆ ନ୍ ଖେଚେ । ୩୮ ଜିସୁ ତରା ବିତ୍ରେ ସ୍ଲା ପାକା ନେ ମୁଇଙ୍ଗ୍ କନେ ନିଗ୍ ବଡ଼ିଙ୍ଗ୍ ଅରିଆ ବାଆଃ ବଚେ ତୁଲେଗ୍ ଲେଃକେ । ମେଁନେ ସିସ୍ ଡ଼ ମେଁ ତାଗ୍ ଖେଚେ ଆମେକେ ଆଃତଡ଼୍ୟା ଆରକେ । ମେଇଙ୍ଗ୍ ବାସଙ୍ଗ୍ ଆରକେ “ଏ ଗୁରୁ, ନେଁ ଲଗ୍ ଡ୍ୟାଚେ ନେଗୁଏଃଏବେ, ଆନାକେ ମେଃନେ ଚିନ୍ତା ଶୁ ?”

୩୯ ଜିସୁ ତଡ଼୍ୟାକେ ମେଁ ଖେଡ଼ିଆକେ ବାଃଟକେ ଆରି ଲଅଡ଼ିକେ ବାସଙ୍ଗ୍ କେ, “ବୁଲ୍ଲାଃଲ୍ଲା ।” ଇଡ଼ିଙ୍ଗ୍ ଖେଡ଼ିଆ ବନ୍ ଡିଙ୍ଗ୍ ଖେଚେ ।

କେଣିଆ ବୁଞ୍ଚେ ।^{୪୦} ଇଡ଼ିଙ୍ଗ ଜିସୁ ସିସ୍‌ଇଙ୍ଗକେ ବାସଙ୍ଗକେ “ପେ ସାପାରେ ମେନ୍‌ନ୍‌ସା ବୁଟମେଗ୍ ପେଡ଼ିଙ୍ଗକେ ? ଏଃଜାକ ମେଃନେ ପେ ସାପାରେନେ ବିସ୍‌ବାସ୍ ଆଡ଼ିଙ୍ଗକେ ଶୁ ?”^{୪୧} ମେଇଙ୍ଗ ମାତର୍ ଜବର୍ ବୁଟ ଖେଆରକେ । ମେଇଙ୍ଗ ନିଜେ ବିତ୍ରେ ବାଲିର୍‌ବାତା ଆରକେ “ଏନ୍ ଡିରକମ୍‌ନେ ରେମୁଆଁ ? ଦେକ୍‌ରକମ୍ କି ଖେଡ଼ିଆ ଆରି ଲତଡ଼ି ଡିଗ୍ ଆମେକେ ମାନେଃ ତିଂଆରକେ ।”

୫

ଜିସୁ ମୁଇଂ ବୁଡ଼ ସାଃଲେଃକେ ରେମୁଆଁକେ ନିମାଣ୍ଡା ଆଃଡ଼ିଙ୍ଗକେ (ମାଡ଼ିଡ଼ ୮:୨୮-୩୪; ଲୁକ୍ ୮:୨୭-୩୯)

^୧ ଇଡ଼ିଙ୍ଗ ଜିସୁ ଆରି ମେନ୍‌ନେ ସିସ୍‌ଇଙ୍ଗ ଗାଲିଲୀ କେଣିଆନେ ଜନୁମେତା ଗରାଗୀୟଇଂନେ ଜନିଅରିଆ ଖେଟା ଆରକେ ।^୨ ଜିସୁ ତରାବାନ୍ ଜାରକେ ଦାପରେ ମୁଇଙ୍ଗ ରେମୁଆଁ ରାଃଟ୍ୟା ବାନ୍ ତାର୍‌ରେ ମେଁ ତାଗ୍ରା ପାଙ୍ଗକେ । ମେନ୍‌ନେ ଗାଗଡ଼େ ଗଲିଆ ବାସା ଲେଃଗେ ।^୩ ଆତେନ୍ ରେମୁଆଁ ରାଃଟ୍ୟା ଅରିଆ ଲେଃମ୍ୟାକେ ଆମେକେ ଜାଣ୍ଡେ ଡିଗ୍ ଗାଗ୍ ଆୟା ଆରକେ । ଦେକ୍‌ରକମ୍‌କି ସିକ୍ଲି ଏତେ ଡିଗ୍ ଆମେକେ ଗାଗ୍ ଆୟା ଆରକେ ଶୁ ।^୪ ତାଗ୍‌ଲା ଆମେକେ ଜାବର୍ ତର୍ ଡିକାଡ଼ୁ ଆରି ସିକ୍ଲି ଏତେ ଗାଗ୍ ବିଃବମ୍ୟାକେ, ମାତର୍ ମେଁ ଡିକାଡ଼ୁ ଚୁଟକ୍‌ଚାର୍ ଜଗ୍‌ଲ୍ଲାଗ୍ ମ୍ୟାକେ ଆରି ସିକ୍ଲିକେ ଟିକ୍‌ଟିଚେ ଜଗ୍‌ଲ୍ଲାଗ୍‌ଡ଼ିଂଗେ । ଜାଣ୍ଡେ ଡିଗ୍ ଆମେକେ ଗାଗ୍‌ଚେ ବ ଆୟାଆରକେ ଶୁ ।^୫ ମେଁ ସ୍ତ୍ରି ମିଡିଗ୍ କାଲାଆଃ ରାଃଟ୍ୟା ଆରି କଣ୍ଡା ଅରିଆ ଲେଃଟେ ସାର ସାଗା ମ୍ୟାକେ ଆରି ନିଜେ ମେଁ ବ୍ରି ଏତେ ଚୁଟାର୍‌ଚେ ଆଃଟିନା ଆଃବାନା ଡିଙ୍ଗମ୍ୟାକେ ।

^୬ ରେମୁଆଁ ମୁଇଙ୍ଗ ଜିସୁକେ ସ୍ଲବାନ୍ କେଚେ ମେଁ ତାଗ୍ରା ଝିର୍ ଡୁଂପାଙ୍ଗଚେ ମେନ୍‌ନେ ସେନ୍‌ଗ୍ ଲଃଃଖେଗେ ।^୭ ଆରି କିରଚେ ବାସଙ୍ଗକେ, ଏ ସାପାବାନ୍ ମ୍ବା ଇସ୍‌ପରନେ ଉଙ୍ଗଡେ ଜିସୁ ! ନା ଏତେ ନେଙ୍ଗନେ ମେଃ କାମ୍ ଲେଃକେ ? ଆନାକେ ଇସ୍‌ପରନେ ମିରେ ମୁଣ୍ଡିଆ ବଗ୍‌ଣ୍ଡିକେ ଆନେଙ୍ଗ୍ ତଣ୍ଡୁ ଆବିଗେ ।^୮ ତାଗ୍‌ଲା ଜିସୁ ଆମେକେ ବାଲିର୍ ନସା ଖେଡ଼ିଙ୍ଗେ “ଏ ବୁଡ଼ ଆମ୍ବା; ଆକେନ୍ ରେମୁଆଁବାନ୍ ତାର୍‌ଖେଲା ।”

୯ ଜିସୁ ଆମେକେ ସାଲିଆକୁକେ, “ନାଁ ମିଁ ମେଠନେ ?” ଆତେନ୍ ରେମୁଆଁ ବାଲିରକେ, “ନେଙ୍ଗ୍‌ନେ ମିଁ ‘ବାହିନୀ’, ତାଗ୍ଲା ନେ ଜାବର୍ ।”

୧୦ ଆତେନ୍ ଗଲିଆଇଂ କାକୁରତି ତିଂରେ ବିକ୍ ସାଲିଆକେ ଜେ ମେଁ ଗଲିଆଇଂକେ ଆତେନ୍ ଏରିଆବାନ୍ ପାଦା ବେଆବିଗେ ନାମଃ ।

୧୧ ଆତେନ୍ କଣ୍ଡା ଆଡ଼ାପାକା ଆତେନ୍ ବେଲା ଗୁରୁଗଇଂ ଗୁଲେ ମାନ୍ଦା ରୁଚଙ୍ଗ୍ ଅଲେଙ୍ଗ୍ ତିଂଆରଗେ । ୧୨ ବୁଡ଼ଇଂ ଜିସୁକେ କୁସାମୁତି ତିଂରେ ବାଲିରଆରକେ, “ଆନେକେ ଗୁରୁଗଇଂ ତାଗ୍ଲା ବେବିଃ ତେଲା ନେଁ ମେଁଇଂନେ ଗାଗଡ଼େ ବିତ୍ରେ ଗାନେଝେଏ ।” ୧୩ ଜିସୁ ଆମେଇଂକେ ଦେକ୍‌ରକମ୍ ତିଙ୍ଗ୍‌ନେସା ଆଦେସ୍ ବିକେ । ଇଡ଼ିଙ୍ଗ୍ ବୁଡ଼ଇଂ ଆତେନ୍ ରେମୁଆଁ ଗାଗଡ଼େବାନ୍ ତାରରେ ଗୁରୁଗଇଂ ଗାଗଡ଼େ ଗାଝେଆରଗେ, ଆତେନ୍ ଗୁରୁଗ୍ ମାନ୍ଦାଇଙ୍ଗ୍ ଗୁଲେ ମ୍ପାର୍ ଅଜାର୍ ଲେଃଆରଗେ । ଆତେନ୍ ସାପାଜାକ ଗୁରୁଗ୍ କଣ୍ଡା ଆଃଡ଼ାବାନ୍ ଦାପ୍ତେ ଝିର୍ ହୁଂପାଙ୍ଗ୍‌ରେ କେଣ୍ଡିଆ ବିତ୍ରେ ଲଗ୍‌ତ୍ୟା ଗୁଏଃଆରକେ ।

୧୪ ଗୁରୁଗ୍ ମାନ୍ଦାକେ ହୁର୍‌ତ୍ୟାରେ ଝିର୍ ହୁଂଝେରେ ଇନିଇଂକେ ଆକେନ୍ ସାପା ଗର୍‌ନା ଆମ୍ୟା ବିଃଆରକେ । ରେମୁଆଁ ମେଁନେ ଗଟେଲେଃକେ ତାଗ୍‌ରେ କିକେନ୍‌ସା ପାଙ୍ଗ୍‌ଆରକେ । ୧୫ ମେଇଙ୍ଗ୍ ଜିସୁନେ ତାଗ୍ଲା ପାଙ୍ଗ୍‌ରେ କେଆରକେ ଜାଣ୍ଡେନେ ଗାଗଡ଼େ ଅଲେଙ୍ଗ୍‌ନେ ଗଲିଆ ଗାଲେଃକେ ଆତେନ୍ ରେମୁଆଁ ପାଟାଇପୁଟାଈ ସରେଃ ନିମାଣ୍ଡା ତିଂରେ କଲେଃଗେ । ମେଁନେ ମନ୍ ନିମାଣ୍ଡା ତିଙ୍ଗ୍‌ଝେଲେଃଗେ । ଆକେନ୍ କେଚେ ମେଇଙ୍ଗ୍ ବୁଟ୍ ଝେଆରକେ । ୧୬ ଆଡ଼ଅରିଆ ଉଡ଼ି ରେମୁଆଁ ଲେଃଆରଗେ ଜାଣ୍ଡେଇଂ ଜିସୁ କାମ୍ ତିଂବକ୍ଲେ କେଲେଃଆରକେ । ମେଇଙ୍ଗ୍ ବିନ୍ ରେମୁଆଁଇଂନେ ସେନୁଗ୍ ଗଲିଆ ସାକ୍ଲେ ରେମୁଆଁନେ ଆରି ଗୁରୁଗଇଂନେ ବିଡ଼ରେ ମେଃ ତିଙ୍ଗ୍‌ଲେଃଗେ, ଆତେନ୍ ସାପା ବାସଙ୍ଗ୍‌କେ ।

୧୭ ଇଡ଼ିଙ୍ଗ୍ ଆତେନ୍ ରେମୁଆଁଇଙ୍ଗ୍ ଜିସୁକେ ଆତେନ୍ ଇନି ଆଡ଼ାରରେ ଝିଗ୍‌ନେସା ଗୁଆରେ ଆରକେ ।

୧୮ ଜିସୁ ତରା ତାଗ୍ଲା କଚେ ଝିଗ୍‌ନେସା ତିଆର୍ ତିଂକେ । ଜାଣ୍ଡେ ସେନୁଗ୍ ଗଲିଆ ଆସାଃରେ ବାନ୍ଦା ତିଙ୍ଗ୍‌ଲେଃଗେ, ମେଁ ଜିସୁଏତେ ଝିଗ୍‌ନେସା ଆମେକେ ଗୁଆରେକେ ।

୧୯ ମାତର ଜିସୁ ଆମେକେ ଓଗନ୍‌ସା ଆଦେସ୍ ଆବିଃକେ ଶୁ । ଜିସୁ ବାସଙ୍ଗକେ, “ନାଁ ନାଁନେ ନିଜର୍ ତୁଆ ରେମୁଆଁଇଂ ତାଗ୍ରା ଓଗ୍‌ଲ୍ଲା । ମାପୁ ନାଁନ୍‌ସା ମେଃ ଡିଙ୍ଗ୍‌ବକେ, ଆଡେନ୍‌ ସାପା ସାମୁଆଁ ଆମେଇଂକେ ବାସଙ୍ଗ ଜେ ମାପୁ ଆନାକେ ଦୟା ଡିଙ୍ଗ୍‌ବକେ ।”

୨୦ ତେସା ମେଁ ଓଗ୍‌କେ ଆରି ଦେକାପଲୀ ତାଗ୍ଲା ଗୁଆକ୍ଲିଗ୍ ଇନିନେ ରେମୁଆଁଇଙ୍ଗକେ ବାସଙ୍ଗନେ ଲାଗେକେ ଜେ ଜିସୁ ଡିରକମ୍ ମେଁ ନ୍‌ସା ଡଡ଼ି ମ୍ଲାନେ କାମ୍ ଡିଙ୍ଗ୍‌ବକେ । ସାପା ରେମୁଆଁ ଆକେନ୍‌ ସାମୁଆଁ ଅଁରେ କାବା ଡିଙ୍ଗ୍‌ଆରଗେ ।

ସେଲାମ୍‌ସୁଃ ରେମୁଆଁ ନିମାଣ୍ଡା ତିଂକେ - ଜାଇରସ୍‌ନେ ସେଲାମ୍‌ସୁଃ ମ୍ଲିକେ

(ମାତିଡ ୯:୧୮-୨୭; ଲୁକ୍ ୮:୪୦-୫୭)

୨୧ ଜିସୁ ତରାଅରିଆ କଚେ କେଣ୍ଡିଆ ଇନୁମେତା ଝେକେ । ଆରି କେଣ୍ଡିଆ ଆଡା ମେଁନେ ପିତୁରପାକା ଗୁଲେ ରେମୁଆଁ ରିସିଙ୍ଗ୍ ଆରକେ । ୨୨ ଜିଉଦି ପାରତନା ତୁଆନେ ମୁଇଙ୍ଗ୍ ନେତା ଆଡ଼ଅରିଆ ପାଙ୍ଗକେ । ମେଁନେ ମ୍ଲି ଜାଇରସ୍ ଲେଃଗେ । ଜାଇରସ୍ ଜିସୁକେ କେକ୍ଲେ ଦାପ୍ରେ ମେଁ ସ୍ତ ବୁଦେ ଲଃଝେକେ । ୨୩ ମେଁ କାକୁରତି ତିଂରେ ଜିସୁକେ ବିକ୍ ସାଲ୍ୟାକେ, “ନେଙ୍ଗନେ ତାଆଁ ଗଡ଼େଅ ଗୁଏନେ ଆଡାତ୍ରା । ଲିବିସଃ ଡିଙ୍ଗ୍‌ରେ ନାଁ ପାଙ୍ଗାଲୀ ମେଁନେ ଆଡାତ୍ରା ତ୍ରି ବ ତେଲା ମେଁ ନିମାଣ୍ଡା ଡିଙ୍ଗ୍ ଝେଏ ଆରି ଜିବନ୍‌ ବାଏ ।”

୨୪ ଜିସୁ ଜାଇରସ୍ ଏଡେ ତାରକେ । ଜବର୍ ରେମୁଆଁ ଜିସୁନେ ପ୍ଲା ଝେ ଆରକେ । ଗଉଲି ଡିଙ୍ଗ୍‌ଲା ରେମୁଆଁଇଙ୍ଗ୍ ଜିସୁନେ ପାକା ଚେତା ତୁଂପାଙ୍ଗ୍ ତିଂଆରଗେ ।

୨୫ ଆଡ଼ ଅରିଆ ରେମୁଆଁଇଙ୍ଗ୍ ବିଡ଼େ ମୁଇଙ୍ଗ୍ ସେଲାମ୍‌ସୁ ଲେଃଗେ । ଝେକ୍ଲେ ଗମ୍ବାର୍ ମୁଆଁ ସାଚେ ମେଁନେ ଆବୁଲେଃ ଡିଙ୍ଗ୍‌ଲେଃଗେ । ୨୬ ଗୁଲୁଏ ଗଦାର୍ କାନାଇଙ୍ଗ୍ ଅଲେଙ୍ଗ୍ ଆଃତାଚେ ମେଁ ଲାକାଃ ଝେଲେଗେ । ମେଁ ଜବର୍ ଦୁକ୍ ବାଡ଼ିଂଗେ, ମେଁନେ ସାପା ତାରୁ କର୍ ଡିଙ୍ଗ୍ ଝେଲେଃଗେ । ଏଲେଡିଗ୍ ମେଁନେ ଗାଗ୍‌ଡେ ନିମାଣ୍ଡା ଆଡିଙ୍ଗ୍‌କେ ଶୁ । ତେଲା ମେଁନେ ଗାଗ୍‌ଡେ ଜବର୍ ଜବର୍ ଆଃ ଦଦିଆ ଡିଙ୍ଗ୍ ଝେ ଲେଃଗେ । ୨୭ ଆଡେନ୍‌ ସେଲାମ୍‌ସୁ ଜିସୁନେ ସାମୁଆଁ ଅଁରେ ଇଡିଙ୍ଗ୍

ରେମୁଆଁଇଙ୍କ ଏତେ ମେଇଙ୍କନେ ପ୍ଲା ଝେକେ । ମେଁ ପ୍ଲା ପାକାବାନ୍ ପାଙ୍ଗରେ ଜିସୁନେ ପାଟାଇ ଜାଲିପୁଆଃକେ ଲିଗକେ । ୨୮ ମେଁ ମନେ ମନେ ବାସଙ୍ଗତିଂଗେ, ନିଂ ମେଁନେ ପାଟାଇ ନ୍ଲିଗିଲ୍ଲା ନେଙ୍ଗ ନିମାଣ୍ଡା ଶ୍ରିଙ୍ଗ୍ ।

୨୯ ମେଁ ଜିସୁନେ ପାଟାଇ ଲିଗିକ୍ଲେ ଦାପ୍ରେ ମେଁନେ ଆବୁଲେଃ ଡିଙ୍ଗ୍ଲେ ମ୍ୟା ବନ୍ଦ ଡିଙ୍ଗ୍ଝେଗେ ଆରି ମେଁନେ ଗାଗ୍ଡେନେ ରଗ୍ବିଆଦି ନିମାଣ୍ଡା ଡିଙ୍ଗ୍ ଝେଗେ ଡାଗ୍ଡେ ମେଁ ବାବେକେ । ୩୦ ଆତେନ୍ ବେଲା ଜିସୁ ମନେ ବାବେକେ ଜେ ମେଁନେ ବାନ୍ ବପୁ ତାର୍ ଝେଲେଃକେ । ମେଁ ତୁଆଁ ବିଃକେ ଆରି ପ୍ଲା ପାକା ପୁଏରେ ସାଲିଆକୁକେ, “ନେଙ୍ଗନେ ପାଟାଇ ଜାଣ୍ଡେ ଲିଗକେ ?”

୩୧ ସିସ୍ଲଂ ଜିସୁକେ ବାଲିର୍ ଆରକେ, “ଆକ୍ଅରିଆ ତ ଗୁଲୁଏ ରେମୁଆଁ ନାଁନେ ପାକା ଟମେଗ୍ଡେ ଝେଡିଂଆରକେ । ଆରି ନାଁ ସାଲ୍ୟାକୁ ନାଡିଙ୍ଗକେ, ଆନେଙ୍ଗ ଜାଣ୍ଡେ ଲିଗକେ ?”

୩୨ ଡାଗ୍ଲା ଜିସୁ ଆନିଂକେ ଜାଣ୍ଡେ ଲିଗକେ ଡାଗ୍ଡେ ପିଡୁର୍ପାକା ମୁଆଃ କିକେନେ ଲାଗେକେ । ୩୩ ଆତେନ୍ ସେଲାମ୍ପୁୟୁଃ ମ୍ୟାଲେଃକେ ଜେ ମେଁ ନିମାଣ୍ଡା ଡିଙ୍ଗ୍ ଝେଲେଗେ । ତେସା ମେଁ ଜୁର୍ ଜୁର୍ରେ ପାଙ୍ଗରେ ଜିସୁନେ ଞ୍ଚ ବୁନ୍ଦେ ଲଃଝେଗେ । ମେଁ ବୁଟରେ ଜୁର୍ ଡିଙ୍ଗକେ । ମେଁ ଜିସୁକେ ସାପା ସଡ୍ ସାମୁଆଁ ଆଃମ୍ୟାଃକେ । ୩୪ ଜିସୁ ଆମେକେ ବାସଙ୍ଗକେ, “ଏ ଗଡେଅ; ନାନେ ବିସବାସ୍ ଆନାକେ ନିମାଣ୍ଡା ଆଡିଙ୍ଗ୍ ବକେ । ସାନ୍ତିରେ ଝିଗ୍ଲା ଆରି ନାଁନେ ରଗ୍ବାନ୍ ନିମାଣ୍ଡା ଡିଙ୍ଗ୍ ।”

୩୫ ଜିସୁ ଆଡ୍ଅରିଆ ଆକେନ୍ ସାପା ସାମୁଆଁ ବାଲିର୍କ୍ଲେ ବେଲା ଜିଉଦିଙ୍ଗନେ ପାର୍ଡନା ତୁଆନେ ନେଡା ଜାଇରସ୍ ତୁଆବାନ୍ ଡଡିରୁଆ ପାଙ୍ଗରେ ଆମେକେ ବାଲିର୍କେ, “ନାନେ ସେଲାମ୍ପୁୟୁଅ ଗୁଏଗେ । ପ୍ରେକ୍ ନସା ନାଁ ଗୁରୁ, ଜିସୁକେ ସରାଃ ମେଃନ୍ସା ତେରେପେତେ ନାରାଡିଙ୍ଗ୍ ?”

୩୬ ମାତର୍ ଜିସୁ ମେଁଇଙ୍ଗନେ ସାମୁଆଁ ଅଁ ଆଃଡାରେ ଜିଉଦି ପାର୍ଡନା ତୁଆନେ ନେଡାକେ ବାସଙ୍ଗକେ, “ଆବ୍ଟଗେପା ନାମଃ; ମାତର୍ ବିସବାସ୍ ଡିଙ୍ଗ୍ପା ।” ୩୭ ଇଡିଙ୍ଗ୍ ମେଁ ସାପା ରେମୁଆଁକେ ଆନ୍ତାରରେ ପିତର ଜାକୁବ ଆରି ମେଁନେ ବୟାଣ୍ଡେ ଜହନ ଏତେ ଝା ତୁଙ୍ଗ୍ଝେକେ । ୩୮ ମେଁଇଙ୍ଗ୍ ଜିଉଦି ପାର୍ଡନା ତୁଆନେ ନେଡାନେ

ତୁଆନ୍ନିଆ ଖେଆରକେ । ମେଁ ଆଡ଼ଅରିଆ ରେମୁଆଁଇଂକେ ଜାବର୍ ଖାସାରରେ ହ ତିଙ୍ଗିଆରକ୍ଲେ ଆରି ଆଡ଼ ଅରିଆ ଜବର୍ ସାର ସାଗା ତିଙ୍ଗିଆରକ୍ଲେ କେକେ । ୩୯ ଜିସୁ ତୁଆ ବିତ୍ରେ ଗାରେ ରେମୁଆଁଇଂକେ ବାସଙ୍ଗକେ, “ପେ ସାପାରେ ମେନ୍‌ସା ଅଃକେନ୍ ସାରସାଗାଃରେ ହ ପେଡ଼ିଙ୍ଗ ? ଆକେନ୍ ଗଡ଼େଅ ଆଗୁଏକେ ଶୁ ମେଁ ମାତର ତୁଲେଃଗ୍ ଲେଃକେ ।” ଆକେନ୍ ଅଁରେ ସାପା ରେମୁଆଁ ଜିସୁକେ ଏଃଲ୍ୟା ଆରକେ ।

୪୦ ମାତର ମେଁ ସାପା ରେମୁଆଁକେ ତୁଆବାନ୍ ବାଜାର ବେ ବିକେ । ମାତର ଗଡ଼େଅନେ ଇୟାଙ୍ଗ ଆବା ଆରି ମେଁ ଏତେ ପାଙ୍ଗଲେଃକ୍ଲେ ସିସଙ୍ଗକେ ସଙ୍ଗେ ତୁଙ୍ଗିଂରେ ଗଡ଼େଅ ଆଣ୍ଟିନେ ବାକ୍ରା ତୁଲେଃଗ୍ ଲେଃକେ ଆତେନ୍ ବାକ୍ରା ଖେଆରକେ । ୪୧ ଇଡ଼ିଙ୍ଗ ଜିସୁ ଗଡ଼େଅନେ ତ୍ରି ସାରେ ଆମେକେ ବାଲିରକେ, “ଟାଲିଆ କୁମ୍” ଡାଗ୍ଲା “ଏ ଗଡ଼େଅ, ନେଙ୍ଗ ଆନାକେ ବାସଙ୍ଗିଂକେ ତଃଡ଼ିଆ ।”

୪୨ ଗଡ଼େଅ ଜିଆ ଜିଆ ତଡ଼ିଆରେ ତୁଆଁକେ ଆରି ଅଲେଙ୍ଗନେ ମୁଲେକେ । ଗଡ଼େଅନେ ବଏସ୍ ଗମ୍ବାର ମୁହା ତିଙ୍ଗିଲେକେ । ସାପାରେ କେରେ ଜବର୍ ଇରିଆତୁଗ୍ ତିଙ୍ଗିଂଆରେ । ୪୩ ଜିସୁ ଆକେନ୍ ସାପା ସାମୁଆଁ ରେମୁଆଁଇଂକେ ଆରାଃମ୍ୟାଃଗ୍‌ପା ଡାଗରେ ଗଡ଼େଅନେ ଇୟାଙ୍ଗତେ ଆବାଡ଼େକେ ଡାଟାମ୍ ବାବରେ ବୁଦି ବିକେ । ଇଡ଼ିଙ୍ଗ ଜିସୁ ଗଡ଼େଅନେ ଇୟାଙ୍ଗତେ ଆବାଡ଼େକେ ବାଲିରକେ, ଗଡ଼େଅକେ ମେଃଡ଼ିଗ୍ ବୁଚଙ୍ଗ ନ୍‌ସା ବିଃପା ।



ଜିସୁ ନିଜେନେ ଜନମ୍ ଜାଗାନ୍ନିଆ ଖେକେ

(ମାତିଡ ୧୩:୫୩-୫୮; ଲୁକ୍ ୪:୧୭-୩୦)

୧ ଜିସୁ ଆତେନ୍ ଜାଗା ଆନ୍ତାରରେ ସିସଙ୍ଗ ଏତେ ନିଜର୍ ଇନି ନାଜରିତନ୍ନିଆ ଖିଗ୍‌କେ । ୨ ଆଡ଼ଅରିଆ ପୁଣ୍ଡେନେ ଦିନା ପାରତନା ତୁଆନ୍ନିଆ ମେଁ ବାସଙ୍ଗନେ ବେଲା ଗୁଲୁଏ ରେମୁଆଁ ପାଙ୍ଗଲେ ଆରକେ । ଜିସୁନେ ସାମୁଆଁ ଅଁରେ ମେଇଂ ଇରିଆତୁଗ୍‌ରେ ବାସଙ୍ଗକେ, “ଅଃକେନ୍ ସାମୁଆଁ ମେଁ ଆଣ୍ଟିବା ମ୍ୟାଃକେ ? ଅଃକେନ୍ ଗିଆନ୍ ମେଁ ଆଣ୍ଟିବା ମ୍ୟାଃକେ ? ଏନ୍ ସାପା ଇରିୟାତୁଗ୍‌ନେ କାମ୍ ମେଁ ତିରକମ୍

ତିଂକେ ? ^୩ ଆକେନ୍ ମେଁନେ ଆତେନ୍ ବାଡ଼ୟନେ ଉଙ୍ଗଡେ ଶୁ ? ଆକେନ୍ ମେଁନେ ମରିୟମନେ ଉଙ୍ଗଡେ ଶୁ ଆରି ଜାକୁବ୍ ଯୋସି ଜିଉଦା ଆରି ଶିମୋନ୍ନେ ବୟାଣ୍ଡେ ଶୁ ତ ? ମେଁନେ ତନାଣ୍ଡେଇଂ ମେଠନେ ନେଁ ଏତେ ଶୁ କି ?” ଆକେନ୍ ବାସଙ୍ଗଟେ ଜିସୁକେ ଏଠଲ୍ୟା ଆରକେ ।

^୪ ✨ମାତର୍ ଜିସୁ ଆମେଇଂକେ ବାସଙ୍ଗକେ, “ବିନ୍ ରେମୁଆଁଇଙ୍ଗ୍ ମୁଇଙ୍ଗ୍ ବାବବାଦିକେ ସନ୍ମାନ ବିଠ ମ୍ୟା ଆରକେ । ମାତର୍ ମେଁଇଙ୍ଗ୍ ନିଜର୍ ନିଜର୍ ରେମୁଆଁଇଙ୍ଗ୍କେ ଆରି ମେଁଇଙ୍ଗ୍ନେ ତୁଆନେ ରେମୁଆଁଇଙ୍ଗ୍କେ ସନ୍ମାନ ଆବିଆର୍ ଶୁ ।”

^୫ ଆତେନ୍ ଜାଗାଅରିଆ ଉଡ଼ିକ୍ଲିଗ୍ ରଗିଇଂନେ ଆଡ଼ାଡ଼ା ଟ୍ରି ବଚେ ମେଁ ଆମେଇଂକେ ନିମାଣ୍ଡା ଆଠଡ଼ିଙ୍ଗ୍ ବାନ୍ । ଆଡ଼ଅରିଆ ଜିସୁ ମେଠଡ଼ିଗ୍ କାବା ଡ଼ିଙ୍ଗ୍ନେ କାମ୍ ଆରାଠସୁଏକେ ଶୁ । ^୬ ମେଇଂନେ ଅବିସବାସ କେଚେ ଜିସୁ କାବା ଡ଼ିଙ୍ଗ୍ଝେଗେ । ଏନ୍ ଇଡ଼ିଙ୍ଗ୍ ଜିସୁ ଡାଗ୍ରା ଲେଠଙ୍ଗେ ଇନିଇଂ ଝେଚେ ରେମୁଆଁଇଂକେ ଗିଆନ୍ ବିକେ ।

ଜିସୁ ଗମ୍ବାର୍ ସିସ୍‌ଇଂକେ ଆଦେସ୍ ବିଚେ ବେକେ
(ମାତିଉ ୧୦:୫-୧୫; ଲୁକ୍ ୯:୧-୬)

^୭ ମେଁ ଗମ୍ବାର୍‌କ୍ଲିଗ୍ ସିସ୍‌ଇଂକେ ଝାଚେ ମ୍ୟାୟା ମ୍ୟାୟା ଆଡ଼ିଙ୍ଗ୍ଟେ ବେକେ । ଦୁସ୍ ଆମ୍ବାଇଂକେ ସାମ୍ନା ଡ଼ିଙ୍ଗ୍‌ନ୍‌ସା ଆମେଇଂକେ ଅଦିକାର୍ ବିକେ । ^୮ “ପେ ଝେନେସା ମୁଇଂ ତୁଡୁକେ ଆନ୍ତାର୍‌ଚେ ରୁଟି କି ମୁନା କି ତୁଆଲ୍‌କ୍ତୁଗୁ ତାବୁ ତୁଙ୍ଗ୍‌ମାଝେନ୍‌ସା ଆମେଇଂକେ ଆଦେସ୍ ବିଠକେ । ^୯ କୁତାକେ ଆନ୍ତାର୍‌ଚେ ବାରି ମେଠଡ଼ିଗ୍ ତୁଆଝେଗ୍‌ପା । ରୁଟି ଲେଠ ତାବୁ ଲେଠ ଆଝେଜଙ୍ଗ୍‌ନେ ମୁନା ଲେଠ ଇଡୁଡ଼ା ଡ଼ିଗ୍ ଜବର୍ ସକା ତୁଙ୍ଗ୍‌ଆଝେଗେପା ।” ^{୧୦} ବାରି ମେଁ ବାସଙ୍ଗକେ, “ପେ ମୁଠଡ଼ିନେ ତୁଆନ୍ନିଆ ପେଗାଏ, ଆତେନ୍ ଜାଗାବାନ୍ ମାତାର୍ ଜାକ ଆତେନ୍ ତୁଆ ଲାଲାପା । ^{୧୧} ✨ଜଦି ଆଡ଼ିନେ ଜାଗାନ୍ନିଆ ରେମୁଆଁ ଆପେକେ ଜାଗା ଆବଆର୍ ଶୁ ବାରି ପେନେ ସାମୁଆଁ ଆଅଁ ଆର୍ ଶୁ ପେନେ ଅନେ ଦୁଲି ତାଣ୍ଡି ବିଚେ ଆତେନ୍ ଜାଗା ଆନ୍ତାର୍ ବିଠପା । ଏନ୍ ମେଇଂନେ ବିରଦ୍‌ରେ ସାକି ରକମ୍ ଡ଼ିଙ୍ଗ୍‌ଏ ।”

✨ ୨:୪ ୨:୪ ଜହନ୍ ୪:୪୪. ✨ ୨:୧୧ ୨:୧୧ ପ୍ରେରିଡ଼ ୧୩:୫୧. ✨ ୨:୧୧ ୨:୧୧ ଲୁକ୍ ୧୦:୪-୧୧.

୧୨ ସିସ୍‌ଇଙ୍କ ଆଡ଼ବାନ୍ ବିନ୍ ଜାଗାନ୍ନିଆ ଝେଗେ ମେଇଙ୍କ ଆଡ଼ ଅରିଆ ଝାସାରନେ ଲାଗେକେ ଜେ ମନ୍ ଆଃବଲ୍ଲେନେ ମେଁନେ ଅଦିକାର୍ ଲେଃକେ । ୧୩ ✨ମେଇଙ୍କ ଗୁଲୁଏ ବୁଡ଼ଇଁକେ ନୁଆଁ ଆରକେ ବାରି ଆଃସି ଲେଃକେ ରେମୁଆଁଇଁକେ ଝୁ ଲିଗ୍‌ଚେ ନିମାଣ୍ଡା ଆଃଡ଼ିଙ୍କକେ ।

ଶ୍ରୀଆନ୍ନିଆ ଦିକ୍ୟାବିନେ ଜହନ୍ ଗୁଏଃନେ
(ମାଡ଼ିଉ ୧୪:୧-୧୨; ଲୁକ୍ ୯:୭-୯)

୧୪ ଇଃସାଙ୍କ ହେରୋଦ ଜିସୁନେ ସାମୁଆଁ ଅଁକେ । ତାଗ୍ଲା ଜିସୁନେ ମ୍ନି ପିତୁରପାକା ବେପ୍ରେ ଝେଗେ । ଉଡ଼ିରୁଆ ବାସଙ୍କଆରକେ, “ଜିସୁ ଡିଙ୍ଗ୍‌ଡିଙ୍ଗ୍‌କେ ତୁବନ୍ ବିଶ୍ଟେ ଜହନ୍ । ମେଁ ଗୁଏଃନେ ଆରି ମୁଇଁତର୍ ଜିବନ୍ ଡିଙ୍ଗ୍‌ଲେଃକେ । ଆଡେନ୍‌ସା ମେଁ କାବାକାମ୍ ଡିଙ୍ଗ୍‌ୟାତିଁକେ ।”

୧୫ ବିନ୍‌ଶ୍ଟେ ବାସଙ୍କ ଡିଂଆରକେ, “ମେଁ ଡିଙ୍ଗ୍‌ଡିଂକେ ଏଲୀୟ ।” ଆରି ଉଡ଼ିରୁଆ ବାସଙ୍କଡିଂଆରକେ, “ଜିସୁ ଡିଙ୍ଗ୍‌ଡିଙ୍ଗ୍‌କେ ବାବବାଦି ଅଃସେ କାଲ୍‌ନେ ବାବବାଦି ବକ୍ତାଈଁ ସୁଗୁଆ ମେଁ ମୁଇଙ୍କ ବାବବାଦି ବକ୍ତା ।”

୧୬ ହେରୋଦ ଜିସୁନେ ବିସୟରେ ଆକେନ୍ ସାପା ଅଁଚେ ବାସଙ୍କକେ, “ନିଁ ଜହନ୍‌ନେ ବାଆଃ ସିତର୍ ବିମ୍ବକେ । ଆରି ଜହନ୍ ଗୁଏକ୍ଲେ ବାନ୍ ତଡ଼ିଆ ଲେଃକେ ।”

୧୭ ନିଜେ ହେରୋଦ ଜହନ୍‌କେ କଏଦ୍ ଆଡ଼ିଙ୍ଗ୍‌ନେସା ମେଁଇଙ୍କନେ ସନ୍‌ୟଇଁକେ ଆଦେସ୍ ବିକେ । ଜହନ୍‌କେ କଏଦ୍ ତୁଆନିଆ ଆଃଗାବଗେ । ହେରୋଦ ନିଜର୍ ବୟାଁ କୁନେଶ୍ଟେକେ ହେରୋଦିଆ ଏଡେ ସାଦା ଆଡ଼ିଙ୍ଗ୍‌ନେ ନ୍‌ସା ଆକେନ୍ ଡିଙ୍ଗ୍‌ବକେ । ସିସେ ହେରୋଦିଆ ହେରୋଦ ବୟାଁଶ୍ଟେ ଫିଲିପୀନେ କୁନେଶ୍ଟେ ଲେଃଗେ । ଇଡ଼ିଙ୍ଗ୍ ହେରୋଦ ଆମେକେ ବିହେ ଡିଙ୍ଗ୍‌ଲେଃଗେ । ୧୮ ଜହନ୍ ହେରୋଦକେ ବାସଙ୍କକେ, “ନାବୟାଁନେ ସେଲାମ୍‌ୟୁଃକେ ତୁଂଝିଗ୍‌ନେ ନିୟମ୍ ଶ୍ଟୁ”

୧୯ ଆଡେନ୍‌ସା ହେରୋଦିଆ ଜହନ୍‌କେ ଇର୍ସାରେ କିକେ ଡିଂଗେ । ମେଁ ଜହନ୍‌କେ ବାଗୁଏଃ ନ୍‌ସା ଇକ୍‌ଚା ଡିଂକେ । ମାଡ଼ର୍ ମେଁ ଜହନ୍‌କେ

✨ ୭:୧୩ ୭:୧୩ ଜାକୁବ୍ ୫:୧୪.

ବାଗୁଏଃ ଆୟାକେ ଶୁ । ୨୦ ତାଗ୍ଲା ଜହନ୍ ମୁଇଂ ସାଦୁ ଆରି ଦରମ୍ ରେମୁଆଁ ତାଗ୍ରେ ମ୍ୟାଚେ ହେରୋଦ ଆମେକେ ବୁଟମେଗ୍ ତିଂଗେ ବାରି ଆମେକେ ନିମାଣ୍ଡା ବଗେ । ଜହନ୍‌ନେ ସିକ୍ୟା ଅଁଚେ ପ୍ରେଗ୍‌ପ୍ରେଗ୍ ବୁଟମେଗ୍ ତିଂଲେଃଲ୍ଲା ଡିଗ୍ ମେଁନେ ସାମୁଆଁ ଅଁନ୍‌ସା ମେଁ ଚାଏଁତିଂଗେ ।

୨୧ ଉଡ଼ିସି ଖେକ୍ଲେ ଇଡ଼ିଙ୍ଗ୍ ହେରୋଦନେ ଜନମ୍ ଦିନା ଜହନ୍‌କେ ବାଗୁଏଃନ୍‌ସା ହେରୋଦିକେ ମୁଇଙ୍ଗ୍ ସୁବିଦା ମିଲେକେ । ମେଁନେ ମ୍ଲା ଅଦିକାର୍ ସେନାପତିଇଂ ଆରି ଗାଲିଲୀନେ ସାପା ମ୍ଲାଃ ରେମୁଆଁକେ ହେରୋଦ ମିଡିଗ୍ ବେଲା ବଜି ବିଃଡିଂଗେ । ୨୨ ହେରୋଦିଆନେ ଗଡ଼େଅ ଏନ୍ ପାଣ୍ଡୁସୁଦିନା ଖାଡ଼େଙ୍ଗ୍ ଖାଚେ ହେରୋଦ ବାରି କୁଲାରୋଇଂକେ ସାଦା ଆଡ଼ିଙ୍ଗ୍‌କେ । ତେସା ଇଃସାଙ୍ଗ୍ ଗଡ଼େଅକେ ସାଲିଆକୁକେ, “ନାଁ ମେଃନେ ଚାଏଁନାଡିଂ, ମେଃନେ ନାସାଲ୍ୟାଏ ଆତେନ୍ ମ୍ସିଏ ।” ୨୩ ହେରୋଦ ପାର୍‌ମାନ୍ ତିଂଚେ ବାସଙ୍ଗ୍‌କେ, “ନାଁ ମେଃନେ ନାସାଲ୍ୟାଏ, ନେଙ୍ଗ୍ ଆନାକେ ଆତେନ୍ ମ୍ସିଏ । ଦେକ୍‌ରକମ୍ ନେଙ୍ଗ୍ ରାଜିନେ ମେଡା ବାଗ୍ ଆନାକେ ମ୍ସିଏ ।”

୨୪ ଆତେନ୍ ସେଲାମ୍‌ଅ ମେଁ ଇୟାଙ୍ଗ୍‌ଡେନ୍ନିଆ ଖେକେ ଆରି ସାଲିଆକୁକେ, “ଇଃସାଙ୍ଗ୍ ହେରୋଦକେ ନେଙ୍ଗ୍ ମେଃନେ ନ୍‌ସାଲ୍ୟାଏ ?”

ମେଁନେ ଇୟାଙ୍ଗ୍‌ଡେ ବାସଙ୍ଗ୍‌କେ, “ତୁବନ୍ ବିଶ୍ଟେ ଜହନ୍‌ନେ ବାଆଃ ସାଲିଆ ।”

୨୫ ସେଲାମ୍‌ଅ ଚାପ୍‌ନା ଇଃସାଙ୍ଗ୍‌ନ୍ନିଆ ଖେଗେ । ମେଁ ଇଃସାଙ୍ଗ୍‌କେ ବାସଙ୍ଗ୍‌କେ, “ଆନେଙ୍ଗ୍‌କେ ଦିକ୍ୟାବିଂନେ ଜହନ୍‌ନେ ବାଆ ମୁଇଙ୍ଗ୍ ତାଲିନିଆ ଦାପ୍ରେ ତୁଂପାଙ୍ଗ୍ ବିଲାପା ।”

୨୬ ଏନ୍ ଅଁଚେ ଇଃସାଙ୍ଗ୍ ଦୁକ୍ ତିଙ୍ଗେ । ମାତର୍ ମେଁ ସେଲାମ୍‌ଅନେ ସାମୁଆ ପାର୍‌ମାନ୍ ତିଙ୍ଗ୍ ଆଃଡାବଗେ । ଆତେନ୍ ହେରୋଦ ଏତେ ଚଙ୍ଗ୍‌ଡିଙ୍ଗ୍‌କେ କୁଲାରୋଇଂ ଡିଗ୍ ହେରୋଦନେ ପାର୍‌ମାନ୍ ସାପା ଅଁ ଆଃଡା ବଆରକେ । ଆତେନ୍ ବିଃନ୍‌ସା ହେରୋଦ ମନା ତିଙ୍ଗ୍‌ନେ ଇକ୍‌ଚା ଆଡିଂକେ ଶୁ । ୨୭ ତେଲା ଇଃସାଙ୍ଗ୍ ଜହନ୍‌ନେ ବାଆ ତୁଂପାଙ୍ଗ୍ ନ୍‌ସା ଆଦେସ୍ ବିକେ ମୁଇଂ ସନ୍‌ଏକେ ବେକେ ମେଁ ଖେଚେ କଏଦ୍ ତୁଆବାନ୍ ଜହନ୍‌ନେ ବାଆଃ ସିତଗ୍ ବିକେ । ୨୮ ଜହନ୍‌ନେ ଆତେନ୍ ବାଆଃ ମେଁ ମୁଇଂ ତାଲିନିଆ ତୁଂପାଙ୍ଗ୍‌ଚେ ସେଲାମ୍‌ଅକେ

ବିଷକେ । ଆତେନ୍ ସେଲାମ୍ବୁଆ ଆତେନ୍ ବାଆଃକେ ତୁଂଝେରେ ମୈଁ
ଇୟାଙ୍ଗଡେକେ ବିଷକେ । ୨୯ ଆକେନ୍ ସାପା ଗର୍ନା ଜହନ୍ନେ
ସିସ୍‌ଇଂ ଅଁ ଆରକେ । ମେଇଙ୍ଗ୍ ପାଙ୍ଗ୍‌ରେ ଜହନ୍ ଗୁଏଃଝେ ମଡ଼ାକେ
ତୁଙ୍ଗ୍‌ଝେରେ ଆତି ବିଷଆରକେ ।

ମାଲିକ୍ଲିଗ୍ ଆଃଡ଼ ଆରି ମ୍ବାକ୍ଲିଗ୍ ରୁଟି

(ମାତିଉ ୧୪:୧୩-୨୧; ଲୁକ୍ ୯:୧୦-୧୭; ଜହନ୍ ୬:୧-୧୪)

୩୦ ଆଣ୍ଡିନେ ପ୍ରେରିଡ଼କଂକେ ଜିସୁ ବେବଗେ, ମେଇଙ୍ଗ୍ ଆଣ୍ଡେ
ଆରକେ । ମେଇଙ୍ଗ୍ ଜିସୁନେ ପିତୁର୍ ପାକା ଗେରେ ଆରକେ ।
ମେଇଙ୍ଗ୍ ମେଃନେ ଡିଙ୍ଗ୍‌ବଗେ ଆରି ରେମୁଆଁକଂକେ ମେଃନେ ସାପା
ଗ୍ୟାନ୍ ବିଷବକେ, ଆତେନ୍ ସାପା ଆମେକେ ବାସଙ୍ଗ୍‌ଆରକେ । ୩୧ ଜିସୁ
ଆରି ମୈଁନେ ସିସ୍‌ଇଂ ଜାବର୍ ଗଅଲି ଜାଗାନ୍ନିଆ ଲେଃକେ । ଆଡ଼
ଡାଗ୍ରା ମାଲେ ରେମୁଆଁ ଲେଃଗେ । ତେଲା ଜିସୁ ଆରି ମେଇଙ୍ଗ୍‌ନେ
ସିସ୍‌ଇଙ୍ଗ୍ ଏତେ ଚଙ୍ଗ୍‌ନେ ଇକୁଡ଼ା ବେଲା ଡିଗ୍ ଆମିଲେକେ । ଜିସୁ
ସିସ୍‌ଇଂକେ ବାସଙ୍ଗ୍‌କେ, “ପେ ନେଙ୍ଗ୍ ଏତେ ମୁଇଂ ରେମୁଆଁଗଣ୍ଡ୍ ଶୁବୁନ
ଜାଗାନ୍ନିଆ ନେଃଝେପା ଆରି ଆଡ଼ ଡାଗ୍ରା ଇକୁଡ଼ା ନେଃପୁଣ୍ଡେପା ।”
୩୨ ତେଲା ମେଇଙ୍ଗ୍ ମୁଇଂ ତରାନ୍ନିଆ କଚେ ମୁଇଂ ରେମୁଆଁଗଣ୍ଡ୍ ଶୁବୁନ
ଜାଗାନ୍ନିଆ ଝେଏ ଆରକେ ।

୩୩ ଡାଗ୍ରା ଜବର୍ ରେମୁଆଁ ମେଇଙ୍ଗ୍ ଏତେ ଅଲେଙ୍ଗ୍
ଝେଆରଡିଙ୍ଗ୍‌କେ କେଚେ ସାମୁଆଃ ଯାକେ । ତେଲା ସାପା ସଅର୍‌ନେ
ରେମୁଆଁ ଅଲେଙ୍ଗ୍ ଅଲେଙ୍ଗ୍‌ରେ ଜିସୁ ଲେଃଝେ ଗାନ୍‌ନିଆ ଝିର୍
ତୁଂଝେରେ ସେନ୍‌ଗ୍ ଝେଚାଆରକେ । ୩୪ ☆ଜିସୁ ଉଡ଼ିବେଲା ଆଡ଼
ଝେଚାକେ । ଗୁଲୁଏ ରେମୁଆଁ ପାଙ୍ଗ୍‌ଡିଙ୍ଗ୍‌କେ କେଚେ ମେଇଙ୍ଗ୍‌ନେ
ଆଡ଼ାତ୍ରା ମୈଁ ଦୟାରେ ତର୍‌ବର୍ ଡିଙ୍ଗ୍‌କେ । ଡାଗ୍ରା ଆମେଇଂକେ
ରକ୍ୟା ଡିଙ୍ଗ୍ ଆମ୍ୟାଃଝେ ମେଣ୍ଡା ରାସି ରକମ୍ ଲେଃଆରଗେ । ଜିସୁ
ଆମେଇଂକେ ଗୁଲେ ସାମୁଆଁ ବାସଙ୍ଗ୍‌କେ । ୩୫ ଆତେନ୍ ବେଲା
ତଙ୍ଗାର୍ ଝେଗେ । ଆତେନ୍ ବେଲା ସିସ୍‌ଇଂ ଜିସୁ ଡାଗ୍ରା ପାଙ୍ଗ୍‌ରେ
ବାସଙ୍ଗ୍‌ଆରକେ, “ଆକେନ୍ ମୁଇଂ ରେମୁଆଁଗଣ୍ଡ୍ ଶୁବୁନ ଗାନ୍ ଲମଡିଗ୍
ଡିଙ୍ଗ୍ ଝେଡିଙ୍ଗ୍‌କେ ।” ଆତେନ୍‌ସା ଆମେଇଂକେ ନୁଆଁ ବିଷପା ୩୬ ତେଲା

☆ ୨:୩୪ ୨:୩୪ ମାତିଉ ୯:୩୭.

ରେମୁଆଁଇଙ୍କୁ ଦାମ୍ନା ସ୍ତ୍ରୀ ସାଧୁ ଇନ୍ଦି ଆଣ୍ଡେଇଁ ବେପା । ତେଲ୍ଲା
ଆଡ଼ୁ ଝେତେ ମେଇଇଁ ମେଇଇଁନ୍ଦିଆ ଚଢ଼ନ୍ଦିଆ ମେଠଡ଼ିଗ୍ ବିଆର୍
ଡୁଂପାଈଆରୁଏ ।

୩୭ ମାତର ଜିସୁ ଆମେଇଂକେ ବାସଙ୍ଗକେ, “ପେଇଇଁ
ଆମେଇଂକେ ଚଢ଼ନ୍ଦେ ବିଃପା ।”

ସିସ୍‌ଇଂ ସାଲ୍ୟାକୁଆରକେ, “ନେ ମେଠନେ ଝେତେ ମ୍ମା ଆକେନେ
କୁଲି ତାରୁ ରୁଟି ବିଆର୍ ଡୁଂପାଈରେ ଆମେଇଂକେ ଚଢ଼ନ୍ଦେ ନେବିଏ
? ରୁଟି ବିଆର୍ ନିଆ ଦରକାର୍ ତିଲ୍ଲା ଆନେଠ ସାପାରେକେ ମୁଇଇଁ
ଆକେ ସ୍ଲେ ପଡ଼େଏ ।”

୩୮ ଜିସୁ ସିସ୍‌ଇଂକେ ସାଲିଆକୁକେ, “ଝେ କେଲ୍ଲା, ନାଁନ୍ନିଆ ଉଡ଼ିକ୍ଲିଗ୍
ରୁଟି ଲେଠକେ ?” ସିସ୍‌ଇଂ ରୁଟି ଏଜା ଆଠଡାରେ ବାସଙ୍ଗକେ ।

“ନେଇଁ ନ୍ନିଆ ମାଲିକ୍ଲିଗ୍ ରୁଟି ମ୍ମାକ୍ଲିଗ୍ ଆଡ଼ ଲେଠକେ ।”

୩୯ ଜିସୁ ଆଦେସ୍ ବିକେ, ରେମୁଆଁଇଂକେ ଚିକ୍ରାନେ କଅଁଲନେ
ରେମୁଆଁ ଆଡାତ୍ରା ମାନ୍ଦା ମାନ୍ଦା ଆଡ଼ିଂକେ ଆଠକବିପା ।
୪୦ ରେମୁଆଁଇଂକେ ସାପା କୁଦାନିଆ ଶହେ ଶହେ ଆରି ପରାସ୍ ପରାସ୍
ଡ଼ିଂକେ କଆରକେ । ୪୧ ଏନ୍ ଇଡ଼ିଂକେ ଜିସୁ ମାଲିକ୍ଲିଗ୍ ରୁଟି ଆରି
ମ୍ମାକ୍ଲିଂ ଆଡ଼କେ ଲିଂକେ କିଡ଼ିଂକେ ଇନ୍ଦି ତାଣ୍ଡେରେ ପର୍ମେସ୍‌ରକେ
ଦନ୍ୟବାଦ୍ ବିକେ । ଆଡେନ୍ ରୁଟି ଇଂକେ ଚିକ୍‌ଚିରେ ରେମୁଆଁଇଂକେ
ବିଡ୍ରେ ବାଟା ବିଠନ୍ଦିଆ ସିସ୍‌ଇଂକେ ବିଠକେ । ଇଡ଼ିଂକେ ଆଡ଼କେ
ଡିଗ୍ ଦେଡ଼ରକମ୍ ପାଗ୍‌ଚିରେ ରେମୁଆଁଇଂକେ ବାଟା ବିଠକେ ।
୪୨ ସାପାରେ ସୁଲୁଏ ପୁରୁନ୍ ଚଢ଼ନ୍ଦେ ସାନ୍ତି ବାଆରକେ । ୪୩ ସାପାରେ
ଚଢ଼ ଆଠଡାକେ ଇଡ଼ିଂକେ ସିସ୍‌ଇଂ ଲୁଆଁକେ ରୁଟି ମେତଗ୍ ଆରି
ଆଠଡ଼ ମେତଗ୍‌ଇଂକେ ଗମ୍ବାର୍‌କ୍ଲିଗ୍ ଆଣ୍ଡ୍ । ଅରିଆ ବର୍ଡି ଆଡ଼ିଂକେ
। ୪୪ ଜାଣ୍ଡେଇ ରୁଟି ଚଢ଼ଲେଠ ଆରଗେ, ମେଇଇଁ ବାନ୍ ମାତର
ଈର୍ବଏଠନେ ସଂକ୍ୟା ମାଲ୍ ଅଜାର୍ ଲେଠଆରଗେ ।

ଜିସୁ ଶ୍ରିଆ ଆଡାତ୍ରା ଅଲେଂକେ

(ମାଡିଡ ୧୪:୨୨-୩୩; ଜହନ୍ ୨:୧୫-୨୧)

୪୫ ଇଡ଼ିଂକେ ଜିସୁ ସିସ୍‌ଇଂକେ ତରା ବିଡ୍ରେ ଝେନେ ବାସଙ୍ଗ କିକେ
। ଜିସୁ ତରାନ୍ନିଆ ଡେଠରେ ସିସ୍‌ଇଂକେ କେଣ୍ଡିଆନେ ଇନ୍ନୁମେତା
ପାକା ଲେଠକେ ବେଅ୍‌ସାଈଦାନ୍ନିଆ ସେନ୍ନୁଗ୍ ଝେନେ ବାସଙ୍ଗକେ

ଆରି ମେଁ ନିଜେ ଇଡ଼ିଙ୍ଗ୍ ମୀଙ୍ଗ୍‌ଏ ଡାଗ୍‌ରେ ବାସଙ୍ଗ୍‌କେ, ଆତେନ୍ ରେମୁଆଁଇଙ୍ଗ୍‌କେ ତୁଆ ଝିଗ୍‌ଲାପା ଡାଗ୍‌ରେ ବାସଙ୍ଗ୍‌କେ । ମାତର୍ ମେଁ ଲେଃଝେଗେ । ୪୭ ଜିସୁ ରେମୁଆଁଇଙ୍ଗ୍‌କେ ବେବିଃକ୍‌କେ ଇଡ଼ିଙ୍ଗ୍ ପାର୍‌ତନା ଡିଙ୍ଗ୍ ନ୍‌ସା କଣ୍ଡା ଆଡ଼ାତ୍ରା ଝେକେ । ୪୮ ଲମ୍‌ଡିଗ୍‌କ୍‌କେ ଇଡ଼ିଙ୍ଗ୍ ତରା ମଜେ ଲଣ୍ଡିଆଃ ଲେଃଗେ ଆରି ଜିସୁ ଆଃଡ଼ା କେଣ୍ଡିଆ ତୁବନ୍‌ନିଆ ମୁଇଂଜା ଆଃ ଲେଃଗେ । ୪୯ ଜିସୁ କେକେ ଜେ ସିସ୍‌ଇଙ୍ଗ୍‌କେ ତରାନେ ଚାଟୁ ଗାଟେ ନ୍‌ସା ଅର୍‌ବର୍ ବାଡ଼ିଆର୍‌ଗେ । ଡାଗ୍ଲା ଆତେନ୍ ବେଲା ଝେଡ଼ିଆ ଉଲ୍‌ଟା ପାଲ୍‌ଟା ବଗ୍‌ଡ଼ିଂକେ । ଗିସେଙ୍ଗ୍ ଡେଃସନେ ବେଲା ଞ୍ଜି ରୁ ତୁର୍ ଗଣ୍ଡା ବିତ୍ରେ ଜିସୁ କେଣ୍ଡିଆ ଆଃଡ଼ା ଅଲେଙ୍ଗ୍ ଅଲେଙ୍ଗ୍‌ରେ ସିସ୍‌ଇଙ୍ଗ୍‌ନେ ଡାଗ୍‌ ପାଙ୍ଗ୍‌କେ । ମେଁ ସିସ୍‌ଇଙ୍ଗ୍ ଡାଗ୍‌ ସେନୁଗ୍ ଝେନ୍‌ସା ରାଜି ତିଂକେ । ୫୦ ଡାଗ୍‌ଲା ମେଇଙ୍ଗ୍ ଆମେକେ କେଣ୍ଡିଆ ଆଡ଼ାତ୍ରା ଅଲେଙ୍ଗ୍‌ନେ କେଟେ ଆମେକେ ବୁଡ଼ ଡାଗ୍‌ରେ ବାବେଆର୍‌କେ । ମେଇଙ୍ଗ୍ କିରନେ ମୁଲେଆର୍‌କେ । ୫୧ ସାପା ସିସ୍‌ଇଙ୍ଗ୍ ଡିରକମ୍ ଆମେକେ କେଆର୍‌କେ, ଆତେନ୍ ବେଲା ମେଇଙ୍ଗ୍ ବୁଟ୍‌ମେଗ୍ ଆର୍‌କେ । ଜିସୁ ଟାପ୍‌ନା ଆମେକେ ବାସଙ୍ଗ୍‌କେ, “ସାଆସ୍ ସାଃପା । ଆକେନ୍ ତ ନେଙ୍ଗ୍, ଆବ୍‌ଟଗେପା ।”

୫୨ ଇଡ଼ିଙ୍ଗ୍ ମେଁ ସିସ୍‌ଇଙ୍ଗ୍ ଏତେ ତରାନ୍‌ନିଆ ଡେଃକେ । ଝେଡ଼ିଆ ବନ୍ଦ୍ ତିଂଝେକେ । ଆଡ଼ବାନ୍ ମେଇଙ୍ଗ୍ କାବା ଡିଙ୍ଗ୍‌ଆର୍‌କେ । ୫୩ ମେଇଙ୍ଗ୍ ରୁଟି ବିସ୍‌ୟରେ କାବା ତିଂକ୍‌କେ କାମ୍ ବୁଜେ ଆୟାଆକେ ଶୁ । ମେଇଙ୍ଗ୍‌ନେ ବୁଦି କାନାବାନା ଡିଙ୍ଗ୍‌ଝେଗେ ।

ଜିସୁ ଗିନେସରଡ଼ନ୍‌ନିଆ ରଗିଇଂକେ ନିମାଣ୍ଡା ଆଡ଼ିଙ୍ଗ୍‌କେ
(ମାତିଉ ୧୪:୩୪-୩୬)

୫୩ ଜିସୁ ଆରି ମେଇଙ୍ଗ୍‌ନେ ସିସ୍‌ଇଙ୍ଗ୍ କେଣ୍ଡିଆ ପୁଆଃରେ ଗିନେସରଡ଼ ଏରିଆ ଝେଟାଆର୍‌କେ । ମେଇଙ୍ଗ୍ ତରାକେ ଆଡ଼ ଅରିଆ ଗାଗ୍‌ବି ଆର୍‌କେ । ୫୪ ତରାବାନ୍ ଜାର୍‌କ୍‌କେ ଇଡ଼ିଙ୍ଗ୍ ରେମୁଆଁଇଙ୍ଗ୍ ଜିସୁକେ କେଟେ ସାମୁଆଃ ଯାଆର୍‌କେ । ୫୫ ଇଡ଼ିଙ୍ଗ୍ ମେଇଙ୍ଗ୍ ଜିସୁ ପାଙ୍ଗ୍‌ଡିଙ୍ଗ୍‌କ୍‌କେ କବର୍ ବିଃନ୍‌ସା ଆତେନ୍ ଇନି ପାକାନେ ସାପା ପାକା ଝିର୍ ତୁଂଝେଆର୍‌କେ । ଜିସୁ ଆଣ୍ଡିନେ ଟାନ୍‌ନିଆ ଝେକେ, ଆଡ଼ନେ ସାପା ପାକା କବର୍ ଉଡ଼ା ଡିଙ୍ଗ୍‌ଝେଗେ ଆରି ଆଡ଼ଅରିଆ ରେମୁଆଁଇଙ୍ଗ୍ ରଗିଇଂକେ କର୍ ଡାଗ୍‌ ତୁଂପାଙ୍ଗ୍‌ଆର୍‌କେ

। ୫୭ ଜିସୁ ଆଣ୍ଟିନେ ଇନି ସହର ବାରି ପଲୀ ଇନିପାକା ଖେଚାକେ, ଆଡୁଅରିଆନେ ସାନ୍ତାନିଆ ରେମୁଆଁ ଆଃସିରେଇଂକେ ବଚେ ଇଃଡୁଡ଼ା ମେଁନେ ପାଟାଇ ଲିଗନ୍‌ସା ଗୁଆରେ ଆରକେ ବାରି ମେଁନେ ସକାନେ ଜାଲିପୁଆଃ ଲିଗ୍‌କ୍ଲେ ଦାପ୍ରେ ରଗିଇଂ ନିମାଣ୍ଡା ତିଙ୍ଗିଆରକେ ।



ରେମୁଆଁନେ ନିଅମ୍‌ବାନ୍ ପର୍ମେସ୍‌ପର୍ମେନେ ନିଅମ୍ ମ୍ଲା /
(ମାତିଉ ୧୫:୧-୯)

୧ ଉଡ଼ିକ୍ଲିଗ୍ ଫାରୁଶୀଇଂ ଆରି ଉଡ଼ିକ୍ଲିଗ୍ ଦର୍ମ ସାସ୍ତି ଯିରୁଶାଲମବାନ୍ ପାଙ୍ଗ୍‌ଚେ ଜିସୁନେ ପିତୁର୍‌ପାକା ରିସିଙ୍ଗ୍ ଖେ ଆରଗେ । ୨ ମେଁଇଙ୍ଗ୍ ଜିସୁନେ ଉଡ଼ିରୁଆ ସିସ୍‌ଇଂକେ ଅସୁଚି ବା ତ୍ରି ମାଗୁଇତିଚେ ଚଙ୍ଗ୍‌ନେ କେକେ ।

୩ ଫାରୁଶୀ ଆରି ସାପା ଜିଉଦିଇଂ ଗୁଇତି ଗୁଏଚଚେ ଅଃନା ତିଗ୍ ଆଚଙ୍ଗ୍ ଆର୍‌ଏ ଶୁ । ମେଁଇଙ୍ଗ୍ ମେଇଂନେ ଅଃସେନେ ମ୍ଲା ତ୍ରି ଝାଃଇଂବାନ୍ ତିଂତିଂକ୍ଲେ ନିୟମ୍ ପାଲନ୍ ତିଙ୍ଗନ୍‌ସା ଆକେନ୍ ତିଙ୍ଗ୍‌ବକେ । ୪ ସାନ୍ତା ଆଣ୍ଟେଙ୍ଗ୍ ବାନ୍ ଅଲେଙ୍ଗ୍ ପାଙ୍ଗ୍‌ଚେ ସେନୁଗ୍ ନିୟମ୍ ଅନୁସାରେ ତ୍ରି ଖ୍ର ମାଗୁଏଚ କୁଟା ମେଃଡିଗ୍ ଆଚଙ୍ଗ୍ ଆର୍ ଶୁ । ଗାରିଆ, ଗିନା, କ୍‌ସ୍ ମୁଡାଇଙ୍ଗ୍ ବାରି ସିଙ୍ଗ୍‌ଲାଇଙ୍ଗ୍ ଗଃଡ଼୍ୟାଃ ନ୍‌ସା ବିନ୍ ବିନ୍ ରକମ୍ ନିୟମ୍ ପାଲନ୍ ତିଙ୍ଗ୍‌ମ୍ୟାଃଆରକେ ।

୫ ତେଲା ଫାରୁଶୀଇଂ ଆରି ସାସ୍ତିଇଂ ଜିସୁକେ ସାଲ୍ୟାକୁଆରକେ, “ନାଁନେ ସିସ୍‌ଇଂ ପାରୁସିଇଂନେ ନିଅମ୍ ସାଚେ ମେଁନ୍‌ସା ମାଗୁଏଃଚ ମାଗୁଇତିଚେ ଚଙ୍ଗ୍‌ପେଡିଙ୍ଗ୍, ମେଇଙ୍ଗ୍ ଦେକ୍‌ରକମ୍ ମେଁନ୍‌ସା ତିଙ୍ଗିଆରତିଂକେ ?”

୬ ଜିସୁ ଆମେଇଂକେ ବାସଙ୍ଗ୍‌କେ, “ରେ କୁଟ୍‌ଶ୍ଟେଇଂ ଯିଶାଇୟ ପେନେ ବିସୟରେ ସଡ଼ ବାବ୍‌ରେ ବବିସଡ଼ ସାମୁଆଁ ବାସଙ୍ଗ୍‌ବକେ, ତିରକମ୍ ଗୁଆରବକେ, ଆକେନ୍ ରେମୁଆଁଇଂ ସାମୁଆଃନ୍ନିଆ ଆନିଂକେ ସନ୍‌ମାନ୍ ବିଃମ୍ୟାଆରକେ । ମାତର୍ ଗାଗ୍‌ଡେ ନିଂବାନ୍ ସ୍ଲୁଲେଃକେ ।” “ଇସ୍‌ପର୍ ବାସଙ୍ଗ୍‌କେ, ତିରକମ୍ ଗୁଆରବକେ ଆକେନ୍ ଜାତିନେ ସାମୁଆଃନ୍ନିଆ ଆନିଙ୍ଗ୍‌କେ ସନ୍‌ମାନ୍ ବିଏ ।

ଡାଗ୍‌ଲା ମେଇଙ୍ଗ୍‌ନେ ଗାଗ୍‌ଡେ ନେଁ ବାନ୍ ସ୍ଲୁଲେଃଏ ।

୭ ମେଇଁଙ୍କ ରେମୁଆଁଙ୍କେ ନିଅମ୍‌ଇଁଙ୍କେ ଦର୍ମ୍‌ନେ ଆଦେସ୍ ସାମୁଆଁ
ତାଗ୍‌ତେ ଗ୍ୟାନ୍ ବିଚେ
ସରାଃସ୍ତ୍ରୀ ନେନେ ପାର୍‌ତନା ତିଂମ୍ୟାଃଆର୍କେ ।”

୮ “ପେଇଁ ଇସ୍‌ପର୍‌ନେ ଆଦେସ୍ ଆନ୍ତାର୍ ବିଚେ । ଏବେ ପେଇଁ
ରେମୁଆଁନେ ନିଅମ୍ ସାଚେ କପେଲେକେ ।”

୯ ଜିସୁ ଆରି ଆମେଇଁଙ୍କେ ବାସଙ୍‌କେ, “ନିଜେନେ ନିୟମ୍
ପାଲେନେନ୍‌ସା ପେଇଁଙ୍କ ଇସ୍‌ପର୍‌ନେ ସାମୁଆଁ ଆନ୍ତାର୍‌ତେ ନିଜେକେ
ଚାଲାକି ତାଗ୍‌ତେ ବାବେ ପେଡ଼ିଙ୍‌କ୍ । ୧୦ ମୋଶା ନିଅମ୍ ବାସଙ୍‌ବକେ,
ଆବା ଇୟାଙ୍‌କେନେ ସାମୁଆଁ ମାନେଃପା । ଜା ମେଁନେ ଆବାଡ଼େ କି
ଇୟାଙ୍‌କେତେକେ ଦଦ୍ୟା ସାମୁଆଁ ବାସଙ୍‌ଏ, ମେଁ ଗୁଏଃନେ ତଣ୍‌ ବାଏ
। ୧୧ ମାତର ପେ ବାସଙ୍‌ପା, ଜାଣ୍‌ଣେ ଜଦି ଆବା କି ଇୟାଙ୍‌କେ
ବାସଙ୍‌ଏ, ନିଁ ବାନ୍, ଜା ବାନ୍ ପେ ନିମାଣ୍ଡା ତିଂପେଲେଃ, ତେଲା
‘କର୍‌ବାନ୍’ ବା ଇସ୍‌ପର୍‌କେ ମାନଡ଼ ତିଂଲେଃକେ । ୧୨ ତେଲା ପେ
ଇୟାଙ୍‌ ଆବାକେ ସାଇଜ ତିଂନେ ଦାଇଡ଼ବାନ୍ ପେତାର୍‌ଏ ।
୧୩ ଦେକ୍‌ରକମ୍ ବାବ୍‌ରେ ବିନ୍‌ରେକେ ବିଃପେବକ୍‌କେ ପେନେ ସିକ୍ୟା
ଇସ୍‌ପର୍‌ନେ ଆଦେସ୍‌କେ ଅମାନି ତିଂପେଡ଼ିଂକେ । ଦେକ୍‌ରକମ୍ ବାରି
ଗୁଲେ କାମ୍ ପେ ତିଂପେଡ଼ିଂକେ ।”

ମେଃନେ ରେମୁଆଁଙ୍କେ ଅପବିତ୍ର ଆଃଡ଼ିଙ୍‌ଏ
(ମାତିଉ ୧୫:୧୦-୨୦)

୧୪ ଜିସୁ ରେମୁଆଁଙ୍କେ ତାଗ୍ରା ଝାଚେ ଆମେଇଁଙ୍କେ ବାସଙ୍‌କେ,
“ସାପା ରେମୁଆଁ ନେଙ୍‌ନେ ସାମୁଆଁ ଦ୍ରିଗପା ଆରି ବୁଜେପା ।
୧୫ ଦେକ୍‌ରକମ୍ ମେଃଣ୍ଡିଗ୍ ଜିନିସ୍ ଶୁଆଣ୍ଡିନେ ବାଏରେ ରେମୁଆଁ
ବିଡ଼େବାନ୍ ବାଏରେ ପାଙ୍‌ଏ ଆରି ଆଣ୍ଡିନେ ଜିନିସ୍ ରେମୁଆଁ
ବିଡ଼େବାନ୍ ତାର୍‌ମ୍ୟାକେ ଆଡେନ୍ ଆଃ ଆମେକେ ଦଦ୍ୟା ଆଃଡ଼ିଙ୍‌ଏ
।” ୧୬ “ଜଦି ଜାନେ ଅଁନେ ନ୍‌ଲୁଗ୍ ଲେଃକେ ମେଁ ଅଁଲେଃ ।” *

୧୭ ଇଡ଼ିଙ୍‌କ୍ ଜିସୁ ରେମୁଆଁଙ୍କେ ଆନ୍ତାର୍‌ତେ ତୁଆ ବିଡ଼େ
ଗାଝେଗେ । ସିସ୍‌ଇଁ ଆମେକେ ଆକେନ୍ ଉଦାଅରନ୍ ସାମୁଆଁ
ବିସ୍‌ୟରେ ସାଲ୍ୟାକୁଆର୍କେ । ୧୮ ଜିସୁ ବାସଙ୍‌କେ, “ବିନ୍‌ଣ୍ଡେ ସୁଗା

* ୭:୧୭ ୭:୧୭ “ଉଡ଼ିକ୍‌ଗ୍ ବାଝିର ଗୁଆରକ୍‌କେ ଆକେନ୍ ପଦ୍ ଗୁଆର ଆବକେ ଶୁ”

ପେନେ ତିଗ୍ ବୁଜେନେ ବପୁ ମେଠନେ ଅଃକେନ୍ ଗଣ୍ଡାଃ ? ଅଃକେନ୍ ବୁଜେ ପେୟାକେ ? ଆଣ୍ଡିନେ ରେମୁଆଁନେ ବିତ୍ରେ ବାଏରେବାନ୍ ଗାଏ, ଆତେନ୍ ଆମେକେ ଅପବିତ୍ର ଆଃଡିଙ୍ଗ୍ ଆୟା ଶୁ ।^{୧୯} ଡାଗ୍ଲା ଚଙ୍ଗ୍ଲେ ମେଠନେ ପାରାନ୍ ବିତ୍ରେ ମାଝେତେ ସୁଲୁଏ ବିତ୍ରେ ଝେଏ ଆରି ତିଡିଆପାର୍ ଡାଗ୍ଲା ତାରଏ ।” ଦେକ୍‌ରକମ୍ ସାପା କାଦି ପର୍‌ଚଲ୍ ତିଂଲେଃଏ, ଆକେନ୍ ମେଠନେ ବୁଜେ ପେୟାକେ ଶୁ ?

^{୨୦} ମେଁ ବାରି ବାସଙ୍ଗ୍‌କେ, “ମେଁନେ ସାପା ରେମୁଆଁନେ ବିତ୍ରେବାନ୍ ତାରଏ ଆତେନ୍ ଆମେକେ ଅପବିତ୍ର ଆଃଡିଙ୍ଗ୍ଏ ^{୨୧} ଡାଗ୍ଲା ବିତ୍ରେବାନ୍, ରେମୁଆଁନେ ମନ୍‌ବାନ୍, ଦଦ୍ୟା ଚିନ୍ତା ତାରଏ । ^{୨୨} ଦାରି ଝେନେ, ଡଙ୍ଗାନ୍, ରେମୁଆଁ ବାଗୁଏନେ, ଅଡ଼ାରେଗ୍ ତିଙ୍ଗ୍‌ନେ, ଲବ୍‌ଡିଙ୍ଗ୍‌ନେ, ଦୁସ୍‌ଡିଙ୍ଗ୍‌ନେ, ନାଲେନେ, ଦଦ୍ୟା କାମ୍ ତିଙ୍ଗ୍‌ନେ, ଇର୍‌ସାରେ କେନେ, ନିନ୍‌ଆ, ଆଂକାର୍, ମୁର୍କ୍ । ^{୨୩} ଏନ୍ ସାପା ସଡ଼୍ ଶୁନେ ବିସୟ ରେମୁଆଁନେ ଗାଗ୍‌ଡେ ବିତ୍ରେ ବାନ୍ ତାର୍‌ଚେ ରେମୁଆଁକେ ଦଦ୍ୟା ଆଡିଙ୍ଗ୍ଏ ।”

ମୁଇଂଜା ଅଣୟାହୁଦିନେ ସେଲାମ୍‌ସୁଃ ଜିସୁକେ ବିସ୍‌ବାସ୍ ତିଙ୍ଗ୍‌କେ (ମାଡିଉ ୧୫:୨୧-୨୮)

^{୨୪} ଆତେନ୍ ବେଲା ମେଁ ଆଡ଼ବାନ୍ ତଡିଆଚେ ସୋର ପାକା ଝେକେ ଆରି ମୁଇଂ ତୁଆନିଆ ଗାଚେ ଜାଣ୍ଡେ ତିରକମ୍ ଆତେନ୍ ଆମ୍ୟାଃଲେ ଡାଗ୍‌ଚେ ମେଁ ଆକେନ୍ ଇକ୍‌ଚା ତିଙ୍ଗ୍‌ତିଂଗେ । ମାଡର୍ ମେଁ ବୁଙ୍ଗ୍‌ଲେଃ ଆୟାକେ ଶୁ । ^{୨୫} ଆତେନ୍ ଦାପ୍ରେ ମୁଇଂ ସେଲାମ୍‌ସୁ ରେମୁଆଁ ଜିସୁ ପାଙ୍ଗ୍‌ଲେଃକେ କବର୍ ଅଚେ ମେଁ ଉଙ୍ଗ୍‌ଡେନେ ଗାଗ୍‌ଡେ ବିତ୍ରେ ଦଦ୍ୟା ଆମ୍‌ ଗାଲେଃଗେ । ତେଲା ମେଁ ଟାପ୍‌ନା ଜିସୁ ଡାଗ୍ଲା ଝେଚେ ମେଁନେ ପାଡ଼ଚନ୍ନିଆ ଲଃକେ । ^{୨୬} ଆତେନ୍ ମୁଇଂ ଗ୍ରୀକ୍ ସେଲାମ୍‌ସୁ ଲେଃଗେ । ମେଁ ସିରିଆନେ ଫେନିକୀୟା ଅରିଆ ଜନମ୍ ତିଙ୍ଗ୍‌ଲେଃଗେ । ମେଁ ମେଁନେ ଉଙ୍ଗ୍‌ଡେବାନ୍ ଗଲିଆ ଆଆଁନ୍ତାର୍ ବିଃନ୍‌ସା ଜିସୁକେ ପାର୍‌ଡନା ତିଂକେ । ^{୨୭} ଜିସୁ ଆମେକେ ବାସଙ୍ଗ୍‌କେ, “ସେନ୍‌ଗ୍ ଗଡେଇଙ୍ଗ୍‌କେ ସାନ୍ତି ତିଙ୍ଗ୍‌ନେ ବିଃପା ଡାଗ୍ଲା ଗଡେଇଂନେ କାଦି ତୁଙ୍ଗ୍ ଝେଚେ ଗୁସୁଃନେ ସେନ୍‌ଗ୍ ଜଗ୍‌ଗାଗ୍‌ନେ ବଲ୍ ଶୁ ।”

୨୮ ଆତେନ୍ ସେଲାମ୍ବୁ ଉତର୍ ବିକେ, “ଆଁ ମାପୁ ଆତେନ୍ ସତ୍ ମାତର୍ ଗଡେଇଂ ଚଙ୍ଗେନେ ବେଲା ତୁବଃ ଲଃକେ ଜୁଟା ଚିବୁଲ୍ ଆଲ ଲେଃକେ ଗୁସୁଃଇଂ ଶ୍ରୀଙ୍ଗ ଚଙ୍ଗାଆର୍ଏ ।”

୨୯ ଏନ୍ ଇଡିଙ୍ଗ ଜିସୁ ଆତେନ୍ ସେଲାମ୍ବୁଃକେ ବାସଙ୍ଗକେ, “ଆକେନ୍ ଆଃ ନିମାଣ୍ଡା ଉତର୍ । ଏବେ ନାଁ ତୁଆ ଝିଗ୍ନାୟାଏ ଗଲିଆ ନାଉଙ୍ଗକେ ଆତ୍ରାରେ ତଗେ ।”

୩୦ ଆତେନ୍ ସେଲାମ୍ବୁ ରେମୁଆଁ ତୁଆ ଝିଗ୍ନେ କେକେ ଜେ ମେଁ ଉଙ୍ଗଡେ କଚ୍‌ନିଆ ତୁଲେଗ୍ ଲେଃକେ । ଦଦ୍ୟା ଆମ୍ବା ମେଁ ଗାଗ୍‌ଡେବାନ୍ ତାର୍‌ରେ ତଲେଃକେ ।

ଜିସୁ ମୁଇଙ୍ଗ କନ୍ଦାରେକେ ଆରି ବଇରାକେ ନିମାଣ୍ଡା ଆଃଡିଙ୍ଗକେ

୩୧ ତେନ୍‌ଇଡିଂ ଜିସୁ ଇନିନେ ତାଗ୍ରା ଏରିଆ ଆତ୍ରାରେ ଦେକାପଲୀ ଗାଲିନ୍ନିଆ ସୀଦନ ବିଚେ ଗାଲିଲୀ କେଣ୍ଡିଆ ତାଗ୍ରା ପିଙ୍ଗାକେ । ୩୨ ଆଡ୍‌ଅରିଆ ଉଡି ରେମୁଆଁ ଜିସୁ ତାଗ୍ରା ମୁଇଂ ରେମୁଆଁକେ ତୁଂପାଙ୍ଗକେ । ଆତେନ୍ ରେମୁଆଁ କନ୍ଦା ଆରି ବଇରା ଲେଃକେ । ରେମୁଆଁଇଂ ଜିସୁକେ କୁସାମୁତି ଡିଙ୍ଗାଆର୍‌କେ ଜେ ମେଁନେ ଛି ରେମୁଆଁନେ ଆଡାତ୍ରା ବଚେ ନିମାଣ୍ଡା ଆଡିଙ୍ଗବିଃଲେ । ୩୩ ଜିସୁ ଆତେନ୍ ରେମୁଆଁକେ ଗହଲି ବାନ୍ ଇକୁଡା ସ୍ଥପାକା ତୁଂଝେଗେ । ମେଁ ଆତେନ୍ ରେମୁଆଁକେ ଲୁଗ୍ ବିତ୍ରେ ନିଜେନେ ଆର୍‌ଝେଡି ବକେ । ତେନ୍‌ଇଡିଂ ମେଁ ବିଃତୁର୍ ବିକେ ଆରି ରେମୁଆଁନେ ନ୍ରିୟାକେ ଲିଗ୍‌କେ । ୩୪ ଜିସୁ ଆରି କିତଙ୍ଗଇନି କେଚେ ଜବର୍ ପୁଣ୍ଡା ଗୁଃଚେ ମେଁ ରେମୁଆଁକେ ବାସଙ୍ଗକେ, “ଇସ୍‌ଥାଃ” ତାଗ୍‌ଲା ତର୍‌ସା ଝେଲା ।

୩୫ “ଆତାନ୍ ଦାପ୍ରେ ରେମୁଆଁ ଦ୍ରିଗ୍‌ନେ ବପୁ ବାକେ ମେଁ କନ୍ଦା ଡିଂଲେଃକେବାନ୍ ନିମାଣ୍ଡା ଡିଙ୍ଗାଝେଗେ ବାରି ମେଁ ନିମାଣ୍ଡା ବାବ୍‌ରେ ସାମୁଆଁ ବାଲିର୍ ଯାକେ ।”

୩୬ ଆରି ଆକେନ୍ ସାମୁଆଁ ଆଜାଡିଗ୍ ଆବାସଙ୍ଗପା ତାଗ୍‌ରେ ଆମେଇଂକେ ବାଲିର୍‌କେ । ତାଗ୍‌ଲା ମେଁ ଆମେଇଂକେ ଉଡି ମନା ଡିଙ୍ଗାକେ ମେଇଙ୍ଗ ଅଦିକ୍ ବାଲିର୍ ଅଲେଙ୍ଗାଆର୍‌କେ । ୩୭ ରେମୁଆଁଇଂ ସିସେବାନ୍ କାବା ଡିଙ୍ଗା ଝେଲେଃଆର୍‌ରେ । ମେଇଙ୍ଗ ବାସଙ୍ଗଡିଂଆର୍‌ରେ, “ଜିସୁ ସାପା କିଚି ନିମାଣ୍ଡା ଆଡିଙ୍ଗଡିଙ୍ଗକେ

। ଦେବରକମ୍ କି ମେଁ ବଇରାକେ ଦ୍ଵିଗ୍ନେ ବପୁ ଆରି କନ୍ଦାକେ ବାଲିରନେ ବପୁ ବିଡ଼ିଂକେ ।”

୮

ଜିସୁ ଅଁ ଅଜାର ବାନ୍ ମାଲେ ରେମୁଆଁକେ ଚଙ୍ଗନେ ବିଃକେ /
(ମାତିଉ ୧୫:୩୨-୩୯)

୧ ଆତେନ୍ ବେଲା ଜିସୁ ଏତେ ଜବର୍ ରେମୁଆଁ ଲେଃଗେ । ଆମେଇଂକେ ମେଃଡିଗ୍ ଚଙ୍ଗନେ ଶୁ । ଏନ୍ ଜିସୁ ସିସ୍ଲଂକେ ଡାଗ୍ରା ଖାତେ ବାସଙ୍ଗକେ ୨ “ଏନ୍ ରେମୁଆଁଇଙ୍ଗନ୍‌ସା ଆନେଙ୍ଗକେ ଜାବର୍ ଲିବିସଃ ଲାଗେ ଡିଙ୍ଗକେ । ମେଇଙ୍ଗ ନେଙ୍ଗଏତେ ଜିର୍ସି ଡିଙ୍ଗଗେ ନେଙ୍ଗ ଏତେ ଲେଃଆରଡ଼ିଂକେ । ମାତର୍ ଚଙ୍ଗନ୍‌ସା ମେଃଡିଗ୍ ଶୁ । ୩ ମେଇଂ ମାତଙ୍ଗତେ ଆକ୍‌ବାନ୍ ଖିଗ୍‌ଲେ ଡାଗ୍‌ତେ ନେଙ୍ଗନେ ଇକ୍‌ତା ଶୁ ମେଇଂନେ ବିଡ୍ରେ ଉଡ଼ି ରୁଆ ଜାବର୍ ସ୍ଲବାନ୍ ପାଙ୍ଗଲେ ଆରକେ ।”

୪ ଜିସୁନେ ସିସ୍ଲଂ ବାସଙ୍ଗଆରକେ, “ନେ ଆକ୍ ରେମୁଆଁଗଣ୍ ଶୁବୁନେ ଇନି ଅରିଆ ଆକ୍‌ମେଇଂକେ ଆଃଚଙ୍ଗ ନ୍‌ସା ଜବର୍ କାଦି ଆଣ୍ଡିବାନ୍ ନେବାଏ ?”

୫ ଜିସୁ ଆମେଇଂକେ ସାଲିଆକୁକେ, “ପେନ୍ନିଆ ଉଡ଼ିକ୍ଲିଗ୍ ରୁଟି ଲେଃକେ ?” ମେଇଙ୍ଗ ବାସଙ୍ଗକେ ।

“ନେଅରିଆ ଗୁକ୍ଲିଗ୍ ରୁଟି ଲେଃକେ ।”

୬ ତେନ୍‌ଇଡ଼ିଂ ଜିସୁ ରେମୁଆଁଇଂକେ ତୁବଃ ଆଡାଡ୍ରା କୁକନ୍‌ସା ବାସଙ୍ଗକେ, ମେଁ ଗୁକ୍ଲିଗ୍ ରୁଟି ହୁଂଝେକେ ଆରି ଆତେନ୍‌ସା ପରମେସର୍‌କେ ଦନ୍‌ସବାଦ୍ ବିକେ । ରୁଟି ସାପା ପାଗ୍‌ରିତେ ସିସ୍ଲଂକେ ବାଟା ବିନେସା ବିକେ । ମେଇଙ୍ଗ ଦେଃଡୁଆ ଡିଙ୍ଗଆର୍କେ । ୭ ସିସ୍ଲଂକେ ଡାଗ୍ରା ଉଡ଼ିକିଲିଗ୍ ଡାଆଁ ଆଃଡ଼ ଲେଃଗେ । ଜିସୁ ଆଡ଼ ନ୍‌ସା ଦନ୍‌ସବାଦ୍ ବିତେ ସିସ୍ଲଂକେ କିକେ ଆତେନ୍ ସାପା ବାଟା ବିନେ ବାସଙ୍ଗ କିକେ । ୮ ସାପା ରେମୁଆଁ ଚଙ୍ଗତେ ସାନ୍ତି ଡିଙ୍ଗଆରକେ । ଇଡ଼ିଙ୍ଗ ମେଇଙ୍ଗ ଲୁଆଁକ୍ଲେ ପାକ୍‌ଟିଃକ୍ଲେ ଉଡ଼ିକ୍ଲିଗ୍ ରୁଟି ଗୁକ୍ଲିଗ୍ ଆଣ୍ଡିନିଆ ଡାଃନଆରକେ । ୯ ଆଡ଼ଅରିଆ ପ୍ରାୟ୍ ଅଁ ଅଜାର ରେମୁଆଁଇଂ ଚଙ୍ଗଆରକେ । ୧୦ ଏନ୍ ଇଡ଼ିଙ୍ଗ ଜିସୁ ରେମୁଆଁଇଂକେ ବେବିତେ

ସିଦ୍ଧି ଓ ଚରାନ୍ନିଆ ଡେଇଁ ଦଳ୍ଲମନ୍ଥୁଆ ପ୍ରଦେସନ୍ନିଆ ଖେଳେ ।

ଫାରୁଶୀଇଂ ଜିସୁକେ ପରିକ୍ୟା ଡିଙ୍ଗିଆରକେ
(ମାଡିଉ ୧୨:୩୮-୪୨; ୧୭:୧-୪)

୧୧ ଫାରୁଶୀଇଂ ଜିସୁକେ ଡାଗ୍ରା ପାଙ୍ଗିରେ ଜିସୁକେ ପରିକ୍ୟା ଡିଙ୍ଗିନେସା ପ୍ରସନ୍ ସାଲିଆକୁଆରକେ, ମେଇଙ୍ଗି ଜିସୁକେ ପାନ୍ ଅରିଆ କ୍ଲାନେସା ଚାନ୍ ଆରକେ । ତେସା ମେଇଙ୍ଗି ଜିସୁକେ ମେଁ ପରମେସନ୍ନିଆ ବାନ୍ ପାଙ୍ଗି ଲେଖକେ ଡାଗ୍ରାରେ ପାରମାନ୍ ଡିଙ୍ଗିନେସା କାବା ସୁଗୁଆ କାମ୍ ଡିଙ୍ଗିନେ ବାଲିରୁଆରକେ । ୧୨ *ଜିସୁ ପୁଣ୍ଡାକେ ବିଡ୍ରେ ଗୁଠରେ ଦୁକକେ ବାଏରେ ଆଠଡାରେ ବାସଙ୍ଗକେ, “ପେଇଂ ମେଠନ୍ସା ପାରମାନ୍ ସୁଗୁଆ କାବାନେ କାମ୍ କିକେନେ ଚାନ୍ ପେଡିଙ୍ଗକେ ? ନେଙ୍ଗି ଆପେକେ ସର୍ବ ବାସଙ୍ଗିଣ୍ଡିକେ ରେମୁଆଁଇଂକେ ଦେଡରକମ୍ ପାରମାନ୍ ଆବିଃ ଶୁ ।”

୧୩ ଏନ୍ ଇଡିଙ୍ଗି ଜିସୁ ଫାରୁଶୀଇଂକେ ଆନ୍ତାରେ ଆରି ମୁଇଙ୍ଗି ତର ତରା ବିଡ୍ରେ ଅଲେଙ୍ଗି ଡୁଂପାଙ୍ଗକେ । ମେଁ ତରାଅରିଆ କରେ କେଣ୍ଡିଆନେ ଇନ୍ନୁମେତା ଡାରେଖେଗେ ।

ହେରୋଦ୍ ଆରି ଫାରୁଶୀଇଂନେ ଖମୀର
(ମାଡିଉ ୧୭:୫-୧୨)

୧୪ ମେଇଙ୍ଗି ରୁଚଙ୍ଗନ୍ସା ଜବର୍ କାଦି ଡୁଂପାଙ୍ଗିନେ ଆବବିଲେଆଗେ । ତରାନ୍ନିଆ ସିଦ୍ଧିଙ୍ଗି ଡାଗ୍ରା ମୁଇଂ ଆଠ ରୁଚି ଲେଖଗେ । ୧୫ *ଜିସୁ ଆମେଇଂକେ ଚେଡନା ବିଚେ ବାସଙ୍ଗକେ, “ତରକ୍ ଲାଠଲାପା, ଫାରୁଶୀ ଆରି ହେରୋଦନେ ମିର୍ ସିକ୍ୟାବାନ୍ ଖମୀର ଚଙ୍ଗିନେ ବାନ୍ ଜବର୍ ସୁ ଲାଠଲାପା ।”

୧୬ ସିଦ୍ଧିଙ୍ଗି ଆକେନ୍ ଡାଗ୍ରା ବିସୟରେ ଅବାଠଲିର୍ ଆରକେ । ମେଇଙ୍ଗି ବାସଙ୍ଗିଆରକେ, “ନେ ଡାଗ୍ରା ରୁଚି ଶୁ ଡାଗ୍ରାରେ ଜିସୁ ବାସଙ୍ଗକେ ।”

୧୭ ମେଇଙ୍ଗି ମେଠନେ ବାଲିରୁବାତା ଡିଙ୍ଗିଆରଡିଂକେ, ଆଡେନ୍ ଜିସୁ ମ୍ୟାଠରେ ଆମେଇଂକେ ବାସଙ୍ଗକେ, “ରୁଚି ଶୁ ଡାଗ୍ରାରେ

☆ ୮:୧୨ ୮:୧୨ ମାଡିଉ ୧୨:୩୯; ଲୁକ୍ ୧୧:୨୯. ☆ ୮:୧୫ ୮:୧୫ ଲୁକ୍ ୧୨:୧.

ଯେ ମୋହନିଆ ବାଲିରବାତା ଡିଂପେଡ଼ିଙ୍ଗକେ ? ଏଃ ଜାକ ଯେ କେ'ପେୟାକେ କି ବୁଜେ ଯେୟାକେ ? ଯେନେ ଗାଗ୍ଡେ ବ୍ରି ଡିଂଝେଲେଃକେ ? ୧୮ ✱ପେନେ ମ୍ଲୁଆଃ ଲେଃକେ, ତେଲାଡ଼ିଗ୍ କିକେ ଯେୟାକେ ? ଯେନେ ଲୁଗ୍ ଲେଃକେ, ତେଲାଡ଼ିଗ୍ ଅଁ ଯେୟାକେ ? ୧୯ ନେଙ୍ଗ୍ ଉଃଡ଼ିବେଲା ମାଲ୍ ଅଜାର୍ ରେମୁଆଁଇଙ୍ଗ୍ ଆଡ଼ଲା ମାଲିକ୍ଲିଗ୍ ରୁଟି ପାଗ୍ଟିରେ ଆପେକେ ବିମ୍ବେ । ମନେ ଲୁଗ୍ କେଲାପା, ଯେ ଉଡ଼ିକ୍ଲିଗ୍ ଆଣ୍ଡାଅରିଆ ରୁଟି ଯେରାଃନକେ ?”

ମେଇଙ୍ଗ୍ ବାସଙ୍ଗ୍ଆରକେ, “ଗମ୍ବାର୍ କ୍ଲିଗ୍ ଆଣ୍ଡାନ୍ନିଆ ।”

୨୦ “ଆରି ନେଙ୍ଗ୍ ଉଡ଼ିବେଲା ଅଁ ଅଜାର୍ ରେମୁଆଁଇଙ୍ଗ୍ ନିଆ ଗୁକ୍ଲିଗ୍ ରୁଟି ପାଗ୍ଟିରେ ବିମ୍ବେ । ଏତେ କେଲାପା, ଯେଇଙ୍ଗ୍ ଉଡ଼ିକ୍ଲିଗ୍ ଆଣ୍ଡାନ୍ନିଆ ଲୁଆଁକ୍ଲେ ରୁଟି ସାପା ଆନ୍ ଯେବେ ?”

“ମେଇଙ୍ଗ୍ ବାସଙ୍ଗ୍ଆରକେ, ଗୁକ୍ଲିଗ୍ ଆଣ୍ଡାନ୍ନିଆ ନେରାଃନକେ ।”

୨୧ ଏନ୍ ଇଡ଼ିଙ୍ଗ୍ ଜିସୁ ଆମେଇଂକେ ବାସଙ୍ଗ୍କେ, “ନେଙ୍ଗ୍ ମୋଃ ଡିଙ୍ଗ୍ ମ୍ବକେ । ଆତେନ୍ ସାପା ଯେ ମନେ ଯେବକେ । ଏଃକେ ଜାକ ଯେ ଇକ୍ବୁଡ଼ା ଡିଗ୍ ବୁଜେ ଯେୟାକେ ?”

ବେଥସାଇଦା ଅରିଆ ଜିସୁ ମୁଇଙ୍ଗ୍ କାନାକେ ନିମାଣ୍ଡା ଆଡ଼ିଙ୍ଗକେ

୨୨ ଏନ୍ ଇଡ଼ିଙ୍ଗ୍ ମେଇଙ୍ଗ୍ ବେଥସାଇଦାନ୍ନିଆ ଅଲେଙ୍ଗ୍ ଡୁଂପାଙ୍ଗକେ ଆଡ଼ଅରିଆ ଉଡ଼ିକ୍ଲିଗ୍ ରେମୁଆଁ ଜିସୁନେ ତାଗ୍ ମୁଇଙ୍ଗ୍ କାନାକେ ଡୁଂପାଙ୍ଗକେ ମେଇଙ୍ଗ୍ ଜିସୁକେ ପାର୍ତନା ଡିଙ୍ଗ୍ଆରକେ ଜେ ମେଁ କାନାକେ ଲିଗ୍ ବିଃଲେ । ୨୩ ଜିସୁ କାନା ରେମୁଆଁକେ ତ୍ରି ସାଃରେ ମେଁନେ ଇନ୍ତି ପାଦା ପାକା ଖା ଡୁଂଝେକେ । ମେଁ କାନାକେ ମୁଆଃନ୍ନିଆ ବିଃଡୁର୍ ବିକେ । ଆରି ମେଁ ଆଡ଼ାଡ଼ା ତ୍ରି ବରେ ଆମେକେ ସାଲିଆକୁକେ, “ନା ମୋଃଡ଼ିଗ୍ କିକେୟା ନାଡ଼ିଂକେ ?”

୨୪ ଆତେନ୍ ରେମୁଆଁ ଆଡ଼ାଡ଼ା କେଚେ ବାସଙ୍ଗ୍କେ, “ନେଙ୍ଗ୍ ରେମୁଆଁଇଂକେ ସାମୁଆଃ ଯାଣ୍ଡିଂକେ । ମେଇଙ୍ଗ୍ ପିଡୁର୍ ପାକା ଅଲେଙ୍ଗ୍ନେ ସ୍ଲାଃ ସୁଗୁଆ ନାଡ଼ିଂକେ ।”

୨୫ ଜିସୁ ଆରି ମୁଇଙ୍ଗ୍ ତର୍ କାନାନେ ମୁଆଃ ଆଡ଼ାଡ଼ା ତ୍ରି ବକେ । ମେଁନେ ମ୍ଲୁଆଃ ନିମାଣ୍ଡା ଡିଙ୍ଗ୍ ଝେଲେଃରେ ଆରି ମେଁ ସାପା ନିମାଣ୍ଡା

ବାବରେ କିକେ ଯାକେ । ୨୭ ଜିସୁ ଆମେକେ ତୁଆ ବେ ବିଷତେ ବାସଙ୍ଗକେ, “ଇନି ବିତ୍ତେ ନା ଆରି ଅଃନା ଆଞ୍ଜେଗେ । ମାତର୍ ନାଁ ତୁଆ ଝିଗ୍ଲା ।”

ଜିସୁନେ ବିସୟରେ ପିତର୍ ବାସଙ୍ଗତିକେ

(ମାତିଉ ୧୭:୧୩-୨୦; ଲୁକ୍ ୯:୧୮-୨୧)

୨୭ ଏନ୍ ଇଡ଼ିଙ୍ଗ୍ ଜିସୁ ଆରି ମେଇଂନେ ସିସଲଂ କାଇସରିଆ ଫିଲିପ୍ପି ଏରିଆନେ ଇନି ପାକା ଝେଆର୍ଗେ । ଗାଲିଲ୍ଲିଆ ମେଁ ମେଁନେ ସିସଲଂକେ ସାଲିଆକୁକେ, “ନେଙ୍ଗ୍ ଜାଣ୍ଟେ ତାଗ୍ତେ ରେମୁଆଁଇଙ୍ଗ୍ ମେଃନେ ବାସଙ୍ଗତିଆର୍କେ ?”

୨୮ ☆ମେଇଙ୍ଗ୍ ବାସଙ୍ଗକେ, “ଉଡ଼ିରୁଆ ବାସଙ୍ଗତିକେ ମେଁ ଶ୍ରିଆନ୍ନିଆ ଦିକ୍ୟା ବିଶ୍ଟେ ଜହନ୍ । ବାରି ଉଡ଼ିରୁଆ ବାସଙ୍ଗତିଂ ଏଲ୍ଲୀୟ ବାରି ଜା ଜା ବାସଙ୍ଗତିକେ, ବାବବାଦିଇଂନେ ବାନ୍ ମୁଇଂଜା ।”

୨୯ ☆ଜିସୁ ଆମେଇଂକେ ସାଲିଆକୁକେ, “ନେଙ୍ଗ୍ ଜାଣ୍ଟେ ତାଗ୍ତେ ଯେ ମେଃନେ ବାସଙ୍ଗପେଡ଼ିକେ ?”

ପିତର୍ ଉତ୍ତର୍ ବିକେ, “ନାଁ ଡ଼ିଙ୍ଗ୍ନାଡ଼ିଙ୍ଗ୍କେ କିସଟ ।”

୩୦ ଏନ୍ ଇଡ଼ିଙ୍ଗ୍ ଜିସୁ ଆମେଇଂକେ ତାଟାମ୍ ବାବରେ ଚେଡ଼ନା ବିଷତେ ବାସଙ୍ଗକେ, “ନେଙ୍ଗ୍ ଜାଣ୍ଟେଃ ତାଗ୍ତେ ଯେ ଆଜାକେ ମେଃଡ଼ିଗ୍ ଆବାସଙ୍ଗଗେପା ।”

ଜିସୁ ଗୁଏଃନେ ବିସୟରେ ରେମୁଆଁଇଂକେ ବାସଙ୍ଗକେ

(ମାତିଉ ୧୭:୨୧-୨୮; ଲୁକ୍ ୯:୨୨-୨୭)

୩୧ ଏନ୍ ଇଡ଼ିଙ୍ଗ୍ ମେଁ ଆମେଇଂକେ ଗିଆନ୍ ବିଷନେ ଆରାମ୍ ଡ଼ିଙ୍ଗ୍କେ, “ରେମୁଆଁ ଉଙ୍ଗ୍ଡେକେ ଜବର୍ ତଣ୍ଟ କଷ୍ଟ ବାନେ ପଡ଼େଏ । ଦର୍ମ ନେତା ଆରି ଜିଉଦି ନେତା, ମ୍ଲା ପୁଜାରି ଆରି ଦର୍ମସାସ୍ତିଇଂ ଆମେକେ ବିସବାସ୍ ଆଡ଼ିଙ୍ଗ୍ଆର୍ ଶ୍ଟୁ । ଡ଼ିଲାଡ଼ିଗ୍ ଆମେକେ ବାଗୁଏ ବିଆର୍ଏ ଆରି ମେଁ ଗୁଏଙ୍ଗ୍ ଜିରସି ଦିନା ବିଡ଼ରେ ଆରି ତଃଡ଼ିଆଏ ।”

୩୨ ଆକେନ୍ ସାପା ସାମୁଆଁ ଜିସୁ ନିମାଣ୍ଡା ବାବରେ ସିସଲଂକେ ଆଃଡ଼ିଗ୍ ବିଷକେ । ତେସାଃ ପିତର୍ ଆମେକେ ବିନ୍ ପାକା ଝାଡ଼ୁଙ୍ଗ୍ଝେତେ

☆ ୮:୨୮ ୮:୨୮ ମାର୍ଚ୍ଚ ୭:୧୪,୧୫; ଲୁକ୍ ୯:୭,୮. ☆ ୮:୨୯ ୮:୨୯ ଜହନ୍ ୭:୬୮,୭୯.

ଗୁଆରେତେ ବାସଙ୍ଗକେ । ୩୩ ଜିସୁ ପ୍ଲା ପାକା ପୁଏତେ ସିସଙ୍ଗ
ଆଡ଼ାଡ଼ା କେତେଃ ପିତରକେ ଆଃଦର୍ସେତେ ବାସଙ୍ଗକେ, “ସଏତାନ୍
ନେଙ୍ଗ ବାନ୍ ସ୍ଲୁ ଖେଲ୍ଲା । ପେ ଇସପରନେ ବିଚାର ରକମ୍ ବିଚାର
ପେଡ଼ିଙ୍ଗକେ ଶୁ । ରେମୁଆଁଇଙ୍ଗ ଡିରକମ୍ ବିଚାର ଡିଙ୍ଗଆରଡ଼ିଂକେ,
ନାଁ ଦେଡ଼ରକମ୍ ବାବେନାଡ଼ିଙ୍ଗକେ ।”

୩୪ ☆ଏନ୍ ଇଡ଼ିଙ୍ଗ ଜିସୁ ସାପା ରେମୁଆଁକେ ଡାଗ୍ରା ଖାକେ । ମେଁନେ
ସିସଙ୍ଗ ଡିଗ୍ ଆଡ଼ଅରିଆ ଲେଃଗେ । ଜିସୁ ଆମେଇଂକେ ବାସଙ୍ଗକେ,
“ଜାଣ୍ଡେଃ ରେମୁଆଁ ନେଙ୍ଗନେ ପ୍ଲା ପାଙ୍ଗନେ ଚାଏଁଡ଼ିଂକେ ଆତେନ୍
ସାପା ଆନ୍ତାରତେ ନେଙ୍ଗସା ଦୁକ୍ ଆରି ଗୁଏଃନେ ସାଃତେ ନେଙ୍ଗ ପ୍ଲା
ପାଙ୍ଗଲେ । ୩୫ ☆ଡାଗ୍ଲା ଜାଣ୍ଡେଃ ରେମୁଆଁ ନିଜର୍ ଜିବନ୍‌କେ ଆମ୍ବୁନେ
ଚାଏଁଏ, ମେଁଆତେନ୍ ଡିଂ ଆୟା ଶୁ ଜାଣ୍ଡେ ରେମୁଆଁ ନେଙ୍ଗନ୍‌ସା ଆରି
ନିମାଣ୍ଡା ସାମୁଆଁ ନସା ନିଜର୍ ଜିବନ୍‌କେ ବିଃଜଗ୍‌ଗ୍ଲାଗ୍‌ଏ, ମେଁ ମେଁନେ
ଜିବନ୍‌କେ କାଲାଆଃନ୍‌ସା ରକ୍ୟା ଆଃଡ଼ିଙ୍ଗଏ । ୩୬ ବାରି ରେମୁଆଁ
ଜଦି ସାପା ଦର୍ଡନିକେ ଲାବ୍ ଡିଂରେ ନିଜର୍ ଜିବନ୍‌କେ ବିଃଏ, ତେଲା
ମେଃନେ ମେଁ ଲାବ୍ ଡିଂଏ ? ବାରି, ରେମୁଆଁ ମେଁ ଜିବନ୍ ବାଦୁଲ୍
ମେଃ ବିଃୟାଏ ? ୩୭ ଡାଗ୍ଲା ଜାଣ୍ଡେ ରେମୁଆଁ ଉଡ଼ି ଡାବୁ ବିଲା ଡିଗ୍
ଆତେନ୍ ବାଦୁଲ୍ ନିଜେନେ ଜିବନ୍‌କେ ଆରି ମୁଇଂତର୍ ବା ପେୟା ଶୁ
। ୩୮ ଏନ୍ ଜାଣ୍ଡେ ଡିଗ୍ ଆକେନ୍ ଜୁଗ୍‌ନ୍‌ନିଆ ଅଡ଼ାରେଗ୍ ଆରି ପାପିଷ୍ଟ
ରେମୁଆଁଇଂନେ ବାନ୍ ନେଙ୍ଗନେ ଆରି ନେଙ୍ଗନେ ସାମୁଆଁ ବିସୟରେ
ଗିଆସଃଏ, ରେମୁଆଁ ଉଙ୍ଗଡେ ଉଡ଼ିବେଲା ପବିତ୍ର ଦୁଡ଼ଇଂ ଏତେ
ନିଜେନେ ଆବା ମଇମା ଏତେ ପାଙ୍ଗଏ, ଅଃତେନ୍ ବେଲା ମେଁ ଡିଗ୍
ଆତେନ୍ ବିସୟରେ ଗିଆସଃଏ ।”

୯

୧ ତେନ୍‌ଇଡ଼ିଂ ଜିସୁ ବାସଙ୍ଗକେ, “ନେଙ୍ଗ୍ ଆପେକେ ସଡ଼
ବାସଙ୍ଗିଂ, ଇସପରନେ ରାଜି ପରାକ୍ରମ ଡିଂରେ ପାଂନେ ମାକେ
ଜାକ ଆକଅରିଆ ତୁଆଁକ୍ନେ ରେମୁଆଁଇଂନେବାନ୍ ଉଡ଼ିରୁଆ ମେଃଡ଼ିଗ୍
ରକମ୍ ଗୁଏନେ ସାମୁଆଁ ପେବା ଶୁ”

☆ ୮:୩୪ ୮:୩୪ ମାଡ଼ିଉ ୧୦:୩୮; ଲୁକ୍ ୧୪:୨୭. ☆ ୮:୩୫ ୮:୩୫ ମାଡ଼ିଉ ୧୦:୩୯; ଲୁକ୍
୧୭:୩୩; ଜହନ୍ ୧୨:୨୫.

ଜିସୁ ରୁପକେ ଆଃବଲ୍ଲେକେ
(ମାତିଉ ୧୭:୧-୧୩; ଲୁକ୍ ୯:୨୮-୩୬)

୨ ତୁର୍ ଦିନ୍ ଇଡିଙ୍ଗ ଜିସୁ ପିତର୍ ଜାକୁବ୍ ଆରି ଜହନ୍ ଏଃତେ କୁଡେଃତେ ମୁଇଙ୍ଗ ତିଆର୍ କଣ୍ଡା ଆଡାଡ୍ରା ତେଃଆର୍କେ । ଆଡଡାଗ୍ରା ମେଁଇଙ୍ଗ ଆଃ ଲେଃଆର୍ଗେ । ଆଡ ଅରିଆ ସିସ୍ଇଙ୍ଗ ଜିସୁକେ କେକ୍ଲେ ବେଲା ଜିସୁନେ ସାମୁଆଃ ବଲ୍ଲେ ଝେଗେ । ୩ ଜିସୁନେ ପାଟାଇ ତୁଲୁଏ ରକମ୍ ତାରକିଗ୍ ନାକେ । ଆତେନ୍ ତାରକିଗ୍ ଆରି ତୁଲୁଏ ଲେଃଗେ ଜେ ଦର୍ତନିନେ ଜାଣ୍ଡେ ଡିଗ୍ ତୁଲୁଏ ଆଃଡିଙ୍ଗ ଆୟାଆର୍ ଶୁ । ୪ ବାରି, ମୋଶା ଆରି ଏଲୀୟ ଜିସୁ ଏତେ ବାଲିରବାତା ଡିଙ୍ଗ୍ଲେ ସିସ୍ଇଂ କେଆର୍କେ । ୫ ପିତର୍ ଜିସୁକେ ବାସଙ୍ଗକେ, “ଅ ମାପରୁ, ନେ ଜେ ଆକ୍ଅରିଆ ନେଲେଃକେ, ଆକେନ୍ ନିମାଣ୍ଡା; ନାନେ ଜଦି ଇକ୍ତା ଡିଂଲା ନେଙ୍ଗ୍ ଆକ୍ଅରିଆ ଞ୍ଜିଙ୍ଗିଗ୍ କୁଡିଆ ଶୁରେଏ, ନା ଆଡଲ୍ଲା ମୁଇଂ, ମଶା ଆଡଲ୍ଲା ମୁଇଂ ବାରି ଏଲିୟ ଆଡଲ୍ଲା ମୁଇଂ । ୬ ପିତର୍ ମ୍ୟାଃ ଆୟାକେ ଜେ ମେଁ ମେଃ ଉତର୍ ବିଃଏ ତାଗ୍ତେ ମ୍ୟାଃଆୟାକେ ଶୁ । ତାଗ୍ଲା ମେଇଂ ମ୍ୟାୟା ସିସ୍ ଜବର୍ ବୁଟଲେଆର୍ଗେ ।”

୭ ✱ ଇକୁଡା ତ୍ରିଗ୍ଡିଆ ଆମେଇଂକେ ଡା ବିକେ, ବାରି କେଲାପା, ଆତେନ୍ ତ୍ରିଗ୍ଡିଆବାନ୍ ଆକେନ୍ ସାମୁଆଁ ନାଂକେ, “ଏ ନେଙ୍ଗ୍ନେ ନିଜର୍ ଉଂଡେ ଆକ୍ଲେଅରିଆ ନେଂନେ ଜାବର୍ ସାନ୍ତି ଲେକେ” ଆକ୍ଲେନେ ବ୍ଲାଲିର୍ ଅଁପା । ୮ ଆରି ଆତେନ୍ ବେଲା ପିତର୍, ଜାକୁବ୍ ଆରି ଜହନ୍ ପିତୁର୍ କେଆର୍କେ ତାଗ୍ଲା ଆଡନିଆ ମେଇଂ ମେଙ୍ଗ୍ଏତେ ଜିସୁକେ ଆନ୍ତାଚେ ଆଡଅରିଆ ବାରି ଆଜାକେ ଡିଗ୍ ଆକେଆର୍କେ ଶୁ ।

୯ ଜିସୁ ଆରି ମେଁନେ ସିସ୍ଇଂ କଣ୍ଡାବାନ୍ ଜାର୍ନେ ବେଲା ଆମେଇଂକେ ଆଦେସ୍ ବିଚେ ବାସଙ୍ଗକେ, ଜେ ମେଇଙ୍ଗ୍ କଣ୍ଡା ଆଡାଡ୍ରା ମେଃ ମେଃନେ କେଆର୍କେ । ଆଡଡେ ଆଜାଡିଗ୍ ଆବାସଙ୍ଗପା ତାଗ୍ତେ ଆରି ମାପରୁ ଉଙ୍ଗଡେ ଗୁଏଚେ ମ୍, ଜାକ ଉର୍ ଲାଃଲାପା ।

୧୦ ଏନ୍ ସିସ୍ଇଂ ଜିସୁନେ ସାମୁଆଁ ମାନେଃଆର୍କେ ଆରି ମେଇଙ୍ଗ୍ ମେଃନେ କେଲେଃଆର୍ଗେ, ଆତେନ୍ ଆଜାଡିଗ୍ ଆବାସଙ୍ଗଆର୍କେ

✱ ୯:୨ ୯:୭ ମାତିଉ ୩:୧୭; ମାର୍ଚ୍ଚକ ୧:୧୧; ଲୁକ୍ ୩:୨୨.

। ତେଲା ମେଇଙ୍କ ବାଲିରବାତା ଡିଙ୍କିଆରକେ ଜେ ଗୁଏତେ ମୁନେ ଅରତ ମେଠନେ ? ^{୧୧} ମେଇଙ୍କ ଜିସୁକେ ସାଲ୍ୟାକୁଆରକେ, “ଦର୍ମସାସ୍ତିଇଂ ମେଠ ନସା ବାସଙ୍ଗତିଂକେ ଜେ ଏଲୀୟ ଡିଲାଡିଗ୍ ସେନୁଗ୍ ପାଙ୍ଗ୍ ?”

^{୧୨} ଜିସୁ ଆମେଇଂକେ ବାସଙ୍ଗକେ, “ଅଁ; ମେଇଂ ସଡ଼ ବାସଙ୍ଗତିଂଆରକେ । ସାପା ସାମୁଆଁ ଆମେ ନସା ଡିଲାଡିଗ୍ ଏଲୀୟ ଆଃ ସେନୁଗ୍ ପାଙ୍ଗ୍ । ମାତର ମାପରୁ ଉଙ୍ଗତେ ବିସୟନେ ସାସ୍ତ୍ରନ୍ନିଆ ମେଠ ନସା ଗୁଆରବକେ ଜେ ମେଁ ମାଲେ କସ୍ତ ବାଏ ଆରି ରେମୁଆଁଇଂ ଆମେକେ ଇଙ୍ଗତେ ଆରଏ । ^{୧୩} ନେଙ୍ଗ୍ ଆପେକେ ବାସଙ୍ଗିଂକେ ଜେ ଏଲୀୟ ଏକ୍ରେ ପାଙ୍ଗ୍ଲେଃଃଗେ ଆରି ରେମୁଆଁଇଂ ମେଠନେ ଚାଏଁ ତିଂଆରକେ, ମେଁ ଆଡ଼ାଡ଼ା ଦେଡ଼ରକମ୍ ଦଦ୍ୟା ବେବଆର୍ ତିଂଆରଏ । ମେଇଂ ଆଡ଼ାଡ଼ା ଦେକ୍‌ରକମ୍ ବେବଆର୍ ଡିଙ୍ଗିଆରଏ ଡାଗ୍‌ତେ ସାସ୍ତ୍ରନ୍ନିଆ ଗୁଆରବକେ ।”

ଜିସୁ ମୁଇଙ୍କ ଗଲିଆ ସାଲେଃଃକ୍ ଗଡ଼େଅକେ ନିମାଣ୍ଡା ଆଃଡିଙ୍ଗକେ

(ମାଡିଡ ୧୭:୧୪-୨୧; ଲୁକ୍ ୯:୩୭-୪୩)

^{୧୪} ଇଡିଙ୍ଗ ଜିସୁ ପିତର, ଜାକୁବ୍, ଜହନ୍, ବିନ୍‌ନେ ସିସଇଂ ଡାଗ୍ରା ଝେକେ । ମେଇଂ କେଆରକେ ଜେ ଜବର୍ ରେମୁଆଁ ଆମେକେ ପିତୁର୍ ପୁଏକୁର୍ ଲେଃଆରକେ । ମେଁ ଏତେ ଦର୍ମ ଗୁରୁଇଂ ଅଡ଼କା ଅଡ଼କି ଡିଙ୍ଗିଆରକେ । ^{୧୫} ଅନାବେଲା ରେମୁଆଁଇଂ ଜିସୁକେ କେକେ ମେଇଙ୍କ ଚମ୍‌କେ ଝେଏ ଆରକେ । ମେଇଙ୍କ ଆମେକେ ସାର୍ଦା ଆଡିଙ୍ଗନ୍‌ସା ମେଁ ପାକା ଝିର୍ ତୁଂଝେକେ । ^{୧୬} ଇଡିଙ୍ଗ ଜିସୁ ନିଜର୍ ସିସଇଙ୍ଗକେ ସାଲ୍ୟାକୁକେ, “ପେ ଦର୍ମ ସାସ୍ତ୍ରଇଙ୍ଗ୍ ଏତେ ଆଣ୍ଡିନେ ସାମୁଆଁନ୍‌ସା ଅଡ଼କା ଅଡ଼କି ଡିଙ୍ଗିପେଡିଂକେ ?”

^{୧୭} ଗହଲି ବିଡ୍ରେବାନ୍ ମୁଇଂ ରେମୁଆଁ ଉତର୍ ବିଃକେ, “ଏ ଗୁରୁ ନେଙ୍ଗ୍ ନେଉଙ୍ଗକେ ନାଁ ଡାଗ୍ରା ତୁଂପାଂନେବକେ । ମେଁନେ ଜିବନ୍‌ନିଆ କନ୍ଦା ଗଲିଆ ଗା ଲେଃକେ,ଆଡେନ୍‌ସା ବାଃଲିରନେ ଆବିଃକେ ଶୁ । ^{୧୮} ନେଉଂକେ ସାଃନେ ବେଲା ଗଡ଼େଅକେ ବୁନ୍ଦେ ଜଗ୍‌ଲ୍‌ଗ୍ ବିଃ ଡିଙ୍ଗିକେ । ଗଡ଼େଅ ତୁମୁଆବାନ୍ ଲିଡିଆଃ ଆଃଡାଡ଼ିଂକେ ଆରି

ମେଁ ଗିନି ଆଠଚାର୍ ଆଠଲେ ଡିଂକେ ଆରି ନ୍‌ସ୍‌ପାରିଆଃ ଝେଡ଼ିଂକେ । ନେଙ୍ଗ୍ ନାନେ ସିସ୍‌ଇଂକେ ଆତେନ୍ ବୁଡ଼ନେ ଆମ୍ବା ଆଃଆନ୍ତାର୍ ବିଃନ୍‌ସା କୁସାମୁଡ଼ି ଶ୍ରିଂକେ । ମାତର୍ ମେଇଙ୍ଗ୍ ଆମେକେ ଆଃଆନ୍ତାର୍ ଆୟାଆର୍‌କେ ।”

୧୯ ଜିସୁ ଆମେଇଂକେ ବାସଙ୍ଗକେ, “ଆରେ ଅବିସ୍‌ବାସି ଆରି ଦଦ୍ୟା ଗାଲି ଝେଣ୍ଡେ ବଂସଇଙ୍ଗ୍, ଉଃଡ଼ି ମୁଆଁ ନିଂ ପେ ଏତେ ନ୍ଲେଃଏ ? ଉଃଡ଼ି ମୁଆଁ ପେନେ ବେବଆର୍ ନ୍‌ସ୍‌ମ୍‌ଲେଏ ? ଆମେକେ ନିଂ ଡାଗ୍ରା ତୁଙ୍ଗ୍‌ପାଙ୍ଗ୍‌ଲା ।” ୨୦ ତେଲା ସିସ୍‌ଇଂ ଗଡ଼େଅକେ ଜିସୁ ଡାଗ୍ରା ତୁଂପାଙ୍ଗ୍‌ଆର୍‌କେ । ବୁଡ଼ ଆମ୍ବା ଜିସୁକେ କେଙ୍ଗେ ଦାପ୍ରେ ଗଡ଼େଅକେ ଅରେଡା ଆଃଡିଂରେ ଆଲ ଜଗ୍‌ଲ୍‌ଗ୍ ବିଃକେ । ମେଁ ତୁମୁଆଃ ବାନ୍ ଲଲିଡ଼ିଆଃ ତାର୍‌କେ ।

୨୧ ଜିସୁ ଗଡ଼େଅନେ ଆବାଡ଼େକେ ସାଲ୍ୟାକୁକେ, “ଉଃଡ଼ିସି ଡିଙ୍ଗ୍‌ଗେ ଗଡ଼େଅକେ ଦେକ୍ ଡିଙ୍ଗ୍‌ଲେଃଗେ ?” ମେଁ ବାଡ଼େ ବାସଙ୍ଗକେ, “ଗଡ଼େଅକେଲା ବାନ୍ ଦେକ୍ ଡିଙ୍ଗ୍‌ଲାଃଏକେ ।”

୨୨ “ବୁଡ଼ ଆମ୍ବା ଆମେକେ ବାଗୁଏଃ ନ୍‌ସା ଉଡ଼ିତର୍ ଶ୍ରିଆନ୍ନିଆ ଆରି ଉଡ଼ିତର୍ ସୁଆନ୍ନିଆ ଜଗ୍‌ଲ୍‌ଗ୍ ଡିଂଗେ । ନା ଜଦି ମେନ୍‌ସା ମେଁ ଡିଙ୍ଗ୍ ନାୟାଏ ତେଲା ନେ ଆଡାଡା ଲିବିସ ଡିଙ୍ଗ୍‌ରେ ସାଃଆ ନାଡିଙ୍ଗ୍‌ଏ ।”

୨୩ ଜିସୁ ଆମେକେ ବାସଙ୍ଗକେ, “ମେଁ ନାବାସଙ୍ଗକେ ! ପେ ଜଦି ପେୟାଏ ତେଲା ସାହା ଶ୍ରିଙ୍ଗ୍‌ଏ । ବିସ୍‌ବାସ୍ ରେମୁଆଁନ୍‌ସା ସାପା କିଚି ଡିଙ୍ଗ୍‌ଏ ।”

୨୪ ଗଡ଼େଅନେ ଆବାଡ଼େ କିରରେ ବାସଙ୍ଗକେ, “ନେଙ୍ଗ୍‌ନେ ବିସ୍‌ବାସ୍ ଲେଃକେ । ମାତର୍ ମାଲେ ଶୁ । ନେଙ୍ଗ୍‌ନେ ବିସ୍‌ବାସ୍ ଆମ୍ବାନ୍‌ସା ଆନେଙ୍ଗ୍ ସାଇଜ ଡିଙ୍ଗ୍‌ପା ।”

୨୫ ଜିସୁ କେକେ ଜେ ଆକେନ୍ ଗର୍‌ନାନ୍‌ସା ରେମୁଆଁ ମେଁଇଙ୍ଗ୍ ଡାଗ୍ରା ଝିର୍ ତୁଂପାଙ୍ଗ୍‌ଡିଂକେ । ତେଲା ମେଁ ବୁଡ଼କେ ଦାକା ବିଃରେ ବାସଙ୍ଗକେ “ଏ ବୁଡ଼ ନା ଗଡ଼େଅକେ କନ୍ଦା ଆରି ବଏରା ଆଡିଙ୍ଗ୍ ନାବକେ । ନେଙ୍ଗ୍ ଆନାକେ ବାସଙ୍ଗ୍ ଶ୍ରିଂକେ ଗଡ଼େଅନେ ଜିବନ୍‌ବାନ୍ ତାର୍‌ରେ ଡଲା । କ୍ଲେନେ ଜିବନ୍ ବିତ୍ରେ ଅଃନାଡିଗ୍ ଆରି ନ୍ଗାଗା ଶୁ ।”

୨୬ ବୁଡ଼ଆମ୍ବା କିରରେ ଗଡ଼େଅକେ ସାଃରେ ତୁବନ୍ନିଆ ଜଗ୍‌ଲ୍‌ଗ୍ ବିଃକେ । ଆରି ମୁଇଙ୍ଗ୍‌ତର୍ ଗଡ଼େଅକେ ତୁବନ୍ନିଆ ଝାଃଲଃ ବିଃରେ

ବୁଢ଼ ଆତ୍ମା ମୋଁ ଗାଗଡ଼େବାନ୍ ତାର ଡକେ । ଆକେନ୍ ଗଡ଼େଅ ଗୁଏଃକେ ରକମ୍ ତିଂଝେକେ । ଜବର୍ ରେମୁଆଁ ବାସଙ୍ଗ୍ ଆରକେ, “ମୋଁ ଗୁଏଃଝେଗେ ।”^{୨୭} ଡାଗୁଲା ଜିସୁ ଗଡ଼େଅନେ ଛି ସାଃତେ ଆମେକେ ଆତଡ଼ିଆରେ ଆଃଡୁଆଁ ବିଃକେ । ଆତେନ୍ ଗଡ଼େଅ ତୁଆଁକେ ।

^{୨୮} ଏନ୍ ଇଡ଼ିଙ୍ଗ୍ ଜିସୁ ତୁଆ ବିତ୍ରେ ଝେକେ । ମାତର୍ ମେଇଂନେ ସିସଇଂ ମୋଁ ଏତେ ଆଡ଼ଅରିଆ ଲେଃଆରଗେ । ମେଇଙ୍ଗ୍ ଆମେଇଂକେ ସାଲ୍ୟାକୁଆରକେ, “ନେ ମେଃନସା ଆତେନ୍ ବୁଢ଼କେ ଆଃଆନ୍ତାର ନେୟାକେ ଶୁ ?”

^{୨୯} ଆକେନ୍ ଅଁରେ ଜିସୁ ଆମେଇଂକେ ବାସଙ୍ଗ୍କେ, “ଦେକ୍ ରକମ୍ ବୁଢ଼ ଆତ୍ମାକେ ପାରତନା ବାନ୍ ଆଃଆନ୍ତାର ନେଃୟାଏ ।”

ଜିସୁ ଆରି ମୁଇଂତର୍ ନିଜେ ଗୁଏଃନେ ବିସୟରେ ସାମୁଆଁ
(ମାତିଉ ୧୭:୨୨-୨୩; ଲୁକ୍ ୯:୪୩-୪୫)

^{୩୦} ଇଡ଼ିଙ୍ଗ୍ ଜିସୁ ଆରି ମୋଁନେ ସିସଇଙ୍ଗ୍ ଆତେନ୍ ଜାଗା ଆନ୍ତାରରେ ତଆରକେ । ମୋଁଇଙ୍ଗ୍ ଗାଲିଲୀ ବିଃତେ ଝେଆରକେ । ମେଇଙ୍ଗ୍ ଆଣ୍ଡି ଲେଃଆରକେ ଆତେନ୍ ସାମୁଆଁ ରେମୁଆଁ ମ୍ୟାଲେ ଡାଗୁରେ ଜିସୁ ଚାଏଁ ଆଡ଼ିଙ୍ଗ୍ଗେ ଶୁ^{୩୧} ତେସା ମୋଁ ନିଜର୍ ସିସଇଂକେ ମୁଇଂ ବିନ୍ ସାମୁଆଁ ବିଃନସା ଏତେତିଂଗେ । ମୋଁ ଆମେଇଂକେ ବାସଙ୍ଗ୍କେ, “ରେମୁଆଁ ଉଙ୍ଗ୍ତେକେ ରେମୁଆଁଇଙ୍ଗ୍ନେ ଛିନ୍ନିଆ ସର୍ପେ ବିଃଡ଼ିଂକେ । ମେଇଂ ଆମେକେ ବାଗୁଏଃ ବିଏ । ଡାଗ୍ଲା ଗୁଏନେ ଜିରସି ଇଡ଼ିଙ୍ଗ୍ ମୋଁ ଗୁଏଃତେ ଆରି ମୁଇଂତର୍ ମୁଏ ।”

^{୩୨} ଜିସୁ ଆକେନ୍ ସାମୁଆଁ ବାସଙ୍ଗ୍କେ ଅର୍ତ୍ତ ସିସଇଂ ବୁଜେ ଆୟାଆରକେ ଶୁ । ମେଇଙ୍ଗ୍ ଆମେକେ ଆକେନ୍ ଅର୍ତ୍ତ ସାଲିଆକୁରେ ବୁଜେନସା ବୁଟଆରକେ ।

ଜିସୁ ବାସଙ୍ଗ୍ତିଂକେ ସାପାବାନ୍ ମ୍ବା ଜାଣ୍ଡେ ?
(ମାତିଉ ୧୮:୧-୫; ଲୁକ୍ ୯:୪୬-୪୮)

^{୩୩} ତେନ୍ଇଡ଼ିଂ ଜିସୁ ଆରି ମେଇଙ୍ଗ୍ନେ ସିସଇଂ କର୍ପନାହୁମନ୍ନିଆ ପାଙ୍ଗ୍ଆରକେ । ମେଇଙ୍ଗ୍ ମୁଇଂ ତୁଆ ବିତ୍ରେ ଝେଆରଗେ । ଇଡ଼ିଙ୍ଗ୍ ଜିସୁ ସିସଇଂକେ ସାଲ୍ୟାକୁକେ, “ଏଃକେ ଗାଲିନ୍ନିଆ ପାଙ୍ଗ୍ନେ ବେଲା ମେଃ ସାମୁଆଁକେ ପେଇଙ୍ଗ୍ ଅଡ଼କା ଅଡ଼କି ଡିଙ୍ଗ୍ପେତିଂଗେ ?”

୩୪ ✧ ମାତର ସିସ୍‌ଇଙ୍କ ବୁଝି ଲେଖିଆରଗେ । ତାଗ୍ଲା ମେଇଙ୍କ ଗାଲିନ୍ନିଆ ଅଡ଼କା ଅଡ଼କି ତିଙ୍ଗିତିଆରଗେ ଜେ ମେଇନେ ବିତ୍ରେ ସାପା ବାନ୍ ମ୍ଲା ଜାଣ୍ଡେ ? ୩୫ ✧ ଜିସୁ କରେଃ ଆରି ଗମ୍ବାର ରେମୁଆଁ ପ୍ରେରିତ୍‌କେ ତାଗ୍ଲା ଖାକେ । ଜିସୁ ବାସଙ୍ଗକେ, “ସାପା ବାନ୍ ଜାଣ୍ଡେ ମ୍ଲା ତିଙ୍ଗିନେ ଇକଟା ତିଏ, ତେଲା ମେଁ ସାପାରେବାନ୍ ମ୍ଲା ମନେ ତିଙ୍ଗିତେ ଆରି ସାପା ମାନ୍ଦାକେ ସେବା ତିଙ୍ଗିଲେଃ ।”

୩୬ ଇତିଙ୍ଗ ଜିସୁ ମୁଇଁ ତାଆଁନେ ଗଡ଼େଅକେ ତୁଂଖେକେ । ମେଁଇଙ୍ଗନେ ସେନ୍ତୁଗ୍ ଆଃତୁଆଁ ବିଃକେ । ଆତେନ୍ ଗଡ଼େଅକେ ବୁଲୁନ୍ନିଆ ତୁଂପାଙ୍ଗିତେ ମେଁ ବାଃଲିରକେ । ୩୭ ✧ “ନେଙ୍ଗ୍ ମ୍ଲିରେ ଆଣ୍ଡିନେ ରେମୁଆଁ ମୁଇଙ୍ଗ୍ ଗଡ଼େଅକେ ଦେକ୍‌ରକମ୍ କଃଏ, ମେଁ ନେଙ୍ଗ୍‌ନେ ଆବାକେ କଃଏ । ଆରି ଜାଣ୍ଡେ ଆନେଙ୍ଗ୍‌କେ ଆକଃ ଶୁ, ମେଁ ବେବକ୍ଲେ ଆବାକେ ତିଗ୍ ଆକଃ ଶୁ ।”

ଜା ନେ ସତୁ ଶୁ, ମେଁ ନେନେ ରେମୁଆଁ
(ଲୁକ ୯:୪୯-୫୦)

୩୮ ଜହନ୍ ଜିସୁକେ ବାଲିରକେ, “ଅ ଗୁରୁ ନାଁ ମ୍ଲି ସାଃତେ ମୁଇଁ ରେମୁଆଁ ଗଡ଼େଅବାନ୍ ବୁଡ଼ଆମ୍ବାଇଙ୍ଗ୍ ଆଃଆନ୍ତାର୍ ତିଂକ୍ଲେ ମୁଇଁ ରେମୁଆଁକେ ନେ ସାପାରେ ନେକେକେ । ନେ ଆମେକେ ମନା ନେତିଂକେ, ତାଗ୍ଲା ମେଁ ନେ ବିତ୍ରେନେ ରେମୁଆଁ ଆଲେଃଗେ ଶୁ ।”

୩୯ ମାତର ଜିସୁ ବାସଙ୍ଗକେ, “ଆମେକେ ମନା ଆତିଙ୍ଗେପା । ତାଗ୍ଲା ଆଣ୍ଡିନେ ରେମୁଆଁ ନେଙ୍ଗ୍ ମ୍ଲିରେ ବପୁରେ ଏତେ କାମ୍ ତିଙ୍ଗି ଯାଏ ମେଁ ନେଙ୍ଗ୍ ମ୍ଲିରେ ଆରି ଦଦ୍ୟା ସାମୁଆଁ ବାଲିର ଆୟା ଶୁ ।” ୪୦ ✧ ଜା ନେନେ ସତୁ ଶୁ, ମେଁ ନେନେ ରେମୁଆଁ । ୪୧ ✧ ନେଙ୍ଗ୍ ଆପେକେ ସଡ଼ ବାସଙ୍ଗି, “ପେଇଙ୍ଗ୍ କିସ୍‌ଟନେ ରେମୁଆଁ ତାଗ୍‌ତେ ଜଦି ଜାଣ୍ଡେ ଆପେକେ ଗିନାନ୍ନିଆ ଶୁଆଃ ଉଗ୍‌ନେ ବିଏ । ନେଙ୍ଗ୍ ଆପେକେ ସଡ଼ ବାସଙ୍ଗି, ମେଁ ତି ବାବ୍‌ରେ ତିଗ୍ ନିଜର୍ ପୁରୁସ୍‌କାର୍ ଆଆରେ ଶୁ ।”

✧ ୯:୩୪ ୯:୩୪ ଲୁକ ୨୨:୨୪. ✧ ୯:୩୫ ୯:୩୫ ମାତିଉ ୨୦:୨୭,୨୭; ୨୩:୧୧; ମାର୍ଚ୍ଚକ ୧୦:୪୩,୪୪; ଲୁକ ୨୨:୨୭. ✧ ୯:୩୬ ୯:୩୬ ମାତିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦. ✧ ୯:୪୦ ୯:୪୦ ମାତିଉ ୧୨:୩୦; ଲୁକ ୧୧:୨୩. ✧ ୯:୪୧ ୯:୪୧ ମାତିଉ ୧୦:୪୨.

ବିସ୍‌ବାସନ୍ନିଆ କସ୍ତୁ ବାନେ
(ମାତିଉ ୧୮:୬-୯; ଲୁକ୍ ୧୭:୧-୨)

୪୨ ଜିସୁ ଆରି ବାସଙ୍‌କେ, “ଆରି ଜାଣ୍ଟେ ଜା ଡିଙ୍ଗ୍‌ଲେଃ ବିସ୍‌ବାସ୍ ଡିଙ୍ଗ୍ ବେଲା ଆକେନ୍ ଗଡ଼େଅଇଂନେ ବିତ୍ତେ ମୁଇଙ୍ଗ୍‌ଜାକେ ପାପ୍ ଆଃଡିଙ୍ଗ୍‌ଏ, ମେଁନେ ଲୁଗଃନ୍ନିଆ ମୁଇଙ୍ଗ୍ ମ୍ବା ବି ଗାଗରେ ଆମେକେ କେଣ୍ଡିଆନ୍ନିଆ ଜଗ୍‌ଲ୍ଲାଗ୍ ବିଃଲା ମେଁନ୍‌ସା ନିମାଣ୍ଡା ପାଡିଙ୍ଗ୍ । ୪୩ ଜଦି ନାଁନେ ତ୍ରି ଆନାକେ ପାପ୍ ଆଃଡିଙ୍ଗ୍‌ଏ, ତେଲା ତେନ୍ ତ୍ରିକେ ସିଃତଗ୍ ବିଃପା । ମ୍ବାର୍ ତ୍ରି ସାଃତେ ନରକେ ଆରି କାଲାନେ ଜୁଗ୍ ସାଃତେ ତୁଆମ୍ୟାକ୍ସେ ସୁଆ ଡାଗ୍ଲା ଝେନେ ବାଟା ଶୁଲ୍ଲା ଚୁଟା ଡିଙ୍ଗ୍‌ରେ ମାଡାନେ ଜିବନ୍ ବାନେ ନିମାଣ୍ଡା । ୪୪ ରେମୁଆଁକେ ଚଙ୍ଗ୍‌ମ୍ୟାକ୍ସେ ନକେଁନେ ବଃଡଂ ଅଃନାଡିଗ୍ ଆଗୁଏ ଶୁ ଆରି ସୁଆ ଡିଗ୍ ଅଃନା ଆଲିଗ୍ ଶୁ । * ୪୫ ଜଦି ନାଁନେ ଷ୍ଟ ଆନାକେ ପାପ୍ ଆଃଡିଙ୍ଗ୍‌ଏ, ତେଲା ଆତେନ୍ ଷ୍ଟକେ ସିଃତଗ୍ ବିଃପା । ମ୍ବାର୍ ଷ୍ଟ ଲେଃତେ ନରକ୍‌ନ୍ନିଆ ପେ ଲଃନେ ବାଟା ଚଟା ଡିଙ୍ଗ୍‌ରେ ମାଡାନେ ଜିବନ୍ ବାନେ ନିମାଣ୍ଡା । ୪୬ ରେମୁଆଁକେ ଚଙ୍ଗ୍‌ମ୍ୟାକ୍ସେ ନକେଁନେ ବୁବଃ ଅଃନା ଆଗୁଏଃ ଶୁ ଆରି ନକେଁନେ ସୁଆ ଅଃନା ଆଲିଗ୍ ଶୁ । † ୪୭ ଜଦି ନାନେ ମୁଆଃ ଆନାକେ ପାପ୍ ଆଃଡିଙ୍ଗ୍‌ଏ, ତେଲା ଆତେନ୍‌କେ ତଃ ଜଗ୍‌ଲ୍ଲାଗ୍ ବିଃ । ମ୍ବାଲିଗ୍ ମୁଆଃ ଲେଃତେ ନକେଁନ୍ନିଆ ନାଁ ଲଃନେ ବାଟା ନାଁନେ ମୁଇଂ ମ୍ବୁଆଃ ଲେଃତେ ଇସ୍‌ପରନେ ରାଜିନ୍ନିଆ ଝେନେ ନିମାଣ୍ଡା । ୪୮ ରେମୁଆଁକେ ଚଙ୍ଗ୍‌ମ୍ୟାକ୍ସେ ନକେଁନେ ବଃଡଂଇଂ ଅଃନା ଆଗୁଏ ଶୁ ଆରି ନକେଁନେ ସୁଆ ଅଃନାଡିଗ୍ ଆଲିଗ୍ ଶୁ ।

୪୯ ତେସାଃ ସାପା ରେମୁଆଁ ସୁଆନ୍ନିଆ ଡଣ୍ଟ ବା'ଆରଏ ।

୫୦ ☆ବିଡିଗ୍ ନିମାଣ୍ଡା ଜିନିସ୍, ମାଡର୍ ବିଡିଗ୍ ଜଦି ମେଁନେ ବିସେଃବିଗ୍ ଆନ୍ତାରଏ, ଆମେକେ ଆରି ମୁଇଂତର୍ ଡିରକମ୍ ବିସେଃବିଗ୍ ଆଃଡିଙ୍ଗ୍‌ତିଏ ? ପେ ବିଡିଗ୍ ସୁଗା ନିମାଣ୍ଡା ଗୁନ୍‌ରେ ବରଡି ଡିଙ୍ଗ୍‌ପା । ସାପା ମାନ୍ଦା କୁଡ଼େରେ ନିମାଣ୍ଡା ଲାଃଲାପା ।”

* ୯:୪୪ ୯:୪୪ ଉଡିଲ୍ଲିଗ୍ ବାଲିର୍ ବଇନ୍ନିଆ ଆକେନ୍ ଗୁଆର୍ ଆବକେ ଶୁ † ୯:୪୭ ୯:୪୭ଉଡିଲ୍ଲିଗ୍ ବାଲିର୍ ପୁସ୍‌ତକ୍‌ନ୍ନିଆ ଆକେନ୍ ଗୁଆର୍ ଆବକେ ଶୁ । ☆ ୯:୫୦ ୯:୫୦ ମାତିଉ ୫:୧୩; ଲୁକ୍ ୧୪:୩୪, ୩୫.

୧୦

ଆନ୍ତାରୁଏଃ ବିସୟରେ ଜିସୁନେ ସିକ୍ୟା

(ମାତିଉ ୧୯:୧-୧୨; ଲୁକ୍ ୧୬:୧୮)

୧ ଜିସୁ ଆଡେନ୍ ଜାଗାକେ ଆନ୍ତାରୁ ବିଃତେ ମେଁ ଜିଉଦା ପାକାନେ ଜର୍ଦନ୍ ଲଣ୍ଠିଆଃ ଇନୁମେତା ଝେଆରକେ । ଆରି ଜବର୍ ରେମୁଆଁ ମେଁ ତାଗ୍ରା ରିସିଙ୍ଗ୍ ଆରକେ । କାଲାଆଃ ରକମ୍ ଗିଆନ୍ ବିଃନେ ସୁଗୁଆ ଜିସୁ ରେମୁଆଁଙ୍କକେ ଗ୍ୟାନ୍ ବିଃକେ ।

୨ ଉଡ଼ିକ୍ଲିଗ୍ ଫାରୁଣୀ ଜିସୁ ତାଗ୍ରା ପାଙ୍ଗ୍ ଆରକେ । ମେଇଙ୍ଗ୍ ଜିସୁକେ ପରକ୍ୟା ଡିଙ୍ଗନ୍ ସା ଆମେକେ ସାଲ୍ୟାଃକୁଆରକେ, “ନିଜେନେ ସେଲ୍ୟାମ୍ବୁଃକେ ଆନ୍ତାରୁବିଃନେ ମେଁନେ ଆଣ୍ଡାଣ୍ଡେ ଇସାବ୍ରେ ଚିକ୍ କି ?”

୩ ଜିସୁ ଆମେଇଁକେ ବାସଙ୍ଗକେ, “ମୋଶା ଆପେକେ ମେଃନେ ଆଦେସ୍ ବିଃବକେ ?”

୪ ✨ମେଇଁ ବାସଙ୍ଗ୍ ଆରକେ, “ଆନ୍ତାରୁନେ ଉଲିଆଃ ଗୁଆରୁତେ ସେଲ୍ୟାମ୍ବୁଃକେ ଆନ୍ତାରୁ ବିଃନେ ମୋଶା ବାସଙ୍ଗବକେ ।”

୫ ଆଡ଼ବାନ୍ ଜିସୁ ଆମେଇଁକେ ବାସଙ୍ଗକେ, “ପେ ସାପାରେନେ ଜିବନ୍ନେ ଦୁକ୍ କେତେ ମୋଶା ପେଇଙ୍ଗନ୍ ସା ଆକେନ୍ ଆଦେସ୍ ଗୁଆରୁବକେ । ୬ ତାଗ୍ଲା ସାସ୍ତ୍ରନିଆ ଡିରକମ୍ ବାସଙ୍ଗବକେ ପରମେସର୍ ଉଡ଼ିବେଲା ଦର୍ତ୍ତନିକେ ଆଃରେକେ ମେଁ ରେମୁଆଁକେ ଙ୍ଗିର୍ବଏ ଆରି ସେଲ୍ୟାମ୍ବୁ ଆଡିଂତେ ଆଃରେକେ । ୭ ଆଡେନ୍ ନସା ମୁଇଙ୍ଗ୍ ଙ୍ଗିର୍ବଏଃ ନିଜେନେ ଇୟାଙ୍ଗ୍ ଆବାକେ ଆନ୍ତାରୁତେ ନିଜେନେ ସେଲ୍ୟାମ୍ବୁ ଏଡେ କୁଡେଃତେ ଲେଃଏ । ୮ ତେସା ମେଇଙ୍ଗ୍ ଆରି ମ୍ବାୟା ଶୁ ମାତର୍ ମୁଇଁ ଗାଗ୍ଡେ ଡିଙ୍ଗ୍ ଆରଏ । ୯ ଇସପର୍ ଜଦି ଆକେନ୍ ମ୍ବାୟାକେ ମୁଇଙ୍ଗ୍ ନିଆ ଆଃଡିଙ୍ଗ୍ ବକେ ଆମେଇଁକେ ଜାଣ୍ଡେ ଡିଗ୍ ବିନ୍ ଆରାଡିଙ୍ଗ୍ ଲେ ।”

୧୦ ଇଡ଼ିଙ୍ଗ୍ ସିସଇଁ ତୁଆ ଅରିଆ ଜିସୁକେ ଆରି ମୁଇଙ୍ଗ୍ ତର୍ ଆନ୍ତାରୁନେ ବିସୟ ସାଲ୍ୟାକୁ ଆରକେ । ୧୧ ✨ଜିସୁ ବାସଙ୍ଗକେ, “ଆଣ୍ଡିନେ ଙ୍ଗିର୍ବଏ ନିଜର୍ ସେଲ୍ୟାମ୍ବୁଃକେ ଆନ୍ତାରୁତେ ବିନ୍ ମୁଇଙ୍ଗ୍

✨ ୧୦:୪ ୧୦:୪ ମାତିଉ ୫:୩୧. ✨ ୧୦:୧୧ ୧୦:୧୧ ମାତିଉ ୫:୩୨; ୧ କରିନ୍ତିୟ ୭:୧୦, ୧୧.

ସେଲାମ୍ବୁଃକେ ବିଏ ତିଙ୍ଗ୍‌ଏ, ଆଡେନ୍ ଜିରବଏ ମେଁନେ ସେଲାମ୍ବୁ
ଆଡାତ୍ରା ଅଡାରେଗ୍ ପାପ୍ ତିଙ୍ଗ୍‌ଏ । ^{୧୨} ଡାଗ୍‌ଲା ମୁଇଙ୍ଗ୍ ସେଲାମ୍ବୁ
ନିଜର୍ ଆଣ୍ଡାଣ୍ଡେକେ ଆନ୍ତାରେ ଆରି ବିନ୍ ଜିରବଏଃକେ ବିଏ
ତିଙ୍ଗ୍‌ଏ, ତେଲା ମେଁ ତିଗ୍ ଅଡାରେଗ୍ ପାପ୍ ତିଙ୍ଗ୍‌ଏ ।”

ଜିସୁ ଗଡେଇଂକେ ଆସିର୍ବାଦ୍ ତିଂକେ
(ମାତିଉ ୧୯:୧୩-୧୫; ଲୁକ୍ ୧୮:୧୫-୧୭)

^{୧୩} ଆରି ରେମୁଆଁଇଂ ଜିସୁ ଡାଗ୍ରା ମେଇଙ୍ଗ୍‌ନେ ଡାଆଁ ଗଡେଇଂକେ
ଡୁଂପାଂଆରକେ ତିରକମ୍ କି ଜିସୁ ଗଡେଇଂକେ ତ୍ରିବରେ ଆସିର୍ବାଦ୍
ତିଙ୍ଗ୍‌ଏ । ମାତର୍ ଜିସୁନେ ସିସ୍‌ଇଂ ରେମୁଆଁଇଂକେ ଦମକ୍ ବିଃଆରକେ
। ^{୧୪} ଆକେନ୍ କେଚେ ଜିସୁ ଜବର୍ ରିସାଡିଂକେ । ଜିସୁ ସିସ୍‌ଇଙ୍ଗ୍‌କେ
ବାସଙ୍ଗ୍‌କେ, “ଡାଆଁ ଗଡେଇଂକେ ନେଙ୍ଗ୍ ଡାଗ୍ରା ପାଙ୍ଗ୍ ଆର୍‌ଲେ
ଆମେଇଂକେ ମନା ଆଡିଙ୍ଗ୍‌ପା । ଡାଗ୍‌ଲା ଇସ୍‌ପର୍‌ନେ ରାଇଜ୍ ଏନ୍
ଗଡେଇଂ ରକମ୍ ଦରମ୍ ରେମୁଆଁଇଙ୍ଗ୍ ରକମ୍ କିତଂଇନି ଗାଆର୍‌ଏ ।
^{୧୫} *ନେଙ୍ଗ୍ ଆପେକେ ସଡ୍ ବାସଙ୍ଗ୍ ତିଙ୍ଗ୍‌କେ ଜାଣ୍ଡେ ତିଗ୍ ଡାଆଁନେ
ଗଡେଅ ରକମ୍ ଇସ୍‌ପର୍‌ନେ ରାଜିକେ ଇକ୍‌ଚା ଆଡିଙ୍ଗ୍ ଶୁ ମେଁ
ତିରକମ୍ ତିଂଚେ ତିଗ୍ ଖେଚା ଆୟା ଶୁ । ^{୧୬} ତେନ୍‌ଇଡିଂ ଜିସୁ
ଗଡେଇଂକେ ଜେବାନ୍ନିଆ କଃଚେ । ମେଁ ମେଇଙ୍ଗ୍‌ନେ ଆଡାତ୍ରା ତ୍ରି
ବରେ ଆସିର୍ବାଦ୍ ବିଃକେ ।”

ସାଉକାର୍ ଜିରେନେ ସାମୁଆଁ
(ମାତିଉ ୧୯:୧୭-୩୦; ଲୁକ୍ ୧୮:୧୮-୩୦)

^{୧୭} ଜିସୁ ଖେଡିଂକ୍‌କେ ବେଲା ମୁଇଙ୍ଗ୍ ରେମୁଆଁ ଖିର୍ ଡୁଙ୍ଗ୍‌ପାଙ୍ଗ୍‌ଚେ
ମେଁ ଡାଗ୍ରା ପାଙ୍ଗ୍‌କେ ଆରି ଜିସୁନେ ସେନ୍‌ଗ୍ ଡେଙ୍ଗାଚେ କକେ । ମେଁ
ସାଲ୍ୟାକୁକେ, “ଅ ସଡ୍ ଗୁରୁ ମାଡାନେ ଜିବନ୍ ବାନ୍‌ସା ନେଙ୍ଗ୍ ମେଃ
ଶ୍ରିଂଏ ?”

^{୧୮} ଜିସୁ ଉତର୍ ବିକେ, “ଆନେଙ୍ଗ୍ ନିମାନ୍ ଡାଗଚେ ମେସା ବାସଙ୍ଗ୍
ପେଡିଙ୍ଗ୍‌କେ ? ଇସ୍‌ପର୍‌କେ ଆନ୍ତା ବିଃଲା ବିନ୍ ଜାଣ୍ଡେ ସଡ୍ ଶୁ ।”

☆ ୧୦:୧୫ ୧୦:୧୫ ମାତିଉ ୧୮:୩୧.

୧୯ ଯେ ନିଅମ୍‌ଲ୍ ମ୍ୟାଃପେଲେଃକେ । ରେମୁଆଁ ଆବାଗୁଏଃଗଫା, ମିର୍ ସାକି ଆବିଃଗଫା, ଆନାଲେଗେପା, ନିଜର୍ ଆବା ଇୟାଙ୍ଗକେ ସନ୍‌ମାନ୍ ବିଃପା ।

୨୦ ମେଁ ଜିସୁକେ ବାସଙ୍ଗକେ, “ଅ ଗୁରୁ ନେଙ୍ଗ୍ ଚିଲ୍‌ଃଃଅବାନ୍ ଆକେନ୍ ସାପା ସାମୁଆଁ ମାନେଃରେ ପାଙ୍ଗ୍‌ଣିଂକେ ।”

୨୧ ଜିସୁ ଆମେକେ ଆଲାଦ୍ ତିଂକେ । ଆରି ମେଁ ଆମେକେ ବାସଙ୍ଗକେ, “ନାଁନେ ମୁଇଙ୍ଗ୍ ସାମୁଆଁ ଗଣ୍ଡା ଲେଃକେ । ନାଁ ଝେଲା ମେଃନେ ନାଁନ୍ନିଆ ଲେଃକେ । ଆତେନ୍ ସାପା ସ ବିଃରେ ଗରିବ୍‌ଇଂକେ ଦାନ୍ ବିଃ । ନାଁ କିତଂଇନିନେ ଦନ୍ ନାବାଏ । ଇଡ଼ିଙ୍ଗ୍ ନେଙ୍ଗ୍ ପ୍ଲା ନାଁ ପାଙ୍ଗ୍‌ଲା ।” ୨୨ ଜିସୁନେ ସାମୁଆଁ ଅଁରେ ଆତେନ୍ ରେମୁଆଁନେ ମନ୍ ଦୁକ୍ ତିଙ୍ଗ୍ ଝେକେ । ମେଁ ମନ୍ ଦୁକ୍ ତିଂରେ ଝିଗ୍‌କେ, ଡାଗ୍ଲା ମେଁନେ ଜବର୍ ସମ୍ପତି ଲେଃଗେ ।

୨୩ ଜିସୁ ପିତୁର୍ ପାକା କେଚେ ସିସ୍‌ଇଂକେ ବାସଙ୍ଗକେ, “ଜାନେ ଦନ୍ ଲେଃକେ, ମେଇଙ୍ଗ୍ ଇସ୍‌ପର୍‌ନେ ରାଜିନ୍ନିଆ ଝେଚାନେ ଜବର୍ କଷ୍ଟ ।”

୨୪ ଜିସୁନେ ସାମୁଆଁ ଅଁରେ ସିସ୍‌ଇଂ କାବା ତିଙ୍ଗ୍‌ଝେଆର୍‌ଗେ ଡାଗ୍‌ଲା ଜିସୁ ଆମେଇଂକେ ଆରି ବାସଙ୍ଗକେ, “ଏ ନେଙ୍ଗ୍‌ନେ ଗଡ଼େଇଂ ଇସ୍‌ପର୍‌ନେ ରାଜିନ୍ନିଆ ଗାନ୍‌ସା ସତେଆ ଉଡ଼ି କଷ୍ଟ । ୨୫ ମୁଇଂ ସାଡକାର୍ ରେମୁଆଁ ଇସ୍‌ପର୍‌ନେ ରାଜିନ୍ନିଆ କସ୍‌ରେ ଝେଚାନେ ବାଟା ଉର୍ ମୁଇଂ ସୁଜି ପ୍ଲାଗ୍‌ନ୍ନିଆ ଚିଙ୍ଗେ, ଝେନେ ସଅଜ୍ ।”

୨୬ ମେଇଙ୍ଗ୍ ଆରି କାବା ତିଙ୍ଗ୍‌ଝେଆର୍‌କେ । ମେଇଙ୍ଗ୍ ମେଇଙ୍ଗ୍ ବିତ୍ରେ ବାଲିର୍‌ବାତା ତିଙ୍ଗ୍‌ଆର୍‌କେ “ତେଲା ଜାଣ୍ଡେ ଉଦାର୍ ବା ଯାଏ ?”

୨୭ ଜିସୁ ଆମେଇଂକେ କେଚେ ବାସଙ୍ଗକେ, “ଏନ୍ ରେମୁଆଁଇଂବାନ୍ ଆଡ଼ିଙ୍ଗ୍ ଶ୍ଟୁ ଡାଗ୍‌ଲା ଇସ୍‌ପର୍‌ନେ ବାନ୍ ସାପା କିଚି ତିଙ୍ଗ୍ ଯାଏ ।”

୨୮ ପିତର୍ ଜିସୁକେ ବାସଙ୍ଗକେ, “ନାଁ ପ୍ଲା ପାଙ୍ଗ୍‌ନ୍‌ସା ନେଁ ସାପାରେ ସାପା ଆନ୍ତାର୍ ନେବିଃଗେ ।”

୨୯ ଜିସୁ ବାସଙ୍ଗକେ, “ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣିଂ ଆଣ୍ଡିନେ ରେମୁଆଁ ନେଙ୍ଗ୍‌ସା ଆରି ନିମାଣ୍ଡା କବର୍ ବାଲିର୍‌ନ୍‌ସା ତୁଆସାରା ବୟାଁ ତନା ଆବା ଇୟାଙ୍ଗ୍ ଗୋ ଗିସିଆ ଆରି ଲିଜ ବ୍ରି ଆନ୍ତାର୍ ବିୟାଏ ୩୦ ମେଁ ତିଲାଡିଗ୍ ନିଜେ ଆନ୍ତାର୍‌ବକ୍ସେ ଜିନିସ୍ ବାନ୍ ମାଲ୍‌କୁଡ଼ି ଗୁନ୍

ଜବର୍ ଆକେନ୍ କାଲେ ବାଏ । ମେଁ ଜବର୍ ତୁଆ, ବୟାଁ, ତନା, ଇୟାଙ୍ଗ, ଗୋ ଗିସିଆଃ ଆରି ଲିଜବ୍ରି ବଏ । ମାତର୍ ମେଁ କଷ୍ଟ, ନିନ୍ଦା, ଅପମାନ୍ ଆକେନ୍ ସାପା ବାଏ । ଡାଗ୍ଲା ଇଡ଼ିଙ୍ଗ୍ ଜୁଗରେ ମେଁ ମାଡାନେ ଜିବନ୍ ବାଏ । ^{୩୧} ଏବେ ଜାଣ୍ଟେ ସିସେ ଲେଃଆର୍କେ, ମେଁଇଙ୍ଗ୍ ଇଡ଼ିଙ୍ଗ୍ରେ ପ୍ଲାଃ ତିଂଆରଏ ଆରି ଜାଣ୍ଟେଇଂ ପ୍ଲାଃ ଲେଃଆର୍କେ; ମେଇଙ୍ଗ୍ ଇଡ଼ିଙ୍ଗ୍ରେ ସିସେ ତିଂଆରଏ ।”

ଜିସୁ ମେଁ ଗୁଏଃ ବିସୟରେ ଙ୍ଗି ତର୍ ବାସଙ୍ଗକେ
(ମାଡିଉ ୨୦:୧୭-୧୯; ଲୁକ୍ ୧୮:୩୧-୩୪)

^{୩୨} ଜିସୁ ଆରି ମେଁନେ ସିସଇଂ ଯିରୁଶାଲମ୍ ଗାଲି ପାକା ଝେଆର୍କେ । ଜିସୁ ମେଁଇଙ୍ଗ୍ନେ ସେନୁଗ୍ ସେନୁଗ୍ ଝେଡିଙ୍ଗ୍ରେ । ମେଁନେ ସିସଇଂ କାବା ତିଙ୍ଗ୍ଝେଆର୍କେ । ଡାଗ୍ଲା ମେଁନେ ପ୍ଲା ଝେଡିଂକ୍ଲେ ରେମୁଆଁଇଂ ସାପାରେ ବୁଟମେଗ୍ ଆର୍କେ । ଜିସୁ ମେଁନେ ଗମ୍ବାର୍ କ୍ଲିଗ୍ ପ୍ରେରିଡ଼ଇଂକେ ବିନେ ଝାଟେ ଯିରୁଶାଲମ୍ନିଆ ମେଃନେ ସାପା ଗଟେନେ ଝେଡିଙ୍ଗ୍କେ, ଆଡେନ୍ ସାପା ଆମେଇଂକେ ବାସଙ୍ଗନେ ମୁଲେକେ । ^{୩୩} ଜିସୁ ବାସଙ୍ଗକେ, “କେଲାପା, ନେଁ ସାପାରେ ଯିରୁଶାଲମ୍ନିଆ ଝେନେଡିଙ୍ଗ୍କେ । ରେମୁଆଁ ଉଙ୍ଗ୍ଡେକେ ମ୍ଲା ପୁଜାରି ଆରି ଦର୍ମସାସ୍ତିଇଂନେ ଛୁନ୍ନିଆ ବିଜଗ୍ଲିଗ୍ । ଆରି ମେଇଙ୍ଗ୍ ଆମେକେ ବିଗାର୍ ତିଙ୍ଗ୍ରେ ବାଗୁଏନେ ତଣ୍ଟ ବିନ୍ଦସା ଅଣଜିଉଦିଇଂନେ ଛୁଅରିଆ ଅପେଃ ବିଃଆରଏ । ^{୩୪} ମେଇଙ୍ଗ୍ ଆମେକେ ଏଃଲ୍ୟା ଆରଏ ଆରି ମେଁ ଆଡାଡା ବିଃତୁର୍ ବିଆରଏ । ଆମେକେ ଚାବୁକ୍ ଏଡେ ବଗ୍ଆରଏ ଆରି ସାରା ସାରି କାଲା ବାଗୁଏଃ ବିଃଆରଏ । ଗୁଏକ୍ବନ୍ ଜିରସି ବିତ୍ରେ ଆର୍ମୁଇଂତର୍ ମ୍ଲଏ ।”

ଜାକୁବ୍ ଆରି ଜହନ୍ ଲିବିସଃଟେ ଝାକେ
(ମାଡିଉ ୨୦:୨୦-୨୮)

^{୩୫} ଇଡ଼ିଙ୍ଗ୍ ଜେବଦୀନେ ଉଙ୍ଗ୍ଡେଇଂ ଜାକୁବ୍ ଆରି ଜହନ୍ ମେଁ ଡାଗ୍ଲା ପାଙ୍ଗ୍ରେ ବାସଙ୍ଗ୍ଆର୍କେ, “ଏ ଗୁରୁ ନେ ସାପାରେନେ ଇକ୍ତା ଜେ ନେ ସାପାରେ ନାଁ ଡାଗ୍ଲା ମେଃଡିଗ୍ ନେସାଲ୍ୟାଏ, ଆଡେନ୍ ନେ ସାପାରେ ନସା ବିଃଲା ।”

୩୭ ଆଡ଼ବାନ୍ ଜିସୁ ଆମେଇଂକେ ସାଲ୍ୟାକୁକେ, “ନେଙ୍ଗ୍ ପେନ୍‌ସା ମେଃନେ ଶ୍ରିଂଏ ଡାଗ୍‌ରେ ପେ ସାପାରେ ଇକ୍‌ଚା ଡିଙ୍ଗ୍‌ପେଡିଙ୍ଗ୍‌କେ?”

୩୭ ମେଁଇଙ୍ଗ୍ ବାସଙ୍ଗ୍‌ଆରକେ, “ନାଁନେ ମଇମା ନାଲା ସିଂଆସନ ଅରିଆ ନାକଏ, ଡିରକମ୍ ନେ ସାପାରେନେ ବିତ୍ରେ ମୁଇଙ୍ଗ୍‌ଜାକେ ନାଁନେ ଅଙ୍ଗ୍‌ତି ପାକା ଆରି ମୁଇଙ୍ଗ୍‌ଜାକେ ବେସ୍ୟାଃତି ପାକା କୁକନ୍‌ସା ଆନେକେ ଆକେନ୍ ଆସିର୍ବାଦ୍ ବିଃଲା ।”

୩୮ ☆ଡାଗ୍ଲା ଜିସୁ ଆମେଇଂକେ ବାସଙ୍ଗ୍‌କେ, “ପେ ସାପାରେ ମେଃନେ ସାଲ୍ୟାଃପେଡିଙ୍ଗ୍‌କେ, ଆତେନ୍ ପେ ପେମ୍ୟାଃକେ ଶ୍ରି । ନେଙ୍ଗ୍ ଆଣ୍ଡିନେ ମୁତାଅରିଆ ଉଗ୍‌ଶ୍ରିଂ ଶ୍ରିଲ୍ଲା ଆଣ୍ଡିନେ ଦିକ୍ୟାଅରିଆ ଦିକ୍ୟା ତୁଂଡିଶ୍ରିଂକେ, ଆଡ଼ଅରିଆ ପେ ସାପାରେ ଦିକ୍ୟା ତୁଂପେଡଏ?”

୩୯ ମେଇଙ୍ଗ୍ ଆମେକେ ବାସଙ୍ଗ୍‌ଆରକେ, “ଅଁ ନେୟାଏ ।”

ଜିସୁ ଆମେଇଂକେ ବାସଙ୍ଗ୍‌କେ, “ନେଙ୍ଗ୍ ଆଣ୍ଡିନେ ମୁତାଅରିଆ ଉଗ୍ ଶ୍ରିଂକେ, ପେ ସାପାରେ ଆଡ଼ଅରିଆ ପେଡଗ୍‌ଏ । ନେଙ୍ଗ୍ ଆଣ୍ଡିଡାଗ୍ଲା ଦିକ୍ୟା ଶ୍ରିଂଏ, ପେ ଡିଗ୍ ଆଡ଼ଡେ ଦିକ୍ୟା ପେଡିଙ୍ଗ୍‌ଏ । ୪୦ ମାତର୍ ନେଙ୍ଗ୍‌ନେ ଅଙ୍ଗ୍‌ତି ପାକା ଆରି ବେସ୍ୟାଃତି ପାକା ଜାଣ୍ଡେ କଏ, ଆକେନ୍ ବାସଙ୍ଗ୍‌ନ୍‌ସା ନିଂନେ ଅଦିକାର୍ ଶ୍ରି । ଜାଣ୍ଡେନ୍‌ସା ଇସପର୍ ଆତେନ୍ ଜାଗା ଆଃରେ ବକେ, ଆତେନ୍ ମେଁ ଆମେଇଂକେ ବିଃଏ ।”

୪୧ ବିନ୍ ଗୁଆ ରେମୁଆଁ ଆକେନ୍ ଅଁରେ ଜାକୁର୍ ଆରି ଜହନ୍‌ନେ ଆଡ଼ାତ୍ରା ରିସା ଡିଙ୍ଗ୍‌ଆରକେ । ୪୨ ☆ଆଡ଼ବାନ୍ ଜିସୁ ଆମେଇଂକେ ଡାଗ୍ଲା ଖାତେ ବାସଙ୍ଗ୍‌କେ, “ଜାଣ୍ଡେଇଂ ବିଜାଡିଇଙ୍ଗ୍‌ନେ ଆଡ଼ାତ୍ରା ସାସନ୍ ଡିଙ୍ଗ୍‌ଶ୍ରେ ରକମ୍ ଲେଃଆରକେ । ମେଇଙ୍ଗ୍ ମେଇଙ୍ଗ୍‌ନେ ଆଡ଼ାତ୍ରା ସାସନ୍ ଡିଙ୍ଗ୍‌ଆରଏ । ଆକେନ୍ ପେ ମ୍ୟାଃପେଲେକେ । ୪୩ ☆ମାତର୍ ପେ ବିତ୍ରେ ଦେକ୍‌ରକମ୍ ଶ୍ରି । ମାତର୍ ପେ ସାପାରେ ବିତ୍ରେ ଜାଣ୍ଡେ ମ୍ଲା ଡିଙ୍ଗ୍‌ନେ ଚାଏଁ ଡିଙ୍ଗ୍‌କେ, ମେଁ ବିନ୍ ରେମୁଆଁନେ ଗଡିରେ ଡିଙ୍ଗ୍‌ଲେଃ । ୪୪ ଆରି ପେ ବିତ୍ରେବାନ୍ ଜାଣ୍ଡେ ସାପାବାନ୍ ମ୍ଲା ଡିଙ୍ଗ୍‌ନ୍‌ସା ଇକ୍‌ଚା ଡିଙ୍ଗ୍‌ଏ, ମେଁ ସାପାରେନେ ଗଡିରେ ଡିଙ୍ଗ୍‌ଲେଃ । ୪୫ ଡାଗ୍ଲା ମାପରୁ ଉଙ୍ଗ୍‌ଡେ ଡିଗ୍ ସେବା ବାନ୍‌ସା ପାଙ୍ଗ୍ ଆଲେଃକେ ଶ୍ରି ।

☆ ୧୦:୩୮ ୧୦:୩୮ ଲୁକ୍ ୧୨:୫୦. ☆ ୧୦:୪୨ ୧୦:୪୨ ଲୁକ୍ ୨୨:୨୫, ୨୬. ☆ ୧୦:୪୩ ୧୦:୪୩ ମାଡିଉ ୨୩:୧୧; ମାର୍ଚ୍ଚକ ୯:୩୫; ଲୁକ୍ ୨୨:୨୬.

। ଆରି ସେବା ତିଜ୍ଞନ୍‌ସା ଆରି ଗୁଲେ ରେମୁଆଁଇଁ ଆଡ଼ଲା ଉଦାର୍ ତିନେନ୍‌ସା ନିଜର୍ ପାରାନ୍ ବିଃନେ ପାଙ୍ଗଲେଃକେ ।”

ଜିସୁ ବାଟ୍ ମୟ ମୁଇଁ କାନାକେ ନିମାଣ୍ଡା ଆଡ଼ିଙ୍ଗକେ
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

୪୭ ଏନ୍ ଇଡ଼ିଙ୍ଗ୍ ମେଇଙ୍ଗ୍ ଯିରାହୋନ୍ନିଆ ପାଙ୍ଗକେ । ଜିସୁ ମେଇଙ୍ଗ୍‌ନେ ସିସ୍ ଆରି ବିନ୍ ଉଡ଼ି ରେମୁଆଁଇଁ ଏଡେ ଯାରିହୋବାନ୍ ଆନ୍ତାର ତନେ ବେଲା ଚିମୟର୍‌ନେ ଉଙ୍ଗଡେ ବାଟ୍ ମୟ ମୁଇଁ କାନା ବିକାରି ଗାଲି ଆଃଡ଼ାଃ କଚେ ବିକ୍ ସାଲ୍ୟାଃଡ଼ିଂଗେ । ୪୭ ମେଁ ଜେ ନାଜରିତୀୟ ଜିସୁ, ଆଡେନ୍ ଅଁଚେ ମେଁ କିରଚେ ବାସଙ୍ଗକେ, “ଏ ଦାଉଦନେ ଉଙ୍ଗଡେ ଜିସୁ, ଆନେକେ ଦୟା ତିଙ୍ଗ୍ ।”

୪୮ ଆଡ଼ବାନ୍ ଜବର୍ ରେମୁଆଁ ଆମେକେ ବୁଙ୍ଗଲେଃ ନ୍‌ସା ଦାକା ବିକେ । ମାତର୍ ମେଁ ଜାବର୍ କିରଚେ ବାସଙ୍ଗକେ, “ଏ ଦାଉଦନେ ଉଙ୍ଗଡେ ଜିସୁ ଆନେଙ୍ଗକେ ଦୟା ତିଙ୍ଗ୍ ।”

୪୯ ଆଡ଼ବାନ୍ ଜିସୁ ତୁଆଁଚେ ବାସଙ୍ଗକେ, “ଆମେକେ ୱାପା ।” ମେଇଙ୍ଗ୍ ଆଡେନ୍ କାନା ରେମୁଆଁକେ ୱାଚେ ବାସଙ୍ଗକେ, “ସାଆସ୍ ସାଃ, ତଡ଼ିଆ, ମେଁ ଆନାକେ ୱାଡ଼ିଂକେ ।”

୫୦ ଆଡ଼ବାନ୍ ମେଁ ଜିଆ ଜିଆ ନିଜର୍‌ନେ ତର୍‌ଗିଆଃ ଜର୍‌ଗ୍‌ଗଚେ ତଡ଼ିଆଚେ ଜିସୁ ତାଗ୍ରା ପାଙ୍ଗକେ ।

୫୧ ଜିସୁ ଆମେକେ ଉତର୍ ବିକେ, “ନେଙ୍ଗ୍ ନାଁନ୍‌ସା ମେଃ ଶ୍ରିଙ୍ଗ୍‌ଏ ତାଗ୍‌ଚେ ନାଁ ଇକ୍‌ଚା ତିଙ୍ଗ୍‌ନାଡ଼ିଙ୍ଗକେ ?” ଆଡେନ୍ କାନା ରେମୁଆଁ ଆମେକେ ବାସଙ୍ଗକେ, “ଅ ଗୁରୁ ତିରକମ୍ କି ନେଙ୍ଗ୍ କିକେ ଇୟାଏ ।”

୫୨ ଜିସୁ ଆମେକେ ବାସଙ୍ଗକେ, “ଝେଲା, ନାଁନେ ବିସ୍‌ବାସ୍ ଆନାକେ ନିମାଣ୍ଡା ଆଡ଼ିଙ୍ଗ ବିବକେ । ଆଡ଼ବାନ୍ ମେଁ କେୟାକେ ଆରି ମେଇଙ୍ଗ୍‌ଏଡେ ଗାଲିନ୍ନିଆ ଜିସୁନେ ପ୍ଲା ପ୍ଲା ଅଲେଙ୍ଗକେ ।”

୧୧

ଜିସୁ ଯିରୁଶାଲାମ୍ ଅରିଆ ଜିଡେନେ ଯାତ୍ରା

(ମାତିଉ ୨୧:୧-୧୧; ଲୁକ୍ ୧୯:୨୮-୪୦; ଜହନ୍ ୧୨:୧୨-୧୯)

^୧ ଜିସୁ ଆରି ମୈନେ ସିସ୍‌ଇଂ ଯିରୁଶାଲାମ୍ ଡାଗ୍ରା ପିଙ୍ଗାଆରକେ । ମେଇଙ୍ଗ୍ ଜିତକଣ୍ଡା ଡାଗ୍ରା ବେଅଫାଗୀ ଆରି ବେଅନୀ ଡାଗ୍ରା ପିଙ୍ଗାଆରକେ । ଜିସୁ ନିଜର୍ ସିସ୍‌ଇଂ ବିଡ୍ରେବାନ୍ ମ୍ୟାୟାକେ ଆକେନ୍ ସାମୁଆଁ ବାଲିର୍‌ରେ ବେକେ । ^୨ “ସିସେ ନ୍‌କ୍ଲେ ଇନି ଝେଲାପା । ଆଡ୍‌ଅରିଆ ଗାକ୍ଲେ ଦାପ୍ରେ ପେ ସାପାରେ ମୁଇଂ ଗଦ ଉଙ୍ଗ୍‌ଡେ ଗାଗ୍‌ବକ୍ଲେ ପେକେଏ । ଆଡେନ୍ ଗଦ ଉଙ୍ଗ୍‌ଡେ ଆଡାଡ୍ରା ଜାଡିଗ୍ ଏଜାକ ଡିଡେଃ ଜ୍ଞାରେ । ଆମେକେ ତୁପିଗ୍‌ରେ ନେଙ୍ଗ୍‌ଡାଗ୍ରା ତୁଂପାଙ୍ଗ୍‌ଲାପା । ^୩ ଆରି ମୁଃଡି ରେମୁଆଁ ଆପେକେ ଗଦ ଉଙ୍ଗ୍‌ଡେକେ ମେଃନସା ତୁଂଝେ ପେଡିଙ୍ଗ୍‌କେ ଡାଗ୍‌ରେ ସାଲିଆକୁଏ, ତେଲା ପେ ଆମେକେ ପେବାସଙ୍ଗ୍‌ଏ, ମାପୁ ନସା ଆକେନ୍ ଦର୍‌କାର୍ ଲେଃକେ । ଏନ୍ ଇଡିଙ୍ଗ୍ ଆମେକେ ଚାପ୍‌ନା ଆଃଆଣ୍ଡେ ବିଏ ।”

^୪ ମେଇଙ୍ଗ୍ ଆଡେନ୍ ଇନି ଝେଆରକେ । ମେଇଙ୍ଗ୍ ବାଜାର୍ ଡାଗ୍ରା ମୁଇଂ ଗଦ ଉଙ୍ଗ୍‌ଡେକେ ଗାଗ୍‌ବକ୍ଲେ କେଆରକେ । ମେଇଙ୍ଗ୍ ଆମେକେ ତୁଃପିଗ୍‌ଆରକେ । ^୫ ଉଡି ରେମୁଆଁ ଆଡ୍‌ଅରିଆ ତୁଆଁ ଲେଃଆରକେ । ମେଇଙ୍ଗ୍ ଆକେନ୍ କେଚେ ସାଲିଆକୁଆରକେ, “ପେ ଆକେନ୍ ଗଦ ଉଙ୍ଗ୍‌ଡେକେ ମୈନ୍‌ସା ତୁପିଗ୍ ପେଡିଙ୍ଗ୍‌କେ ?”

^୬ ସିସ୍‌ଇଂକେ ଜିସୁ ମେଃନେ ବାସଙ୍ଗ୍ ନସା ବାଲିର୍‌ବଗେ, ସିସ୍‌ଇଂ ରେମୁଆଁଇଂକେ ଦେତୁଆ ବାସଙ୍ଗ୍‌କେ । ଇଡିଙ୍ଗ୍ ରେମୁଆଁଇଂ ଗଦ ଉଙ୍ଗ୍‌ଡେ ଏଡେ ଆମେଇଂକେ ଆନ୍ତାର୍ ବିଃକେ । ^୭ ସିସ୍‌ଇଂ ଗଦ ଉଙ୍ଗ୍‌ଡେକେ ଜିସୁ ଡାଗ୍ରା ତୁଂପାଙ୍ଗ୍‌ଆରକେ ଆରି ଗଦ ଆଡାଡ୍ରା ନିଜର୍ ପାଟାଇ ପୁଟାଇ ବେଃବିଃଆରକେ । ଜିସୁ ମୈ ଆଡାଡ୍ରା କକେ । ^୮ ଗୁଲୁଏ ରେମୁଆଁ ଜିସୁ ନସା ମେଇଂ ନିଜର୍ ନିଜର୍‌ନେ ପାଟାଇ ଗାଲି ଅରିଆ ବେଃପାଃ ବିଃଆରକେ ଆରି ବିନ୍ ରେମୁଆଁଇଂ ପାଃଡୁ ପାକ୍‌ରିଃ ତୁଂପାଙ୍ଗ୍‌ରେ ଗାଲି ଅରିଆ ବେଃପାଃ ବିଃଆରକେ । ^୯ ଉଡି ରେମୁଆଁ ଜିସୁନେ ସିସେ ଝେଆରକେ ଆରି ବିନ୍ ଉଡି ରେମୁଆଁ ମୈନେ ପ୍ଲାପ୍ଲା ଝେ ଡିଙ୍ଗ୍‌ଆରଗେ । ସାପାରେ କିରଚେ ବାସଂଆର୍କେ “ହୋଶାନ୍ନା; ମାପୁ ମ୍ନିରେ ଜାଣ୍ଡେ ରେମୁଆଁ ପାଙ୍ଗ୍ ଡିଙ୍ଗ୍‌କେ ମୈ ଆସିର୍‌ବାଦ୍ ବାଏ । ^{୧୦} ନୈନେ ଆବା ଦାଉଦ୍ ପାଙ୍ଗ୍ ତିଂକ୍ଲେ ରାଜ୍ୟ ଦନ୍‌ୟ ଆଡାଡ୍ରା ଲେଃକେ ମ୍ନାଃଆବା ଡିଗ୍ ଦନ୍‌ୟ ହୋଶାନ୍ନା ।”

^{୧୧} ଜିସୁ ଯିରୁଶାଲାମ୍ ପାଙ୍ଗ୍‌ରେ ମନ୍ଦିର୍ ବିଡ୍ରେ ଗାକେ ଆରି ସାପା

ବିସ୍ତୟ କେକେ । ଆଡେନ୍ ବେଲା ଜବର୍ ବେଲା ଡିଙ୍ଗ୍ ଝେଲେଃଗେ । ଗମ୍ବାର୍ କ୍ଲିଗ୍ ପ୍ରେରିଡ଼ିକ୍ ଏଡେ ବେଅନାନ୍ନିଆ ଝେଆରକେ ।

ଜିସୁ ଲିଝା ସ୍ଲାକେ ଅବିସାପ୍ ବିଃକେ
(ମାତିଡ ୨୧:୧୮-୧୯)

^{୧୭} ଏନ୍ ମେସୁଆ ମେଇଙ୍ଗ୍ ବେଅନାବାନ୍ ଯିରୁଶାଲାମ୍ ଆଣ୍ଟେନେ ବେଲା ଆମେକେ ଜବର୍ କିଡେସଃକେ । ^{୧୩} ଜିସୁ ଉଲିଆ ବର୍ଡି ଡିଙ୍ଗ୍ଲେଃକେ ମୁଇଁ ଲିଝା ସ୍ଲାକେ କେକେ । ସ୍ଲା ଅରିଆ ମୁଇଁ ଡିଗ୍ ଲିଝା ରୁ ଲେଃଏ ଡାଗରେ ମେଁ ସ୍ଲା ବୁନ୍ଦେ ଝେକେ । ମାତର୍ ଆଡ଼ଅରିଆ ପାଙ୍ଗ୍ରେ କେକେ ଜେ ମୁଇଁ ଡିଗ୍ ଲିଝା ଆନ୍ଦାକେ ଶୁ । ସ୍ଲା ଅରିଆ ଉଲିଆ ଆନ୍ତାରରେ ଆରି ମେଃ ଡିଗ୍ ଶୁ । ଆକେନ୍ ଲିଝା ରୁନେ ବେଲା ଡିଂଆଲେଃଗେ ଶୁ । ^{୧୪} ତେଲା ଜିସୁ ସ୍ଲାକେ ବାସଙ୍ଗ୍କେ, “ଆରି ଅଃନା ଡିଗ୍ ନାଁବାନ୍ ରୁ ଚଙ୍ଗନ୍‌ସା ଆବାଆର୍ ଶୁ ।” ସିସ୍‌କ୍ ଜିସୁନେ ଆକେନ୍ ସାମୁଆଁ ଦ୍ରିଗ୍‌ଆରକେ ।

ଜିସୁନେ ମନ୍ଦିର୍ ପବିତ୍ର
(ମାତିଡ ୨୧:୧୨-୧୭; ଲୁକ୍ ୧୯:୪୫-୪୮; ଜହନ୍ ୨:୧୩-୨୨)

^{୧୫} ଇଡିଙ୍ଗ୍ ମେଁ ଯିରୁଶାଲାମ୍‌ନ୍ନିଆ ଝେକେ । ଜିସୁ ମନ୍ଦିର୍ ବିଡ୍ରେ ଝେରାକ୍ଲେ ଦାପ୍ରେ ଆଡ଼ଅରିଆ ବିନ୍ୟାର୍ ସ ଡିଂମ୍ୟାକ୍ଲେ ରେମୁଆଁକ୍‌କେ ପାଦା ନୁଆଁ ଆଃଡାରକେ । ମେଁ ବିନ୍ ରକମ୍ ଡାରୁ ବେପାର୍ ଡିଂକ୍ଲେ ରେମୁଆଁନେ ଚିବୁଲ୍ ଉଲ୍‌ଟା ପାଲ୍‌ଟା ଆଃଡିଂବିକେ । ଜାଣ୍ଟେଇଁ କୁକୁରନ୍ୟାଃ ସ ଡିଂଆରୁଗେ, ମେଇଁନେ ଡିଗ୍ ଚିବୁଲ୍ ଉଲ୍‌ଟା ପାଲ୍‌ଟା ଆଃଡିଂବିକେ । ^{୧୬} ମେଁ ଆଜାକେ ଡିଗ୍ ମନ୍ଦିର୍‌ନେ ବାଜାର୍‌ନ୍ନିଆ ଜିନିସ୍ ପଡର୍ ତୁଂଝେନେ ଆବିକେ ଶୁ । ^{୧୭} ଇଡିଙ୍ଗ୍ ମେଁ ଆମେଇଁକେ ଗିଆନ୍ ବିରେ ବାସଙ୍ଗ୍କେ, “ସାସ୍ତ୍ରିଅରିଆ ଆକେନ୍ ସାମୁଆଁ ଗୁଆର୍ ବକେ ଜେ ନେଙ୍ଗ୍‌ନେ ତୁଆ ମଞ୍ଚ୍‌ପୁର୍‌ନେ ସାପା ଜାଡିନେ ରେମୁଆଁ ନ୍‌ସା ପାର୍‌ଡନା ତୁଆ ଡାଗ୍ରେ ବାଲିର୍ ଆର୍‌ଏ । ମାତର୍ ସାପାରେ ତ ଆମେକେ ଡଙ୍ଗାରେନେ ତୁଆ ରକମ୍ ଆଡିଙ୍ଗ୍ ପେବକେ ।”

^{୧୮} ମ୍ଲା ପୁଜାରି ଆରି ଦରମ୍ ପୁଜାରିକ୍ ଏନ୍ ସାମୁଆଁ ଅଁଆରକେ । ମେଇଙ୍ଗ୍ ଜିସୁକେ ବାଗୁଏଃ ନ୍‌ସା ଗାଲି ତୁର୍‌ଆରକେ । ମାତର୍ ଆଡ଼ଅରିଆ ରିସିଙ୍ଗ୍ ଲେଃକ୍ଲେ ସାପା ରେମୁଆଁ ଜିସୁନେ ସାମୁଆଁ

ଅର୍ଥାତ୍‌ରେ ଇରିଆଡୁଗ୍ ଆରକେ ଆରି ଦରମ୍ ପୁଜାରିଇଂ ଜିସୁକେ ବୁଟ୍ ଆରକେ ।

୧୯ ଆତେନ୍ ଦିନା ଲମ୍‌ଡିଗ୍ ଖେକେ । ଲମ୍‌ଡିଗ୍‌ଲା ଜିସୁ ଆରି ମୈନେ ସିସ୍‌ଇଙ୍ଗ୍ ନଗରବାନ୍ ତାର୍ ଖେକେ ।

ଲିଝା ସ୍ଲାମେ ସିକ୍ୟା
(ମାଡିଉ ୨୧:୨୦-୨୨)

୨୦ ଜିସୁ ଝିର୍ ଆଡ୍‌ପାକା ବିଃତେ ଖେନେ ବେଲା ମେଇଂ ଲିଝା ସ୍ଲା ମୁଲୁବାନ୍ ନ୍‌ସୁଆର୍ ଲେଃଝେ କେକେ । ୨୧ ସିସେ ବାସଙ୍ଗ୍‌କ୍ଲେ ସାମୁଆଁ ବାବେରେ ପିତର ଜିସୁକେ ବାସଙ୍ଗ୍‌କେ, “ଗୁରୁ କେଲାନ୍ତି ନାନେ ଅବିସାପ୍ ବାନ୍ ଲିଝା ସ୍ଲା ଗୁଏଃଝେକେ ।”

୨୨ ଜିସୁ ଆମେଇଂକେ ବାସଙ୍ଗ୍‌କେ, “ଇସ୍‌ପରନ୍ତିଆ ବିସ୍‌ବାସ୍ ବପା । ୨୩ ✱ନେଙ୍ଗ୍ ଆପେକେ ସତ୍ ବାସଣ୍ଟିକେ, ମୁଡି ରେମୁଆଁ ଆକେନ୍ କଣ୍ଟାକେ ଡବେଗରେ କେଣ୍ଟିଆ ଅରିଆ ଖେରେ ଲଃଲା ଡାଗ୍‌ରେ ବାସଙ୍ଗ୍‌ଏ । ମାତର୍ ରେମୁଆଁନେ ଜିବନ୍ ବିତ୍ରେ ସନ୍ଦେଅ ମାଡିଙ୍ଗ୍‌ରେ ମେଃ ଡିଗ୍ ବାସଙ୍ଗ୍‌ଏ, ଆତେନ୍ ଡିଂଏ ଡାଗ୍‌ରେ ବିସ୍‌ବାସ୍ ଡିଙ୍ଗ୍‌ଏ, ତେଲା ଆତେନ୍ ଡିଲାଡିଗ୍ ଗଟେଏ । ୨୪ ଆକେନ୍‌ସା ନେଙ୍ଗ୍ ଆପେ ସାପାରେକେ ବାସଙ୍ଗ୍‌ଣ୍ଟିକେ ଜେ ପେ ସାପାରେ ପାର୍‌ତନା ଡିଂବେଲା ମେଃନେ ସାଲ୍ୟାଃପେଡିଂକେ, ଆତେନ୍ ବାପେଲେଃକେ ଡାଗ୍‌ରେ ବିସ୍‌ବାସ୍ ପେଡିଂଏ, ତେଲା ଆତେନ୍ ଡିଲାଡିଗ୍ ପେବାଏ । ୨୫ ପେ ସାପାରେ ଉଡିବେଲା ପାର୍‌ତନା ଡିଙ୍ଗ୍‌ନେସା ପେଡଡିଆଏ, ଡାଗ୍‌ଲ୍ ଜାନେ ବିରଦ୍‌ରେ ପେ ସାପାରେନେ ମୈ ଡିଗ୍ ସାମୁଆଁ ଲେଃଏ, ତେଲା କେମା ଡିଙ୍ଗ୍‌ପା । ଡିରକମ୍ ଆପେ ସାପାରେକେ ଆଡାଡ୍ରାନେ ମାପୁ ଡିଗ୍ ପେନେ ସାପାପାପ୍ କେମା ଡିଙ୍ଗ୍‌ବିଏ ।”

୨୬ “ମାତର୍ ପେ ଯଦି ସାପାରେକେ କେମା ପେଡିଙ୍ଗ୍, ତେଲା କିତଂନେ ମାପୁ ଡିଗ୍ ଆପେ ସାପାରେକେ ପାପ୍‌ବାନ୍ କେମା ଆଡିଙ୍ଗ୍ ଶ୍ଟୁ”

ଜିସୁନେ ଅଦିକାର୍ ବିସ୍‌ୟରେ ପ୍ରସ୍‌ନ୍
(ମାଡିଉ ୨୧:୨୩-୨୭; ଲୁକ୍ ୨୦:୧-୮)

✱ ୧୧:୨୩ ୧୧:୨୩ ମାଡିଉ ୧୭:୨୦; ୧ କରିନ୍‌ଡିୟ ୧୩:୨.

୨୭ ଜିସୁ ଆରି ମେଁନେ ସିସ୍ତାଙ୍ଗ୍ ଆରି ମୁଇଙ୍ଗ୍‌ତର ଯିରୁଗାଲାମ୍ ପାଙ୍ଗ୍‌ଆରକେ । ଜିସୁ ମନ୍ଦିର ବିତ୍ତେ ଅଲେଙ୍ଗ୍‌ନେ ବେଲା ମ୍ବା ପୁଜାରି, ଦର୍ମ୍ ଗୁରୁ ଆରି ଜିଉଦି ନେତାଇଁ ଜିସୁନେ ଡାଗ୍ରା ପାଙ୍ଗ୍‌ଆରକେ । ୨୮ ଜିସୁକେ ବାସଙ୍ଗ୍ ଆରକେ, “ପେ ଜାନେ ଅଦିକାରରେ ସାପା କାମ୍ ତିଂପେତିଂକେ ? ଆକେନ୍ ସାପା ତିଙ୍ଗ୍‌ନେସା ଆପେକେ ଜାଣ୍ଟେ ଅଦିକାର ବିଃକେ ?”

୨୯ ଜିସୁ ଉତର ବିକେ, “ନେଙ୍ଗ୍ ଆପେ ସାପାରେକେ ମୁଇଙ୍ଗ୍ ପ୍ରସନ୍ ନସାଲ୍ୟାଃକ୍‌ଏ । ନେଙ୍ଗ୍‌ନେ ପ୍ରସନ୍‌ନେ ଉତର ବିଃଲାପା ତେଲା ପେ ସାପାରେକେ ବାସଙ୍ଗ୍‌ମ୍‌ଏ ଜେ ଜାଣ୍ଟେନେ ଅଦିକାରରେ ନେଙ୍ଗ୍ ଆକେନ୍ ସାପା କାମ୍ ତିଙ୍ଗ୍‌ଣ୍ଟିଂକେ । ୩୦ ଜହନ୍‌ନେ ଦିକ୍ୟା କିତଙ୍ଗ୍‌ଇନିବାନ୍ ଲେଃ ରେମୁଆଁବାନ୍ ତିଂଲେଃଗେ ? ଆତେନ୍ ଆନେଙ୍ଗ୍‌କେ ଉତର ବିଃଲାପା ।”

୩୧ ଜିଉଦି ନେତାଇଙ୍ଗ୍ ଜିସୁନେ ପ୍ରସନ୍ ଆଡ଼ାଡ଼ା ବାଲିରବାତାତେ ବାସଙ୍ଗ୍‌ଆରକେ, ନେଁ ସାପାରେ ଜଦି ଆଡ଼ାଡ଼ା ବାନ୍ ଡାଗ୍‌ତେ ନେବାସଙ୍ଗ୍‌ଏ ତେଲା ଜହନ୍‌କେ ପେ ସାପାରେ ମେଃନ୍‌ସା ବିସ୍‌ବାସ୍ ପେତିଙ୍ଗ୍‌କେ ? ୩୨ ଜଦି ନେ ସାପାରେ ନେବାସଙ୍ଗ୍‌ଏ ଜେ ଜହନ୍‌ନେ ଦିକ୍ୟା ରେମୁଆଁବାନ୍ ପାଙ୍ଗ୍‌ଲେଃକେ ଡାଗ୍‌ତେ ନେବାସଙ୍ଗ୍‌ଏ । ତେଲା ରେମୁଆଁକେ ନେ ଆଡ଼ାଡ଼ା ରିସା ତିଙ୍ଗ୍‌ଆରଏ । ମେଇଙ୍ଗ୍ ରେମୁଆଁକେ ଜବର୍ ବୁଟ ତିଂଆରଗେ । ଡାଗ୍‌ ସାପା ରେମୁଆଁ ଇକ୍‌ଚା ତିଂଆରକେ ଜେ ଜହନ୍ ସତେଆ ମୁଇଁ ବାବବାଦି । ୩୩ ତେସାଃ ମେଇଙ୍ଗ୍ ଜିସୁକେ ଉତର ବିଆରକେ, “ନେ ସାପାରେ ନେମ୍ୟାକେ ଶୁ ।” ତେସାଃ ଜିସୁ ଆମେଇଁକେ ବାସଙ୍ଗ୍‌କେ, “ତେଲା ନେଙ୍ଗ୍ ତିଗ୍ ଆପେ ସାପାରେକେ ନ୍ବାବାସଙ୍ଗ୍ ଶୁ ଜେ ଆଣ୍ଟିନେ ଅଦିକାରରେ ନେଙ୍ଗ୍ ଏନ୍ ସାପା କାମ୍ ତିଂ ଶ୍ଟିଂକେ ।”

୧୨

ଅଙ୍ଗ୍‌ର ଡୁଗ୍‌ତିନେ ଆରି ବାଟା ଚାସ୍‌ନେ ସାମୁଆଁ
(ମାତିଡ ୨୧:୩୩-୪୬; ଲୁକ୍ ୨୦:୯-୧୯)

୧ ଜିସୁ ଉଦାଅରନ୍ ବିଚେ ରେମୁଆଁକେ ଗିଆନ୍ ବିକେ; ମେଁ ବାସଙ୍ଗ୍‌କେ, “ମୁଇଁ ରେମୁଆଁ ମୁଇଙ୍ଗ୍ ଅଙ୍ଗ୍‌ର ବଗିଚା ଆରେକେ ।

ମୈନେ ପିତୁରପାକା ତୁରାଃ ତେ ବିଃକେ । ଅଞ୍ଜୁର ରାଃସିଙ୍ଗ୍ ନସା ମୁଇଂ କୁରୁ ଗଃକେ ଆରି ଉରନ୍‌ସା ତାନାଃ ମୁଇଙ୍ଗ୍ ଆଃରେକେ । ମୈ ଉଡ଼ିକ୍ଲିଗ୍ ସ୍ନେରେକେ ଆତେନ୍ ତୁଗ୍‌ଡିକେ ବାଟା ବିଃରେ ଇଡ଼ିଙ୍ଗ୍ ମୈ ଅଲେଙ୍ଗ୍‌ସାର୍ ସୁଗୁଆ ବିଦେସ୍ ତାର୍‌ଝେକେ । ^୨ ଇଡ଼ିଙ୍ଗ୍ ଉଡ଼ିବେଲା ଅଞ୍ଜୁର ରୁଏଃନେ ବେଲା ପିଙ୍ଗ୍‌ଚାକେ, ଆତେନ୍ ବେଲା ମୈ ମୈନେ ମୁଇଙ୍ଗ୍ ଗତିରେକେ ଅଞ୍ଜୁରବଗିଟା ବାନ୍ ମୈନେ ନିଜର୍ ବାଟା ତୁଂପାଙ୍ଗ୍‌ନସା ସ୍ନେ ରେମୁଆଁ ତାଗ୍ରା ବେକେ । ^୩ ମାତର୍ ସ୍ନେରେଇଙ୍ଗ୍ ଗତିରେକେ ସାତେ ବଗ୍ ଆକେ ଆରି ଆମେକେ ମେଃଡିଗ୍ ମାବିଃରେ ବେବିଃଆରକେ । ^୪ ଇଡ଼ିଙ୍ଗ୍ ଆତେନ୍ ରେମୁଆଁ ଆରି ମୁଇଙ୍ଗ୍ ଗତିରେକେ ମେଇଙ୍ଗ୍ ଅରିଆ ବେବିଃକେ । ମେଇଙ୍ଗ୍ ଆତେନ୍ ଗତିରେକେ ବାଆଃନ୍ନିଆ ବଗ୍‌ରେ ଆରି ଆଗ୍ୟାସ ବିଃଆରକେ । ^୫ ଆକେନ୍ ଇଡ଼ିଙ୍ଗ୍ ମୈ ଆର୍‌ମୁଇଙ୍ଗ୍ ଗତିରେକେ ବେକେ । ସ୍ନେରେଇଂ ଆତେନ୍ ଗତିରେକେ ବାଗୁଏଃ ବିଃଆରକେ । ଆତେନ୍ ରେମୁଆଁ ଆରି ଜବର୍ ଗତିରେକେ ବେବିଃକେ । ମାତର୍ ସ୍ନେରେଇଙ୍ଗ୍ ଉଡ଼ିରେକେ ବଗ୍‌ଆରକେ ଆରି ଉଡ଼ିରେକେ ବାଗୁଏଃ ବିଃଆରକେ ।” ^୬ ସ୍ନେରେ ତାଗ୍ରା ବେନ୍‌ସା ଆରି ମୁଇଂଜା ମାତର୍ ବାକି ଲେଃଃଗେ । ଆତେନ୍ ରେମୁଆଁ ମୈନେ ଉଙ୍ଗ୍‌ଡେ । ଆତେନ୍ ରେମୁଆଁ ଉଙ୍ଗ୍‌ଡେକେ ମୈ ଜବର୍ ବଲ୍ ବାଡ଼ିଂଗେ । ମାତର୍ ମୈ ସ୍ନେରେ ତାଗ୍ରା ବେନ୍‌ସା ଉଙ୍ଗ୍‌ଡେ ଆଃ ଲେଃଃଗେ । ମୈ ବାବେକେ ଜେ ତିଲାଡିଗ୍ ମେଇଂ ନେଡଂକେ ମାନେଃଆରଏ । ଆକେନ୍ ଏତେରେ ଇଡ଼ିଂ ସ୍ନେରେଇଂ ତାଗ୍ରା ନିଜର୍ ଗଡ଼େଅକେ ବେକେ । ^୭ “ମାତର୍ ସ୍ନେରେଇଙ୍ଗ୍ ବାଲିର୍‌ବାତା ଆରକେ, ଆକେନ୍ ରେମୁଆଁ ତୁଗ୍‌ଡି ମାଲିକ୍‌ନେ ଉଙ୍ଗ୍‌ଡେ । ତୁଗ୍‌ଡି ମୈନେ ଅଦିକାର୍ ଲେଃଃକେ । ନେଃ ସାପାରେ ଆମେକେ ବାଗୁଏଃ ନେଃବିଲା, ତୁଗ୍‌ଡି ନେଃନେ ତିଙ୍ଗ୍‌ଝେଏ ।” ^୮ ଆତେନ୍‌ସା ସ୍ନେରେଇଙ୍ଗ୍ ମାଲିକ୍‌ନେ ଉଙ୍ଗ୍‌ଡେକେ ସାଃଡ଼ୁଂଝେରେ ବାଗୁଏଃ ବିଃଆରକେ ଆରି ଅଞ୍ଜୁର୍ ତୁଗ୍‌ଡି ବାଏରେ ଜଗ୍‌ଜାଗ୍ ବିଃଆରକେ ।”

^୯ ଏବେ ଅଞ୍ଜୁର୍ ତୁଗ୍‌ଡି ମାଲିକ୍ ମେଃ ତିଙ୍ଗ୍‌ଏ ? ମୈ ପାଙ୍ଗ୍‌ରେ ସ୍ନେରେଇଂକେ ବାଗୁଏଃ ଜଗ୍‌ଜାଗ୍‌ରେ ଆରି ଅଞ୍ଜୁର୍ ତୁଗ୍‌ଡି ବିନ୍ ସ୍ନେରେକେ ବିଃଏ । ^{୧୦} ସାସ୍ତ୍ରନ୍ନିଆ ଏନ୍ ସାମୁଆଁ ପଡ଼େ ପେଲେକେ ।

“ଆଣ୍ଡିନେ ବ୍ରିକେ ବାଡ଼େଇଁ ଦରକାର ଶୁ ଡାଗ୍‌ଚେ ଆନ୍ତାର
ବିଝବଆରକେ

ଆତାନ୍ ବ୍ରି ତୁଆନେ ମୁଲ୍ ବ୍ରି ଡିଙ୍ଗକେ ।

୧୧ ମାପୁ ନିଜେ ଆକେନ୍ ସାମୁଆ ବାସଙ୍ଗବକେ,

ଉଡ଼ି ବୟାଙ୍କାର ଏନ୍ କାମ୍ ।”

୧୨ ଆକେନ୍ ଦର୍ମ ସାସ୍ତି ଆରି ମ୍ବା ପୁଜାରିଇଁ ଜିସୁବାନ୍ ଏନ୍ ଉଝସ୍ତା
ଅଆକେ । ମେଇଙ୍ଗ ମ୍ୟାଝଆରକେ ଜେ ଆକେନ୍ ଉଝସ୍ତା ମେଇଙ୍ଗନେ
ବିସୟରେ ବାଲିରବକେ । ତେସା ମେଇଙ୍ଗ ଜିସୁକେ ସମାନ୍ ବେଲା
ବନ୍ଦି ଆଡ଼ିଙ୍ଗନ୍‌ସା ଚାଏଆରକେ । ମାତର୍ ରେମୁଆଁଇଁ ମାରିୟାଝ
ମେଝନେ ଡିଙ୍ଗବିଝଆରଏ ଡାଗ୍‌ଚେ ମେଇଁ ବୁଟ ଡିଆରଗେ, ତେସାଝ
ମେଇଙ୍ଗ ଜିସୁକେ ଆନ୍ତାରଚେ ଡଆରକେ ।

ସିସୁ ବ୍ରିଝନେ ସମସ୍ୟା

(ମାଡ଼ିଉ ୨୨:୧୫-୨୨; ଲୁକ୍ ୨୦:୨୦-୨୬)

୧୩ ଇଡ଼ିଙ୍ଗ ଜିଉଦି ନେତାଇଙ୍ଗ ଉଡ଼ି ଫାରୁଶୀ ଆରି
ହେରୋଦରାଜାନେ ରେମୁଆଁଇଁକେ ଜିସୁ ଡାଗ୍ରା ବେଆରକେ ।
ମେଇଙ୍ଗ ଜିସୁକେ ବୁଲ୍ ସାଚେ ପାନ୍‌ଅରିଆ ଲ୍ଲାଗନ୍‌ସା ଉପାୟ୍ ତୁର୍
ଆରକେ । ୧୪ ଫାରୁଶୀ ଆରି ହେରୋଦିଆଇଁ ଜିସୁ ଡାଗ୍ରା ଝେଚେ
ବାଲିରଆରକେ, “ଗୁରୁ ନେ ମ୍ୟାଝନେଲେକେ ଜେ ପେ ମେଝନେ
ବାସଙ୍ଗପେଡ଼ି ଆରି ବ୍ଲାଲିର୍ ବିଝନାଡ଼ିଙ୍ଗକେ । ଆତେନ୍ ସାପା
ଚିକ୍ । ନାଁ ଜା ଆଡ଼ାଡ଼ା ଡିଗ୍ ନାବୁଟ ଶୁ । ମାତର୍ ରେମୁଆଁଇଁନେ
ଆଡ଼ାଡ଼ା ଇସପରନେ ଇକ୍‌ଚା ବିସୟରେ ସଡ଼ ବୁଦି ବିଝନାମ୍ୟାଝକେ ।
ଆନେକେ ବାସଙ୍ଗ, କାଈସରକେ ସିସୁ ବ୍ରିଝନେ ନିଅମ୍ ଲେଝ ଶୁ?”

୧୫ ମାତର୍ ଜିସୁ ମେଇଙ୍ଗନେ କୁଟ୍ ମ୍ୟାଝଚେ ଆମେଇଁକେ
ବାସଙ୍ଗକେ, “ପେ ସାପାଚେ ଆନେଙ୍ଗ ନିମାଣ୍ଡା ସାମୁଆଁ ବାଲିରଚେ
ମେଝନ୍‌ସା ପାନ୍‌ନ୍ଦିଆ ଲ୍ଲାଗନେ ଚେସଟା ଡିଂପେଡ଼ିଙ୍ଗକେ ? ନେଙ୍ଗ
ଡାଗ୍ରା ମୁଇଙ୍ଗ କାସୁ ତୁଂପାଙ୍ଗଲାପା, ନେଙ୍ଗ ଆତେନ୍ କେଏ ।”

୧୬ ମେଇଙ୍ଗ ମୁଇଙ୍ଗ କାସୁ ତୁଙ୍ଗପାଙ୍ଗଆରକେ । ଜିସୁ ଆମେଇଁକେ
ସାଲିଆକୁକେ କାସୁ ଆଡ଼ାଡ଼ା ଜାନେ ପଟ୍ ଲେଝକେ ? ମେଁ ଆଡ଼ାଡ଼ା

ଜାନେ ମ୍ମି ଗୁଆରବକେ ? ମେଇଙ୍ଗ୍ ବାସଙ୍ଗ୍‌ଆରକେ “ଆକେନ୍ ତ କାଇସର୍‌ନେ ପର୍ ବାରି ରୋମ୍ ଇଃସାଙ୍ଗ୍‌ନେ ମ୍ମି ।”

୧୭ ଆରି ଇଡିଙ୍ଗ୍ ଜିସୁ ଆମେଇଂକେ ବାସଙ୍ଗ୍‌କେ, “ଆଣ୍ଟିନେ ରୋମ୍ ଇଃସାଙ୍ଗ୍‌ନେ ଆତେନ୍ ରୋମ୍ ଇଃସାଙ୍ଗ୍‌କେ ବିଃପା; ଆରି ଆଣ୍ଟିନେ ପର୍‌ମେସର୍‌ନେ ଆତେନ୍ ପର୍‌ମେସର୍‌କେ ବିଃପା ।” ଆକେନ୍ ଅଁଚେ ସାପାରେ କାବା ଡିଙ୍ଗ୍ ଝେଆରକେ ।

ଗୁଏଃରେ ଆର୍‌ମୁଇଂତର୍ ତଡିଆନେ ସାମୁଆଁ (ମାତିଡ ୨୨:୨୩-୩୩; ଲୁକ୍ ୨୦:୨୭-୪୦)

୧୮ ✧ଆରି ଇଡିଙ୍ଗ୍ ଉଡିରୁଆ ସାଦୁକୀ ମେଁ ତାଗ୍ରା ପାଙ୍ଗ୍‌କେ । ଜାଣ୍ଟେ ରେମୁଆଁ ଗୁଏରେ ଆର୍‌ମୁଇଂତର୍ ଜନମ୍ ଆଡିଙ୍ଗ୍ ଶୁ ସାଦୁକୀ ଦଲ୍‌ନେ ଉଃଡିରୁଆ ପାଙ୍ଗ୍‌ଚେ ଜିସୁକେ ସାଲ୍ୟାକୁଆରକେ ।^{୧୯} “ଗୁରୁ, ମୋଗା ନେ ସାପାରେନ୍‌ସା ଏନ୍ ନିୟମ୍ ଗୁଆରବକେ । ମୁଇଙ୍ଗା ଗରିସିଆ ମାକେଚେ ଗୁଏଝେଲା ଆତାନ୍ ରେମୁଆଁନେ ସେଲାମ୍‌ଏକେ ବୟାଣ୍ଟେ ବିହେ ଡିଙ୍ଗ୍‌ନେ ଦରକାର୍ ବାରି ମେଇଂନେ ଗରିସିଆ ଜନମ୍ ଡିଙ୍ଗ୍‌ଲା ମେଇଂ ଗୁଏକ୍ଲେ ରେମୁଆଁନେ ଗଡେଇଂ ତାଗ୍‌ଚେ ସ୍ମାମୁଆଁ ଆର୍‌ଏ ।^{୨୦} ମୁଇଙ୍ଗ୍ ତର୍ ଗୁକ୍ଲିଗ୍ ବୟାଣ୍ଟେ ଲେଃରେ । ସାପାବାନ୍ ମ୍ମା ନାଙ୍ଗ୍‌ଣ୍ଟେ ବିହେ ଡିଙ୍ଗ୍‌କେ । ମାତର୍ ମେଁ ଡିଗ୍ ଗରିସିଆ ମାଲେଃରେ ଗୁଏ ଝେରେ ।^{୨୧} ତେଲା ଆରି ମୁଇଙ୍ଗ୍ ବୟାଣ୍ଟେ ଆତେନ୍ ସେଲାମ୍‌ଏକେ ବିହେ ଡିଙ୍ଗ୍‌କେ । ମେଁ ଡିଗ୍ ଗରିସିଆ ମାଲେଃରେ ଗୁଏ ଝେରେ । ଞ୍ଜି ବୟାଁ ଆଡାଡା ଡିଗ୍ ଦେଡୁଆ ଗଚେକେ ।^{୨୨} ଗୁକ୍ଲିଗ୍ ବୟାଣ୍ଟେ ଆତେନ୍ ସେଲାମ୍‌ଏକେ ମୁଇଙ୍ଗା ଇଡିଂ ମୁଇଙ୍ଗ୍ ଜା ବିହେ ଡିଙ୍ଗ୍‌କେ ଆରି ଇଡିଙ୍ଗ୍ ଗୁଏ ଝେରେ । ମେଇଙ୍ଗ୍ ବିଡେ ଆଜାଡିଗ୍ ମୁଇଙ୍ଗ୍ ଡିଗ୍ ଗରିସିଆ ଆଲେଃକେ ଶୁ । ସାରାସାରି ଆତେନ୍ ସେଲାମ୍‌ଏକେ ଡିଗ୍ ଗୁଏଝେରେ ।^{୨୩} ମାତର୍ ଗୁକ୍ଲିଗ୍ ବୟାଣ୍ଟେ ଜାକ ଆମେକେ ବିହେ ଡିଂଲେଃଆରରେ । ଉଃଡିବେଲା ଗୁଏଃରେଇଂ ଆର୍‌ମୁଇଂତର୍ ତଃଡିଆଆର୍‌ଏ, ତେଲା ଆତେନ୍ ସେଲାମ୍‌ଏକେ ଜାନେ କୁନେଃଣ୍ଟେ ଡିଙ୍ଗ୍‌ଏ ?”

✧ ୧୨:୧୮ ୧୨:୧୮ ପ୍ରେରିଡ ୨୩:୮.

୨୪ ଜିସୁ ବାସଙ୍ଗକେ, “ଦର୍ମ ସାସ୍ତ୍ରର ଆରି ପରମେସରନେ ବପୁ ମାମି୍ୟାଚେ ଯେ ସାପାରେ ବାୟାଚେ ଲକ୍ଷପେଲେକେ । ୨୫ ରେମୁଆଁଇଙ୍ଗ ଉଠିବେଲା ଗୁଏଚେ ଆର୍ମୁଇଂତର୍ ତତ୍ୟାଃଆର୍ଏ, ଆତେନ୍ ବେଲା ଜା ତିଗ୍ ବିହେ ଆତିଙ୍ଗ ଶୁ । ମେଇଂ ଆଜାକେ ତିଗ୍ ବିହେ ଆତିଙ୍ଗଆର୍ ଶୁ ମାତର୍ ସାପାରେ କିତଂନେ ଦୁଡ଼ଇଂ ସୁଗା ତିଙ୍ଗ୍ଝେଆର୍ଏ । ୨୬ ଗୁଏଚେ ତଡ଼ିଆ ପାଙ୍ଗ୍ଝେ ରେମୁଆଁଇଂନେ ବିସୟରେ ଯେ ସାପାରେ ମୋଶାନେ ପୁସ୍ତକ୍ନିଆ ଗୁଆର୍ବକେ ଜେ ସୁଆ ତୁଆ ତିଙ୍ଗ୍ଝେ ଲାଟା ବୁଟାନ୍ନିଆ ଲେକ୍ଝେ ପରମେସର୍ ମୋଶାକେ ବାଲିରବକେ, ନେ ଅବ୍ରାହାମ୍ନେ ପରମେସର୍, ଇସାକ୍ନେ ପରମେସର୍ ଆରି ଜାକୁବ୍ନେ ପରମେସର୍ ? ୨୭ ମେଁ ଗୁଏଃରେଇଂନେ ପରମେସର୍ ଶୁ ମାତର୍ ଜିବନ୍ ଲେକ୍ଝେ ରେମୁଆଁଇଂନେ ପରମେସର୍, ଯେ ସାପାରେ ନାଲେ ପେଡ଼ିଂକେ ।”

ମ୍ନା ଆଦେସ୍

(ମାତିଉ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଅଃତେନ୍ ବେଲା ଗୁରୁଇଂନ୍ନିଆ ବାନ୍ ମୁଇଂଜା ତାଗ୍ରା ପାଙ୍ଗ୍ଚେ ମେଇଂନେ ଝିଙ୍ଗ୍ଆ ରିଙ୍ଗ୍ଆଃ ଅଁଚେ ଆରି ଜିସୁ ସାଦୁକାଇଂକେ ଜ୍ଞାନନେ ଉତର୍ ବିଃଡ଼ିଙ୍ଗକେ ଏନ୍ ମ୍ୟାଚେ ଆମେଇଂକେ ସାଲ୍ୟାକୁକେ ଆଣ୍ଡିନେ ଆଦେସ୍ ସାପାବାନ୍ ମ୍ନା ?

୨୯ ଜିସୁ ଉତର୍ ବିକେ, “ସାପାବାନ୍ ମ୍ନା ସାମୁଆଁ ତିଂକେ ଦେକ୍‌ରକମ୍; ଏ ଇଶ୍ରାୟେଲ ଅଁପା । ନେନେ ମାପୁ ପରମେସର୍ ମୁଇଙ୍ଗ୍ ମାତର୍ ମାପୁ । ୩୦ ଆରି ଯେ ନିଜର୍ନେ ସାପା ଆମ୍ନିଆ ସାପା ଜିବନ୍ ଆରି ମନ୍ ଆରି ସାପା ବପୁ ବିଚେ ଯେ ନିଜର୍ ମାପୁ ପରମେସର୍କେ ଆଲାଦ୍ ତିଂପା । ୩୧ ଦୁଡ଼ିୟ ମ୍ନା ସାମୁଆଁ ତିଂଡ଼ିଂକେ, ଯେ ନିଜେକେ ତିରକମ୍ ଆଲାଦ୍ ତିଂପେମ୍ୟାକେ । ଯେ ତୁଆ ତାଗ୍ରା ଶ୍ଵେକେ ଦେଡ଼ରକମ୍ ଆଲାଦ୍ ତିଂପା । ଆକେନ୍ ମ୍ନାକ୍ଲିଗ୍ ସାମୁଆଁ ଆନ୍ତାଚେ ଆରି ମ୍ନା ସାମୁଆଁ ମେଃ ତିଗ୍ ଶୁ ।”

୩୨ ଆକେନ୍ ଅଁଚେ ଦର୍ମସାସ୍ତ୍ର ମୁଇଂଜା ବାସଙ୍ଗକେ, “ଗୁରୁ ମାପୁ ପରମେସର୍ ଜେ ମୁଇଙ୍ଗ୍ ଆରି ଆମେକେ ଆନ୍ତାଚେ ଆରି ବିନ୍ ଜା ତିଗ୍ ଶୁ ଆକେନ୍ ନା ସଡ଼ ବାଲିର୍ ନାବକେ । ୩୩ ନେଇଂ ମ୍ୟା ନ୍ଲେକେ

ମୁଇଁଜା ରେମୁଆଁ ସାପା ଗାଗ୍ଡେ ସାପା ମନ୍ ଆରି ସାପା ସକଡ଼ ବିଚେ ପରମେସରକେ ଆଲାଦ୍ ତିନେ ପଡ଼େଏ । ମେଁ ତିରକମ୍ ନିଜେକେ ଆଲାଦ୍ ତିଏ, ଆମେକେ ବିନ୍‌ଶ୍ଟେକେ ତିଗ୍ ଦେଡ଼ରକମ୍ ଆଲାଦ୍ ତିନେନ୍‌ସା ପଡ଼େଏ । ନେଁ ପରମେସରକେ ଉଡ଼ି ପସ୍ତୁ ଡାଗ୍‌ଚେ ସାର୍ଦାରେ ଦାନ୍ ବିନେଃଡ଼ିକେ, ଆଡେନ୍ ସାପାବାନ୍ ଆକେନ୍ ମ୍ବାକ୍ଲିଗ୍ ସାମୁଆଁ ଜାବର୍ ମ୍ବା ସାମୁଆଁ ।”

୩୪ ଜିସୁ କେକେ ଜେ ରେମୁଆଁ ମୁଇଙ୍ଗ୍ ଦ୍ରିଗ୍‌ଚେ ଏତେଚେ ଉଡ଼ର୍ ବିଃବକେ । ମେଁ ଆମେକେ ବାଲିରକେ, “ପେ ସାପାରେ ପରମେସରନେ ରାଜିବାନ୍ ସ୍ଲୁ ଶୁ ।” ଆକେନ୍ ଇଡ଼ିଙ୍ଗ୍ ଆରି ଜାଣ୍ଡେ ତିଗ୍ ଜିସୁକେ ମେଃଡ଼ିଗ୍ ପ୍ରସନ୍ ସାଲିଆକୁନ୍‌ସା ସାଆସ୍ ଆଡ଼ିଙ୍ଗ୍‌ଆରକେ ଶୁ ।

କିସ୍‌ଟ ଦାଉଦନେ ଉଙ୍ଗ୍‌ଡେ
(ମାଡ଼ିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ମନ୍‌ରିଅରିଆ ମାପୁନେ ସାମୁଆଁ ବିଃନେ ବେଲା ସାଲିଆକୁକେ, “କିସ୍‌ଟ ଜେ ଦାଉଦନେ ଉଙ୍ଗ୍‌ଡେ ଆକେନ୍ ଦର୍ମ ସାସ୍ତିଇଂ ତିରକମ୍ ବାସଙ୍ଗ୍ ମ୍ୟାଆରକେ ?

୩୬ ନିଜେ ଦାଉଦ୍ ପବିତ୍ର ଆମ୍ବା ଏତେ ବାଲିରବକେ; ମାପୁ ପରମେସର୍ ନେଙ୍ଗ୍‌ନେ ମାପୁକେ ବାଲିରମ୍‌କେ: ନେଙ୍ଗ୍ ନାନେ ସତୁଇଁକେ ନାନେ ଞ୍ଚ ଆଲ ତୁଂମାପାଙ୍ଗ୍ ଜାକ ନା ନେଙ୍ଗ୍‌ନେ ବେସ୍ୟାଃ ପାକା କ ଲାଃଲା ।”

୩୭ “ନିଜେ ଦାଉଦ୍ ମସିହକେ ନେଙ୍ଗ୍‌ନେ ମାପୁ ଡାଗ୍‌ଚେ ବାସଙ୍ଗ୍ ତିଙ୍ଗ୍‌କେ, ତେଲା ମସିହ ତିରକମ୍ ଦାଉଦ୍‌ନେ ଉଙ୍ଗ୍‌ଡେ ତିଙ୍ଗ୍‌ୟାଏ ? ରିସିଙ୍ଗ୍ ଲେଃଃକ୍ଲେ ରେମୁଆଁଇଙ୍ଗ୍ ଜିସୁନେ ସାମୁଆଁକେ ସାର୍ଦା ମନ୍‌ରେ ଅଁଆରକେ ।”

ଦର୍ମ ଗୁରୁନେ ବିସୟରେ ଜିସୁନେ ତରକ୍ ସାମୁଆଁ
(ମାଡ଼ିଉ ୨୩:୧-୩୬; ଲୁକ୍ ୨୦:୪୫-୪୭)

୩୮ ଜିସୁ ସିକ୍ୟା ବିଃ ଅଲେଙ୍ଗ୍‌ନେ ବେଲା । ମେଁ ବାସଙ୍ଗ୍‌କେ, “ଦର୍ମସାସ୍ତିଇଁବାନ୍ ତରକ୍ ଲାଃଲାପା । ମେଇଙ୍ଗ୍ ଲେ ଲେକ୍ଲେ ପାଟାଈ ସଚେ ଆଙ୍ଗ୍‌ଆନ୍ତ୍ ଅଲେଙ୍ଗ୍‌ନେ ବଲ୍ ବା ମ୍ୟାଃଆରକେ ଜେ’ ରେମୁଆଁ

ଆମେଇଂକେ ସାନ୍ତା ଗାଲି କେଲା ସନ୍ମାନ କେଆରଲେ ତାଗ୍‌ରେ; ୩୯ ପାରତନା ତୁଆ ଅରିଆ ମେଇଙ୍ଗ୍ ମ୍ବା ସିଂଆସନ୍‌ନିଆ କୁକନ୍‌ସା ବଲ୍ ବା ମ୍ୟାଆରକେ । ବଜି ଅରିଆ ମେଇଙ୍ଗ୍ ସାପାରେବାନ୍ ମ୍ବା ଟାନ୍ ବା ନ୍‌ସାଃ ବଲ୍‌ବା ମ୍ୟାଆରକେ । ୪୦ ମେଇଂ ଗୁଏସାଙ୍ଗ୍‌କୁଏଇଂନେ ତୁଆ ବାଜାର ନାଲେରେ ତୁଂତ ମ୍ୟାଆରକେ । ମେଇଙ୍ଗ୍ ଗୁଏସାଙ୍ଗ୍‌କୁଏନେ ଦନ୍ ସମ୍ପତି ନାଲେ ମ୍ୟାଆରକେ । ନିମାଣ୍ଡା ଆସୁଏ ନ୍‌ସା ମେଇଙ୍ଗ୍ ଲେକ୍ତେ ପାରତନା ତିଂମ୍ୟାଆରକେ । ଦେଃକେନ୍ ରେମୁଆଁଇଂକେ ପରମେସର୍ ମ୍ବାନେ ତଣ୍ଡ ବିଃଏ ।”

ମୁଇଙ୍ଗ୍ ଗୁଏସାଙ୍ଗ୍‌କୁଏଃନେ ଦାନ୍
(ଲୁକ୍ ୨୧:୧-୪)

୪୧ ଜିସୁ ମନ୍ଦିର୍ ଅରିଆନେ ଦାନ୍ ବିଃନେ ପିଡ଼ି ତାଗ୍ରା କ ଲେଃଗେ । ରେମୁଆଁଇଙ୍ଗ୍ ତିରକମ୍ ଦାନ୍ ତିଙ୍ଗ୍‌ନେ ପିଡ଼ି ଅରିଆ ତାରୁ ବର୍ ଆଡ଼ିଙ୍ଗ୍ ମ୍ୟାଃଆରକେ, ଆତେନ୍ କିକେତିଂଗେ । ଜବର୍ ସାଉକାର୍ ରେମୁଆଁ ଦାନ୍ ବିଃନେ ପିଡ଼ି ଅରିଆ ଜବର୍ ତାରୁ ଜ୍ଞାନ୍ ଆର୍‌ତିଂଗେ । ୪୨ ଇଡ଼ିଙ୍ଗ୍ ଗରିବ୍ ଗୁଏସାଙ୍ଗ୍‌କୁଏ ମୁଇଙ୍ଗ୍ ଆଡ଼ ତାଗ୍ରା ପାଙ୍ଗ୍‌କେ ଆରି ଆଡ଼ଅରିଆ ମେଁ ମାତର୍ ମାଲେ ତାରୁ ଜ୍ଞାକ୍‌କେ । ଆତେନ୍ ମ୍ବାକ୍‌ଲିଗ୍ ତାରୁନେ ମୁଲ୍ୟ ମୁଇଙ୍ଗ୍ ଗାଆଁ ଏତେ ତିଗ୍ ସମାନ୍ ଶୁ । ୪୩ ଇଡ଼ିଙ୍ଗ୍ ଜିସୁ ମେନେ ସିସ୍‌ଇଂକେ ତାଗ୍ରା ଖାତେ ବାସଙ୍ଗ୍‌କେ, “ନେଙ୍ଗ୍ ଆପେକେ ସଡ଼ ବାସଙ୍ଗ୍ ଶ୍ରିଙ୍ଗ୍, ଆକେନ୍ ସାପା ସାଉକାର୍ ରେମୁଆଁ ବିଃକ୍ତେ ଦାନ୍‌ବାନ୍ ଆକେନ୍ ଗରିବ୍ ଗୁଏସାଙ୍ଗ୍‌କୁଏ ସାପାବାନ୍ ଜବର୍ ତାରୁ ବିଃବକେ । ୪୪ ମାତର୍ ସାଉକାର୍ ରେମୁଆଁଇଙ୍ଗ୍ ତାଗ୍ରା ଜବର୍ ଲେଃକେ । ମେଇଙ୍ଗ୍ ମେଇଙ୍ଗ୍‌ନେ ଦରକାର୍ ଶୁନେ ଲୁଆଁକ୍ତେ ତାରୁବାନ୍ ଦାନ୍ ବିଃବଆରକେ । ମାତର୍ ଏନ୍ ଗୁଏସାଙ୍ଗ୍‌କୁଏ ଜାବର୍ ଗରିବ୍ । ଆକେନ୍ ଗରିବ୍ ଗୁଏସାଙ୍ଗ୍‌କୁଏ ତାଗ୍ରା ଉଡ଼ି ଲେଃଗେ; ଆତେନ୍ ସାପା ଦାନ୍ ବାବ୍‌ରେ ବିଃବକେ । ମେଁ ତୁଆ ନ୍‌ସା ଅଃତେନ୍ ଆଃ ମାତର୍ ଲେଃଗେ ।”

୧୩

ମନ୍ଦିର୍ ଦଂସ ବିସୟରେ ଜିସୁନେ ବବିସଡ଼ ସାମୁଆଁ
(ମାତିଉ ୨୪:୧-୨; ଲୁକ୍ ୨୧:୫-୭)

୧ ଜିସୁ ମନ୍ଦିରବାନ୍ ତାରତେ ଝିଗ୍‌ନେ ବେଲା ମେଁନେ ମୁଇଙ୍ଗ୍ ସିସ୍ ଆମେକେ ବାଲିରକେ, “ଗୁରୁ କେଲାନି ଆକେନ୍ ମନ୍ଦିରନେ ସୁନ୍ଦର୍ ତୁଆ ଆଣ୍ଡେଙ୍ଗ୍ ଆରି ମ୍ଲାନେ ବି ଆଣ୍ଡେଙ୍ଗ୍ ଉଡ଼ି ସୁନ୍ଦର୍ ତିଙ୍ଗ୍‌ଲେକେ ।”

୨ ଜିସୁ ବାସଙ୍ଗ୍‌କେ, “ପେ ଆକେନ୍ ମ୍ଲାନେ ତୁଆ ଆଣ୍ଡେଙ୍ଗ୍ କେପେଡ଼ିଙ୍ଗ୍ ? ଆକେନ୍ ସାପା ମ୍ଲା ତୁଆ ଦଂସ ତିଙ୍ଗ୍‌ଝେଏ । ସାପା ଜାକ ବି ତୁବଃ ଆଡ଼ାଡ଼ା ଡଃବେଗ୍ ଲଃଏ । ମୁଇଙ୍ଗ୍ ତିଗ୍ ବି ବାରି ମୁଇଁ ବି ଆଡ଼ାଡ଼ା ଆଲେଃ ଶୁ ।”

ଜିସୁ ଜୁଗ୍ ଗଟେନେ ସାମୁଆଁ ବାଲିରକେ

(ମାତିଉ ୨୪:୩-୧୪; ଲୁକ୍ ୨୧:୭-୧୯)

୩ ଇଡ଼ିଙ୍ଗ୍ ଜିସୁ ମନ୍ଦିର ସାମନେ ଲେଃକେ ଜିତକଣ୍ଡା ଆଡ଼ାଡ଼ା କ ଲେଃକେ । ମେଁନେ ଏତେ ପିତର୍ ଜାକୁବ୍ ଜହନ୍ ଆରି ଆନ୍ଦିୟ ଲେଃଆରକେ । ମେଇଙ୍ଗ୍ ଜିସୁକେ ଜାଣ୍ଡେ ଆଅଁକେ ସୁଗା ସାଲିଆକୁ ଆରକେ ଏନ୍ ସାପା ଅଃନା ଗଟେଏ । ୪ “ଏନ୍ ସାପା ଗଟେନେ ବେଲା ତିଙ୍ଗ୍ ଝେଗେ ଡାଗ୍‌ତେ ମେ ଚିନ୍‌ଇଁ ନ୍‌ ମ୍ୟାକେ ଆତେନ୍ ଆନେକେ ବାସଙ୍ଗ୍‌ପା ?”

୫ ଜିସୁ ସିସ୍‌ଇଙ୍ଗ୍‌କେ ବାସଙ୍ଗ୍‌କେ, “ତରକ୍ ଲାଲାପା ଜାଣ୍ଡେ ତିରକମ୍ ଆପେକେ ଜଟେ ଆୟାଆର୍ ଶୁ ୬ ଗୁଲୁଏ ନେଙ୍ଗ୍ ମି ସାତେ ବାସଙ୍ଗ୍ ଆର୍‌ଏ ମେଇଙ୍ଗ୍ ବାସଙ୍ଗ୍ ଆର୍‌ଏ ନେଙ୍ଗ୍ କିସ୍‌ଟ ଡାଗ୍‌ତେ ମେଇଙ୍ଗ୍ ଗୁଲୁଏ ରେମୁଆଁକେ ଜଟେ ଆର୍‌ଏ । ୭ ଡାଗ୍‌ଗା ଜୁଦ୍ ତିଙ୍ଗ୍‌କେ ବାରି ସ୍‌ ଜୁଦ୍ ତିଙ୍ଗ୍‌କେ ଅଁତେ ପେଇଁ ଇରିୟାଃ ଆଝେଗ୍‌ପା । ଦେକ୍ ରକମ୍ ଗଟ୍‌ନା ସତେଆ ଗଟେଏ । ମାତର୍ ଏନ୍ ଅରଡ୍ ଶୁ ଜେ ଜୁଗ୍ ଡାନେ ଦିନ୍ ପିଙ୍ଗ୍‌ଟାକେ । ୮ ଦେସ୍ ଦେସ୍ ବିତ୍ରେ ଜୁଦ୍ ତିଙ୍ଗ୍‌ଏ । ମୁଇଁ ରାଜି ବାରି ମୁଇଁ ରାଜିକେ ଅଦିକାର୍ ତିଙ୍ଗ୍ ଆରେ । ସାପା ପାକା ବୁମିକମ୍ ତିଙ୍ଗ୍‌ଏ ବାରି ମୁରତି ତିଙ୍ଗ୍‌ଏ । ଆକେନ୍ ସାପା ସେଲାମ୍‌ଏଇଁ ଗରିସିଆ ଶୁଆ କୁମାନେ ଦୁକାସୁକା ରକମ୍ ସେନୁଗ୍ ତରକ୍ ଆଡ଼ିଙ୍ଗ୍‌ନେ ।”

୯ ✧ପେ ସାପାରେ ତରକ୍ ଲାଃଲାପା । ରେମୁଆଁଇଙ୍ଗ୍ ଆପେକେ ବିଚାର୍ ତିଁନେ କୁକୁପାର୍ ଡାଗ୍‌ଲା ତୁଙ୍ଗ୍‌ଝେ ଆର୍‌ଏ । ଆପେ ସାପାରେକେ ମେଇଙ୍ଗ୍ ନେନେ କଏଦ୍ ତୁଆ ଆଃଗାତେ ବଗ୍‌ଆର୍‌ଏ

✧ ୧୩:୯ ୧୩:୯ ମାତିଉ ୧୦:୧୭-୨୦; ଲୁକ୍ ୧୨:୧୧,୧୨.

। ନେଇଁନେ ସିସଙ୍ଗ ତିଙ୍ଗପେଲେଃଗେସା ଆପେ ସାପାରେକେ ସାସନ୍ ଆରି ଇଃସାଙ୍ଗ ତାଗ୍ରା ସେନ୍ନୁଗ୍ ଆଃତୁଆଁ ନସା ଜାବର୍ ଦସ୍ତି ତିଙ୍ଗଆର୍ଏ । ପେ ସାପାରେ ନେଇଁନେ ସାମୁଆଁ ବାସଙ୍ଗ ବିଃପା । ୧୦ ମାତର୍ ଆକେନ୍ ସାପା ଗର୍ନା ଗଟେନେ ସେ ସାପା ଜାତିନେ ରେମୁଆଁଇଙ୍ଗ ଅରିଆ ବଲ୍ ସାମୁଆଁଇଙ୍ଗ ବାଲିର୍ରେ ବାସଙ୍ଗ ଅଲେଙ୍ଗ ଆର୍ଏ । ୧୧ ପେଇଁ ବନ୍ଦି ତିଙ୍ଗରେ କଇଦ୍ ତୁଆନ୍ନିଆ ତୁଂଝେନେ ବେଲା ଆଡୁଅରିଆ ମେଁନେ ପେବାସଙ୍ଗ ଏନ୍ ବିସୟରେ ତେରେପେତେ ଆଡିଙ୍ଗପା । ଚିକ୍ ବେଲା ମେଁନେ ତିଙ୍ଗନେ ତିଙ୍ଗ ଏଆତାନ୍ ଆପେକେ ଆମ୍ୟାମିଏ । ଆତେନ୍ ବେଲା ଆପେକେ ନିଜର୍ ମନ୍‌ବାନ୍ ମେଃଡିଗ୍ ବାସଙ୍ଗ ଆପଡେ ଶୁ । ପେ ମେଁନେ ପେବାସଙ୍ଗ ଏଆତେନ୍ ପବିତ୍ର ଆମ୍ବା ଆମ୍ୟାବିଏ । ୧୨ ବୟାଁ ବୟାଁକେ ଆରି ଆବା ମେଁନେ ଉଙ୍ଗଡେକେ ବାଗୁଏଃନେସା କ୍ତି ନା ସର୍ପେ ବି'ଆର୍ଏ । ଗଡେଇଁ ଆବା ଇୟାଙ୍ଗନେ ବିରଦରେ ତୁଆଁଆର୍ଏ ଆରି ଆମେଇଁକେ ବାଗୁଏଃ ବିଆର୍ଏ । ୧୩ ପେ ସାପାରେ ନେଇଁନେ ସିସ୍ ତିଙ୍ଗ ପେଲେକେ ସା ସାପାରେ ଆପେକେ ଇଙ୍ଗରେ ଆର୍ଏ । ମାତର୍ ଜାଣ୍ଟେ ସାରାସାରି ଜାକ ସାହାସ୍ ସାଚେ ଲେଃଏ, ମେଁ ପରିତ୍ରାନ୍ ବାଏ ।

ଜାବର୍ ମ୍ବାଃ ଝେଡିଆ ଗୁରିୟା ବିସୟରେ ଜିସୁ ବାସଙ୍ଗକେ
(ମାତିଉ ୨୪:୧୫-୨୮; ଲୁକ୍ ୨୧:୨୦-୨୪)

୧୪ ମାତର୍ ପେ ସାପାରେ ଉଡିବେଲା ଆତେନ୍ ଦରକାର୍ ଶୁବୁନ ବାଗୁଏନେ ଆବୁଲେ ଜିନିସ୍ ଆଣ୍ଟି ଅରିଆ ମାଲେଃନେ ଦରକାର୍ ଆତେନ୍ ଜାଗାନ୍ନିଆ ଲେଃନେ ପେକେଏ ଅଃତେନ୍ ବେଲା ଜାଣ୍ଟେଇଁ ଜିଉଦା ଇନିନ୍ନିଆ ଲେଃଆର୍ଏ ମେଇଁ କଣ୍ଡା ଆଡାଡା ଝିର୍ ତୁଂଝେଲେ; ୧୫ ✽ମୁଡି ରେମୁଆଁ ତୁଆନେ ଚ୍ଲେସାଁ ଆଡାଡା ଲେଏ ମେ ତୁଆ ବିତେ ଝେରେ ମେଁ ତିଗ୍ ତୁଙ୍ଗ୍ ଝେନ୍‌ସା ଆଲଃ ଆପାଙ୍ଗଲେ । ୧୬ ତାଗ୍ଲା ଜାଣ୍ଟେ ଲିଜ ଅରିଆ ଲେଃଏ ମେଁ ମେଁନେ ତଗ୍ରିଆ ତୁଂପାଙ୍ଗନେସା ତୁଆ ଆଣ୍ଟେ ଆଝେଲେ । ୧୭ ଆତେନ୍ ବେଲା ଆ'ବାଲେ ଲେଃକ୍ଲେ ସେଲାମ୍ବୁ ଆରି ବିନ୍ ତାଆଁନେ ଗଡେଅ ଲେଃକ୍ଲେ ସେଲାମ୍ବୁଇଙ୍ଗନେ

✽ ୧୩:୧୫ ୧୩:୧୫ ଲୁକ୍ ୧୭:୩୧.

ମାଲେ କଷ୍ଟ ବା'ଆରଏ । ୧୮ ଇସ୍‌ପରନ୍ନିଆ ପାର୍ତନା ଡିଙ୍ଗିପା ଡିରକମ୍ ଆକେନ୍ ସାପା ରାସଃକ୍ଲେ ବେଲା ଆଡିଙ୍ଗଲେ ।

୧୯ ✧ମାତର୍ ଆତେନ୍ ଦିନାଆଣ୍ଟେଙ୍ଗ୍ ଏନ୍ତି କସ୍‌ଟ ପାଏ ଜେ' ଦେଡ୍‌ରକମ୍ ମ୍ଲା ବିପଦ୍ ପର୍‌ମେସର୍‌ନେ ଆରେବକ୍ଲେ ବାନ୍ ଏବେ ଜାକ କ୍ଲୀରେ ଗଟେ ଆରି ଅଃନାଡିଗ୍ ଆଗଟେ ଶ୍ଟୁ । ୨୦ ଆତେନ୍ ଚଙ୍ଗ୍‌ନେ ବେଲା ଆଃଗଣ୍ଡା ନ୍‌ସା ପର୍‌ମେସର୍ ଆରୁଙ୍ଗ୍ ବିବକେ । ଡାଗ୍ଲା ଆତେନ୍ ବେଲା ଆଗଣ୍ଡା ବିବକେ ତେଲା ଜାଣ୍ଟେ ରକ୍ୟା ଆବାଆର୍ ଶ୍ଟୁ । ମାତର୍ ପର୍‌ମେସର୍ ଆଜାକେ ସ୍ତ୍ରୀବକେ ମେଇନ୍‌ସା ଆତେନ୍ ବେଲା ଆଗଣ୍ଡା ବିଏ ।

୨୧ ଆତେନ୍ ଦିନା ଆଣ୍ଟେଙ୍ଗ୍ ଉଡି ରେମୁଆଁ ଆପେ ସାପାରେକେ ବାଲିରଏ ଜେ କେଲାପା, ଆକ୍‌ଅରିଆ କିସ୍‌ଟ ଲେଃକେ ମାତର୍ ସାମ୍‌ଆଃ କେଲାପା ଆଡ୍ ଅରିଆ ମେଁ ଲେଃକେ । ପେ ମାତର୍ ଆମେଇକେ ବିସ୍‌ବାସ୍ ଆଡିଙ୍ଗେପା । ୨୨ ବଣ୍ଡ କିସ୍‌ଟ ଆରି ବଣ୍ଡ ବାବବାଦିଇଂ ନ୍‌ଆ ଆରଏ । ମେଇଙ୍ଗ୍ ଇରିୟାଡୁଗ୍‌ନେ ସୁଗୁଆ କାମ୍ ଡିଙ୍ଗିଆରଏ । ଦରକାର୍ ଡିଙ୍ଗିଲା ପର୍‌ମେସର୍ ସ୍ତ୍ରୀକ୍ଲେ ରେମୁଆଁକେ ମେଇଙ୍ଗ୍ ନାଲେନ୍‌ସା ଚେସ୍‌ଟା ଡିଙ୍ଗିଆରଏ । ୨୩ ତେଲା ତରକ୍ ପେଲେଃଏ । ଏନ୍ ସାପା ମାଗଟେନେ ବେଲା ନେଙ୍ଗ୍ ଆପେ ସାପାରେକେ ସାମ୍‌ଆଁ ଆମ୍ୟା ବଣ୍ଡିକେ ।

ଜିସୁ ପ୍ରେଗ୍‌ପ୍ରେଗ୍ କିତଙ୍ଗ୍ ଇନିବାନ୍ ଜାରଏ

(ମାଡିଡ ୨୪:୨୯-୩୧; ଲୁକ୍ ୨୧:୨୫-୨୮)

୨୪ ✧“ଆତେନ୍ ଦିନା ଆକେନ୍ ମ୍ଲା ବିପଦ୍ ଝେକ୍ଲେ ଇଡିଙ୍ଗ୍ ସ୍ତ୍ରୀ ସାପା ପାକା ତାକିଗ୍ ଝେଏ

ଚାଙ୍ଗୁଆ ଆରି ଆକେ ଆତାରକିଗ୍ ଶ୍ଟୁ । ୨୫ କିତଂଇନିବାନ୍ ଚାଙ୍ଗୁଆଇଂ ବୁନ୍‌ଦେ ଲଃଆରଏ ଆରି କିତଙ୍ଗ୍‌ଇନିବାନ୍ ଚାଙ୍ଗୁଆଇଙ୍ଗ୍ ଡୁଡୁର୍ ଝେଏ ।”

୨୬ ଆତେନ୍ ବେଲା ମାପୁରୁ ଉଙ୍ଗ୍‌ଡେକେ ଜବର୍ ବପୁ ଆରି ମ୍ଲା ମଇମା ଏଡେ ତ୍ରିଗ୍‌ଡିଆ ଡାଗ୍ରାବାନ୍ ପାଙ୍ଗ୍‌ନେ ପେକେଏ । ୨୭ ନେଙ୍ଗ୍ ମାପୁରୁ ଉଙ୍ଗ୍‌ଡେକେ ମଞ୍ଚ୍‌ପୁରନେ ଆରାମ୍ ବାନ୍ ଡାକ୍ଲେ ଜାକ ପିଡୁର୍ ପାକା ମେନେ କିତଗ୍‌ଇନି ଦୁଡ୍‌ଇକେ ବେବିଏ । ମେଇଙ୍ଗ୍ ବାଟେ

ବକ୍ତେ ରେମୁଆଁକେ ମଞ୍ଚପୁରନେ ଆଡ଼ାଡ଼ା ବାନ୍ ସାପା ଜାଗାନ୍ନିଆ
ତୁଂପାଙ୍ଗ୍‌ତେ ମୁଇଙ୍ଗ୍ ଅରିଆ ରାଃସିଙ୍ଗ୍ ।

ଲିଝା ସ୍ଥାନେ ଗିଆନ୍

(ମାତିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮ “ଲିଝା ସ୍ଥାଃ ଆନେକେ ଗିଆନ୍ ବିମ୍ୟା । ଉଡ଼ିବେଲା ମେଁନେ
କେନ୍ଦାଈନ୍ନିଆ ମି ଉଲିଆ ତାର୍‌ଏ ଆତେନ୍ ବେଲା ପେ ସାପାରେ
ପେମ୍ୟାଏ ଜେ ନ୍ନାଃସେଙ୍ଗ୍ କିଗ୍ ଡାଗ୍ରା ପିଙ୍ଗ୍‌ଚାକେ । ୨୯ ନେଙ୍ଗ୍
ଆପେକେ ମେଁନେ ମ୍ଲସଙ୍ଗ୍‌କେ ଟିକ୍ ଦେତୁଆ ଗଟେଏ । ପେ ସାପାରେ
ଉଡ଼ିବେଲା ଦେକ୍‌ରକମ୍ ସାପା ଗଟେନେ ପେକେଏ ଆତେନ୍ ବେଲା
ବୁଜେପା ଜେ ଆତେନ୍ ଜୁଗ୍ ପାଙ୍ଗ୍‌ନେ ବେଲା ଡାଗ୍ରା ପିଙ୍ଗ୍‌ଚାତିଂକେ ।
୩୦ ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଡିଙ୍ଗ୍ । ଆକେନ୍ ସାପା ମାଗଟେନେ
ଜାକ ଆକେନ୍ ରେମୁଆଁଇଙ୍ଗ୍ ମେଃଡିଗ୍ ଲପ୍ ଆଡିଙ୍ଗ୍‌ଆର୍ ଶୁ
। ୩୧ ମଞ୍ଚପୁର୍ ଆରି ତ୍ରିଗ୍‌ଡିଆ ଲପ୍ ଡିଙ୍ଗ୍‌ଝେଏ ମାତର୍ ନେଙ୍ଗ୍
ବାସଙ୍ଗ୍‌ମୁକ୍ତେ ନିମାଣ୍ଡା ସାମୁଆଁ ଅଃନାଡିଗ୍ ଲପ୍ ଆଡିଙ୍ଗ୍ ଶୁ ।

ରେମୁଆଁ ଉଙ୍ଗ୍‌ତେ ପାଙ୍ଗ୍‌ନେ ଦିନ୍ ଜାଣ୍ଡେ ଡିଗ୍ ଆମ୍ୟାଆର୍ ଶୁ

(ମାତିଉ ୨୪:୩୬-୪୪)

୩୨ ଆତେନ୍ ଦିନା ଆରି ଆତେନ୍ ବେଲା ଜାଡିଗ୍ ମ୍ୟାଃ ଆୟା ଶୁ
। କିତଙ୍ଗ୍ ଦୁଡ଼ ଆରି ମାପ୍‌ରୁ ଉଙ୍ଗ୍‌ତେ ଜାଣ୍ଡେ ମେଃଡିଗ୍ ଆମ୍ୟାଆର୍
ଶୁ । ମାତର୍ ଆକେନ୍ ସାମୁଆଁ ମ୍ଲ ଆବା ପର୍‌ମେସର୍ ମ୍ୟାଲେଃକେ ।
୩୩ ପେ ସାପାରେ କାଲାଆଃ ତରକ୍ ଲାଲାପା କାଲାଆଃ ଉର୍ ଲାଲାପା
। ମେଃନ୍‌ସା ଡାଗ୍ଲା ଆତେନ୍ ବେଲା ଉଡ଼ିବେଲା ପିଙ୍ଗ୍‌ଚାଏ ଆତେନ୍
ପେ ସାପାରେ ମ୍ୟା ପେୟା ଶୁ । ୩୪ ☆ଆକେନ୍ ଡେକ୍‌ରକମ୍ ଗଟ୍‌ନା
ଡିରକମ୍ ମୁଇଙ୍ଗ୍ ରେମୁଆଁ ନିଜେନେ ତୁଆ ଆଡ଼ାରେ ବିଦେସ୍ ତାର୍
ଝେଏ ଆରି ଚାକରଇଂକେ ନିଜର୍ ତୁଆ ଆଃଉର୍‌ରେ ଆଡ଼ାଏ ଆରି
ଗଡିରେଇଂନେ ଆଡ଼ାଡ଼ା ନିଜେନେ ତୁଆ ଦାକଡ଼ ବିଃଚେ ଝେଏ ଆରି
ସାପା ଗଡିରେଇଂକେ ମେଁନେ ମୁଇଂ ମୁଇଂ ସ୍ଲେ ବିଃଏ ଆରି ନିଂସାଙ୍ଗ୍
ଉର୍‌ଶ୍ଟେକେ କାଲାଆଃ ତରକ୍ ଲେଃନ୍‌ସା ଆଦେସ୍ ବିଃଏ । ୩୫ ତେସା
ପେ ସାପାରେ କାଲାଆଃ ତରକ୍ ଡିଂ ଲାଲାପା । ମେଃନ୍‌ସା ଡାଗ୍ଲା

☆ ୧୩:୩୪ ୧୩:୩୫ ଲୁକ୍ ୧୨:୩୬-୩୮.

ଯେ ଯେମିତିକି ଶୁଭୁଆନେ ମାଲିକ୍ ଉଡ଼ିବେଲା ଜେ' ପିଙ୍ଗାଟାଏ ।
 ଲମ୍ଫତିଗ୍ ବେଲା ଶୁଭୁ ମଜେ ମିଡ଼ିଗ୍ ଶୁଭୁ ଝିର ବେଲା ଡିଗ୍ ମେଁ
 ପାଙ୍ଗ୍ ଯାଏ । ୩୭ ମେଁ ଦାପ୍ରେ ଡିଗ୍ ପାଙ୍ଗ୍ । ଯେ ସାପାରେ ଜଦି
 କାଲାଆଃ ତରକ୍ ପେଲେଏ ତେଲା ମେଁ ଆପେକେ ମେଁ ଅଃନାଡ଼ିଗ୍
 ହୁଲେଗ୍ଲେଃକେ ବେଲା କେଆୟା ଶୁ । ୩୭ ନେଙ୍ଗ୍ ଆପେକେ ମେଁ
 ବାସଙ୍ଗ୍ଶିଂକେ, ସାପାରେକେ ଆତେନ୍ ମୁଇଙ୍ଗ୍ ସାମୁଆଁ ବାସଙ୍ଗ୍ଶିଙ୍ଗ୍
 ଜେ' କାଲାଆଃ ତରକ୍ ଲାଲାପା ।”

୧୪

ଜିସୁକେ ବାଗୁଏଃ ନସା ଜିଉଦି ନେତାଙ୍ଗ୍ନେ ଜଜନା
 (ମାଡ଼ିଉ ୨୭:୧-୫; ଲୁକ୍ ୨୨:୧-୨; ଜହନ୍ ୧୧:୪୫-୫୩)

୧ ଉଦାର ପାଣ୍ଡୁଆରି ଖମିର ଶୁନ୍ୟ ରୁଟି ପାଣ୍ଡୁଆରି ବାରସି ବାକି
 ଲେଃକେ । ମ୍ମା ପୁଜାରି ଆରି ଜିଉଦି ଦର୍ମ୍ ଗୁରୁଙ୍ଗ୍ ଜିସୁକେ ଚାଲାକିରେ
 କଏଦ୍ ତିଂରେ ଇଡ଼ିଙ୍ଗ୍ ବାଗୁଏଃ ନସା ଉପାୟ ହୁର ଡିଙ୍ଗ୍ଆରକେ ।
 ୨ ମେଇଙ୍ଗ୍ ବାସଙ୍ଗ୍ଆରକେକେ, “ନେ ସାପାରେ ପାଣ୍ଡୁଆରି ବେଲା
 ଜିସୁକେ କଏଦ୍ ଆଡ଼ିଙ୍ଗ୍ ନେୟା ଶୁ । ଦେଡ୍ ଡିଙ୍ଗ୍ଲା ରେମୁଆଁଇଙ୍ଗ୍
 ରିସା ତିଂରେ ଝିଙ୍ଗ୍ଆଃରିଂଆଃନସା ପାଂଆରଏ ।”

ମୁଇଙ୍ଗ୍ ସେଲାମ୍ପୁଃନେ ମ୍ମା କାମ୍
 (ମାଡ଼ିଉ ୨୭:୭-୧୩; ଜହନ୍ ୧୨:୧-୮)

୩ ଜିସୁ ବେଅନାନ୍ନିଆ କୁଷ୍ଟରଗି ଶିମୋନେ ହୁଆ ଚଙ୍ଗ୍ନେ
 କ'ଲେଃନେ ବେଲା ମୁଇଂ ସେଲାମ୍ପୁ ରେମୁଆଁ ମେଙ୍ଗ୍ ଡାଗ୍ରା ପାଙ୍ଗ୍କେ
 । ମେଁ ମୁଇଂ ହୁଲ୍ଲୁଏକ୍ଲେ ସବାକ୍ଲେ କସ୍ମତା ମାଲେ ଦାମ୍ନେ ଅୁ ବରଡ଼ି
 ଆଡ଼ିଙ୍ଗ୍ରେ ହୁଂପାଙ୍ଗ୍କେ । ଆତେନ୍ ବାମ୍ମା ଅୁ ନିମାଣ୍ଡାନେ ଜଟା ଚିଲି
 ଏତେ ଆରେବକେ । ସେଲାମ୍ପୁନେ ମୁତା ଡାବ୍ନା ତ'ରେ ସାପା ବାମ୍ମା
 ଅୁ ଜିସୁନେ ବାଆଃନ୍ନିଆ କିଗ୍ ବିକେ । ୪ ଆଡ୍ ଅରିଆ ଲେଃକେ ଉଡ଼ି
 ରେମୁଆଁ ମେଁନେ ଏନ୍ କାମ୍ କେରେ ରିସା ତିଂଆରକେ ବାରି ନିଜର୍
 ନିଜର୍ ବିଡ୍ରେ ବାଲିରବାତା ଆରକେ “ଏନ୍ ବାସନା ଅୁକେ ଦେକ୍‌ରକମ୍
 ବାବ୍ରେ ନସ୍ ଆଡ଼ିଙ୍ଗ୍ନେ ବଲ୍ ଶୁ ? ୫ ଆତେନ୍ ଅୁକେ ସ ବିଲା ଝି
 ସ ବାନ୍ ମାଲେ ରୁପା ଡାବୁ ପାମିଲେ ବାରି ଆତେନ୍ ଡାବୁ ଗରିବ୍

ରେମୁଆଁକେ ବିପାତିଙ୍ଗ ।” ସେଲୀମ୍ବୁଃକେ ମେଇଙ୍ଗ୍ ବେସି ଅର୍ବର୍ ଆତିଙ୍ଗ୍ଆରକେ ।

୨ ଜିସୁ ବାସଙ୍ଗକେ, “ଆଡେନ୍ ସେଲୀମ୍ବୁଃ ରେମୁଆଁକେ ତେରେପେତେ ଆରାତିଙ୍ଗ୍ପା । ମେଁ ନେଙ୍ଗ୍ନ୍ୟା ମୁଇଙ୍ଗ୍ ମାଲେ ନିମାଣ୍ଡା କାମ୍ ତିଙ୍ଗ୍ବକେ । ୧ ମେଁନ୍ୟା ଡାଗ୍ଲା ଗରିବ୍‌ଶ୍ରେଇଂ କାଲାଆଃ ତ ନାଁତାଗ୍ରା ଲେଃଆର୍ୟ । ପେ ଉଡିବେଲା ପେକେଏ ଆମେଇଂକେ ସାହା ତିଙ୍ଗ୍ପେୟାଏ । ମାତର୍ ପେଇଙ୍ଗ୍ ଆନେଙ୍ଗ୍ କାଲାଆଃ ପେ ପେଅବା ଶୁ । ୨ ଆକେନ୍ ସେଲୀମ୍ବୁଃ ନେଙ୍ଗ୍ ସା ମେଁନେ ତିଙ୍ଗ୍ନେୟା ବପୁଲେଃକେ ମେଁ ଆଡେନ୍ ତିଙ୍ଗ୍ ବକେ । ରାଃତ୍ୟାନିଆ ନେଙ୍ଗ୍ ପାରାନ୍‌କେ ଆରେଡିଙ୍ଗ୍ନ୍ୟା ମେଁ ନେଙ୍ଗ୍ ଗାଗ୍‌ଡେନ୍ନିଆ ଗୁଏନେ ସେନୁଗ୍ ବାସ୍ନା ଞ୍ଚୁ କିଗ୍‌ବି ବକେ । ୩ ନେଙ୍ଗ୍ ଆପେକେ ସତ୍ ବାସଙ୍ଗ୍ ଶ୍ରିଙ୍ଗ୍‌କେ, ସାପା ମଞ୍ଚୁପୁରନ୍ନିଆ ନେଙ୍ଗ୍‌ନେ ନିମାଣ୍ଡାସାମୁଆଁ ଆଶ୍ରିତାଗ୍ରା ବାସଙ୍ଗ୍ ତିଙ୍ଗ୍ଆର୍ୟ ଏନ୍ ସେଲୀମ୍ବୁଃ ମେ ତିଙ୍ଗ୍‌ବକେ ଆତାନ୍ ମନେ ଲାଗ୍ନ୍ୟା ଏନ୍ ସାପା ବାସଙ୍ଗ୍ ଆର୍ୟ ।”

ଜିସୁନେ ଡାଗ୍ରା ଜିଉଦାନେ ବିସ୍‌ବାସ୍‌ଗାଡ୍

(ମାତିଉ ୨୭:୧୪-୧୬; ଲୁକ୍ ୨୨:୩-୬)

୧୦ ଏନ୍ ଇଡିଙ୍ଗ୍ ଗମ୍ବାର୍ ସିସ୍ ପ୍ରେରିଡିଙ୍ଗ୍‌ବାନ୍ ମୁଇଂଜା ପ୍ରେରିଡି ମ୍ବା ପୁଜାରିଇଂ ଏତେ ବାଲିର୍ ମାବା ତିଙ୍ଗ୍ନ୍ୟା ଝେକେ । ଆକେନ୍ ପ୍ରେରିଡିନେ ମ୍ଲେଃକେ ଇଷ୍ଟରିୟଥ୍ ଜିଉଦା । ମେଁ ଜିସୁକେ ମ୍ବା ପୁଜାରିଇଂନେ ଛି ନ୍ନିଆ ଆସା ବିନେସା ଚାଏଁତିଂକେ । ୧୧ ମ୍ବା ପୁଜାରିଇଂ ଜିଉଦାନେ ଆକେନ୍ ସାମୁଆଁ ଝେଚେ ଜବର୍ ସାଦା ତିଙ୍ଗ୍‌କେ । ଆରି ଆମେଇଂକେ ତାରୁ ବିନ୍‌ସା ପାର୍‌ମାନ୍ ତିଙ୍ଗ୍ ବକେ । ଆଡ୍‌ଅରିଆ ଜିଉଦା ଜିସୁକେ ମ୍ବାନେ ପୁଜାରିଇଂନେ ଛି ନ୍ନିଆ ଆଃସା ବିଃନ୍‌ସା ଉପାୟ୍ ତୁର୍ ତିଙ୍ଗ୍‌ଗେ ।

ଉଦାରନେ ପାଣ୍ଡୁସୁ ବଜି /

(ମାତିଉ ୨୭:୧୭-୨୫; ଲୁକ୍ ୨୨:୭-୧୪, ୨୧-୨୩; ଜହନ୍ ୧୩:୨୧-୩୦)

୧୨ ଉଦାରନେ ପାଣ୍ଡୁସୁ ଆରି ଖମିର ଶୁନ୍‌ୟ ରୁଟି ପାଣ୍ଡୁସୁନେ ସେନୁଗ୍ ଦିନ୍ ଜିଉଦିଇଙ୍ଗ୍ ଉଦାର୍ ପାଣ୍ଡୁସୁ ନ୍‌ସା ମେଣ୍ଡା ଉଙ୍ଗ୍‌ଡେକେ

ସିଃଆରଏ । ଆତେନ୍ ସ୍ଥି ଜିସୁନେ ଡାଗ୍ରା ମେଁଇଙ୍ଗନେ ସିସ୍‌ଇଂ ପାଙ୍ଗରେ ସାଲିଆଃକୁକେ, “ଉଦାର ପାଣ୍ଡୁସୁ ବଜିନ୍ନିଆ ନାଁ ନସା ସାପା କିଚି ଆରେନ୍‌ସା ଆଣ୍ଡିନେଝେ ଡାଗ୍‌ରେ ନାଁ ଚାଏନାଡିଙ୍ଗକେ ?”

୧୩ ଏନ୍ ଇଡିଙ୍ଗ ଜିସୁ ମ୍ବାୟା ସିସ୍‌କେ ସହର୍‌ନ୍ନିଆ ବେକେ । ଜିସୁ ଆମେଇଂକେ ବାସଙ୍ଗକେ, “ସହର୍‌ନ୍ନିଆ ଝେଲାପା । ମୁଇଂ ରେମୁଆଁ ଶ୍ରିଆକୁଇ ତୁଂଝେ ଡିଙ୍ଗ୍‌କ୍ଲେ ପେକେଏ । ଆତେନ୍ ରେମୁଆଁ ପେ ଡାଗ୍ରା ପାଙ୍ଗଏ । ପେ ମେଁ ପ୍ଲା ପେଝେଏ । ୧୪ ଆତେନ୍ ରେମୁଆଁ ମୁଇଙ୍ଗ୍‌ ତୁଆ ଗାଏ ପେଡିଗ୍‌ ଝେରେ ଆତେନ୍ ତୁଆନେ ମାଲିକ୍‌କେ ପେବାସଙ୍ଗ୍‌ ଜେ’ ଗୁରୁ ବେ’ବକେ ନେଙ୍ଗ୍‌ନେ ସିସ୍‌ଇଂଏତେ ଉଦାର ପାଣ୍ଡୁସୁ ବଜି ଆଣ୍ଡିନେ ବାକରାନ୍ନିଆ ଫାଲେଏ, ଆତେନ୍ ବାକରା ଆନେଙ୍ଗ୍‌ ଆସୁଏ ବିଲା ? ଆମେକେ ବାସଙ୍ଗ୍‌ ଜେ’ ଗୁରୁ ଆକେନ୍ ମ୍ୟାନସା ଇକ୍‌ଡା ଡିଙ୍ଗ୍‌ଡିଙ୍ଗକେ । ୧୫ ତୁଆ ମାଲିକ୍‌ ପେଇଙ୍ଗ୍‌ନେସା ଆଡାଡା ମହଲାନେ ସାପା କିଚି ସଜେବକେ ମୁଇଙ୍ଗ୍‌ ମ୍ବା ତୁଆ ଆଃସୁଏ ବିଏ । ପେ ସାପାରେ ଆଡ୍ ଅରିଆ ଚଙ୍ଗ୍‌ନେ ଆମେଁ ବପା ।”

୧୬ ଇଡିଙ୍ଗ୍‌ ସିସ୍‌ଇଂ ଆଡ୍‌ବାନ୍ ସହର୍‌ନ୍ନିଆ ଝେଆକେ । ଜିସୁ ଆମେଇଂକେ ମେଁନେ ବାସଙ୍ଗ୍‌ ବକେ ସାପା ସାମୁଆଁ ଦେତୁଆ ଡିଙ୍ଗ୍‌କେ । ଆଡ୍ ଡାଗ୍ରା ମେଇଂ ଉଦାର ପାଣ୍ଡୁସୁ ଚଙ୍ଗ୍‌ନେ ତିଆର୍ ଡିଙ୍ଗ୍‌ଆରକେ ।

୧୭ ଲମ୍‌ଡିଗ୍‌ ବେଲା ଜିସୁ ଗମ୍ବାର ରେମୁଆଁ ସିସ୍‌ଇଂକେ ସଜେ ସାଃରେ ଆଡ୍ ଅରିଆ ଝେଚାକେ । ୧୮ ମେଇଂ ଚଙ୍ଗ୍‌ନେ ବେଲା ଜିସୁ ବାସଙ୍ଗ୍‌କେ, “ନେଙ୍ଗ୍‌ ଆପେକେ ସଡ୍ ବାସଙ୍ଗ୍‌ଣ୍ଡିକେ ମାତର୍‌ ନେଙ୍ଗ୍‌ଏତେ ଚଙ୍ଗ୍‌ ଡିଙ୍ଗ୍‌କ୍ଲେ ପେନେ ବାନ୍ ମୁଇଂଜା ନେଙ୍ଗ୍‌ ଆଡ୍‌ଲା ବିରଦ୍‌ଣ୍ଡେନେ ତ୍ରି ଅରିଆ ସର୍‌ପେ ବିଏ ।”

୧୯ ଆକେନ୍ ଅଁରେ ସିସ୍‌ଇଙ୍ଗ୍‌ ଜବର୍‌ ମନ୍ ଦୁକ୍ ଡିଙ୍ଗ୍‌ କିକେ । ସାପାରେ ଜିସୁକେ ବାସଙ୍ଗ୍‌ଆରକେ “ସତେଆଃ ନେଙ୍ଗ୍‌ ଆତେନ୍ ରେମୁଆଁ ଶ୍ରି”

୨୦ ଇଡିଙ୍ଗ୍‌ ଜିସୁ ଆମେଇଂକେ ବାସଙ୍ଗ୍‌କେ, “ଆତେନ୍ ରେମୁଆଁ ପେ ଗୋମ୍ବାର ରେମୁଆଁ ବାନ୍ ମୁଇଂଜା ଜାଣ୍ଡେ କି ନେଙ୍ଗ୍‌ ଏତେ ମୁଇଙ୍ଗ୍‌ ଗିନାନ୍ନିଆ ରୁଚି ଜଣ୍ଡିଆ ଅଙ୍ଗ୍‌କେ । ୨୧ ମାପ୍‌ରୁ ଉଙ୍ଗ୍‌ତେ ଝେରେ ଗୁଏଃଏ । ଆକେନ୍ ଗଟେଏ ଡାଗ୍‌ରେ ସାସ୍ତର୍‌ନ୍ନିଆ ଗୁଆର୍ ବକେ । ମାତର୍‌

ମୁଃଠି ରେମୁଆଁବାନ୍ ମାପୁରୁ ଉଠେକେ ବିରଦ୍‌ଶ୍ରେନେ ଛି ଡାଗରା
ଆସା ବିଏ, ମେଁ ଜନମ୍ ଆଡ଼ିଙ୍ଗଲା ନିମାଣ୍ଡା ପାଡ଼ିଙ୍ଗ ।”

ମାପୁ ବଜି

(ମାଡ଼ିଉ ୨୭:୨୭-୩୦; ଲୁକ୍ ୨୨:୧୪-୨୦; ୧ କରିନ୍ତିୟ ୧୧:୨୩-୨୫)

୨୨ ମେଇଙ୍ଗ ଚଙ୍ଗ ବେଲା ଜିସୁ ଇକୁଡ଼ା ରୁଟି ତୁଂଖେଚେ । ଆତେନ୍ ରୁଟିନ୍‌ସା ପରମେସରକେ ଦନ୍ୟବାଦ୍ ବିକେ । ରୁଟି ଟିକଟିଚେ ସିସ୍‌ଇଂକେ ବିଚେ ବାସଙ୍ଗକେ, “ଆକେନ୍ ରୁଟି ଡିଂଡିଂକେ ନେଙ୍ଗନେ ଗାଗ୍‌ଡେ ।”

୨୩ ଇଡ଼ିଙ୍ଗ ମେଁ ଅଙ୍ଗୁର୍ ରସ୍‌ନେ ମୁତା ତୁଂଖେଚେ । ମେଁନ୍‌ସା ପରମେସରକେ ଦନ୍ୟବାଦ୍ ବିକେ । ଇଡ଼ିଙ୍ଗ ଆତେନ୍ ସିସ୍‌ଇଂକେ ବିକେ । ମାନ୍ଦାରେ ଆତେନ୍ ମୁତାନ୍ ଅଙ୍ଗୁର୍ ରସ୍ ଉଗ୍‌ଆରକେ । ୨୪ ଇଡ଼ିଙ୍ଗ ଜିସୁ ବାସଙ୍ଗକେ, “ଆକେନ୍ ନେଙ୍ଗନେ ମ୍ୟା । ନେଙ୍ଗନେ ମ୍ୟା ମୁଇଙ୍ଗ ମିନେ ନିଅମ୍ ଆରାମ୍ ଆଃଡ଼ିଙ୍ଗଏ । ଏନ୍ ନିଅମ୍‌ଲେ ପରମେସରବାନ୍ ମେଇଙ୍ଗ ରେମୁଆଁନ୍‌ସା ଡିଙ୍ଗଏ । ଏନ୍ ମମ୍ୟା ସାପା ରେମୁଆଁନ୍‌ସା ବିବକେ । ୨୫ ନେଙ୍ଗ ଆପେକେ ସଡ଼ ବାସଙ୍ଗ ଡିଙ୍ଗ । ନେଙ୍ଗ ଅନା ଜାକ ପରମେସରନେ ରାଇଜ୍‌ନ୍‌ନିଆ ମି ଅଙ୍ଗୁର୍ ରସ୍ ଉଗ୍‌ଏ ଆତେନ୍ ଦିନା ଜାକ ଏନ୍ ଅଙ୍ଗୁର୍ ରସ୍ ନେଙ୍ଗ ଅଃନା ଡିଗ୍ ନାଉଗ୍ ଶ୍ଟୁ ।”

୨୬ ସାପା ସିସ୍‌ଇଙ୍ଗ କୁଡେଃଚେ ମୁଇଙ୍ଗ ଦନ୍ୟବାଦ୍ ଅସ୍‌ମାର୍ ସାରଚେ ଆରି ଇଡ଼ିଙ୍ଗ ଜିତକଣ୍ଡା ଆଡ଼ାଡ଼ା ତାର୍ ଖେଆରକେ ।

ଜିସୁନେ ପ୍ଲା ଖେନେ ରେମୁଆଁଇଂ ସାପାରେ ଆମେକେ ଆନ୍ତାର୍‌ଏ /
(ମାଡ଼ିଉ ୨୭:୩୧-୩୫; ଲୁକ୍ ୨୨:୩୧-୩୫; ଜହନ୍ ୧୩:୩୬-୩୮)

୨୭ ଜିସୁ ସିସ୍‌ଇଙ୍ଗକେ ବାସଙ୍ଗକେ, “ପେ ସାପାରେ ବିସ୍‌ବାସ୍ ମାବଚେ ପେକେଏ,
ଆକେନ୍ ସାସ୍‌ରନ୍‌ନିଆ ଗୁଆରବକେ, ନେଙ୍ଗ ମେଣ୍ଡା ତୁର୍ତ୍ତ୍ୟାରେକେ
ବାଗୁଏ ମିଏ
ଆରି ମେଣ୍ଡାଇଂ ଆଙ୍କ୍ ଆନ୍ତ୍ ଡ଼ଣ୍ଡିଆରଏ ।

୨୮ ✧ମାତର ନେଇ ଗୁଏରେ ମୁକ୍ତେ ଇଡ଼ିଙ୍ଗ ପେନେ ସେନୁଗ୍ ଗାଲିଲୀ ପ୍ରଦେସ୍ ଝେଏ ।”

୨୯ ମାତର ପିତର ବାସଙ୍ଗକେ, “ବିନ୍ ସାପା ସିସ୍‌ଇଂ ଆନାକେ ଆନ୍ତାର୍ ଝେଆରଲ୍ଲା ଡିଗ୍ ନେଇ ମୁଲ୍‌କେ ନ୍ନାଝେ ଶୁ ।”

୩୦ ଜିସୁ ବାସଙ୍ଗକେ “ନେଇ ଆପେକେ ସତ୍ ବାସଙ୍ଗ ଶ୍ରିଙ୍ଗକେ ଏଃ ମିଡିଗ୍ ରିସେଇ ମ୍ପାର୍‌ତର୍ ସନେ ସେନୁଗ୍ ନା ଆନେଇ ନ୍ନାସାମୁଆଁକେ ତାଗ୍‌ରେ ଝିତର୍ ନାବାସଙ୍ଗ୍ ।”

୩୧ ଆକେନ୍ ସାମୁଆଁ ଅଁରେ ପିତର ଆରି ମାଲେ କିରରେ ବାସଙ୍ଗକେ, “ଆନେଇ ନାଁ ଏତେ ଗୁଏନେ ପଡେଲ୍ଲା ଡିଗ୍ ନେଇ ଆନାକେ ନ୍ନାସାମୁଆଁକେ ତାଗ୍‌ରେ ଅଃନାଡିଗ୍ ନ୍ନାବାସଙ୍ଗ୍ ଶୁ ।” ବିନ୍ ସାପାରେ ସିସ୍‌ଇଂ ଡିଗ୍ ଦେତୁଆ ବାଲିର୍ ଆରକେ ।

ଜିସୁ ମୁଇଂଜା ଆଃ ପାର୍‌ତନା ତିଂକେ ।

(ମାଡିଡ ୨୭:୩୭-୪୭; ଲୁକ୍ ୨୨:୩୯-୪୭)

୩୨ ଜିସୁ ଆରି ମେନେ ସିସ୍‌ଇଂ ଗେଅସିମନୀ ମ୍ପିକ୍ତେ ମୁଇଙ୍ଗ୍ ତୁଗ୍‌ଡିନିଆ ପାଙ୍ଗ୍ ଆରକେ । ଜିସୁ ସିସ୍‌ଇଂକେ ବାସଙ୍ଗକେ, “ନେଇ ପାର୍‌ତନା ତିଙ୍ଗ୍ ଜାକ ପେ ସାପାରେ ଆକ୍‌ଅରିଆ କଲାପା ।” ୩୩ ମେଁ ପିତର ଜାକୁର୍ ଆରି ଜହନ୍‌କେ ମେଇ ଏତେ ପାଙ୍ଗ୍‌ନେ ବାସଙ୍ଗକେ । ଇଡ଼ିଙ୍ଗ୍ ଜିସୁ ମାଲେ ତାନ୍ଦ୍ରା ତିଙ୍ଗ୍‌ରେ ଆରି ଦୁକ୍ ତିଙ୍ଗ୍‌ନେ ଲାଗେକେ । ୩୪ ଜିସୁ ପିତର ଜାକୁର୍ ଆରି ଜହନ୍‌କେ ବାସଙ୍ଗକେ, “ନେଇନେ ଜିବନ୍ ତାର୍‌ଝେଗେ ସୁଗୁଆ ଲାଗେଡିଙ୍ଗକେ । ଆକ୍‌ଅରିଆ ପେ ନେଇସା ଉର୍ ଲାଃଲାପା ।”

୩୫ ଜିସୁ ମେଇଂନେ ବାନ୍ ଇକ୍ତୁଡା ଉଡ଼ି ସ୍ଲୁଅଲେଇଁ ଝେରେ । ଇଡ଼ିଙ୍ଗ୍ ଜିସୁ ତୁବନ୍ନିଆ ଲଃରେ ଆରି ପାର୍‌ତନା ତିଙ୍ଗ୍‌କେ ଜେ “ଜିଡି ତିଙ୍ଗ୍‌ଏ ତେଲ୍ଲା ନେଇ ବାନ୍ ସ୍ଲୁ ଝେଲେ ।” ୩୬ ଅ ନେଇନେ “ଆବା ନା ଆଡାଡ୍ରା ସାପା ତିଙ୍ଗ୍‌ଏ । ଏନ୍ ଦୁକାନେ ଉଗ୍‌ଡିଆଃନେ ମୁତାକେ ନେଇ ବାନ୍ ସ୍ଲୁ ତୁଂଝେଲ୍ଲା । ଏଲେଡିଗ୍ ନେଇନେ ଇଚା ଶୁ ନାନେ ଇକ୍‌ଚା ପୁରନ୍ ତିଙ୍ଗ୍‌ଲେ ।”

୩୭ ତେନ୍‌ଇଡ଼ିଂ ଜିସୁ ଆମେଇଂକେ କେକେ ବାରି ସିସ୍‌ଇଂନେ ତାଗ୍ରା ଆଣ୍ଡେ ଝିଗ୍‌କେ । ମେଁ ମେଇଂକେ ତୁଲେଗ୍ ଲେଃଝେ କେକେ । ମେଁ

ପିତରୁକେ ବାସଙ୍ଗକେ, “ଶିମୋନ ଯେ ତୁଲେଗ୍ ଯେବିଗେ ? ଯେ ମୁଇଙ୍ଗ୍ ଗଣ୍ଡା ନ୍‌ସା ଉରଲେଃ ଯେୟାକେ ? ୩୮ ଉର୍ତ୍ତେ ପାର୍ତନା ତିଙ୍ଗ୍ ଜେ’ ଯେ ତିଃତି କି ପରିକ୍ୟାନ୍ନିଆ ଯେଲ । ଆଣ୍ଟିନେ ଚିକ୍ ଯେନେ ଆମ୍ବା ଆତେନ୍ ତିଙ୍ଗ୍‌ନେ ଚାଏଁତିଂକେ ମାତର୍ ଯେନେ ଗାଗ୍‌ଡେ ପରଚଲ୍ ଶ୍ରୁ”

୩୯ ଜିସୁ ଆରି ମୁଇଂ ତର୍ ଖେଚେ ସେ ସୁଗା ପାର୍ତନା ତିଂକେ । ୪୦ ଏନ୍ ଇଡିଙ୍ଗ୍ ମେଁ ସିସ୍‌ଲଂନେ ଡାଗ୍ରା ଆଣ୍ଟେ ପାଙ୍ଗକେ ଆରି କେକେ ଜେ ମେଇଙ୍ଗ୍ ଆରି ତୁଲେଗ୍ ଲେଃଆରକେ । ମେଁଙ୍ଗ୍‌ନେ ମୁଆଃ ଲେମୁଆଃ ତା ତୁଂପାଂତିଂ । ସିସ୍‌ଲଂ ମ୍ୟା ଆୟା ଆରକେ ଶ୍ରୁ କୁଜ ମେଇଙ୍ଗ୍ ଜିସୁକେ ମେନେ ଉତର୍ ବିଏ ।

୪୧ ଜିସୁ ଞ୍ଚିତର୍ ପାର୍ତନା ଆଃଡାକ୍ଲେ ଇଡିଙ୍ଗ୍ ସିସ୍‌ଲଂ ଡାଗ୍ରା ଆରି ପାଙ୍ଗ୍‌ଆରକେ ଆରି ବାସଙ୍ଗ କିକେ “ଏବେ ତିଗ୍ ଯେ ତୁଲେଗ୍‌ଚେ ପୁଣ୍ଡେ ଯେଡିଙ୍ଗକେ ? ଜବର୍ ବେଲା ତିଙ୍ଗକେ । ଡାଗ୍ରା ରେମୁଆଁ ଉଙ୍ଗ୍‌ଡେ ପାପିଇଂ ଛି ନ୍ନିଆ ଆଃସାଃ ବିଃନେ ବେଲା ଡାଗ୍ରା ପାଙ୍ଗ୍ ତିଙ୍ଗକେ । ୪୨ ତଡିଆପା । ନେ ଏଃତର୍ ନେଖେପା । ଆନେଙ୍ଗ୍ ସତୁ ଛିନିଆ ଆଃସା ବିନେ ରେମୁଆଁ ଏବେ ପାଙ୍ଗ୍‌ଡିଙ୍ଗକେ ।”

ଜିସୁ କଇଦ୍ ତିଙ୍ଗକେ

(ମାତିଉ ୨୭:୪୭-୫୨; ଲୁକ୍ ୨୨:୪୭-୫୩; ଜହନ୍ ୧୮:୩-୧୨)

୪୩ ଜିସୁ ଆକେନ୍ ସାମୁଆଁ ବାସଙ୍ଗ ତିଙ୍ଗ୍‌ନେ ବେଲା ଜିଉଦା ପିଙ୍ଗ୍‌ଚାକେ । ମେଁ ଗମ୍ବାର୍ ରେମୁଆଁ ପ୍ରେରିଡିଇଂ ବାନ୍ ମୁଇଂଜା ଲେଃକେ । ମେଁ ଏଡେ ମାଲେ ରେମୁଆଁ ଲେଃକେ । ଆତେନ୍ ରେମୁଆଁଇଂକେ ମ୍ବାଃ ପୁଜାରି, ଦର୍ମସାସ୍ତି ଆରି ତକ୍ରା ଜିଉଦି ନେତାଇଂ ବେବଆଗେ । ଜିଉଦା ଆରି ଆତେନ୍ ରେମୁଆଁଇଂ ଛିନିଆ କାଣ୍ଡା ଆରି ଚେଙ୍ଗ୍ ସାଃ ଲେଃଆରକେ । ୪୪ ବିରଦ୍ ରେମୁଆଁଇଂକେ ଆସା ବିଃନ୍‌ସା ଜିହୁଦା ଆମେଇଂକେ ମୁଇଙ୍ଗ୍ ଚିନା ବିଃନ୍‌ସା ଚିକ୍ ଆଡିଙ୍ଗ୍ ବଗେ । ମେଁ ଆମେଇଂକେ ବାସଙ୍ଗବଗେ, “ମୁଡି ରେମୁଆଁକେ ନେଙ୍ଗ୍ ମ୍ବୁନ୍‌ନ୍ଦାଏ ଆମେକେ ଆଃ ଯେ ତୁର୍ ଯେଡିଙ୍ଗକେ । ଆମେକେ ଯେ ଯେସାଃଏ । ଯେ ଆମେକେ କଏଦ୍ ଯେରାଡିଙ୍ଗ୍‌ଏ ଆରି ଜାଗ୍ରଡ୍ ରେ ସ୍ଲୁ ତୁଙ୍ଗ୍ ଯେଖେଏ ।”

୪୫ ଦାପ୍ତେ ଜିଉଦା ଜିସୁନେ ତାଗ୍ରା ଝେରେ ବାସଙ୍ଗକେ, “ଗୁରୁ ।” ଇଡ଼ିଙ୍ଗ ଜିଉଦା ଜିସୁକେ ବୈନ୍ତା ବିକେ । ୪୬ ଆକେନ୍ ବେଲା ରେମୁଆଁଇଙ୍ଗ ଜିସୁକେ ସାଚେ ଗାଗଆରକେ । ୪୭ ଜିସୁ ତାଗ୍ରା ତୁଆଁ ଲେଃକେ ମୁଇଂଜା ସିସ୍ ମେଁନେ କାଣ୍ଡା ଆତାରରେ ମ୍ବା ପୁଜାରିନେ ମୁଇଂ ଗତିରେକେ ସି । ଆତେନ୍ ଗତିରେନେ ନ୍ଲୁଗ୍ ଟିକ୍ତିଝେରେ । ୪୮ ଜିସୁ ଆତେନ୍ ରେମୁଆଁଇଂକେ ବାସଙ୍ଗକେ, “ନେଙ୍ଗ୍ ମେଁନେ ମୁଇଙ୍ଗ୍ ଦସିଣ୍ଡେ ଜେ ପେଇଙ୍ଗ୍ କାଣ୍ଡା ଆରି ଟେଙ୍ଗ୍ ହୁଂପାଙ୍ଗ୍ରେ ଆନେଙ୍ଗ୍ ସାହାନ୍ସା ପାଙ୍ଗ୍ ପେଲେ ? ୪୯ ଦିନକେ ମନ୍ଦିରୁନ୍ନିଆ ସିକ୍ୟା ବିଃନେ ବେଲା ନେଙ୍ଗ୍ ପେଏଃତେ ଲେଃଣ୍ଡିଂରେ । ମାତର୍ ଆତେନ୍ ବେଲା ପେ ଆନେଙ୍ଗ୍କେ ପେଗାଗ୍କେ । ମାତର୍ ସାସ୍ତର୍ ଡିରକମ୍ ଗୁଆରବକେ ଆତେନ୍ ଦେଡ୍ ରକମ୍ ଗଟେଡିଙ୍ଗେ ।”

୫୦ ଇଡ଼ିଙ୍ଗ ଜିସୁକେ ସିସ୍ଇଂ ଆନ୍ତାରରେ ଡଆରଗେ ।

୫୧ ମୁଇଂ ଜିରେ ଜିସୁନେ ପ୍ଲା ଝେଡିଙ୍ଗରେ । ମେଁ ଡିଲାଡିଗ୍ ଇକ୍ତୁଡା ତାଆଁନେ ସୁତା ପାଟାଇ ଗ୍ଲାଲେଗ୍ ଲେଃକେ । ଆତେନ୍ ରେମୁଆଁଇଂ ଜିରବଏକେ ସାଃନ୍ସା ଉପାୟ ଡିଙ୍ଗ୍ଆକେ । ୫୨ ମେଁ ପାଟାଇ ତବିରେ ଆରି ଲାଙ୍ଗଲା ଡିଙ୍ଗରେ ଡଗେ ।

ଜିଉଦି ନେତାନେ ସେନ୍ତୁଗ୍ ଜିସୁନେ ବିଚାର୍ ।

(ମାଡିଡ ୨୭:୫୭-୬୮; ଲୁକ୍ ୨୨:୫୪-୫୫, ୬୩-୭୧; ଜହନ୍ ୧୮:୧୩-୧୪, ୧୯-୨୪)

୫୩ ଆତେନ୍ ରେମୁଆଁଇଂ ଜିସୁକେ ମ୍ବା ପୁଜାରିନେ ତାଗ୍ରା ହୁଂଝେଆରକେ । ସାପାରେ ମ୍ବାଃ ପୁଜାରି ଦର୍ମ ନେତାଇଂ ଦର୍ମସାସ୍ତ୍ରିଇଂ ସାପାରେ ପାଙ୍ଗ୍ରେ ମୁଇଂନ୍ନିଆ ରିସିଙ୍ଗ୍ ଆରକେ । ୫୪ ପିତର୍ ଜିସୁନେ ବାନ୍ ସ୍ଲ ଲେଃରେ ମେଁନେ ପ୍ଲା ପାଙ୍ଗ୍ରେ ମ୍ବା ପୁଜାରିନେ ତୁଆନେ ବାଜାର୍ ଅରିଆ ପିଙ୍ଗଟାକେ । ମେଁ ଆଡ୍ ଅରିଆ ଉର୍ଣ୍ଣେଏତେ କ ଲେଃରେ ସୁଆନ୍ନିଆ ନିଂଃ ଡିଙ୍ଗରେ । ୫୫ ମ୍ବା ପୁଜାରି ଆରି ଜିଉଦିଇଂ ସାପାରେ ମ୍ବା କୁକପାର୍ ନିଆ ଜିସୁକେ ଗୁଏନେଦଣ୍ଡ ବିଃନ୍ସା ମେଇଂନେ ବିରଦ୍ରେ ମେଃଡିଗ୍ ବୁଲ୍ ପର୍ମାନ୍ ବାନ୍ସା ଚେସ୍ଟା ଡିଆରକେ ତେଲା ମେଇଙ୍ଗ୍ ଗୁଏନେ ଡଣ୍ଡ ବିନ୍ସା ମେଃଡିଗ୍ ସାକି ଆବା ଆରକେ ଶ୍ଟୁ । ୫୬ ଜାବର୍ ରେମୁଆଁ ପାଙ୍ଗ୍ରେ ଜିସୁନେ

ବିରଦ୍ରେ ମିତ୍ ସାକି ବିଷଆରକେ । ମାତର୍ ମେଙ୍ଗ ସାପାରେ ବାନ୍ ସାକି ଆମିଲେକେ ଶୁ ।

୫୭ ଇଡ଼ିଙ୍ଗ ଉଡ଼ିରୁଆ ରେମୁଆଁ ତୁଆଁ ଆରକେ ଆରି ଜିସୁନେ ବିରଦ୍ରେ ଆକେନ୍ ମିତ୍ ସାକି ବିଚେ ବାସଙ୍ଗଆରକେ, ୫୮ ☆“ନେ ଜିସୁକେ ଆକେନ୍ ସାମୁଆଁ ବାସଙ୍ଗତିଂକ୍ଳେ ନେଆଁକେ ରେମୁଆଁ ଆଃରେବକ୍ଳେ ଆକେନ୍ ମନ୍ଦିରକେ ନେଙ୍ଗ ପାକ୍ତି ମ୍ବିଏ ଆରି ଜିସୁ ବିଚେ ଆରି ମୁଇଙ୍ଗ ମନ୍ଦିର୍ ଆରେ ମ୍ବିଏ ଆଣ୍ଟିନେ କି ରେମୁଆଁ ତ୍ରିରେ ଆରେ ଆବଆର୍ ଶୁ ।” ୫୯ ଡିଲାଡିଗ୍ ଆକେନ୍ ରେମୁଆଁଇଙ୍ଗ ମେଃ ସାପା ବାସଙ୍ଗତିଂକ୍ଳେ, ଆତେନ୍ ସାମୁଆଁ ଜା ଏତେ ଡିଗ୍ କୁଡେ ଆଡ଼ିଙ୍ଗକେ ଶୁ ।

୬୦ ଇଡ଼ିଙ୍ଗ ସାପାରେନେ ବାନ୍ ସେନୁଗ୍ ମ୍ବା ପୁଜାରି ତୁଆଁକେ । ମେଁ ଜିସୁକେ ବାସଙ୍ଗକେ, “ଆକେନ୍ ରେମୁଆଁଇଂ ନାନେ ବିରଦ୍ରେ ଆକମେଇଂ ଗୁଲେ ସାମୁଆଁ ବାସଙ୍ଗକେ । ନାନେ ବିରଦ୍ରେ ଉଡ଼ିକ୍ଳିଗ୍ ଦସ୍ ତୁଂପାଙ୍ଗକେ ଆତେନ୍ ବିସୟରେ ନାନେ ମେଁ ଡିଗ୍ ବାସଙ୍ଗନେ ଲେକ୍ଳେ ?”

୬୧ ମାତର୍ ଜିସୁ ବୁଙ୍ଗ ଲେଃଗେ । ମେଁ ମେଃଡିଗ୍ ଉତର୍ ଆବିକେ ଶୁ । ମ୍ବା ପୁଜାରି ଜିସୁକେ ଆରି ମୁଇଙ୍ଗ ପ୍ରସନ୍ ସାଲିଆକୁକେ, “ନା ମେଃନେ ପ୍ରସଂସା ବାଡ଼ିଂକ୍ଳେ ପର୍ମେସର୍ନେ ଉଙ୍ଗଡେ କିସ୍ଟ ?”

୬୨ ଜିସୁ ଉତର୍ ବିକେ, “ଅଃଆଁ ନେଙ୍ଗ ପର୍ମେସର୍ନେ ଉଙ୍ଗଡେ ଆରି ପେ ନେଙ୍ଗ ଜେ’ ରେମୁଆଁ ଉଙ୍ଗଡେକେ ଆତେନ୍ ଜବର୍ ବପୁ ଆଡ଼ିଙ୍ଗରେ ଞ୍ଚଙ୍ଗତି ପାକା କଲେଃକ୍ଳେ ପେକେଏ ଆରି କିତଙ୍ଗ୍ ଇନିନେ ତ୍ରିଗ୍ତ୍ୟା ଅରିଆ ପାଙ୍ଗତିଂକ୍ଳେ ପେକେଏ ।”

୬୩ ମ୍ବାୟାଜକ ଆକେନ୍ ସାମୁଆଁ ଅଁଚେ ଜାବର୍ ରିସାଡ଼ିଙ୍ଗେ । ମେଁ ରିସାରେ ନିଜେନେ ସକା ସ୍ୟା ବିଚେ ସାପାରେକେ ବାସଙ୍ଗକେ, “ନେନେ ସାକି ଆରି ମେଁ ଦରକାର୍ ? ୬୪ ମେଁ ଇସ୍ପର୍କେ ନିନ୍ଦା ଆଡ଼ିଂଡିକେ ପେଇଂ ଅଁପେଲେକେ । ପେଇଂନେ ଇକ୍ତା ମେନେ ?” ମେଇଂ ମେନେ ବିରଦ୍ରେ ଇକ୍ତା ଡିଙ୍ଗରେ ବାସଙ୍ଗଆରକେ ଜେ’ ମେଁ ଦସି ଆରି ଗୁଏନେ ଡ଼୍ ଶୁ ବିନେ ଦରକାର୍ ।

☆ ୧୪:୫୮ ୧୪:୫୮ ଜହନ୍ ୨:୧୯.

୭୫ ଆଡ଼ ଅରିଆ ଲେଖକେ ଉଡ଼ି ରେମୁଆଁ ପାଇଁରେ ଜିସୁନେ ଆଡ଼ାଡ଼ା ବିଠଡ଼ୁର ବିକେ । ଉଡ଼ିରୁଆ ଜିସୁକେ ସାରମୁଆଁ ତାତେ ବଗଆରକେ ଆରି ଉଡ଼ିରୁଆ ଇଙ୍ଗରେତେ ବାସଙ୍ଗଆରକେ, “ଏକ୍ରେ ନା ଆନେକେ ଆଃସୁଏବି ନାବଗେ ନା ମୁଇଙ୍ଗ ବାବବାଦି ରେମୁଆଁ ।” ଇଡ଼ିଙ୍ଗ ଉରଣ୍ଡେ ଆମେକେ ତୁଂଝେତେ ବଗଆକେ ।

ପିତର ଜିସୁକେ ମ୍ୟାଲେକ୍ସେ ସାମୁଆଁ ଆମ୍ୟାକେ ।

(ମାତିଉ ୨୭:୨୯-୩୫; ଲୁକ୍ ୨୨:୫୭-୬୨; ଜହନ୍ ୧୮:୧୫-୧୮, ୨୫-୨୭)

୨୬ ଆତେନ୍ ବେଲା ପିତର ବାଜାର ଲେଖଗେ । ପିତର ତାଗ୍ରା ମ୍ଲ ପୁଜାରିଇଂନେ ମୁଇଙ୍ଗ ଚାକରବଏଃ ପାଇଁକେ । ୨୭ ମେଁ ପିତରକେ ସୁଆତାଗ୍ରା ନିଂଃ ଡ଼ିଙ୍ଗକ୍ସେ କେକେ । ମେଁ ପିତରକେ ନିମାଣ୍ଡା କେକେ ଇଡ଼ିଙ୍ଗ ଆମେକେ ସାମୁଆଁରେ ବାସଙ୍ଗକେ, “ନାଁ ଡ଼ିଗ୍ ନାଜରିତୀୟ ଜିସୁ ଏତେ ନାଲେଗେ ।”

୨୮ ପିତର ମାତର ବାଃଲିରକେ, ଜେ ନେଙ୍ଗ ଅଃନାଡ଼ିଗ୍ ଜିସୁ ଏତେ ନାଲେଗେ ଶୁ । ମେଁ ବାସଙ୍ଗକେ, ଜେ’ “ପେ ଜାନେ ସାମୁଆଁ ବାସଙ୍ଗପେଡ଼ିଂକେ ଆତେନ୍ ନା ମ୍ୟାକେ ଶୁ ହୁଲଃ ବୁଜେ ନାୟାକେ ।” ଇଡ଼ିଙ୍ଗ ପିତର ଆତେନ୍ ଜାଗା ଆନ୍ତାରତେ ବାଜାର ବାଏରେ ପାକା ତାରଝେଗେ ।

୨୯ ଚାକରବଏଃ ମୁଇଙ୍ଗ ଆରି ପିତରକେ କେତେ ଆଡ଼ତାଗ୍ରା ତୁଆଁଲେଖକ୍ସେ ରେମୁଆଁଇଂକେ ବାସଙ୍ଗନେ ଲାଗେକେ ଜେ “ଆକେନ୍ ରେମୁଆଁ ମୁଇଙ୍ଗ ମେଇଂନେ ବିତ୍ରେବାନ୍ ମୁଇଂଜା ।” ୩୦ ଆରି ମୁଇଙ୍ଗ ତର ପିତର ବାଲିରକେ ଜେ “ଆକେନ୍ ସାମୁଆଁ ସଡ଼ ଶୁ । ଉଡ଼ିବେଲା ଆଡ଼ତାଗ୍ରା ତୁଆଁଲେଖକ୍ସେ ରେମୁଆଁଇଙ୍ଗ ପିତରକେ ସାଲିଆକୁ ଆରକେ ଡ଼ିଲାଡ଼ିଗ୍ ନା ମେଇଙ୍ଗ ବାନ୍ ମୁଇଂଜା । ମାତର ନା ଡ଼ିଗ୍ ଗାଲିଲାବାନ୍ ପାଇଁନାଲେକେ ।”

୩୧ ଇଡ଼ିଙ୍ଗ ପିତର ଅବିସାପ୍ ବିନେ ଲାଗେକେ । ମେଁ ବୁଟତେ ବାଲିରକେ, “ନେଙ୍ଗ ପରମେସରନେ ମ୍ଲିରେ ପାରମାନ୍ ଡ଼ିଙ୍ଗତେ ବାସଙ୍ଗଡ଼ିଙ୍ଗକେ ଜେ’ ପେ ସାପାରେ ମୁଡ଼ି ରେମୁଆଁ ବିସୟରେ ବାସଙ୍ଗପେଡ଼ିଂକେ, ନେଙ୍ଗ ଆମେକେ ବିଲ୍‌କୁଲ୍ ନ୍ନାମ୍ୟାକେ ଶୁ ।”

୭୨ ଆତେନ୍ ଦାପ୍ରେ ମ୍ଭାର୍ତର୍ ଗିସେଙ୍ଗ୍ ସକେ ବାରି ପିତରକେ ମନେ ପଡ଼େକେ; ଜିସୁ ବାସଙ୍ଗ୍‌ବଗେ, “ଗିସେଙ୍ଗ୍ ମ୍ଭାର୍ତର୍ ସକ୍ଲେ ଇଡ଼ିଙ୍ଗ୍ ନାଁ ଆନେଙ୍ଗ୍ ଞିତର୍ ନାମ୍ୟାକେ ତାଗ୍‌ରେ ନାବାସଙ୍ଗ୍‌ଏ ।” ବାରି ମେଁ ଦୁକ୍ତିଂରେ ଗିଆସତେ ଅଃକେ ।

୧୫

ସାସନ୍ ତିଙ୍ଗ୍‌ଶ୍ଟେ ଇଃସାଙ୍ଗ୍ ପିଲାତ ଜିସୁକେ ପ୍ରସନ୍ ସାଲିଆକୁକେ
(ମାତିଡ ୨୭:୧-୨; ୧୧:୧୪; ଲୁକ୍ ୨୩:୧-୫; ଜହନ୍ ୧୮:୨୮-୩୮)

୧ ତାରାଃକ୍ଲେ ଦାପ୍‌ଡେ ମ୍ଭା ପୁଜାରି ଦର୍ମ ନେତାଇଂ ଜିଉଦି ନେତାଇଙ୍ଗ୍ ଆରି ଦରମ୍‌ଶ୍ଟେ ସାପାରେ ଜିଉଦି ମ୍ଭା କୁକପାରିନ୍ନିଆ ଜିସୁନେ ଆଡ଼ାତ୍ରା ମେଁ ବିଚାର୍ ତିଙ୍ଗ୍‌ଆରକେ ଆତେନ୍ ଏତେକେ । ମେଇଙ୍ଗ୍ ଜିସୁକେ ଗାଗ୍‌ରେ ସାସନ୍ ତିଂଶ୍ଟେ ପିଲାତ ତାଗ୍ରା ତୁଂଖେଗେ ଆରି ମେଁନେ ଚ୍ଚିନ୍ନିଆ ଆସା ବିଃଆରକେ । ୨ ପିଲାତ ଜିସୁକେ ସାଲିଆକୁକେ, “ନା ମେଁନେ ଯୀହୁଦୀଇଂନେ ଇଃସାଙ୍ଗ୍ ?” ଜିସୁ ଉତର୍ ବିକେ, “ନା ମେଁ ନାବାସଙ୍ଗ୍‌କେ ଆତେନ୍ ସଡ଼ ।”

୩ ମ୍ଭା ପୁଜାରିଇଂ ଗୁଲୁଏ ସାମୁଆଁନ୍ନିଆ ଜିସୁକେ ଦସ୍ ସାଡ଼ିଙ୍ଗ୍‌ଆକେ । ୪ ପିଲାତ ଆରି ମୁଇଙ୍ଗ୍‌ତର୍ ଜିସୁକେ ସାଲ୍ୟାଃକୁକେ, “ନାଁନେ ମେଁ ତିଗ୍ ଦସ୍ ଶ୍ଟୁ ? କେଲା ମେଇଙ୍ଗ୍ ଆଁନାକେ ଗୁଲେ ସାମୁଆଁନ୍ନିଆ ଦସିଆଡ଼ିଙ୍ଗ୍ ଆରତିଂକେ ।”

* ତେଲୀଡିଗ୍ ଜିସୁ ମେଃଡିଗ୍ ଉତର୍ ଆବିକେ ଶ୍ଟୁ । ତେଲା ପିଲାତ ଜବର୍ ଇରିଆଃତୁଗ୍ ତିଙ୍ଗ୍‌ଖେଗେ ।

ପିଲାତ ଜିସୁକେ ବାଗୁଏଃ ନ୍‌ସା ବିକେ

(ମାତିଡ ୨୭:୧୫-୨୬; ଲୁକ୍ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୬ ସାପା ମୁଆଁ ନିସ୍ତାର ପାଶ୍ଟୁ ବେଲା ସାସନ୍ ତିଂଶ୍ଟେ ମୁଇଂଜା ବନ୍ଦିକେ ବନ୍ଦି ତୁଆବାନ୍ ଆନ୍ତାର୍ ମ୍ୟାଆରକେ ଆଣ୍ଡିନେ ବନ୍ଦିକେ ଆନ୍ତାରନେସା ରେମୁଆଁଇଂ ଇକ୍‌ଚା ତିଙ୍ଗ୍‌ଏ ତେଲା ଆତେନ୍ ବନ୍ଦିରେକେ ସାସନ୍ ତିଙ୍ଗ୍‌ଶ୍ଟେ ଆନ୍ତାରବିଏ । ୭ ଆତେନ୍‌ବେଲା ବନ୍ଦି ତୁଆବାନ୍ ବାରବବା ମ୍ଭିକ୍ଲେ ମୁଇଂ ରେମୁଆଁ ବିରଦିଇଂଏତେ ବନ୍ଦି ତିଂଲ୍ୟାଏଗେ । ଆକେନ୍ ବିରଦିଇଂ ମୁଇଙ୍ଗ୍ ସର୍କାରନେ ବିରଦରେ

ମୁଁ ଇଚ୍ଛା କରୁଛି ଯେ ଯେ ତୁମ୍ଭଙ୍କୁ ଚିହ୍ନିବେ । ୮ ରେମୁଆଁଙ୍କ ପିଲାତ ଡାଗା ପାଇଁ ଆରକେ ଆରି ଆମେକେ ବାସଙ୍ଗ ଆରକେ ଜେ କାଲାଆଃ ସାପା ବରସ୍ ରକମ୍ ଏନ୍‌ପାରେ ତିର୍ ମେଇଁନ୍‌ସା ମୁଇଁ ବନ୍ଦିକେ ଆତାର୍‌ବିତିଂଗେ । ୯ ପିଲାତ ରେମୁଆଁଙ୍କେ ସାଲିଆକୁକେ, “ପେ ସାପାରେ ମେଁ କେ ପେତିଂକେ ଜେ ନେଙ୍ଗ୍ ପେ ସାପାରେନ୍‌ସା ଜିଉଦିଇଁନେ ଇଃସାଙ୍ଗକେ ଆନ୍ତାର୍‌ବିଏ ?” ୧୦ ପିଲାତ ଆକେନ୍ ସାମୁଆଁ ବାସଙ୍ଗନେ ମେଃନ୍‌ସା ତାଗ୍ଲା ମେଁ ମ୍ୟାଲେକେ ଜେ ମ୍ଲାନେ ପୁଜାରିଇଁ ଆଁକାର୍ ତିଙ୍ଗ୍‌ରେ ଜିସୁକେ ମେଁନେ ତ୍ରି ନ୍ନିଆ ସର୍‌ପେବିଃ ଆରକେ ।

୧୧ ମାତର୍ ମ୍ଲା ପୁଜାରିଇଁ ରେମୁଆଁଙ୍କେ ବାସଙ୍ଗ୍ ଜେ ମେଇଙ୍ଗ୍ ପାଲାତକେ ବାସଙ୍ଗ୍‌ଲେ ବାରବ୍‌ବାକେ ଆନ୍ତାର୍‌ବିଲେ ମାତର୍ ଜିସୁକେ ଶୁ । ୧୨ ପିଲାତ ରେମୁଆଁଙ୍କେ ଆରି ମୁଇଁତର୍ ସାଲ୍ୟାଃକୁକେ, “ପେ ଆଜାକେ ଜିଉଦିଇଁନେ ଇଃସାଙ୍ଗ୍ ତାଗ୍‌ରେ ବାସଙ୍ଗ୍‌ପେତିଂ ନେଙ୍ଗ୍ ମେଁ ଆଡାତ୍ରା ମେଁ ତିଙ୍ଗ୍‌ନ୍‌ସା ପେ ଚାଏଁପେତିଂକେ ?”

୧୩ ରେମୁଆଁଙ୍କ କିରତେ ବାସଙ୍ଗ୍‌ଆରକେ, “ଜିସୁକେ କୁରୁସ୍‌ନ୍ନିଆ ଆଡେତେ ବାଗୁଏପା ।”

୧୪ ପିଲାତ ସାଲ୍ୟାଃକୁକେ ମେଃନ୍‌ସା ? ମେଁ ଦେକ୍‌ରକମ୍ ମେଁନେ ଦସ୍ ତିଂବକେ ? ମାତର୍ ରେମୁଆଁଙ୍କ୍ ମାଲେ କିରତେ ବାସଙ୍ଗ୍‌ଆରକେ, “ଆମେକେ କୁରୁସ୍‌ନ୍ନିଆ ଆଡେପା ।”

୧୫ ପିଲାତ ରେମୁଆଁଙ୍କେ ସାଦା ଆଡିଙ୍ଗ୍‌ନ୍‌ସା ଇକ୍‌ତା ତିଙ୍ଗ୍‌କେ ତେଲା ମେଁ ମେଇଁନ୍‌ସା ବାରବ୍‌ବାକେ ଆନ୍ତାର୍‌ବିକେ ଆରି ଜିସୁକେ କରୁତା ଏତେ ବଗ୍‌ନ୍‌ସା ସନ୍‌ସାଙ୍ଗ୍‌କେ ବାସଙ୍ଗ୍‌ବିକେ । ଇଡିଙ୍ଗ୍ ମେଁ ଜିସୁକେ କୁରୁସ୍‌ନ୍ନିଆ ଆଡେତେ ବାଗୁଏଃ ବିଃନ୍‌ସା ଆମେକେ ସନ୍‌ସାଙ୍ଗ୍ ତ୍ରିନିଆ ବିଃ ଜଗ୍‌ଲ୍‌ଗ୍‌କେ ।

ସନ୍‌ସାଙ୍ଗ୍ ଜିସୁକେ ଆଗ୍ୟାସ ବିଆରକେ

(ମାତିଉ ୨୭:୨୭-୩୧; ଜହନ୍ ୧୯:୨-୩)

୧୬ ସନ୍‌ସାଙ୍ଗ୍ ଜିସୁକେ ପିଲାତନେ ତୁଆ ବିତ୍ତେ ତୁଂଖେରେ । ମେଇଙ୍ଗ୍ ବିନ୍ ସନ୍‌ସାଙ୍ଗ୍‌କେ ମୁଇଁନ୍‌ନିଆ ଝାଆରକେ । ୧୭ ସନ୍‌ସାଙ୍ଗ୍ ଜିସୁକେ କଡେଆଁ ରକମ୍ ନ୍‌ହେ ପାଟାଲ ଆସାଃଆରକେ ଆରକେ

। ମେଇଙ୍କ ମୁଇଁ ଗ୍ରେଷ୍ଟନେ ସାଜ ଆଃରେଚେ ମେଁନେ ବାଆଃନ୍ନିଆ ଆସଃବି ଆରକେ ।^{୧୮} ଏ ଯିହୁଦିଇଁନେ ଇସାଙ୍କ ଆନାକେ “ନମସ୍କାର, ଡେକ୍ ରକମ୍ ବାସଙ୍ଗଚେ ମେଇଙ୍କ୍ ଲୁଆ ଆରକେ ।^{୧୯} ସନ୍ୟଇଙ୍କ୍ ଜିସୁନେ ବାଆଃନ୍ନିଆ ତୁତୁ ଏତେ ବଗ୍‌ଆକେ । ମେଁ ଆଡ଼ାତ୍ରା ବିଃଡୁର୍ ବିଆରକେ । ଏଃଲ୍ୟାଚେ ଆରି ଡେଙ୍ଗଚେ ଆମେକେ ସାର୍ଲ ଆରକେ ।^{୨୦} ଇଙ୍କ୍‌ଚେ ଆଃଡାଚେ ମେଇଙ୍କ୍ ଜିସୁନେ ଗାଗ୍‌ଡେବାନ୍ କଃଡେଆଁ ରକମ୍ ପାଟାଇ ଡବିଚେ ଆରି ଆମେକେ ମେଁନେ ନିଜର୍ ସକା ଆସଃଆରକେ । ଇଡିଙ୍ଗ୍ ମେଇଙ୍କ୍ ଜିସୁକେ କୁରୁସ୍‌ନ୍ନିଆ ଆଡେଚେ ବାଗୁଏଃ ନସା ତୁଆ ବାଏରେ ତୁଂଝେଏ ଆରଗେ ।

କୁରୁସ୍ ଆଡ଼ାତ୍ରା ଜିସୁକେ ବାଗୁଏଃଆରକେ

(ମାତିଉ ୨୭:୩୨-୪୪; ଲୁକ୍ ୨୩:୨୭-୪୩; ଜହନ୍ ୧୯:୧୭-୨୭)

^{୧୯} ଆଡେନ୍ ବେଲା ମୁଇଁଜା କୁରୁଣୀ ରେମୁଆଁ ଶିମୋନ୍ ତାଆଁ ଇନିବାନ୍ ପାଙ୍ଗଚେ ଆନ୍ତପାକା ଝେଡିଙ୍ଗ୍‌ଗେ । ମେଁ ଆଲେକ୍‌ଜାଣ୍ଡାର୍ ନେ ଆରି ରୁଫ୍‌ସନେ ଆବାଡେ ଲେଃଗେ । ସନ୍ୟଇଙ୍କ୍ ଜିସୁନ୍‌ସା କୁରୁସ୍ ତୁଙ୍ଗ୍‌ଝେନ୍‌ସା ଆମେକେ ଜବର୍‌ଜସ୍ତି ଡିଙ୍ଗ୍‌ଆକେ ।^{୨୨} ଇଡିଙ୍ଗ୍ ଜିସୁକେ ଗଲ୍‌ଗଥା ମିନ୍‌କ୍ ଟାନ୍‌ଅରିଆ ତୁଂଝେଆରକେ । ଗଲ୍‌ଗଥା ଅରତ ଡିଙ୍ଗ୍‌ଡିଲେ କାପାଲ୍ ଜାଗା ^{୨୩} ଆଡ଼ଅରିଆ ମେଇଁ ଜିସୁକେ ବାସ୍ମାରସ୍ ମିସେକ୍‌କ୍ ଅଙ୍ଗୁର୍ ରସ୍ ଉଗ୍‌ନେସା ବିଆରକେ । ମାତର୍ ଜିସୁ ଆଡେନ୍ ଆଉଗ୍‌କେ ଶୁ ।^{୨୪} ଏନ୍ ଇଡିଙ୍ଗ୍ ମେଇଁ ଜିସୁକେ କୁରୁସ୍ ଅରିଆ କୁଟି ଡାଚେ ଆଃଗୁଏଃଆରକେ ବାରି ଲେଟ୍‌ରିକ୍ କ୍ଲାଗ୍‌ଚେ ମେଁନେ ପାଟାଇ ସାପା ନିଜର୍ ନିଜର୍ ବିଡ୍ରେ ବାଟା ଆରକେ ।^{୨୫} ଜିସୁକେ କୁରୁସ୍‌ନ୍ନିଆ କୁଟି ଡାଃନେ ବେଲା ଝିର୍ ନ'ଟା ଡିଙ୍ଗ୍‌ଲେଗେ ।^{୨୬} ଜିସୁକେ ଆଁକାର୍‌ଡିଂ‌ଶ୍ଟେରେ ମୁଇଙ୍କ୍ ଦାବି ଉଲିଆଃ ଆଡ଼ାତ୍ରା ଗୁଆର୍ ବଆରଗେ, “ଏ ଜିଉଦିଇଁନେ ଇଃସାଙ୍କ୍ ଜିସୁ ।”^{୨୭} ଜିସୁ ଏତେ ଆରି ମ୍ଲାୟା ଡଙ୍ଗାରେକେ ଡିଗ୍ ମେଇଙ୍କ୍ କୁରୁସ୍ ଆଡ଼ାତ୍ରା ଆଡେଆରକେ । ମୁଇଙ୍କ୍‌ଜାକେ ମେଁଇଙ୍କ୍‌ନେ ବେସ୍ୟାଃ ପାକା ଆରି ମୁଇଙ୍କ୍‌ଜାକେ ଝଙ୍ଗି ପାକା କୁରୁସ୍ ଅରିଆ ଆଗୁଏଆରକେ ।

୨୮ ଆଡ଼ଅରିଆ ଦରମ୍ ସାସ୍ତ୍ରରେ ଆକେନ୍ ସାମୁଆଁ ସମାନ୍ ତିଙ୍ଗକେ * ମେଁ ଅଧର୍ମଇଂନେଏତେ ଇସାବ୍ ତିଙ୍ଗକେ ।

୨୯ ଆନ୍ତ ପାକା ଝେଡ଼ିଙ୍ଗକେ ରେମୁଆଁଇଂ ବାଆଃ ଆଝେରେ ଅପମାନ୍ ବିରେ ବାସଙ୍ଗଆରକେ, “ଅଁ, ମନ୍ଦିରକେ ପାକ୍ତିରେ ଜିରିସି ଦିନା ବିତ୍ତେ ବାରି ଆରେଣ୍ଡେ । ୩୦ ଏବେ କୁରୁସ୍‌ବାନ୍ ଜାର୍‌ରେ ନିଜେକେ ରକ୍ୟା ତିଙ୍ଗ ।”

୩୧ ମ୍ମା ପୁଜାରି ଆରି ଦରମ୍‌ଣ୍ଡେଇଂ ତିଗ୍ ଆଡ଼ଅରିଆ ରିସିଙ୍ଗ ଲେଃଆରଗେ । ବିନ୍ ରେମୁଆଁଇଂ ଜିସୁକେ ତିରକମ୍ ଇଙ୍ଗରେ ତିଙ୍ଗଆରଗେ ମେଇଙ୍ଗ୍ ତିଗ୍ ଦେଡ଼ରକମ୍ ଜିସୁକେ ଇଙ୍ଗରେ ତିଙ୍ଗଆରଗେ । ମେଇଙ୍ଗ୍ ବାଲିରବାତା ତିଙ୍ଗ୍ ଆରଗେ, “ମେଁ ବିନ୍‌ରେକେ ରକ୍ୟା ତିଙ୍ଗ୍‌ତିଙ୍ଗ୍‌ରେ ମାତର୍ ଏବେ ମେଁ ନିଜକେ ରକ୍ୟା ତିଙ୍ଗ୍ ଆୟାକେ ଶୁ । ୩୨ ତାଗ୍ଲା ସତେଆ ମେଁ କିସ୍‌ଟ ଇଶ୍ଟାୟେଲନେ ଇଃସାଙ୍ଗ୍ ତେଲା ଜିଆ ଆତେନ୍ କୁରୁସ୍ ଆଡ଼ାତ୍ରା ବାନ୍ ବୁନ୍‌ଦେ ଜାର୍ ପାଙ୍ଗ୍‌ଲେଃ । ନିଜେକେ ରକ୍ୟା ତିଙ୍ଗ୍ ଲେଃ । ତେଲା ନେ ସାପାରେ ଆତେନ୍ ନେକେଏ ଆରି ଆମେକେ ସଡ଼ ନେମାନେଃଏ । ମୁଃଡ଼ି ରେମୁଆଁଇଂକେ ଜିସୁଏତେ କୁରୁସ୍ ଅରିଆ ବାଗୁଏଃ ଆରକେ ମେଇଙ୍ଗ୍ ତିଙ୍ଗ୍ ଜିସୁକେ ଇଙ୍ଗରେ ଆରକେ ।”

ଜିସୁ ଗୁଏଗେ ।

(ମାତିଉ ୨୭:୪୫-୫୬; ଲୁକ୍ ୨୩:୪୪-୪୯; ଜହନ୍ ୧୯:୨୮-୩୦)

୩୩ ସ୍ତି ମୁଣ୍ଡେବେଲା ସାପା ଇନି ଆଡ଼ାତ୍ରା ତାଂକିଗ୍ ତୁଂପାଙ୍ଗକେ । ଆକେନ୍ ତାଂକିଗ୍ ଞ୍ଜି ଗଣ୍ଡା ଜାକ ଲେଃଗେ । ୩୪ ଆତେନ୍ ବେଲା ଜିସୁ ଜବର୍ କିରରେ ବାସଙ୍ଗକେ, “ଏଲୋହୀ, ଏଲୋହୀ, ଲାମା ଶବକ୍‌ଆନୀ ।” ଏଲେଡିଗ୍ “ଏ ନେଙ୍ଗ୍‌ନେ ଇସ୍‌ପର୍ ଏ ନେଙ୍ଗ୍‌ନେ ଇସ୍‌ପର୍ ପେ ଆନେଙ୍ଗକେ ମେଁନ୍‌ସା ଆନ୍ତାର୍ ପେବିକେ ?”

୩୫ ଆଡ଼ଅରିଆ ତୁଆଁଲେଃକେ ଉଡ଼ିରୁଆ ଆକେନ୍ ସାମୁଆଁ ଅଁକେ । ମେଇଙ୍ଗ୍ ବାସଙ୍ଗକେ “ଅଁପା ମେଁ ଏଲୀୟାକେ ଝାଡ଼ିଂକେ ।” ୩୬ ଆଡ଼ଅରିଆ ମୁଇଙ୍ଗ୍ ରେମୁଆଁ ଝିର୍ ତୁଂଝେରେ ବିସେକ୍‌କେ ରସ୍ ଲାଃବଙ୍ଗକେ ମୁଇଙ୍ଗ୍ ପସ୍କା ତୁଙ୍ଗ୍‌ପାଙ୍ଗକେ । ପସ୍କାକେ ମୁଇଙ୍ଗ୍

* ୧୫:୨୮ ୧୫:୨୮ ଉଡ଼ି ବାଝିରକେ ଗୁଆରବକେ ଆକେନ୍ ସାମୁଆଁ ଗୁଆର୍ ବକେ ଶୁ ।

ତୁତୁନିଆ ଗାଗକେ । ଜିସୁ ପସକାବାନ୍ ବିସେକ୍ତେ ରସ୍ ଉଗ୍ ଡାଗ୍ତେ ଆତେନ୍ ତୁତୁନିଆ ପସକା ଗାଗବକ୍ତେ ତୁତୁକେ ମେଁନିଆ ଆକ୍ଟେ ବିକେ । ରେମୁଆଁ ବାସଙ୍ଗକେ, “ଲୀଃଲୀ ନେକେପା ଏଲୀୟ ଆକ୍ମେକେ କୁରୁସ୍ ଆଡାତ୍ରା ବାନ୍ ବୁଦେ ଆଃଜାରନ୍ସା ପାଙ୍ଗ୍ଡିଙ୍ଗ୍ଟେ ଶୁ ନେକେପା ।”

୩୭ ଇଡିଙ୍ଗ୍ ଜିସୁ ଜବର୍ ସାରତେ ଗୁଏଖେଗେ ।

୩୮ ଜିସୁ ଉଡିବେଲା ଗୁଏଖେଗେ ଆତେନ୍ ବେଲା ମନ୍ଦିରନେ ପବିତ୍ର ଗାନ୍ନିଆ ଲେଃକ୍ତେ ପାଟାଇ ଆଡାତ୍ରାବାନ୍ ବୁଦେଜାକ ବାରବାଗ୍ ଡିଙ୍ଗ୍ତେ ସ୍ୟାଃ ଖେଗେ । ୩୯ କୁରୁସ୍ ସେନୁଗ୍ ତୁଆଁ ଲେଃକ୍ତେ ମାଲ୍‌କୁଡି ସେନାପତିନେ ଆଡାତ୍ରାଲେକ୍ତେ ସେନାପତି ଜିସୁ ଡିରକମ୍ ଗୁଏକେ ଆତେନ୍ କେକେ । ମେଁ ବାଲିରକେ, “ସତେଆ ଆକେନ୍ ରେମୁଆଁ ଇସ୍ପରନେ ଉଙ୍ଗ୍ତେ ।”

୪୦ ଉଡି ସେଲାମ୍‌ସୁଇଂ କୁରୁସ୍‌ବାନ୍ ଉଡି ସ୍ତୁ ତୁଆଁତେ କିକେଡିକ୍ତେ । ମେଇଙ୍ଗ୍ ବିତ୍ତେ ମଗ୍‌ଦଲାନି ଇନିବାନ୍ ପାଙ୍ଗ୍ଲେକ୍ତେ ମରିୟମ୍ ଶଲୋମୀ ଜାକୁବ୍ ଆରି ଯୋସିନେ ଇୟାଙ୍ଗ୍ତେ ମରିୟମ୍ ଲେଃଗେ । ଜାକୁବ୍ ମରିୟମ୍‌ନେ ତାଆଁ ଗଡେଅ ଲେଃଗେ । ୪୧ ଆକେନ୍ ସେଲାମ୍‌ସୁଇଙ୍ଗ୍ ଜିସୁ ଗାଲିଲୀନିଆ ଲେଃକ୍ତେବେଲା ମେଁଏତେ ଲେଃଆରଗେ । ମେଇଙ୍ଗ୍ ମେଁନେ ସେବା ଡିଙ୍ଗ୍‌ଆରକେ । ବିନ୍‌ନେ ଉଡି ସେଲାମ୍‌ସୁ ଡିଗ୍ ଆଡ଼ଅରିଆ ଲେଃଆରଗେ । ମେଇଙ୍ଗ୍ ଜିସୁଏତେ ଯିରୁଶାଲୀମ୍ ପାଙ୍ଗ୍ଲେଃଆରଗେ ।

ଜିସୁକେ ଆଡି ବିଆରଗେ ।

(ମାଡିଉ ୨୭:୫୭-୬୧; ଲୁକ୍ ୨୩:୫୦-୫୬; ଜହନ୍ ୧୯:୩୮-୪୨)

୪୨ ଲମ୍‌ଡିଗ୍ ଡିଙ୍ଗ୍‌ଖେଲେଃଗେ । ଆକେନ୍ ଝି ଦିନାନେ ଆର୍ମେ ଦିନ୍ ଆରି ପୁଣ୍ଡେନେ ଦିନାନେ ସେନୁଗ୍ ଦିନ୍ ଲେଃଗେ । ୪୩ ଆରମାଥୁଆନେ ଜିଉଦି ଯୋସେଫ୍ ମ୍ବା ସବାନେ ମୁଇଂ ସନ୍‌ମାନ୍ ବିଣ୍ଡେ ଲେଃଗେ । ଆରି ମେଁ ପରମେସ୍‌ରନେ ରାଜି ପାଙ୍ଗ୍ଲେ ଡାଗ୍ତେ ଚାଏଁ ଡିଙ୍ଗେ । ମେଁ ସାହାସ୍ ସାରେ ପିଲାତ ଡାଗ୍ରା ଖେରେ ଜିସୁନେ ମଡ଼ା ସାଲିଆକେ । ୪୪ ଜିସୁ ଆତେନ୍ ଦାପ୍ତେ ଗୁଏଖେଗେ ଡାଗ୍ତେ ଅଁତେ ପୀଲାତ କାବା ଡିଙ୍ଗ୍‌ଖେଗେ । ମେଁ ଜିସୁକେ ଉର୍ଲେଃକ୍ତେ ସଡ଼ ସେନାପତିକେ ଝାକେ । ପିଲାତ ଆମେକେ ଜିସୁ ଗୁଏଗେ ଲେଃ

ଙ୍କାରେ ଡାଗରେ ସାଲିଆକୁକେ ।^{୪୫} ସେନାପତି ମୁଇଁଜା ଜିସୁ ଗୁଏଗେ ଡାଗରେ ବାସଙ୍ଗକେ । ଇଡ଼ିଙ୍ଗ ପୀଲାତ ଯୋସେଫକେ ବାସଙ୍ଗକେ, ଜେ ମେଁ ଜିସୁନେ ମଡ଼ା ହୁଙ୍ଗ ଝେୟାଏ ।^{୪୬} ଯୋସେଫ ଇକୁଡ଼ା ପାଟାଇ ବିଆରକେ । ଆତେନ୍ ମଡ଼ାକେ କୁରୁସ୍ ଆଡ଼ାଡ଼ାବାନ୍ ବୁନ୍ଦେ ଆଜାରକେ । ଆତେନ୍ ମଡ଼ାକେ ପାଟାଇ ଏତେ ନିମାଣ୍ଡା ଆକୁଇ ବିଃକେ ଆରି କଣ୍ଡାନେ କୁରୁ ଗଃବକ୍ଲେ ମୁଇଙ୍ଗ କୁରୁନ୍ନିଆ ଆମେକେ ବଆରଗେ । ମୁଇଙ୍ଗ ମ୍ନା ବ୍ରି ଆଗୁଣ୍ଡଲେ ହୁଁପାଙ୍ଗରେ କୁରୁନେ ସାମ୍ବୁଆଁ ଡାବିଃଗେ ।^{୪୭} ମଗ୍ଦଲୀନି ମରିୟମ୍ ଆରି ଯୋସିନେ ଇୟାଙ୍ଗଡେ ଜିସୁକେ ଆଣ୍ଡି ଅରିଆ ବଆରକେ ଆତେନ୍ ଜାଗା କେଆରକେ ।

୧୭

ଜିସୁ ଗୁଏଗେ ଆରି ମୁଇଙ୍ଗ ଡର୍ ଜିବନ୍ ପାଙ୍ଗକେ /
(ମାଡିଡ ୨୮:୧-୮; ଲୁକ୍ ୨୪:୧-୧୨; ଜହନ୍ ୨୦:୧-୧୦)

^୧ ପୁଣ୍ଡେନେ ଆରି ମୁଇଙ୍ଗ ଦିନା ମଗ୍ଦଲୀନି ମରିୟମ୍ ଜାକୁବ୍ ଇୟାଙ୍ଗଡେ ମରିୟମ୍ ଆରି ଶଲୋମି ଜିସୁନେ ଗାଗଡେ ହୁରୁନ୍ଦସା ଉଡ଼ି ବାସ୍ନାଚୁ ହୁଁପାଙ୍ଗକେ ।^୨ ମୁଇଁ ସାନ୍ତାନେ ପର୍ଡୁମ୍ ଦିନା ସ୍ତ୍ରୀ ତେଡାରକ୍ଲେ ଇଡ଼ିଙ୍ଗ ମେଇଙ୍ଗ ଆତି ବକ୍ଲେ ଅରିଆ ଝେଆରକେ ।^୩ ମେଇଙ୍ଗ ନିଜର୍ ନିଜର୍ ବିତ୍ରେ ବାଲିର୍ବାଡା ଆରକେ, “ଆତି ବକ୍ଲେ ସାମ୍ବୁଆଁ ନ୍ନିଆ ମୁଇଙ୍ଗ ମୁନା ବ୍ରି ଏତେ ଡାବିଃବଆରକେ । ବିକେ ନେନ୍ଦସା ଜା ଆଡ଼ବାନ୍ ଗୁରେବିଏ ?”^୪ ଇଡ଼ିଙ୍ଗ ମେଇଙ୍ଗ ଆନ୍ତ ପାକା କେଆରକେ । ମେଇଙ୍ଗ କେ ଆରକେ ଜେ ଆତେନ୍ ମ୍ନାବ୍ରିକେ ଆଡ଼ ବାନ୍ ଗୁରେ ବକେ ।^୫ ମେଇଙ୍ଗ ଆତି ବକ୍ଲେ ବିତ୍ରେ ଗାଆରକେ । ଆଡ଼ ଅରିଆ ମେଇଙ୍ଗ ହୁଲୁଏକ୍ଲେ ପାଟାଇ ସଃଲେକ୍ଲେ ମୁଇଁ ଙ୍ଗିରେକେ କେଆରକେ । ମେଁ ଆତି ବକ୍ଲେ ବେସ୍ୟା ପାକା କ ଲେଃଗେ । ମେଇଙ୍ଗ ବୁଟ ଝେଆରଗେ ।

^୬ ମାଡର୍ ଙ୍ଗିର୍ବଏ ବାସଙ୍ଗକେ, “ଆବ୍ଟଗେପା । ପେ ସାପାରେ କୁରୁସ୍ ଅରିଆ ଗୁଏକ୍ଲେ ନାଜରିତୀୟ ଜିସୁକେ ହୁରୁପେଡିଙ୍ଗକେ । ମେଁ ଗୁଏଗେ ଆରି ମୁଇଙ୍ଗ ଡର୍ ମ୍ନାଲେଃକେ । ମେଁ ଆକଅରିଆ ଶୁ । କେଲାପା ମେଇଙ୍ଗ ଆମେକେ ଆକେନ୍ ଜାଗାନ୍ନିଆ ବଆରଗେ ।

୭ ☆ ପ୍ରେମ୍ ଖେତେ ମେଁନେ ସିସ୍‌ଇଂକେ ଆରି ପିତରକେ ବାସଙ୍‌ପା
 ଜେ ପେ ସାପାରେନେ ସେନୁଗ୍ ଜିସୁ ଗାଲିଲୀପାକା ଖେ ତିଂକେ । ମେଁ
 ଆପେକେ ସେନୁଗ୍ ଡିରକମ୍ ବାସଙ୍‌ବଗେ ପେ ସାପାରେ ଆମେକେ
 ଦେକ୍‌ରକମ୍ ଆଡ଼ଅରିଆ ପେକେଏ ।”

୮ ଆତେନ୍ ସେଲୀମ୍‌ସୁଇଂ ବୁଟ ଖେଆରଗେ ଆରି ଇରିଆଡୁଗ୍‌ରେ
 କାବା ଡିଙ୍ଗ୍ ଖେଆରକେ । ମେଇଙ୍ଗ୍ ଜିସୁକେ ଆତିବକ୍ଲେ ବାନ୍
 ତାରତେ ଝିର୍ ଲାଗ୍‌ଡ଼ଆରକେ, ମାତର୍ ବୁଟ ଇରିଆଃ ଖେ ଲେଃଲୀ,
 ଆକେନ୍ ସାପା ଗଟେକ୍ଲେ ସଡ଼ ସାମୁଆଁ ଆଜାକେ ଡିଗ୍ ଆବାସଙ୍‌କେ
 ଶୁ ।

ଜିସୁ ଉଡ଼ିଲ୍ଲିଗ୍ ସିସ୍‌ଇଙ୍ଗ୍ କିକେ ଦର୍ସନ୍ ବିକେ

(ମାତିଉ ୨୮:୯-୧୦; ଜହନ୍ ୨୦:୧୧-୧୮)

୯ ମୁଇଙ୍ଗ୍ ସାନ୍ତାନେ ସାନ୍ତା କେଲା ଝିର୍ ଜିସୁ ଗୁଏକ୍ଲେ ବାନ୍
 ବାର୍‌ମୁଇଂତର୍ ଜିବନ୍ ତିଂକେ । ସେନୁଗ୍ ମେଁ ମଗ୍‌ଦଲୀନି
 ମରିୟମ୍‌ନେ ତାଗ୍ରା ନିଜେନେ ସାମୁଆଁ ଆକେକେ । ମୁଇଙ୍ଗ୍ ତର୍ ଜିସୁ
 ଆକେନ୍ ମରିୟମ୍‌ବାନ୍ ଗୁଲ୍ଲିଗ୍ ଗଲିଆକେ ନୁଆଁବଗେ । ୧୦ ମରିୟମ୍
 ଜିସୁକେ କେକ୍ଲେ ଇଡ଼ିଙ୍ଗ୍ ମେଇଙ୍ଗ୍‌ନେ ସିସ୍‌ଇଙ୍ଗ୍ ତାଗ୍ରା ଖେତେ
 ଆକେନ୍ ସାମୁଆଁ ବାସଙ୍‌କେ । ଆତେନ୍ ବେଲା ସିସ୍‌ଇଙ୍ଗ୍ ଦୁକ୍ ଚିନ୍ତା
 ତିଂରେ ଅଁ ଡିଙ୍ଗ୍ ଆରକେ । ୧୧ ମରିୟମ୍ ଆମେଇଂକେ ବାସଙ୍‌କେ,
 ଜେ ଜିସୁ ମ୍‌ଲେଃକେ ଆରି ମେଁ ନିଜେ ଜିସୁକେ କେଲେଃକେ ।
 ମାତର୍ ସିସ୍‌ଇଙ୍ଗ୍ ମେଇଙ୍ଗ୍‌ନେ ସାମୁଆଁ ଅବିସ୍‌ବାସ୍ ତିଂଆରକେ ।

୧୨ ଆକେନ୍ ଇଡ଼ିଙ୍ଗ୍ ମ୍‌ୟା ସିସ୍‌ଇଙ୍ଗ୍ ଯିରୁଶାଲମ୍ ଖେନେ ବେଲା
 ଜିସୁ ମେଙ୍ଗ୍ ତାଗ୍ରା ବିନ୍‌ନେ ସାମୁଆଁ ଆସୁଏକେ । ୧୩ ଆକେନ୍
 ସିସ୍ ମ୍‌ୟା ଆଣ୍ଟେରେ ଆରି ବିନ୍ ସିସ୍‌ଇଙ୍ଗ୍‌କେ ଆକେନ୍ ସାମୁଆଁ
 ବାଲିରକେ । ତେଲା ଡିଗ୍ ସିସ୍‌ଇଙ୍ଗ୍ ମେଙ୍ଗ୍ ସାମୁଆଁକେ ସଡ଼ ଆମାନେ
 ଆରକେ ଶୁ ।

ପ୍ରେରିଡ଼ଇଂ ଏତେ ଜିସୁନେ ବାଲିର୍‌ବାତା

(ମାତିଉ ୨୮:୧୭-୨୦; ଲୁକ୍ ୨୪:୩୭-୪୯; ଜହନ୍ ୨୦:୧୯-୨୩;

ପ୍ରେରିଡ଼ ୧:୭-୮)

☆ ୧୭:୭ ୧୭:୭ ମାତିଉ ୨୭:୩୨; ମାର୍ଚ୍ଚ ୧୪:୨୮.

୧୪ ଇଡ଼ିଙ୍ଗ ଉଡ଼ିବେଲା ଗମୁଇଁ ପ୍ରେରିଡ଼ ଉଗ୍ରଙ୍ଗ ଆରଡ଼ିଂକେ, ଅଃତେନ୍ ବେଲା ଜିସୁ ଆମେଇଂକେ ଦର୍ସନ୍ ବିଃକେ । ମେଁ ଆମେଇଂକେ ମେଇଂନେ ସଡ଼ ଆମାନେଃକ୍ଲେ ଆରି ମନ୍ନିଆ ବୁଟ ନ୍‌ସା ବିସୟରେ ବାଲିର୍‌ବାତା ଡିଙ୍ଗିଆରଡ଼ିଂଗେ । ତାଗ୍‌ଲା ଜାଣ୍ଡେଇଁ ଜିସୁକେ ଗୁଏରେ ଆରମୁଇଂଡର୍ ମୁଁ ଲେଃକେ ତାଗ୍‌ରେ କେଲେଃଆରଗେ, ଆମେଇଂକେ ଆକେନ୍ ସିସ୍‌ଇଙ୍ଗ ବିସ୍‌ବାସ୍ ଡିଙ୍ଗି ଆଲେଃ ଆରଗେ ଶୁ । ୧୫ ✱ବାରି ଜିସୁ ବାସଙ୍ଗକେ, “ସାପା ମଞ୍ଚପୁରନ୍ନିଆ ଝେରେ ନେଙ୍ଗନେ ଏନ୍ ନିମାଣ୍ଡାସାମୁଆଁ ସାପାରେନେ ତାଗ୍ରା ବାସଙ୍ଗପା । ୧୬ ମୁଡ଼ି ରେମୁଆଁଇଙ୍ଗ ବିସ୍‌ବାସ୍ ଡିଙ୍ଗିରେ ଦିକ୍ୟା ରାଙ୍ଗଡ଼ଆରଏ, ମେଁଇଁ ରକ୍ୟା ବାଆରଏ । ମାତର୍ ମୁଡ଼ି ରେମୁଆଁ ଅବିସ୍‌ବାସ୍ ଡିଙ୍ଗିଏ, ଆମେକେ ଇସ୍‌ପର୍ ମାଲେ କସ୍‌ଟ ବିଏ । ୧୭ ଆରି ବିସ୍‌ବାସିଇଙ୍ଗକେ ଆକେନ୍ ସାପା ଚିନା ନ୍‌ଏ ମେଇଙ୍ଗ ନେଙ୍ଗ ମ୍ପିରେ ଗଲିଆ ଆଡ୍ରା ବିଆରଏ ମ୍ପି ମ୍ପିନେ ବାସାରେ ବାଲିର୍ ଆରଏ । ୧୮ ମେଇଙ୍ଗ ନିଜେନେ ଛି ଅରିଆ ବୁବଃ ସାଃଆରଏ ମାତର୍ ଆମେଇଂକେ ମେଃଡିଗ୍ ଆଡିଙ୍ଗ ଶୁ । ମେଇଙ୍ଗ ବିସ୍ ଡିଗ୍ ଉଗ୍ରଆରଏ ମାତର୍ ଆମେଇଂକେ ମେଃଡିଗ୍ ଆଡିଙ୍ଗ ଶୁ । ଆକେନ୍ ରେମୁଆଁଇଁ ରଗ୍ ଆଡ୍ରା ଛି ବଆରଏ ଆରି ରଗ୍ ସାଃଲେଃକ୍ଲେ ରେମୁଆଁଇଁ ନିମାଣ୍ଡା ଡିଙ୍ଗିଆରଏ ।”

ଜିସୁ ଆଡ୍ରା ଝେରେ /
(ଲୁକ୍ ୨୪:୫୦-୫୩; ପ୍ରେରିଡ଼ ୧:୯-୧୧)

୧୯ ମାପରୁ ଜିସୁ ଆକେନ୍ ସାପା ସାମୁଆଁ ପ୍ରେରିଡ଼ଇଂକେ ବାସଙ୍ଗ ଆଃଡାକ୍ଲେ ଇଡ଼ିଙ୍ଗ ଆମେକେ କିତଙ୍ଗ ଇନି ତୁଂଝେଆରକେ ଆରି ପରମେସର୍‌ନେ ଞ୍ଚଙ୍ଗଡି ପାକା କଏ । ୨୦ ଏନ୍ ଇଡ଼ିଙ୍ଗ ପ୍ରେରିଡ଼ଇଂ ମଞ୍ଚପୁରନେ ସାପାଜାଗାନ୍ନିଆ ଝେରେ ରେମୁଆଁଇଂକେ ନିମାଣ୍ଡା ସାମୁଆଁ ବାସଙ୍ଗ ବିଆରକେ ଆରି ମାପୁ ଆମେଇଂକେ ସାଇଜ ଡିଂକେ । ମାପୁ ପାରମାନ୍ ଡିଙ୍ଗିରେ ବାସଙ୍ଗକେ ଜେ ପ୍ରେରିଡ଼ଇଂ ଆଣ୍ଡିନେ ନିମାଣ୍ଡା

✱ ୧୭:୧୫ ୧୭:୧୫ ପ୍ରେରିଡ଼ ୧:୮.

ସାମୁଆଁ ବାସଙ୍ଗବକେ ଆଡେନ୍ ସଡ଼ । ମାପୁ ଆମେଇଂକେ ଇରିଆଡୁଗ୍
କାମ୍ ଡିଙ୍ଗନ୍‌ସା ବପୁ ବିଚେ ଆକେନ୍ ପାର୍‌ମାନ୍ ଡିଙ୍ଗ ବିକେ । *

* **୧୭:୨୦** ୧୭:୨୦ ଉଡ଼ିଲିଗ୍ ବାଞ୍ଜିର୍ ଗୁଆର୍ ବକ୍ସେ ମାର୍ଚ୍ଚ ୧୭ ଅଦ୍ୟାୟ ୯ ବାନ୍ ୨୦ ଜାକ
ଗୁଆର୍ ଆବକେ ଶୁ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯୀଶୁ ମାତ୍‌ରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c